





- MAG 4612









# DILUCIDATIO PRIVILEGIORUM ORDINUM REGULARIUM PRÆSERTIM MENDICANTIUM,

U B I

Privilegia in communi, & alia complura in particulari clarè recensentur;  
sed præcipuè facultates Superiorum Generalium, Provincialium,  
Localium, Concionatorum, Confessariorum Regularium,  
& Sæcularium, etiam Mönialium,

*Tam quoad absolvendum eosdem Regulares, & Sæculares à Censuris,  
& Peccatis, quam quoad dispensandum cum utrisque respectivè super  
Votis, Irregularitatibus, & pœnis Canonicis, juxta Sacros  
Canones, Summ. Pontificum, ac SS. Congregationum Decreta  
facilliori Methodo enucleantur.*

COLLECTA, ET CONCINNATA

P E R

P. FR. DIDACUM AB. ARAGONIA

*Ordinis Minorum Strictioris Observantiae, Almæ Provinciae Romanae  
olim Ministrum Provinciale.*

OPUS

Regularibus perutile, ac necessarium.

*Eminentissimo, ac Rmō Principi D. D.*

CARDINALI PORTOCARRERO

DICATUM.



ROMÆ M.DCC.L.

In Typographia S. Michaelis, Sumptibus Octavii Puccinelli.

SUPERIORUM FACULTATE.

THE UNIVERSITY OF  
CHICAGO  
LIBRARY  
540 EAST 57TH STREET  
CHICAGO, ILL. 60637

THE UNIVERSITY OF CHICAGO  
LIBRARY  
540 EAST 57TH STREET  
CHICAGO, ILL. 60637



Erño , ac Rño Principi

# D. D. JOACHIMO PORTOCARRERO

S. R. E. Cardinali amplissimo

*Ordinis Militaris S. Joannis Hierosolymitani  
Magna Cruce insignito,*

Hispaniarum Protectori Vigilantissimo, nec non apud S. Sedem  
Apostolicam pro Catholico Rege Ministro Plenipotentiario.

FR. DIDACUS AB ARAGONIA  
*Æternam felicitatem,*



*Bi primum , Eminentissime  
Princeps, hanc privilegio-  
rum dilucidationem ex Supe-  
riorum meorum obedientia  
confeci , quis ejusdem futurus  
esset Patronus , diu mihi non  
fuit inquirendum , Tu confestim occurristi  
dignissimus , à quo tanta semper benignitate*

sum amplexus, ut Te mihi Patronum esse in omnibus Summum honorem existimem. Parva profecto res est, quam Tibi offero, veruntamen præ innata Tua benignitate, & clementia parva non despicis, parva suscipis, & parva respicere non dedignaris, cum magnus sis Genere, Purpuraque clarissimus, qui tantæ Dignitatis fastigium peculiari sustines Vigilantia, ac labore, non solum pro Ecclesia universali, verum etiam pro Nostro Potentissimo, & Catholico Hispaniarum, Indiarumque Monarcha, per quem providentiæ Tuæ apud S. Sedem Apostolicam est negotiorum pondus, munerumque attributum, quo integerrimè omnium plausu, prudentia singulari, ac dexteritate fungeris; quemadmodum olim in regendis utriusque Siciliæ populis Proregis munus omnibus numeris explevisti.

Perperam igitur me laborasse existimarem, si huic meo Libello alium quam Te  
ado.

*adoptassem Patronum, cujus inchoyæ Familiæ antiquitatem, illustrium Heroum numerum fermè innumerum, Atavorum seriem celeberrimam Orbis totus agnoscit, itaut si præclara vellem Stemmata recensere Tuorum, magna mihi essent texenda Volumina. Paucis agam: ex progenie nobilissima Portocarrero Regiarum Familiarum affinitatibus conjuncta, Excellentissimorum Palmæ Comitum, Almenaræ aliarumque plurium ditionum Marchionum Hispaniæ Magnatum primæ Classis Stirps Tua limpidissimio est fonte traducta, quæ genuit, deditque Ecclesiæ, atque Militiæ Heroes præclarissimos. Sileo, Eme Princeps, cæteras plures animi dotes, virtutesque eximias, quibus singulari Dei providentia ad Ecclesiæ Universalis, multorumque utilitatem præditus es, ne tuam incomparabilem modestiam offendere videar. Accipe ergo, & fove, Eme Domine, hoc quaecunque est bonæ voluntatis*

*tis officium, exiguum quidem, ex magnotamen tibi obsequendi desiderio profectum; Quamobrem, Princeps Eme, monumenta hæc meæ in Te observantiæ, & venerationis ergo Tibi dicata, pro Tua singulari benignitate humaniter tueri, ac patrocinio Tuo munire non dedigneris. Vale, Eme Princeps, Tibique Deus Optimus augmentum gratiæ suæ concedere dignetur, æternamque Felicitatem largiatur.*

*Romæ apud S. Franciscum Translyberim die 22. Augusti 1749.*

*Eminentia Vestra*

*Humill. & Addictissimus Servus*  
Fr. Didacus ab Aragonia.

LE.

## LECTORI BENEVOLO.



Um de privilegiis , & facultatibus Superiorum , Concionatorum , & Confessariorum Regularium , præsertim Mendicantium, atque de aliis plurimis Religiosorum in hac dilucidatione tractandum sit ; opræpretium duxi , privilegiorum in communi communes regulas à probatis D.D. traditas , breviter prius explanare ; & licet hujusmodi Dilucidatio Privilegiorum ob eorum vastitatem , revocationes , novasque concessionis diversis Institutis à Summis Pontificibus factas , opus reverà his temporibus perdifficile sit ; nihilominus tamen utilitas non modica , quam asserre poterit , ab opere , & labore desistere non finit , idcirco ad eorum commune commodum inter densas tenebras omni possibili claritate , ea , quæ in suo robore , vel revocata sunt , videlicet certa ab incertis segregantur . Unusquisque verò inquirat , & consulat suæ Religionis privilegia peculiaris , cum in hoc opusculo Privilegia omnia referre impossibile sit . Quod si quid in eo improbandum Lectori occurrat , oro , ut benignè corrigat , si verò utile , aut commodum reperiatur , illud D.O.M. adscribat ; Omnia autem S.R.E. Censuræ libens subiicio ,

## APPROBATIONES ORDINIS.

**L**ibrum quemdam unico volumine contentum mihi examinandum jussu Reverendissimi P. totius Ordinis Seraphici Ministri Generalis traditum, attente illustravi, cui titulus: *Dilucidatio privilegiorum Ordinum Regularium, præsertim Mendicantium*, collecta, & concinnata ab Adm. R. P. Didaco ab Aragonia Provincie Reformatæ Romanæ Lectore Theologo, ex Ministro Provinciali, & in Sacrosancta Lateranensi Basilica olim Pœnitentiario Apostolico. Cum igitur volumen hujusmodi exacte perpenderim, nihil penitus in eo inveni censura dignum, cum omnia eruditus author ad normam Ecclesiasticæ, fundatæque doctrinæ, Sacrorum Canonum hærens decretis docuerit, quorum hæc modicam profuit notitiam, nihil fidei dogmatibus, aut morali disciplinæ, præbet dissonum. Utilissimam vero exhibet privilegiorum, quæ Regularibus à Sede Apostolica, sunt concessa, cognitionem, eorumdemque explanationem, ea quæ adhuc vim, usumque retinent ab aliis, quæ revocata jam sunt, accurate, doctæque s. ceruentem. Quapropter opus hoc luce publica dignum censeo, utpote Regularibus familiis opportunum, & commodum valde, ut in anfractibus quotidie contingentibus, quid vera possint, aut non possint Religiosi catus, optime noverint, ne ita facile, frequenterque controversiis importune suscitatis, exinde Sacra Tribunalia in posterum torquant. Ita sentiebam, Romæ in Conventu S. P. N. Francisci ad Ripas Tyberis die 5. Maij 1741.

Ego Fr. Carolus Franciscus à Breno S. Theologie, & Controversiarum Lector  
Emeritus & Scriptor Ordinis.

**J**ubente Reverendissimo P. totius Ordinis Seraphici Ministro Generali, attentè opus perstravi, cui titulus est: *Dilucidatio privilegiorum Ordinum Regularium, præsertim Mendicantium*. Authore R. A. Patre Didaco ab Aragonia Lectore Theologo, olim in Sacrosancta Lateranensi Basilica Pœnitentiario Apostolico ac nostræ Almæ Reformatæ Provincie Romanæ ex Ministro Provinciali; in ejusque operis lectione, non tam Authoris in Sacrorum Canonum, moralisque Theologiæ materia eruditione, alias mihi notam, quam ejusdem operis completam perfectionem sum admiratus; eo namque præ manibus, tam à Regularium Superioribus, quam Confessariis habito, ignorabilis tenebras in materia tam necessaria jurisdictionis, ac potestatis profligari penitus necesse est; siquidem verà ita solide à falsis in eo secernuntur, ab invalidis valida, ut quod ante magnis in voluminibus queritari, non sine sudoris effusione, & cum erroris periculo, durum nimis videbatur, paucis nunc in paginis (sic sit ita loqui) brevi, claraque methodo exaratum, ita facile juveniri licet, ut nihil in hujusce materia desideratu relinquat. Dum autem omnibus sua doctrina proficere potest, nulli præjudicium affert, cum nihil Fidei Catholicæ, aut bonis moribus adversum contineat; expropter, ut ad publicam utilitatem Typis detur, dignissimum, si dicam necessarium, censeo.

Ex Conventu S. P. N. Francisci Translyberim hac die 6. Maij 1741.

Fr. Joannis Petrus à Roma S. Theologiæ Lector.

FR.



# FR. RAPHAEL A' LUGAGNANO

*Lector Emeritus, Catholice Majestatis in Regali Congressu  
Matritensi, pro Immaculata Conceptione Theologus, ac totius  
Ordinis Fratrum Minorum S. P. N. Francisci Minister  
Generalis, Commissarius, Visitator Apostolicus,  
Et in Domino Servus.*

Dilecto Nobis in Christo R. P. Fratri Didaco ab Aragonia nostræ  
Reformatæ Provinciæ Romanæ Lectori Theologo, ac olim  
Ministro Provinciali, necnon Poenitentiario Apostolico  
Lateranensi, Salutem, & Seraphicam  
Benedictionem.

**C**um juxta Apostolicas, nostrique Ordinis Constitutiones, per idoneos  
Censores revisum, & approbatum fuerit Opus quoddam à Te compo-  
situm, cui Titulus - *Dilucidatio Privilegiorum Regularium, præsertim Men-  
dicantium &c.* Tenore præsentium, ad salutaris Obedientiæ meritum, fa-  
cultatem Tibi impertimur, quatenus, servatis servandis, illud Typis man-  
dare possis, & valeas.

Dat. Romæ ex nostro Ara-Cælitano Conventu die 8. Septembris 1749.

**Fr. Raphael à Lugagnano  
Minister Generalis.**

*Reg.*

*De mandato Ræi in Christo Patris*  
**Fr. Cæsius à Bononia Sec. Gen. Ordinis ;**  
D AP-

## \*      APPROBATIONES.      \*

**O**PUS, cui Titulus est, *Dilucidatio Privilegiorum Ordinum Regularium, præsertim Mendicantium* ab admodum Reverendo Patre Didaco de Aragonia Ordinis Minorum strictioris Observantiæ Religioso studiose, utiliterque elaboratum, mandante Reverendissimo Patre Josepho Augustino Ordi Sacri Palatii Apostolici Magistro accurate perpendi; Cumque in eo nihil profusum invenerim, quod fidei dogmatibus, ac morali disciplinæ adversetur, quinimo egregios Austriis conatus in fecerendis dubiis à certis, veris à falsis, sum vehementer admiratus, illud propterea dignum judico, quod in publicam lucem prodire possit. Ex Monasterio S. Stephani supra Caccum die trigesima Maij 1749.

*D. Romanus Justiniani Abbas Monachorum Silvestrinorum, ac Sacre Congregationis Indulgentiarum, ac SS. Reliquiarum Consultor.*

**D**E mandato Reverendissimi Patris Josephi Augustini Ordi Sacri Palatii Apostolici Magistri, attente legi opus inscriptum *Dilucidatio Privilegiorum Ordinum Regularium, præsertim Mendicantium*, Authore A. R. P. Didaco ab Aragonia Ordinis Minorum strictioris Observantiæ, olim Ministro Provinciali; nihil fidei Catholicæ, bonisque moribus dissonum in eo deprehendi; omnia vero Sacris Canonibus, Summorum Pontificum Bullis, quæ vigent, Sacrarum Congregationum Decretis, graviumque Doctorum resolutionibus mirifice consona. Unde Typis mandari posse iudico. Ex Collegio S. Francisci de Paula ad Montes die 3. Julij 1749.

*Fr. Isidorus Mancini Ordinis Minorum ex Provinciali, in eodem Collegio Studiorum Regens, Sac. Congreg. Indul. Consultor, ac S. Rom. & Univ. Inquisitionis Qualificator.*

ELEN.

# ELENCHUS

*Tractatum, & Capitulum, quæ in hac Privilegiorum  
Dilucidatione continentur.*

## TRACTATUS PRIMUS

### De privilegiis in communi.

CAP. I.	<b>D</b> e privilegii nomine, & divisione.	Pag. 1
CAP. II.	De extensione, & interpretatione privilegiorum.	4
CAP. III.	De potestate concedentis Privilegia.	7
CAP. IV.	De confirmatione, validitate, & usu Privilegiorum.	9
CAP. V.	De Privilegiorum amissione, & cessatione.	22
CAP. VI.	De privilegiorum Revocatione.	27
CAP. VII.	De Revocatione Oraculorum viva vocis.	33
CAP. VIII.	De Privilegiorum Communicatione.	40
CAP. IX.	De Privilegiorum Conservatoribus.	49
CAP. X.	De penis violentium privilegia Regul.	59

## TRACTATUS II.

### De privilegiis in particulari Superiorum General.

CAP. I.	<b>D</b> e privilegiis Prælatorum Regularium.	62
CAP. II.	De potestate in communi, ac directiva Prælatorum Generalium.	64
CAP. III.	De potestate coercitiva Prælatorum Generalium.	69
CAP. IV.	De potestate, quam habent Superiores Generales referendi peccata suorum Subditorum.	72
	b 2	CAP.

CAP. V. De potestate, quam habent Generales, absolventi suos subditos à Censuris, etiam reservatis.	75
CAP. VI. De potestate dispensativa in genere, quam habent Generales respectu suorum subditorum.	84
CAP. VII. De potestate, quam habent Generales, dispensandi cum suis Subditis super irregularitatibus, aliisque penis Canonicis.	88
CAP. VIII. De facultate, quam habent Generales, irritandi, commutandi, & dispensandi Vota suorum Subditorum.	98

## TRACTATUS III.

### De Privilegiis in particulari Superiorum Provincialium.

CAP. I. De munere, & potestate in genere Prælatorum Provincialium.	105
CAP. II. De potestate directiva Prælatorum Provincialium.	107
CAP. III. De potestate coercitiva Prælatorum Provincialium.	111
CAP. IV. De potestate, quam habent Superiores Provinciales reservandi peccata suorum subditorum.	115
CAP. V. De potestate quam habent Provinciales, absolventi suos Subditos à Censuris etiam reservatis.	119
CAP. VI. De potestate dispensativa in genere, quam habent Provinciales erga suos subditos.	128
CAP. VII. De potestate, quam habent Provinciales dispensandi cum suis Subditis super irregularitatibus, aliisque penis Canonicis.	132
CAP. VIII. De facultate, quam habent Provinciales, irritandi, commutandi, & dispensandi Vota suorum Subditorum.	140

## TRACTATUS IV.

## De Privilegiis Superiorum Localium.

- CAP. I. **D**e potestate in genere, & directiva Superiorum Localium. 146
- CAP. II. De potestate coercitiva Superiorum Localium. 150
- CAP. III. De potestate, quam habent Superiores Locales, circa casus reservados. 154
- CAP. IV. De potestate, quam habent Superiores Conventuales, seu Locales absolvendi suos Subditos à Censuris etiam reservatis. 160
- CAP. V. De potestate dispensativa in genere, quam habent Superiores Locales respectu suorum Subditorum. 170
- CAP. VI. De potestate, quam habent Superiores Locales, dispensandi cum suis subditis super irregularitatibus, aliisque penis Canoniciis. 173
- CAP. VII. De facultate, quam habent Superiores Locales, irritandi, commutandi, & dispensandi Vota suorum Subditorum. 178

## TRACTATUS V.

## De aliis Privilegiis Prælatorum Regularium.

- CAP. I. **D**e potestate, quam habent Prælati Regulares circa Benedictiones, ac Consecrationes Rerum Ecclesiasticarum. 183
- CAP. II. De potestate, quam habent Prælati Regulares mittendi suos subditos ad Ordines suscipiendos. 186
- CAP. III. De potestate Prælatorum Regularium circa Missarum reductionem. 190
- CAP. IV. De potestate Prælatorum Regularium economica circa temporalia. 191

TRA-

## TRACTATUS VI.

## De Confessariis Regularibus erga Regulares.

- CAP. I. **D**E potestate, quam habent Confessarii Regulares; absolvendi Religiosos ejusdem Ordinis à peccatis, & Censuris. 194
- CAP. II. Explicantur breviter undecim casus in Decreto Clementis VIII. enumerati. 205
- CAP. III. De approbatione, quam à locorum Ordinariis debent habere Regulares ad audiendas Secularium Confessiones. 209
- CAP. IV. De Casibus reservatis, & an possint Confessarii Regulares ab eisdem absolvere pœnitentes Seculares. 218
- CAP. V. De potestate, quam habent Confessarii Regulares ab Ordinario approbati absolvendi virtute privilegiorum Seculares pœnitentes à censuris, etiam reservatis. 224
- CAP. VI. De facultate, quam habent Confessarii Regulares ab Ordinario approbati commutandi, ac dispensandi virtute privilegiorum secularium vota, & juramenta. 236
- CAP. VII. De Monialium Confessariis, eorumque facultatibus. 243
- CAP. VIII. De Concionatoribus Regularibus, eorumque obligationibus, & privilegiis. 248

## TRACTATUS VII.

## De Privilegiis in particulari.

- CAP. I. **D**E exemptione Regularium ab Ordinariis. 252
- CAP. II. De exemptione Regularium à Lege Diœcesana Episcoporum. 258
- CAP. III. De exemptione Regularium à coactiva potestate Ordinariorum. 261
- CAP.

CAP. IV. De cassibus, in quibus ex Tridentini Decretis Regulares subiiciuntur Episcopis.	265
CAP. V. De exemptione Tertiariorum à jurisdictione Ordinarii.	272
CAP. VI. De exemptione Sacularium per respectum ad Regulares, Et quoad electionem sepulturae in eorum Ecclesiis.	279
CAP. VII. De Portione Canonica, seu de quarta Funeralium.	286
CAP. VIII. De Indulgentiis, quibus Regulares fruuntur.	291
CAP. IX. De Syndicis Fratrum Minorum, & de eorum privile- giis.	305
CAP. X. De Privilegiis Regularium, circa Divinum Officium.	309
CAP. XI. De privilegiis Regularium in Eucharistia admini- stranda.	312
CAP. XII. De Privilegiis Regularium circa tempus, & loca ad se- lebrandum.	314
CAP. XIII. De privilegiis Regularium circa fundationes Conven- tuum.	317
CAP. XIV. De Privilegiis Regularium quoad Praecedentiam.	320
CAP. XV. De aliis immunitatibus, & privilegiis, praesertim Cano- nis, Fori, & exemptionis à solutione Decimarum, Oblationum, Gabellarum, & contributionum, quibus fruuntur Regulares.	322

**IMPRIMATUR.**

Si videbitur Reverendissimo Patri Magistro  
Sac. Palat. Apost.

*F. M. Archiepis. Tarfi Vicef.*

---

**IMPRIMATUR.**

Fr. Joseph Augustinus Orsi Mag. Sac. Pal.  
Apost. Ord. Præd.

TRA-





# TRACTATUS PRIMUS.

## De privilegiis in communi.

### C A P. I.

#### *De privilegii nomine , & divisione .*

1. **P**RIVILEGIUM est privatum, seu singulare jus contra indultum commune, & dicitur lex privata, eo quod privatam legem singulis generet, illos scilicet eximendo à jure communi; Nomine autem privilegii largè sumpti sæpius veniunt indultum, gratia, favor, Bulla, rescriptum, beneficium, & similia: ut constat ex Decret. dist. 3. cap. 3. & docent Communi. D. D.

2. Privilegium aliud est reale, aliud personale; reale est illud, quod

conceditur immediate alicui loco, dignitati, officio, Ecclesiæ, Religioni, Monasterio, aut respectu eorum, & hoc est perpetuum, quia res, locus, & officia, quibus conceditur, semper durant; personale est, quod proximè, & directè personæ, vel intuitu personæ conceditur, & hoc personam sequitur, & cum eadem, extinguitur, interdum etiam familia, seu domestici personæ privilegiatæ participant, ut si tempore interdicti generalis alicui concessum sit privilegium celebrandi, vel audiendi Missam, domestici quoque interesse poterunt: prout habetur in cap. Licet: de privilegiis in 6.

A

3. Pri-

3. Privilegium reale dividitur in generale, & speciale; generale dicitur, quod pluribus, vel omnibus conceditur; speciale est, quod uni tantum loco, vel Monasterio conceditur, nec alteri juxta jus commune communicatur: ita *Comm. D. D.*

4. Privilegium aliud est gratiosum, aliud verò remuneratorium; gratiosum est, quod gratis conceditur, non habita meritorum ratione; remuneratorium autem, quod ratione meritorum conceditur; idcirco Regularium privilegia remuneratoria nuncupantur, siquidem suorum meritorum intuitu fuerunt concessa: ita Peyrinus de privilegiis *tom. 3. cap. 4. num. 24.*

5. Tandem privilegium aliud est favorabile, aliud odiosum, aliud pro foro interno, & aliud pro externo; favorabile est illud, quod ita confert favorem privilegiato, ut nulli alteri conferat præjudicium, ut est privilegium audiendi Missam tempore interdicti; odiosum verò est illud, quod uni favorem confert, alteri præjudicium; privilegium pro foro interno, nihil operatur pro foro externo, concessum autem pro foro externo suffragatur pro utroque foro, ut sunt Regularium privilegia, quæ pro utroque foro conceduntur; ut patet ex Constitutionibus Apostolicis relatis à Bordonio *tom. 2. resol. 52. n. 144.* & hæc quoad privilegii nomen, ac divisionem brevitas gratia sufficiant.

6. Non est de substantia privilegii scriptura quoad forum animæ, neque requiritur partis instantia, quoad ipsius valorem, quia tam privilegium, quam dispositio pendent

ex sola Principis voluntate; requiritur tamen data diei, mensis, anni, loci, & temporis, quando privilegia de novo emanant, ita habetur in *l. si qua, cod. de divers. rescrip.* ubi dicitur: *privilegia, quæ in corpore juris non continentur, invalida esse sine data;* hæc tamen in privilegiis papalibus locum non habent, si Summus Pontifex, qui est omnium Princeps, expressè præcipiat, datam non esse, attendendam, vel omisam nihil officere; ut docet Anton. Fab. *definit. 3. Cod. de præcibus, & cap. Cuncta per Mandum.*

7. Promulgatio, & acceptatio sunt de substantia privilegii, quia, cum privilegium sit lex, debet necessariò ad modum legis regulari, quæ cum sit regula humanarum operationum debet prorsus promulgari, secus autem non valet; ut docet D. Thomas *p. 2. q. 90. art. 4.* acceptatio pariter omnino necessaria est, ut suum effectum sortiatur, quia si privilegium non acquiritur absenti, multo minus ignoranti: *en l. qui absenti ff. de acquir. possess.* etenim beneficia invitis non conferuntur; verum hujusmodi acceptatio privilegii, etiam tacite facta, valida est, scilicet, cum privilegium ipsi privilegiato notificatur, sufficit, quod ipsemet non contradicat, nihilque contra illud opponat, nam in favorabilibus, qui tacet consentire videtur; ut habet *Gloss. in cap. Qui sacet, de regul. jur. in 6.* Sufficit etiam acceptatio facta per nuntium ad id specialiter deputatum: ita Sylvest. *in summa. v. privilegium q. ult. Roder. tom. 1. quæst. Regul. q. 7. art. 6. & alii.*  
S. Pri-

8. Privilegii appellatione venit etiam consuetudo immemorabilis, & præscripta, nam sicut consuetudine, & præscriptione acquiritur iurisdic-tio, ita pariter acquiritur privilegium; Verumtamen, ut præfata consuetudo vim legis possit habere, requiritur primò, ut sit rationabilis, & quod tendat ad bonum finem, ita ut non sit contra lumen naturæ, nec contra legem divinam, alias esset iniusta, & vitiosa corruptela: secundò, ut sit legitime præscripta, idest practicata per cursum temporis à lege definitum; ut habetur in cap. Cum quanto de consuetud. & in cap. ult. de Const. in 6. ad præscribendum igitur contra, vel præter ius civile sufficit consuetudo per decem annos continuata: contra ius Canonicum, requiritur tempus quadraginta annorum: contra Regulares, requiritur iuxta eorum privilegia spatium annorum sexaginta: contra Summ. Pontificem, & Ecclesiam, requiritur consuetudo plusquam centenaria: ut habetur in auth. quas actiones, eod. de Sacros. Eccles. in cap. Super quibusd. §. præterea de verb. signif. & docent omnes Canonistæ cum Roder. tom. 1. q. 7. art. 3.

9. Pro validitate gratiarum non tenentur Regulares exhibere originalia, sed satis est, si ostendant transumpta, & quia difficile foret originales litteras, & prothocolla ad singula quæque loca deferri, idcirco auctoritate Apostolica Regularibus, & in specie nobis Fratribus Minoribus, indultum est, ut transumptis quarumcumque litterarum Apostolicarum manu Notarii publici subscriptis,

& sigillo alicujus personæ in dignitate Ecclesiastica constitutæ munitis, eadem prorsus fides in iudicio, & extra adhibeatur, quæ ipsis litteris originalibus adhiberetur, si forent exhibitæ, vel ostensæ; & ita habetur in nostro comp. privil. V. Privilegium n. 31. & in Const. 18. Urbani VIII. apud Cherub. tom. 4. & notavit Roder. tom. 1. q. 3. art. 16. neque ad transumpta facienda tenentur Regulares partem citare, nec procurare ut citationes fiant per edictum, sed sufficit ea ostendere, ut dictum est; immò Regularibus omnibus satis erit in vim probationis suorum privilegiorum, & gratiarum, ostendere libros Ordinum Typis mandatos.

10. Mare magnum est quædam, compilatio multorum privilegiorum ibi mixtim, & confusè contentorum, quod pro diversis Religionibus, & temporibus collectum est in unum, per diversos Pontifices, privilegiis suorum prædecessorum addentes sua, ut fecit Sixtus IV. pro Fratribus Prædicatoribus, & Minoribus in Bulla, quæ incipit: *Regimini Universalis Ecclesie*; apud Cherub. tom. 1. vide Roder. tom. 1. q. 7. art. 4. Miranda in Manual. tom. 2. q. 42. art. 2. ubi de Bulla aurea in favorem prædictorum Ordinum ab eodem Pontifice concessa.

11. Si scriptura privilegii deperdi contingat, poterit in foro fori per testes probari: omnia enim acta, etiam quæ ad sui valorem scripturam requirunt, si semel scriptura sit facta, licet postea deperdita, possunt quippe probari per testes de ejus tenore, & qualitate deponentes: prout habetur

tur in *Cap. Cum olim de privil. & docet post multos Cancer tom. 3. cap. 3.*

12. Similiter, si invitis Superioribus Ecclesia, vel Monasterium, seu Conventus destruat, prout fieri solet ab hostibus vi armorum, aut terremotu, cum spe tamen futuræ reedificationis, nec jura, nec privilegia deperduntur, sed quoad exercitium, & usum quodammodo suspen-

duntur, secus autem, si authoritate Superiorum sine spe reedificationis destruantur, quia in tali casu omninò privilegia amittuntur, nam sicut extincta persona amittitur privilegium personale, ita pariter destructo loco amittitur privilegium locale: prout desumitur ex *l. in omnibus causis 68. & l. privilegia 157. & ex regul. 7. jur. in 6.*

## C A P. II.

### De extensione, & interpretatione privilegiorum.

1. **S**I privilegia in corpore juris sunt inserta, de persona in personam extenduntur, nam lex etiam de casu ad casum sub illis verbis non comprehenditur ex identitate rationis extenditur, & ampliatur, ut tenent Sylvest. *V. Lex q. 18. Covarrub. in Cap. Alma Mater: & alii.* Si vero privilegia sint particularia, seu contra jus commune, non poterunt ob identitatem rationis de persona in personam extendi, quia virtus, & efficacia privilegii non pendet à ratione, sed à voluntate concedentis, & ea, quæ à jure communi exorbitant, non sunt in consequentiam trahenda. Nec refert, quod privilegium concessum alicui ad celebrandum, vel Divinis interessendum tempore interdicti, ad Ministros, & famulos extendatur, quia in tali casu non fit extensio ad personas ob identitatem rationis, sed ob continentiam virtutem, scilicet, ut cum solitis Ministris, vel famulis congruè, & honestè Divinis intersit: limita, nisi illi sint

specialiter interdicti: ex *Decret. de privil. cap. 11. & docent commun. D. D.*

2. In favorabilibus, & absque præjudicio tertii, privilegia concessa Fratribus intelliguntur concessa, etiam Monialibus non expressis in privilegiis; secus autem in odiosis; prout Bonifacius VIII. & Sixtus IV. Sororibus, & Monialibus S. Claræ, quæ sub obedientia Prælatorum, Ordinis sunt, concesserunt; ut habetur in supplemento fundam. trium Ordinum *fol. 122. concess. 556. Roder. tom. 1. q. 13. art. 22. Miranda in Manual. tom. 2. q. 46. art. 2.*

3. Privilegia, & gratiæ nostræ Religionis ad Novitios etiam extenduntur, quia in his, quæ gratiam, & favorem concernunt, ipsi professorum appellatione veniunt; secus autem in pœnalibus, & onerosis; favores enim sunt ampliandi, & odia restringenda, & cum sine controversia privilegio fori, & Canonis gaudeant, ita aliis privilegiis gaudere debent, cum non sit major ratio de uno, quam de

de alio: ut docent *commun. D. D.*

4. Quia appellatione Religiosorum Mendicantium veniunt in favorabilibus etiam Tertiarii, idcirco privilegia professis concessa ad ipsos utique extenduntur, dummodò collegialiter vivant eo modo, quo dicitur infra *Tract. 7. cap. 5. per totum*. Expulsi verò ab Ordinibus nequeunt uti privilegiis suorum Ordinum.

5. Regularis Episcopus factus, licet non desinat esse Regularis quoad Vota essentialia; verumtamen quoad alias observantias Regulares non remanet Religioni obligatus; ut docet *D. Thom. 2. 2. q. 85. art. 3.* idcirco non gaudet omnibus, & singulis privilegiis intuitu Religionis habitis, & concessis, cum Religiosus tandiu Religionis privilegiis fruatur, quandiu illius membrum extiterit, & in ea permanferit, atque adeo non poterit v. g. à casibus Sedi Apostolicæ reservatis virtute privilegiorum absolvere, nec vota commutare &c. bene tamen frui poterit privilegiis illis, quæ ipsius Religioni assumpti commodum concernunt, absque Religionis gravamine, idque convenit, ut cum ipso permancant favores, & gratiæ, prout sunt Indulgentiæ, absolutiones passivæ &c.

6. Regularium privilegia sive clara, sive dubia à Prelatis Ecclesiasticis minimè possunt judicialiter interpretari, nam hujusmodi judicialis, seu legalis interpretatio ad Papam dumtaxat spectat: ex declaratione Clementis IV. immò Sixtus IV. illis idipsum prohibuit sub pœna Interdicti ab ingressu Ecclesiæ in sua Bulla, quæ *Marc magnus* appellatur; ut re-

fert Casarrub. in comp. privil. *V. privilegium §. 11. Portell. eod. verb. n. 77.* Prelati Regulares possunt utique sua privilegia, etiam juridice, & ex æquo, & bene interpretari, non servatis omnibus juris apicibus: ex concessione Leonis X. ut refert Peyrinus de Privil. ad Const. 3. Julii II. num. 2. Tamburinus de jure *Abbatum tom. 1. disp. 16. quaest. 6. num. 8. & alii*

7. Interpretatio privata, & doctrinalis ad Doctores, aliosque Religiosos peritos spectat; hi tamen interpretes privilegia difficiliora intellectu ex ambiguitate verborum, vel ex diversis jurisperitorum interpretationibus semper in favorem Religionis interpretari tenentur: ex concessione Innocentii VIII. quæ habetur in Monum. Ord. *Lib. 2. fol. 76. concess. 195. & in supplem. fol. 101. concess. 394.* Unde Religiosi poterunt tuta conscientia uti suis privilegiis, de quibus Doctores altercantur, in partem favorabiliorem conscientiæ, si alias talem partem probabilem prudenter judicaverint, ut cum aliis docet Tambur. *loc. cit. n. 7.*

8. Si privilegia dubia, & obscura sint contra jus commune, vel contra jus tertii, debent strictè interpretari, nam omnis recessus à jure communi est odiosus, & jus proximi in dubio non est lædendum; si autem privilegia sint favorabilia, & non contra jus commune, neque juri tertii præjudicantia, sunt largè interpretanda, quantum rationabiliter judicatum fuerit, servata tamen verborum proprietate, & significatione; privilegium autem favorabile illud censetur, quod principaliter favorem intendit, licet

licet per accidens in damnum alicuius cedat : *Navarr. lib. 3. cons. 32. Roder. tom. 1. q. 11. art. 11.* Privilegia etiam Regularibus concessa, quamvis sint contra jus commune, latè sunt interpretanda, nam cum sint perpetua, semper debent ad instar juris interpretari, ita ut illis, quam minimum esse potuerit, derogetur : *Sanchez de Matr. lib. 8. disp. 1. n. 3. Tambur. loc. cit. n. 14. & alii.*

9. Si motu proprio Principis concessum sit privilegium, quamvis contra jus commune, tunc amplam interpretationem meretur, veluti quod proprium Principis beneficium est, & ex certa scientia datum censetur; aliæ verò gratiæ ultra jus commune à Principe concessæ à fortiori latè interpretari debent, nisi in alterius præjudicium cedant, vel scandali, aut litium occasionem præbent: ita habetur in *Cap. Quia circa de privil. Cap. Si motu de prob. in 6.*

10. In privilegij interpretatione mens præcipuè atque intentio concedentis inspicienda est, quia ponderatis circumstantiis personæ conferentis, ejusque cui privilegium confertur, nonnumquam extensio fieri potest, ex regul. concessio uno, censetur etiam concessum & aliud, sine quo illud commode obtineri, vel exerceri non potest: *ex Cap. Præterea de offic. delegati.*

11. Dubius de voluntate privilegiantis teneter interpretari privilegium juxta communem, & usitatam verborum significationem, quia privilegia non plus operantur, quam verbis expriment, neque unquam privilegium, & si odiosum sit, ultra verborum proprietatem, commu-

nemque acceptionem restringere oportet, nisi necessitas cogat, alioquin absurdum aliquod sequeretur: ut docet *Suarez de leg. lib. 8. cap. 28 n. 9.*

12. Privilegium etiam si sit favorabile, ultra verborum significationem, & acceptionem tam communem, quam juridicam ad alias personas, vel actus ob solam similitudinis rationem extendi non oportet, etiam si motu proprio Principis sit concessum, v. g. si alicui est concessa facultas dispensandi in gradibus Consanguinitatis, non ideo poterit vi hujusmodi facultatis in gradibus affinitatis dispensare, quia diversa sunt. Quando autem æquiparatio juris talem extensionem exigit, ut facultatem concessam v. g. Episcopis in Tridentino *sess. 24 cap. 6. de Reform.* dispensandi super omnibus irregularitatibus ex delicto occulto (excepto homicidio voluntario) provenientibus &c. latè interpretari possumus, ut ea facultas competat etiam Episcopo confirmato, quamvis non consecrato, & Capitulo Sede vacante, quod Episcopo in jurisdictione æquiparatur, necnon Prælatis ab Episcopi jurisdictione exemptis: ut docent *Sanchez de Matrim. lib. 8. disp. 2. n. 10. Roder. tom. 1. q. 6. art. 9. Suarez de Cens. disp. 41. sect. 2. n. 13. Panormit. in Cap. Verum n. 9. de foro compet. & alii.*

13. Privilegium denique interpretandum est, ut non sit onerosum privilegiato, ita ut potius illi aliquid tribuat, quam ut auferat: *juxta regul. 61. juris in 6. quod ob gratiam alicujus conceditur, non est in ejus dispendium retorquendum: & ita docent*

cent

# C A P. I I I.

## De potestate concedentis Privilegia.

1. **Q**uicumque legem condere valet, etiam privilegium conferre potest, cum enim privilegium nihil aliud sit, quam lex privata, clarè sequitur, quod qui potest legem ferre, possit etiam & privilegium indulgere, videlicet privilegium à legis obligatione eximere; ut docet S. Anton. p. 1. cap. 1. tit. 19. Idcirco colligas primò, quod Summus Pontifex per universum Orbem in spiritualibus, & in terris Ecclesiæ in temporalibus validè possit privilegia concedere, quia ipse ubique gentium in materia spirituali, & in ditione Ecclesiæ in spiritualibus, & temporalibus potestatem habet Legislativam; in alienis autem ditionibus indirectè dumtaxat, & per accidens, idest, in his, quæ spiritualibus sunt annexa, prout sunt Indulgentiæ, Decimæ, contractus Matrimonii, dispensationes ad Ordines &c. *en cap. per venerabilem . S. Anton. loc. cit.*

2. Omnia Romani Pontifices edicta, seu Decreta ab ipso emanata, sive Bullæ, sive Brevia, rescripta, vivæ vocis oracula, signaturæ, & alia hujusmodi quocumque nomine nuncupentur, extra Concilia, & jus commune vagantia eadem vi pollent in foro interno, sicuti Canones, in dictis Conciliis, & jure inserti, & revera, idem sunt, quamvis nomi-

ne, solemnitate, & vi in foro externo differant: Ita Barbosa de jure Eccles. univers. lib. 1. cap. 2. per totum. Valordictarum Bullarum, Brevium, & litterarum Apostolicarum &c. extra Concilia, & jus commune vagantium probatur ex Nicolai Papæ I. generali decisione in Epistola ad Archiep. & Episc. Regni Galliarum directæ, Cap. si Romanorum dist. 19. ubi sit conclusit sequentibus verbis: *Hic ita favente divina gratia prelibatis, ostendimus, nullam esse differentiam inter illa Decreta &c. idem tradit Agatho Papa dist. ead. cap. 2. dicens: sic omnes Apostolica Sedis Sanctiones accipiendæ sunt, tanquam ipsius D. Petri voce firmatæ sint.*

3. Declarationes S. S. Congregationum E. E. Cardinalium, dummodò sint latæ juxta Decretum Urbani VIII. sub die 11. Augusti 1631. editum, sunt decisivæ, & habent vim legis, dummodo quatuor conditiones copulativè concurrant, ita ut una deficiente in conscientia non obligent: prima, quod declaratio sit certa, & indubitata, ut constet sufficienti autoritate, eam esse S. Congregationem sufficienter autem constabit, si in authentica forma, solito sigillo, & subscriptione Rm Cardinalis Præfecti, ac Secretarii ejusdem Congregationis pro tempore existentium munita fuerit: secunda, ut

ut in ipsa declaratione referatur, eam fuisse pronuntiatam consulto Pontifice: tertia, ut Cardinales solum declararent, & interpretentur, non vero dispensent, restringant aliquid, aut amplient ultra vim verborum, & regulas juris, nisi accedat peculiaris commissio, aut voluntas Pontificis: quarta, ut declaratio constet notitia publica, vel per Episcopos, vel per famam certam ex principio authentico derivatam: ita Coriolan. *de casibus reserv. part. 1. sect. 1. art. 21. n. 3. & alii.*

4. Summus Pontifex potest dispensare, seu relaxare suos fideles in sacris Canonibus, idest, in legibus Canonicis, eas immutando ratione loci, temporis, & personarum: ex definitione Gregor. VII. quæ habetur *dist. 23.* hic verbis: *Pro varietate rerum, locorum, & temporum regula S.S. Patrum temperantur*; idque constat ex usu illius potestatis, quo notum est, Summos Pontifices Canones temperasse, seu mutasse in Oriente, & in Occidente; ut videre licet de Damaso I. Leone I. Simplicio, Hilario, & aliis, qui juxta diversitatem locorum, temporum, & personarum, leges canonicas temperarunt, seu mutarunt; de quibus legatur Barbosa *de jur. Eccles. univers. lib. 1. cap. 2. n. 128. & seqq.*

5. Habet præterea Romanus Pontifex potestatem condendi novas leges Canonicas, ac Canones multiplicandi, & interpretandi; ut decrevit Urbanus II. *in cap. sunt quidam*, & Leo IV. *in cap. Idei permittente causa*; & constat ex usu illius potestatis, alioquin non satis provisum esset Ecce-

siz; cum enim ille sit ipsius caput, illiusque potestas ordinetur primò ad populi christiani correctionem, cum delinquit, & ad gubernationem, cum bene agit, ut docet Hugo Cardin. *lib. II. de sacr.* ideo ad ea debetè peragenda, facultate dispensandi in sacris Canonibus, eosque interpretandi Pontificem potiri necesse erat: Secundo, cum eadem Papæ potestas ordinetur ad omnium questionum, & negotiorum solutionem, & determinationem, necesse pariter erat, ad illarum solutionem, & decisionem aliquid dispensare cum illa regula: *quæ uni tempore impedit ad determinandum aliquid, illo variato, alteri tempore non conveniat*: tertio, cum potestas Papæ ad fidei, & S. Scripturæ defensionem apertam data sit: *Ego rogavi pro te Petre, luc. 22.* ideo ut Petri successor illa potestate decorandus eret, ut hæreticorum conatus cito confringeret.

6. Ex decisionibus Gelasii Papæ in epistola ad Episcopos Dardaniæ relata *in cap. 7. Cunctas per Mundum*; & Nicolai I. *in epistola ad Michaellem Imperatorem* usque ex Decretis apertè constat ad solum Summum Pontificem pertinere de omnibus judicare, nec alicui licere de ipso fermare judicium; si ergo plures Summi Pontifices rationi consentaneum, immò necessarium duxerunt pro bono universali christianæ Reipublicæ Regularibus plura communicare privilegia, non est, cur inferiores judicare velint, quare sic fecerint, quia firmum debet esse, quod ipsa Sedes judicat Apostolica; nec possunt fingere, se habere privilegia judicandi de gratiis, rescriptis, & privilegiis Papæ, & quod



quod secundum illa non sit sine ipso. rum approbatione procedendum, nam ille nunquam consuevit privilegiare aliquem contra se; ut constat ex cap. Cum ex officio, de præscript.

7. Imperatores, Reges, & cæteri Principes superiorem non agnoscen- tes, possunt in temporalibus, scilicet in immunitatibus, honoribus, digni- tatibus, & consimilibus privilegium concedere; non autem in spirituali- bus, quia in istis nequeunt laici se in- tromittere: ex cap. Benequidem dist. 96. & ex commun.

8. Episcopi similiter in suis Dic- cesis, Generales in suis Ordinibus, Provinciales in suis Provinciis, om- nesque alii Superiores jurisdictionem, ac potestatem in suos subditos habentes, possunt respectivè, & cum debi- ta proportionem privilegia concedere, nam hi omnes possunt leges ferre, ac per consequens privilegia indulgere: ut habetur expressè in cap. Cum olim de privil. dixi respectivè, & cum de- bita proportionem, quia sicut Episco- pus non est dominus Juris Canonici, & legis Pontificiæ, ita nec ex se po-

test alicui contra jus commune privi- legia concedere, nec a legis observa- tione illum eximere; quod etiam cur- rit de Generalibus, Provincialibus &c. respectu eorum, quæ sunt Ordinis substantialia; nec refert, quod tam Episcopi, quam Generales, & cæteri præfati possint in votis, nonnullis- que aliis impedimentis per leges Pon- tificias introductas, dispensare, & consequenter contra jus commune aliquid concedere, quia id ex se fa- cere nequeunt, sed quatenus a jure, vel privilegio, aut consuetudine ipsis concessum est; ut docet Sylvest. V. privilegium quest. 3.

9. Denique ad impetrandum a Principe gratiam, vel privilegium, necesse est, ut in supplicatione ea omnia quis exprimat, quæ vitio sub- reptionis, vel obreptionis careant; scilicet, aut narrando falsum, vel ta- cendo verum; aliter gratiæ, & privi- legia minime juvant; ita Julius Clarus §. Fin. quest. 59. Barb. in cap. super- bis, se rescript. Felin. de com. in cap. ad audientiam n. 22. de rescript. & aliis Commun.

## C A P. I V.

### De confirmatione, validitate, & usu Privilegiorum.

1. **P**ures Summi Pontifices multis ab hinc sæculis varia privile- gia Regularibus non solum concesserunt, sed etiam confirmarunt; nec non hucusque concedunt, & confir- mant, causis ducti iustissimis; quarum prima, est status professionis Regula- rium indissolubili Deo, & Sanctæ Se-

di Apostolicæ vinculo consecratus, illorum virtutes, habilitas, & inde- fessus labor in peccatoribus, hæreti- cis, ac infidelibus à faucibus tartari eruen- dis, & ad Dei misericordiam convertendis; secunda est: prompta voluntas, & obedientia in exequendis ubique terrarum Apostolicis manda-

B tis

tis pro procuranda animarum salute; tertia est, eximia illorum cultura in literis, & virtutibus, quæ tot viros sanctitate, & doctrina illustres Ecclesiæ Dei parturivit, & parturit; ultima est, difficultas maxima, quam in pluribus exercitiis spiritualibus, præcipuè in audiendis secularium confessionibus patiuntur, præsertim Mendicantes, qui, ut plurimum, ubi eorum Conventus existunt, nedum in Concionibus, verum etiam in sacramentalibus Confessionibus fideles a peccatis eripiunt, & in bonis operibus confirmant, ita Cand. Brugnol. in man. Cleric.

2. Ob prædicta, aliaque iustæ motiva, præter alios Summos Pontifices Paulus IV. in sua Const. incip. *Ex Clementi*; Gregorius XIII. in sua Const. *Ex benigna*; Sixtus V. in Const. *Esi Mendicantium*; Clemens VIII. in Const. *Ratio Pastoralis. Officii*: apud Cherub. tom. 3. confirmarunt, & innovarunt gratias, & privilegia, omnia Regularibus concessa.

3. Confirmatio definiri solet, quod sit juris quæsitæ corroboratio, nam præsupponit, jus competere, & esse acquisitum; dicitur autem corroboratio, quia privilegiis alias validis, etiamsi sit ex certa scientia non dat novum esse, sed tantum antiquum confirmat; privilegia namque valida, etiamsi non confirmantur, non ideo manent abrogata; confirmantur tamen à Summo Pontifice, ut majus robur, ac firmitatem acquirant: Portell. *V. privilegium n. 1.*

4. Dupliciter potest confirmatio fieri, vel in forma communi, vel ex certa scientia; tunc fit in forma com-

muni, quando Summi Pontifices in confuso, & sine examine privilegia confirmant; tunc vero fit ex certa scientia, quando cum notitia certa operatur, ut quando tenor privilegii in ipsa confirmatione inferitur, vel quando ex plenitudine potestatis confirmatio datur: Tambur. de jur. Abb. tom. 1. disp. 18. q. 1. n. 6. & alii commun.

5. Est tamen magnum discrimen inter confirmationem in forma communi, & ex certa scientia; illa enim actum in validum non confirmat, sed validum dumtaxat, unde non est privilegii concessio, sed solum corroboratio, relinquens actum in illo statu, in quo erat; hæc autem est nova privilegii concessio, quæ privilegium invalidum validum reddit, dummodo clausula irritans ibi non apponatur; si autem privilegium a principio fuit subreptitium, vel obreptitium, nullatenus per confirmationem ex certa scientia confirmatum remanet: ut docent Tambur. loc. cit. Portell. *V. privilegium n. 18. & alii.*

6. Regularium privilegia per non usum amitti possunt, sicut de facto amittuntur, si contingat, Regulares infra spatium centum annorum ipsis non uti; possunt etiam deperdi per contrarium usum, quando Regulares, nedum suis non utuntur privilegiis toto illo jam præscripto tempore, verum etiam contra illa operantur; quæ tamen per Summi Pontificis confirmationem ex certa scientia factam revalidantur, nam hujusmodi clausula de sui natura, ut omnes affirmant, habet vim novæ concessionis: propterea notat Gloss. in cap.,

Quia

Quia diversitatem V. form. comm. de concess. præbenda Card. Tuschus V. Confirmatio. Secus autem si fiat in forma communi, nam hæc non reddit actum validum, sed illum in suo priori statu relinquit: In dubio verò, an confirmatio sit facta in forma communi, vel ex certa scientia, tenendum est, esse factam in forma communi; quia certa scientia, cum sit quid facti, non præsumitur, nisi probetur: ita Garcia de Benef. part. 3. cap. 2. Roderius tom. 1. q. 8. art. 2. & alii.

7. Privilegia tam à jure communi, quam ab homine antea revocata, quoties ex certa scientia, & absque ulla limitatione confirmantur, valida est eorum confirmatio, etiamsi non fiat mentio hujusmodi clausulæ revocatorie, nam confirmatio ex certa scientia, ut dictum est, æquivalere novæ concessioni, necnon privilegia per non usum, vel per contrarium, usum amissa restituit; quos quidem effectus causat talis confirmatio, quomodo implicite, sive explicitè sit habita, & declarata: ex cap. per Vener. ab. de confirm. & docent Castropalaus tom. 1. tract. 3. disp. 4. Portell. V. privileg. confirmatio n. 33. Roder. tom. 1. q. 8. art. 3. Suarez de legibus lib. 8. cap. 18. n. 12. & alii.

8. Quamvis certum sit, quod Regularium privilegia à multis Summis Pontificibus fuerunt confirmata; verumtamen litteræ confirmatorie debent attentè legi, & maturè considerari, quia illi non uno, eodemque modo consueverunt dicta privilegia confirmare, solent namque multa excipere, & sequenti modo limitare: Dummodo sint in usu, vel sacris Cau-

nibus, & Tridentini Decretis, ant Constitutionibus Apostolicis non adversentur. Sic privilegia diversorum Ordinum post Clementem VIII. & Paulum V. fuerunt à Sede Apostolica confirmata, nam antea absque præfatis clausulis confirmabantur. Ea verò privilegia, quæ Tridentini Decretis non contradicunt, per idem Concilium confirmantur Sess. 5. cap. 20. de reformat. illa quoque quæ ab eodem Tridentino revocata manent, vel eidem contradicunt, recensentur infra.

9. Confirmatio privilegiorum, unius Ordinis facta ex certa scientia extenditur, & redundat ad omnes alios, habentes communicationem in privilegiis concessis, & in futurum concedendis, sicut de facto omnibus Religionibus à Sede Apostolica ita conceditur; prout docet Mandosius in tract. de privileg. ad instar q. 7. Roder. tom. 1. q. 8. art. 2. Miranda tom. 2. q. 42. art. 5. Portell. V. privileg. confirmatio n. 34. Quod procedit etiam de confirmatione in forma communi, dummodo sit facta amplè de concessis, & concedendis, ut tenet Suarez de leg. lib. 8. cap. 19. n. 10. Tambur. tom. 1. de jur. Abb. disp. 18. q. 4.

10. Per confirmationem autem privilegiorum particularium, & individuorum anius Religionis, etiam ex certa scientia factam, nullatenus veniunt, neque intelliguntur confirmata cæterarum Religionum privilegia propria, & particularia, nam privilegiorum confirmatio ad non intentam, neque expressam per concedentem nequaquam se extendit; idcirco quando Summus Pontifex confirmat v. g.

Carmelitarum privilegia, scilicet, quod possint habere possessiones, ac redditus, non censetur particularia Fratrum Minorum de corpore Observantiae privilegia confirmare; & sic de similibus, ut bene ostendunt præcitati D. D. neque in grave præjudicium tertii hujusmodi confirmatio aliquid operatur, licet in re levi aliter se res habeat.

11. Si Summus Pontifex confirmans privilegium simpliciter dicat: *confirmo privilegium tibi à tali Pontifice concessum*. non valet confirmatio, nisi constet de privilegio, ad quod refertur, quia scriptura referens non probat, nisi relatæ producantur. Si autem Pontifex confirmando privilegium, in ea confirmatione mentionem faciat in particulari de eo, quod confirmat, referendo se ad aliud privilegium, dicens, v. g. *Sicut, vel secundum quod jam tibi per aliud privilegium à tali Pontifice fuit concessum*: sic valet confirmatio facta, quamvis relatum privilegium non appareat, quia illa verba relativa: *Sicut, secundum, & similia*: non sunt conditionalia, sed demonstrativa, ac per consequens, voluntas concedentis confirmationem est absoluta, & dispositiva: prout in propriis terminis decidit S. Rota *part. 2. decis. 36. n. 3.*

12. Clausula illa in confirmatione privilegiorum apposita: *Unmodò Sacris Canonibus, & Decretis Concilii Tridentini non sint contraria*: non excipit, neque à confirmatione excludit privilegia, quæ Decretis totius juris Canonici adversantur, cum clarè pateat, ipsum Tridentinum, sicut & quodcumque aliud Canonibus,

& Decretis constare: Canonibus enim largè sumptus idem est, quod Statutum, vel Regula, idcirco Decreta per Gratianum collecta consueverunt Canones appellari; si igitur illa verba generaliter omnes Sacros Canones indifferenter comprehenderent, nulla quidem, & otiosa esset privilegiorum confirmatio, cum privatum jus, seu indultum à Principe contra jus commune concessum, ideoque præfata clausula adjecta copulativè, non autem divisivè intelligitur ita Tambur. *loc. cit.* Portell. *V. privilegii cessatio n. 65 Roder. tom. 1. q. 8. art. 8 Miranda in Manual. tom. 2. q. 42. art. 3.*

13. Præterea clausula illa debet intelligi non solum de privilegiis à Tridentino expressè revocatis, sed etiam de omnibus aliis ipsi Concilio quomodocumque contrariis; & hæc est sententia magis tuta, & usu recepta, quicquid in contrarium nonnulli doceant; nam Pius IV. in Bulla, quæ incipit: *In Principis Apostolorum Sede*: in fine ejusdem Concilii posita, revocat motu proprio, & ex certa scientia, ac de plenitudine potestatis omnia, & singula privilegia, exemptiones, immunitates, facultates, dispensationes, indulta, Confessionalia, Maremagnum, & alias gratias, in his omnibus, & singulis, in quibus illa Statutis, & Decretis ejusdem Concilii contrariantur; quæ quidem verba cum proprietate verborum debent referri, & de facto referuntur: & ad tollendum omne dubium plures Summi Pontifices, præsertim Clemens VIII. Gregorio XIV. & Gre-

Gregor. XV. in confirmatione privilegiorum nonnullarum Religionum, hac clausula usi sunt: *Dummodò sint in usu, & non sint revocata, aut sub aliquibus revocationibus comprehensa, & Sacris Canonibus, aut Decretis S. Concil. Trident. vel Constitutionibus Apostolicis non repugnet*: ita Peyrinus de privil. tom. 2. in Const. 1. Gregorii XIII. n. 3. Lezana tom. 2. summ. cap. 1. n. 58. Miranda in Manual. tom. 2. q. 42.

14. Nec dictis obstat, quod S. Pius V. anno 1567. in sua Const. incip. *Et si Mendicantium Ordine*: ex certa scientia, & de plenitudine potestatis Mendicantium privilegia confirmaverit, ac firmiter observari præceperit, etiam in multis, quæ sunt contra Tridentini Decreta; nam Gregorius XIII: ejus successor in Eulla, quæ incipit: *In tanta rerum, & negotiorum mole*; dictam Constitutionem revocavit, & ad terminos ejusdem Concilii reduxit: vide Bullar. Rom. Cherub. tom. 2.

15. Decreta præfati Concilii Tridentini, per quæ Regularium privilegia tacite restringuntur, vel expresse revocantur, recensentur infra.

I.

*De impressione librorum, sess. 4. in Decret. de usu, & editione sacrorum librorum.*

Quod non liceat Regularibus imprimere, seu imprimi facere libros sine approbatione Ordinarii, & licentia suorum Superiorum.

II.

*De lectione S. Scriptura, sess. 5. cap. 1. de Reformat.*

Quod in Conventibus, in quibus Studia commodè vigere possunt, S.

Scripturæ lectio habeatur, quæ à Capitalis Generalibus, vel Provincialibus dignioribus Lectoribus assignetur.

III.

*De Prædicatoribus, sess. 5. cap. 2. de Reformat. & sess. 24. cap. 4.*

Quod Prædicatores sine licentia Superiorum Ordinis, & benedictione Ordinarii in Ecclesiis ejusdem Ordinis prædicare non possint; in aliis autem Ecclesiis ultra licentiam suorum Superiorum etiam Episcopi licentiam habere teneantur.

IV.

*De Prædicatoribus male prædicantibus, sess. 5. de Reformat. cap. 11.*

Quod si aliquis Prædicator (quod absit) errores, aut scandala disseminaverit in populo, ubicumque prædicaverit, Episcopus ei prædicationem interdicit, & juxta juris dispositionem puniatur, non obstant. privil.

V.

*De Regularibus delinquentibus, sess. 6. de Reformat. cap. 3.*

Quod Regulares extra Claustra degentes, ab Ordinario loci, si deliquerint, puniri possint.

VI.

*De Visitatione Ecclesiarum, sess. 7. de Reformat. cap. 8.*

Quod locorum Ordinarii possint visitare Ecclesias Parochiales Regularium, in his tantum, quæ curam animarum concernunt.

VII.

Quod Regulares translati de uno ad alium Ordinem sub sui Superioris obedientia perpetuò maneant sess. 25. de Reformat. cap. 19.

VIII.

## VIII.

*De Ordinibus suscipiendis, sess. 14. cap. 2. de reformat.*

Quod nullus ordinetur quovis Ordine, etiam minore, absque expresso consensu, & litteris dimissoriis sui Prælati, alias maneant suspensus.

## IX.

*De vagis, & ignotis Sacerdotibus sess. 23.*

Quod Episcopi in suis Diocesisbus interdiciant, ne cui vago, & ignoto Sacerdoti Missas celebrare liceat.

## X.

*De loco celebrandi Missas, sess. 22.*

Quod Episcopi non permittant, etiam Regulares; dicere Missam ubique, & in Domibus privatis, ac Oratoriis non ordinatis ab Episcopo.

## XI.

*De Ordinibus ab aliis, quam ab Episcopis non suscipiendis sess. 23. cap. 10. de Reform.*

Quod Abbatibus, & aliis quibuscumque, quantumvis exemptis, non liceat, nisi suis subditis tonsuram, aut Minores Ordines conferre.

## XII.

*De aetate Ordinandorum sess. 23. cap. 12.*

Concilium assignat ætatem, in qua etiam Regulares, debent suscipere Ordines, & quod debeant ab Ordinario examinari.

## XIII.

*De promotis per saltum, ead. sess. cap. 14.*

Dat facultatem Episcopis, & Prælati Regularibus dispensandi cum promotis per saltum in casu occulto, & dummodo non ministraverint.

## XIV.

*De observantia Regula, & Communitate sessanda, sess. ultima cap. 1.*

Quod omnes Regulares utriusque sexus, ad Regulam quam professi sunt, prescriptum, vitam instituant, & componant; & quæ ad communem vitam, victum, & vestitum conservanda pertinent, fideliter observent, omnisque cura, ac diligentia à Superioribus adhibeatur.

## XV.

*De proprietate extirpanda, sess. 25. de Regular. cap. 2.*

Quod nemini Regularium utriusque sexus liceat bona mobilia, vel immobilia, cujuscumque qualitatis fuerint, etiam quovis modo ab eis acquisita, tanquam propria, aut etiam nomine Conventus possidere, vel tenere, sed statim Superiori tradantur, Conventuique incorporentur.

## XVI.

*De bonis, quæ potest Superior concedere sess. ultima de Regul. cap. 2.*

Quod non liceat Superioribus bona stabilia alicui Regulari concedere, etiam ad usumfructum, usum, administrationem, vel Commendam, Mobiliu vero usum ita permittant; ut eorum suppellex statui paupertatis conveniat, nihilque superflui in eis sit, nihil etiam, quod sit necessarium, eis denegetur.

## XVII.

*De numero Regularium in Monasterio constituendo ead. sess. cap. 3.*

Quod in Monasteriis, & Domibus tam Virorum, quam mulierum, bona immobilia possidentibus, vel non possidentibus, is tantum numerus constituatur, qui ex redditibus propriis

priis Monasterii , vel ex consuetis elemosynis commodè possit sustentari .

XXIII.

*De Conventibus novis , quomodò accipiendis ead. sess. de Regul. cap. 3.*

Quod nec de cetero similia loca recipiantur , vel erigantur , sine Episcopi , in cuius Diœcesi sunt constituenda , licentia prius obtenta .

XXIX.

*De Fratribus , quod alterius obsequio non se subiciant ead. sess. cap. 4.*

Quod nullus Regularis sine sui Superioris licentia , cuiusvis pii operis pretexto , subiciat se obsequio alicujus Prælari , Principis , vel Communitatis &c.

XX.

*De Fratibus sine licentia à Conventibus discedentibus , ead. sess. cap. 4.*

Quod non liceat Regularibus à suis Conventibus recedere , etiam prætextu suos Superiores adeundi , nisi ab eisdem missi , aut vocati fuerint .

XXI.

*De Fratibus , qui ad Universitatem studiorum mittuntur , ead. sess. cap. 4.*

Quod illi , qui studiorum causa ad Universitates mittuntur , in Conventibus tantum habitent , alioquin ab Ordinariis contra eos procedatur .

XXII.

*Sess. ultima de Regul. cap. 3.*

Agitur 1. de Clausura Monialium , 2. de Monialibus e Monasterio non exeundis , 3. de prohibitione ingressus ad earum Monasteria sub Excommunicat. Latæ sententiæ , & 4. de Monasteriis Monialium intra Urbes reducendis .

XXIII.

*Sess. ultima de Regul. cap. 6. & 7.*

Agitur 1. de modo secreto in electione servando , 2. de vocibus non supplendis ad effectum electionis faciendæ , 3. de ætate eligendæ in Superiorissim Monasterii , & 4. de loco accipiendi vota Monialium tempore electionis

XXIV.

*Sess. ult. de Regul. cap. 10.*

Agitur de Confessione , & Communionem Sanctimonialium , de Confessario extraordinario Monialibus offerendo , & de loco servendæ Eucharistiæ in Monasteriis Monialium .

XXV.

*De Interdictis , & Censuris à Regularibus observandis sess. ead. cap. 12.*

Quod Censuræ , & interdicta , nedum à S. Sede emanata , sed etiam ab Ordinariis promulgata , mandantur Episcopo , à Regularibus in eorum Ecclesiis publicentur , atque serventur .

XXVI.

*De Festis à Regularibus servandis ead. sess. & cap.*

Quod dies festi , quos in sua Diœcesi servandos Episcopus præcepit , ab exemptis omnibus servantur .

XXVII.

*De exitu ad publicas processiones*

*Sess. 25. cap. 13.*

Quod omnes exempti , etiam Monachi ad publicas processiones vocati accedere compellantur , iis tantum exceptis , qui in strictiori clausura vivunt .

XXVIII.

## XXVIII.

*De controversiis in præcedentia sedandis ab Episcopis sess. ult. de*

*Regul. cap. 13.*

Quod controversias omnes de præcedentia, quæ persæpe cum scandalo oriuntur in Ecclesiasticas personas, tam Sæculares, quam Regulares, Episcopus, amota omni appellatione componat.

## XXIX.

*De tempore professionis, ead.*

*sess. cap. 15.*

Quod in quacunque Religione, tam Virorum, quam Mulierum professio non fiat ante decimum sextum annum expletum, nec qui minori tempore, quam per annum post susceptum habitum in probatione steterit, ad professionem admittatur; secus professio erit nulla.

## XXX.

*De donationibus faciendis in anno Novitatus ead. sess. cap. 16.*

Quod nulla renunciatio fiat sine licentia Ordinarii intra duos menses proximos ante professionem, & non alias intelligatur effectum suum sortiri, nisi secuta professione.

## XXXI.

*De non differendo tempore professionis eod. Decreto, & sess.*

Quod finito tempore Novitatus, Superiores, Novitios, quos habiles invenerint, ad Professionem admittant, aut a Monasterio eos eiciant, possunt tamen Superiores prolongare ad sex Menses ex concessione S. Pii V. dummodo habeant spem probabilem, quod inhabiles habiles efficiantur.

## XXXII.

*De bonis Novitiorum infra tempus Novitatus non recipiendis,*

*sess. 25. cap. 16.*

Quod ante Professionem nihil recipiatur, excepto victu, & vestitu, ne hac occasione discedere nequeat Novitius, & hoc præcipitur sub pœna anathematis dantibus, & recipientibus, & ut abeuntibus Novitiis ante Professionem omnia restituantur, quæ sua erant.

## XXXIII.

*Sess. 25. cap. 17.*

Agitur 1. de tempore suscipiendi habitum à puellis Deo dicandis, 2. de puellis examinandis ante Professionem ab Ordinarii locorum, & 3. de Prioribus non denunciantibus tempus professionis Monialium, sub pœna suspensionis ab Officio.

## XXXIV.

*Sess. ult. de Regul. cap. 18.*

Sancta Synodus anathemati subicit eos, qui cogunt Mulieres ad ingrediendum Monasterium ad suscipiendum habitum, & ad emittendam professionem; & qui sanctam Virginum, vel aliarum Mulierum voluntatem, vel accipiendi, vel emittendi professionem sine iusta causa impediunt.

## XXXV.

*De sententia excommunicationis cum summa avaritate ferenda. sess. ult. cap. 3. de reformat.*

Quod quamvis excommunicationis gladius sit Ecclesiasticæ disciplinæ nervus, sobriè tamen, magnaque circumspectione exercendus est, cum experientia doceat, si temerè, aut levibus ex rebus incutatur, magis contemni, quam formidari.

## XXXVI.



XXXVI.

*Seff. ult. de Regul. cap. 12.*

Quod si qui Regulares tam viri, quam mulieres sint, qui sub arctiori Regula, vel Statutis vivunt (excepta facultate habendi bona immobilia in communi) eos ab eorum instituto, & observantia Sancta Sinodus amovere non intendit.

XXXVII.

*De quarta funeralium, seff. 25. de Reformat. cap. 13.*

Quod quibuscumque in locis, jam ante annos quadraginta, quarta, quæ funeralium dicitur, Cathedrali, aut Parochiali Ecclesiæ solita esset persolvi, ac postea fuerit ex quocumque privilegio Monasterii concessa, post hac integro jure, & eadem portione persolvatur. *Vide infra tract. 7. cap. 7. n. 6.*

Hæc sunt præcipua, quæ in Concil. Trident. injunguntur Regularibus, & in quibus eorum privilegia tacite restringuntur, vel expressè revocantur.

13. Nèdum in foro externo, sed neque in foro Conscientiæ (prout nonnulli perperam docuerunt) possunt Regulares uti privilegiis suis, quæ sunt expressè per Concil. Trident. revocata; quia sententia affirmativa, utpotè à parte rei falsa, ad praxim deduci nullatenus potest, cum ab Alexandro VII. tamquam scandalosa damnata sit pro utroque foro, *propof. 36.*; etiam ubi Concilium non fuerit receptum, censentur præfata privilegia Regularium revocata, nam propositio damnata ubique gentium est scandalosa, ergo nusquam gentium possunt Regulares illam ad pra-

xim deducere, etenim quamvis privilegia non conferantur invitis, ab invitis tamen auferuntur; Idem dicendum est de privilegiis solum implicite per Tridentinum revocatis, quæ postea etiam expressè revocavit Pius IV. anno 1665. in *Bulla incip. In Principis Apostolorum Sede*: quæ habetur in Calce Concilii; ubi revocantur quæcumque privilegia, quæ Tridentini Decretis contradicunt.

14. Possunt tamen Regulares uti suis privilegiis contra omnes alios Papæ inferiores ut docet Roder. *tom. 1. q. 9. art. 8.* immo jussu Rom. Pontificis ex declaratione S. Cong. omnes Prælati Papæ inferiores tenentur Regularium privilegia defendere, & si quid in contrarium egerint, erit irritum, & inane.

15. Prælati Regulares de jure communi non possunt suis subditis limitare, vel auferre usum privilegiorum; ex indulto tamen speciali Gregorii XIII. præcipue Generales, & Provinciales possunt id facere; & hæc doctrina procedit etiam in Religionibus, quæ non habent specialem facultatem, nam illa regula; *inferior non potest abrogare*: habet locum, dumtaxat, ubi inferior restringit, vel aufert privilegium contra voluntatem ejus, cui concessum est, quod non accidit in præfenti, cum in Capitulis generalibus, in quibus, ut suppono, hujusmodi abrogatio fit, adsit interpretativa voluntas totius Religionis, cui talia privilegia concessa sunt; hinc sequitur, etiam respectu ipsius Generalis, posse Capitulum Generale usum privilegiorum restringere, vel auferre; ita Tambur. *tom. 1. disp.*

1. *disp. 16. quest. 9. n. 2. Miranda tom. 2. q. 4. Diana part. 2. resol. 87. tr. 2. Roder. Suarez & alii.*

16. Quando privilegium est concessum alicui Religioso in particulari, non tenetur uti tali privilegio; tenebitur tamen in tribus casibus illo uti, primò, quando inchoatum est jam negotium, sed non absolutum; secundò, quando ex non usu præjudicatur alteri, ut si Clericus permitteret se judicari à Judice seculari; & tertio, quando quis habet debitum, aliquid agendi, sed impeditur, sublato autem impedimento per privilegium, tunc tenetur privilegio uti, si tempore interdicti habens privilegium, tenetur eo uti; Missam diebus festis audiendo, ita Sanch. Suarez, quos refert, & sequitur Bordon. tom. 2. resol. 52. n. 104.

17. Denique privilegium suum sortitur effectus, licet ignoret illud is, contra quem privilegium obtinetur, nam privilegium est gratia Principis, in de: pendens à subditis, quibus scientibus, & contradicentibus potest illam concedere, cui voluerit, idcirco non potest obesse hujusmodi gratia ignorantia illius, contra quem obinetur; ac propterea, ut Bullæ privilegiorum valeant, non requiritur, quod intimari debeant: ita Bartol. in l. *omnes populi*, quaest. 105. part. princ. p. n. 37. ff. & iur. & iure la. Cruz de Stat. Reg. lib. 2. cap. 1. abb. 3. conclus. 3.

18. Sequntur, & explicantur Clausulæ, quæ solent apponi in privilegiorum confirmationibus.

*Clausula prima: In forma communi.*

Hæc clausula demonstrat, Principi-

pem concedere, seu confirmare ad partis instantiam, & consequenter ignorare ea, quæ concedit, seu confirmat, sicut alia omnia, quæ in facto consistunt, atque adeò tam impetrata, quam concessa, vel confirmata, in dicta forma communi nullum jus alicui de novo attribuunt, ac propterea hujusmodi confirmationes parum, aut nihil juvant. *ex Cap. Venerab. de confirm. nil. vel inutil.*

### 2. Motu proprio.

Illud dicitur, motu Principis fieri, quod liberaliter sit, altero non petente, & habet vim specialis concessionis, & ideo tollit vitium subreptionis ex taciturnitate veritatis, nisi subreptio procedat ex re ipsa, ita ut si Princeps interrogaretur in specie, non esset vero simile, quod concederet; & nisi contingat ex falsa causæ expressione; & nisi sit in præjudicium tertii: ita Tambur. tom. 1. disp. 18. n. 21. Rota decis. 656. n. 4. Barbof. & alii.

### 3. Ex certa scientia

Hæc clausula rem minus validam, validam reddit, & facit, quod nullus interior possit de validitate illius rei amplius cognoscere, nam dicta, & confirmata per Principem ex certa scientia non possunt in dubium revocari; *ex cap. Venerab. de confirm. Abb. cap. 3. de re judicata.*

### 4. De plenitudine potestatis.

Clausula hæc tollit omnes defectus solemnitatis omittæ, non autem provenientes à natura, vitium subreptionis, & obreptionis aufert, vimque clausulæ derogatoriæ habet, in præjudicium tamen tertii nihil operatur; regulæ de jure quæsito non derogat, nec.

nec dolum partis impetrantis supplet. Rota part. 2. Seraphin. decif. 1082. Barbosa. & claus. n. 8.

5. *Omni appellatione remota.*

Debet intelligi de omni appellatione, ne sive frivola, sive legitima, ut apertè constat ex cap. Pastoralis, de appellat. ex quo fit, quod Judex, non obstante appellatione potest ad executionem procedere: nisi appellatio in casu in jure expresso sit facta, vel inhibito fiat, vel nisi ex certa scientia Papa appellationem commiserit; poterit tamen supplicari Princeps, qui hujusmodi appellationem admittere, vel non admittere potest; quo non obstante, adhuc sententia poterit executioni mandari: ex cap. Pastoralis, citat. Miranda tom. 2. q. 45. art. 2.

6. *Contradictores quoslibet, & rebelles &c.*

Hæc clausula intelligenda est de his, qui de facto, non verò de jure contradicunt; unde non procedit, si causa contradictionis sit rationabilis, & justa; tribuit etiam eadem clausula jurisdictionem, & potestatem compescendi non solum partes molestantes, sed etiam extraneos quoscumque de facto contradicentes: ita Peyrin. ad Const. unic. Innoc. VIII. n. 2. Barbosa. claus. 32. n. 22. & alii.

7. *Invocato, si opus fuerit, brachii secularis auxilio.*

Hæc clausula importat, quod quando remedia Ecclesiastica non juvant; debent Judices seculares auxilium, brachii secularis præstare, ut habetur in Cap. Principes, & Cap. Admini-  
stratores, nam utraque potestas, Ecclesiastica scilicet, & laica debent se

ad invicem adjuvare; ut constat ex lege: *Adversum*, cap. duo sunt, & id de jure communi; quod si auxilium præstare renuerint, peccant juxta gravitatem, vel parvitatem materiæ, & possunt ad id cogi per Religionum Conservatores: ita Menoch. de arbit. lib. 1. casu 452. Roder. tom. 1. q. 8. art. 14. Peyrin. ad Constit. 1. Julii II. §. 38. n. 97.

8. *Non obstantibus quibuscumque in contrarium.*

Effectu præcipuus hujus clausulæ est, tollere omnia, quæ dispositio-  
ni, in qua est apposta, obstare possent ita Rota part. 1. recent. decif. 506. n. 5. idcirco quando à Papa in aliqua dispositione, vel privilegio ponitur, non solum jus commune, sed etiam omne privilegium sibi contrarium, abrogat, & evocat; verumtamen non collit ea, quæ, nisi in specie, revocari non possunt, ac propterea hæc clausula generalis non sufficit ad derogandum clausulis derogatori-  
um derogatoriis, nisi addantur verba: *etiamsi de illis, illorumque totis tenoribus specialis, specifica, & individua mentio, ac de verbo ad verbum facta fuisset*: ita Rota part. 2. recent. decif. 87. n. 4. ex cap. Dudum de Prebend. in 6.; nec vitium subreptionis, vel obreptionis tollit, ut docent Martia part. 1. claus. 73. Tusch. lib. 1. conclus. 349.

9. *Quorum tenores volumus hic haberi pro expressis.*

Hæc clausula habet vim tollendi necessitatem inserendi tenorem illarum Constitutionum, quæ confirmantur, vel derogantur, etiam si in illis talis expressa mentio postuletur; &

hæc procedunt non solum in dispositione facta motu proprio, sed etiam ad partis instantiam; non operatur tamen in præjudicium tertii, neque in his, quæ in facto ignorato consistunt, nec tollit defectus, per quos gratia esset subreptitia: ita Tamb. tom. 1. disp. 18 q. 6. n. 44. Peyrin. ad const. 4. Sixti IV. n. 5. Barbof. claus. 102. n. 1. & alii.

10. *Supplentes omnes, & singulos defectus, ac juris, & facti solemnitates.*

Juris defectus alii sunt substantiales, ut si rescriptum impetrans sit excommunicatus, irregularis; aut verum taceat, vel falsum exprimat; alii sunt accidentales, prout sunt, qui ad juris positivi solemnitatem pertinent, ut puta, si electio fiat non cantata Missa Spiritus Sancti, vel si contractus die festo stipuletur; alii sunt naturales, ut partis citatio, seu defensio, vel si impetrans sit mentecaptus, furiosus, aut lunaticus; alii sunt defectus à natura descendentes, ut esse spurius, bigamus, vel Hebreus &c. si igitur ista clausula sub forma communi apponatur, defectus supplet accidentales; si autem ex certa scientia, motu proprio, ac de plenitudine potestatis literæ concedantur, nedum accidentales, verum, etiam & substantiales defectus tollit; non tamen naturales, nec à natura descendentes, neque ad ignorata se extendit, nihilque in tertii præjudicium operatur, nec non defectus malitiz, doli, & fraudis nullo modo supplet; nisi pro nobis Mendicantibus, ex privilegio Leonis X. quod refertur in supplemento fol. 31. Roder.

tom. 1. q. 8. art. 15. Miranda tom. 2. q. 43. art. 5. Barbof. claus. 104 n. 4. & alii.

11. *Sublata eis, & eorum cuilibet &c.*  
Præcipuus, & proprius effectus hujus clausulæ est, claudere os iudicibus, illisque facultatem tollere, aliter judicandi, declarandi, & interpretandi, nisi prius obtenta in signatura gratiz os aperiendi facultate: ita Gonz. ad Regul. 8. Cancell. Gloss 66. n. 3. Tusch. tom. 1. litt. C. conelus 345. non tamen impedit, quominus Iudices videre possint, an allegata privilegia locum habeant: ut docet Farinac. p. 2. decis 360.

12. *Decernentes irritum, & inane &c.*  
Sensus istius clausulæ est, irritare omnia, quæ in contrarium fiunt, & eorum tantæ efficaciz, ut etiam ignorantes liget, si ve inferantur adverbiz, scienter, vel ignoranter, si ve non, & hoc procedit, quomodocumque constitutio fuerit facta, respectu nullitatis, non verò aliarum poenarum, quæ ignorantes non ligant, ut constat ex cap. si eo tempore, de electione; cap. si beneficia de Prob. & Dignit. in 6. vires etiam sententiæ tollit, & ejus executionem impedit, formamque taliter inducit, ut illa non servata, actus ipso jure corruat; ita Rota part. 1. decis. 225. n. 1., & quicquid contra istam clausulam sit, etiam parte non opponente, est ipso jure nullum: Barbof. claus. 40. n. 33.

13. *Absolventes ab omnibus Censuris.*  
Ad tollenda nullitatis pericula, quæ ex excommunicatione, suspensione, & interdicto possunt oriri, hujusmodi clausula ponitur; unde hæc absolutio reddit gratias efficaces præ-

præfatis censuris non obstantibus ; istas tamen realiter non tollit , sed dumtaxat pro gratiæ executione eas suspendit , quare si absolutus nullam aliam gratiam consequitur , nisi eam , ad cuius effectum tantummodo tollitur , idcirco si celebret , irregularitatem incurrit ; præterea talis absolutio non prodest irregularibus ; neque iis , qui scienter Excommunicationis sententiam per quatuor menses sustineant , si per eos flet , quominus absolutionem obtineant ; ita Peyrin. *ad const.* 1. Julii II. n. 54. & 55. Archang. *de privil.* lib. 1. cap. 18.

14. In foro Conscientiæ .

Quamvis non desint graves Doctores , asserentes hanc clausulam , operari etiam pro foro externo , si parti satisfactum fuerit , probabilius tamen est , solum valere pro foro interno ; ita Suar. Barbof. *quos refert* Tambur. *tom.* 1. *disp.* 12. q. 6. n. 17.

15. Sine præiudicio Parochi .

Per hæc verba Pontifex solum intendit , quod circa decimas , ac primitias Clericis à laicis exhiberi solitas , cæteraque jura Parocho convenientia , præiudicium viterur ; prout declaravit Sixtus IV. & refert Roder. *tom.* 2. *quæst.* 75. art. 1. *in fine* , & Peyrin. *tom.* 1. *in Const.* Phirr. n. 32. per illam vero clausulam : *non repugnantibus Parochis* : declarat Pontifex , privilegium non valere , contradicentibus Parochis ; per aliam autem *de licentia tamen Rectoris* , vel

*Parochi* : non intendit privilegium , annullare , si huiusmodi licentia non petatur ; quia non est conditionata , sed tantum connotat modum ad aliquid ex lege aequitatis faciendum : ita Bonac. & recentiores , *quos refert* , & sequitur Peliz. *tract.* 8. cap. 3. n. 30.

16. Indignationem Omnipotentis Dei .

Hæc clausula virtualiter includit obedientiæ præceptum , idcirco contrafacientes mortaliter peccant , & pœna arbitraria puniri possunt : ita Peyrin. *ad Const.* 3. Sixti IV. Tambur. *tom.* 1. *disp.* 12. q. 6. n. 7. & 8.

17. Provisis eximimus , ac totaliter liberamus .

Distinctio hæc talis est naturæ , ut omnem interpretationem excludat , & omnia , quæ in contrarium excogitari possunt , derogando non solum privilegii privatæ personæ , sed etiam universitati in specie , vel in genere , sub quibuscumque tenoribus , etiam motu proprio , & ex certa scientia , vel de plenitudine potestatis concessis ex Cap. *Natumum* , Henric. Barbof. Peyrin. *ad Const.* 2. Sixti IV. n. 10.

18. Quatenus sint in usu .

Ista verba in aliquibus privilegiorum confirmationibus posita intelligenda sunt , primò , si contra illa non sit præscriptum ; secundò , eo modo confirmantur , quo sunt in usu , quoniam autem modo per non usum ; vel per contrarium usum privilegia amittantur ; in sequenti Capite dicetur .



## C A P. V.

## De Privilegiorum amissione, &amp; cessatione.

1. **P**rivilegiorum amissio, seu cessatio dupliciter potest contingere, vel ab intrinseco, vel ab extrinseco; ab intrinseco cessant privilegia, quando cessat eorum causa finalis, vel subiectum illorum destruitur, aut deficit conditio, sub qua concessa fuerunt; ab extrinseco vero per renuntiationem, per revocationem, per non usum, vel per contrarium usum privilegia amittuntur.

2. Cessante causa finali, sine qua absolute gratia concessa non fuisset, privilegium cessat: *ex cap. cum cessante de appellat.* ubi dicitur, *quod cessante causa, cessat effectus*; nam sicut iniustum est, sine causa legem auferre, vel jus tertii abrogare, ita iniustum est, cessante causa finali privilegii, velle privilegium conservare, ac proinde privilegium rescindi cernibus tempore Quadragesimæ ob aliquam infirmitatem, cessante infirmitate, privilegium cessat; secus autem, dicendum, si cessat dumtaxat causa impulsiva, vel pars causæ finalis, ut v. g. quando privilegium non est perfectè executioni mandatum, prout expresse habetur in dicto *Cap. cum cessante, de appellat.*

3. Destructio subiecto, cui concessum est privilegium, privilegium cessat, hæc tamen regula solum habet locum in privilegiis personalibus, & localibus, nam mortua persona, vel destructo loco, quibus erat con-

cessum, privilegium amittitur; *accessorium enim sequitur naturam principalis*; secus autem in privilegiis realibus, hæc revera rem ipsam sequuntur, & successive ad illos, qui rem ipsam acquirunt, transmittuntur: ita Sanch. lib. 8. de Matrim. disp. 27. Bonac. tom. 2. de leg. in gen. disp. 1. q. 3. punct. 8. Roder. tom. 1. q. 9. art. 4.

4. Deficiente conditione, sub qua privilegium concessum est; ipsum, etiam privilegium corrumpit, idcirco privilegia ad certum tempus concessa, illo expleto, proculdubio deficiunt, nam cum mens concedentis sit, ut privilegium dependentiam habeat ab illa conditione apposta, & tempore præfixo, ideo privilegium perditur, conditione non adimpleta, ut constat ex concessione Indulgentiarum, quæ regulariter sub conditione conceduntur, ut v. g. *fiat tale vel tale opus*, ad earundem executionem, si enim illud, quod jubetur, non fiat, indulgentiæ cessabunt: Suarez lib. 8. de leg. cap. 5. n. 29. Bonac. tom. 2. de leg. in gen. disp. 1. q. 3. & alii.

5. Privilegium absolute, & absque ulla limitatione concessum, morte concedentis, etiam re integra, non expirat; res integra illa dicitur, quæ in suo statu pristino conservatur, & tunc desinit esse integra, quando à primo ad alium statum transit; idcirco gratia, seu privilegium sub condi-

ditione concessum, si res sit integra, morte concedentis expirata *ex cap. si cui nulla, de Præbend. in 6. & omnes Canonista.*

6. Per renuntiationem privilegia cessant, nam liberum est unicuique juri suo renuntiare, nisi alias talis renuntiatio sit in præjudicium alterius, undè Clerici nequeunt privilegio Canonis, aut fori renuntiare; ut constat *ex C. Si quis suadente Diabolo, & ex Cap. Si deligenti, de foro comp.* nec filii familias in damnum parentum, nec Religiosi in damnum suæ Religionis renuntiare possunt, & hoc, tam ex defectu gressitatis, quam ex eo quia hujusmodi privilegia vel jus tertii, vel tactum alienum, aut favorem Communitatis concernunt, ut docet Bonac. *de leg. tom. 2. disp. 1. q. 4. punct. 8.* immo nec Capitulum, nec Communitas, neque universitas juri acquisito per consuetudinem, statutum, aut privilegium renuntiare possunt; quod si contrarium fiat, unus solus se opponere potest: ita *Abb. in cap. 1. de firm. comp. & est communis.* Renuntiatio tamen debet esse voluntaria, & à Principe acceptata; privilegium enim à voluntate concedentis vim habet, quando ergo Superior non acceptat, privilegium semper vivit: ut docent Sanch. *lib. 8. de Matrim. disp. 32.* Bonac. *de leg. disp. 1. q. 3. punct. 3 §. 4. & alii.* Quomodo autem per revocationem privilegia tollantur, in seq. Cap. dicetur.

7. Regularium privilegia non amittuntur *per non usum* nisi legitimis temporibus ad præscriptionem occurrerit; ut constat *ex Gloss. in c. Abb. de Verb. signif. & ex c. Cum ac-*

*cessissent;* ubi ad hoc propositum afferuntur versus sequentes: *Privilegium legem tollit contrarius actus; si personalis; sed si pates esse realis; tunc non perdetur, nisi præscripsisse probetur:* pro explicatione tamen hujus assertionis notandum est; privilegia alia esse negativa, quibus datur potestas ad aliquid non agendum, ut v. g. non solvendi decimas; alia affirmativa, quibus datur facultas ad aliquid agendum, hæc autem affirmativa adhuc sunt in duplici differentia, nam quædam sunt in præjudicium alterius, ut v. g. tributum imponere, alia verò absque alterius præjudicio, ut tempore interdicti divinis interesse; privilegia igitur Regularium affirmativa, quæ tertio præjudicium non inferunt, vel etiam negativam *per non usum* minime amittuntur; affirmativa verò, quæ tertio præjudicant, tunc amittuntur, quando contra illa legitimo tempore præscribitur; præterea non amittitur privilegium, si utendi illo defuit occasio, absuit oportunitas, adfuit impedimentum, vel ignorantia facti, non autem juris, ut docet Gloss. *in cap. ut privilegia,* Palas *tom. 1. tract. 3. disp. 4.* Tambur. *tom. 1. disp. 16. q. 14. n. 4. & alii.*

8. Privilegia comedendi carnes, vel lacticia in tempore prohibito, vel non recitandi horas Canonicas, aut audiendi divina tem; ore interdicti, vel audiendi Confessiones, & absolvendi à resarvatis, & similia, quæ etsi prima facie in præjudicium Ordinariorum videantur, attamen in his, quæ quidem potius sunt in ipsorum, Ordinariorum levamen, non præjudi-

dicium, sed animarum salus consideratur, idcirco si sine temporis determinatione conceduntur, nullius temporis prescriptione, nec per non usum amittuntur; prout docet S. Thom. in 4. sent. dist. 17. q. 3. art. 3. idem dicendum est de quocumque alio privilegio absolute gratioso, & in nullius gravamen concessio, ut v. g. de celebrando, absolvendo, dispensando &c. quod per merum non usum numquam amittitur; quia dato, & non concessio, quod Regularium privilegia prefata per non usum via prescriptionis possent amitti, seu abrogari: hæc tamen abrogatio, vel prescriptio neque sciri, neque probari potest, ultraquam quod, si ego hoc, vel ille privilegio usus non sim, facile erit, quod alii ejusdem, aut alterius Religionis usi sint, & mei non usu non potest alteri prejudicare, & quod dictum est de toto privilegio, intelligendum etiam est de parte illius, quando privilegium plures partes continet, ita Roder. tom. 1. quaest. 8. art. 4. Abb. Cap. cum accessissent in fine. Sylvest. v. Privil. n. 11. & alii.

9. Prescriptio communiter sumpta; est acquisitio dominii per continuationem possessionis per spatium temporis a lege diffinitum; est autem duplex, una scilicet longi temporis, utputa decem annorum, altera verò longissima videlicet triginta, quadraginta, vel plurium annorum, atque adeo tempus hujus prescriptionis uniforme non est, ut dixi in cap. 1. n. 8.; ad prescribendum tamen contra Mendicantes, tempus debet esse saltem sexaginta annorum, &

hoc ex privilegio Eugenii IV. Anno Domini 1434. 7. Kalend. Martii Pontificatus sui anno 4. Monachis Sancti Benedicti Vallisoletani concessio, & hoc privilegium habetur authenticum in libro privilegiorum dicti Ordinis, anno 1589. Romæ impresso, ut testatur Roder. tom. 1. q. 8. art. 3. Portel. V. privil. declaratio in addit. fol. 390., quo indulto etiam Ordines Mendicantes, alique communicantes in privilegiis fruuntur; immo ad prescribendum contra prefatos Monachos, ac Mendicantes requiritur spatium annorum centum, sicut ad prescribendum contra Ecclesiam requiritur, tum quia Mendicantes dispositioni Papæ immediate sub sunt, tum etiam quia ex eodem Eugenio IV. ita extat concessum Monasterio S. Pauli extra Muros; & ex Pio IV. Anno 1567. pridie nonas Junii, Pontificatus sui Anno 4. Congregationi Montis Oliveti; ut videre est in libro Privilegiorum Ordinis prefati, Romæ impresso anno 1589. pag. 802. tres igitur conditiones necessariz sunt ad hoc, ut Regulares privilegia amittere possint; prima est, prescriptio centenaria; secunda, scientia privilegii; & tertia, voluntas non utendi privilegiis, quæ omnia, ob privilegiorum communicationem ad omnes Regulares extenduntur, prout docet Roder. tom. 1. q. 8. art. 4. Miranda tom. 2. q. 42. art. 4. conclus. 2. & alii communiter; Idcirco privilegiorum Regularium firmitas, ac stabilitas nullo modo, per non usum, hucusque perdi, vel amitti potuit; nam ultra conditiones prædictas, quæ ad prescribendum omnino requiruntur,



ut, eadem privilegia ferè ab omnibus Pontificibus confirmata, & innovata fuerunt, ut cap. præcedenti demonstratum est, vel respectu unius, vel alterius Religionis; ac cæteris omnibus per communicationem, ut infra demonstrabitur.

10. Privilegia negativa, ut sunt non solvendi Decimas, exemptionis à jurisdictione Ordinarii, & similia, per contrarium usum, amittuntur; nam sicut lex per actus contrarios cessat, ita & privilegium, cum sit lex privata, unumquodque enim à suo contrario corrumpitur; præterea, ex quo privilegiatus in occasione sibi oblata, & tempore opportuno, non solum omisit privilegio uti, verum etiam fecit actum illi contrarium, censetur, & de jure præsumitur, suo privilegio negativo renuntiasse, scilicet solvendo decimas, cum esset privilegiatus ad non solvendum, vel comparando coram Ordinario, cum ab ejus jurisdictione esset exemptus; ut expressè dicitur in cap. cum accessissent, & cap. Accedentibus, de privil. & cap. receptimus: & docent omnes Canonista.

11. Ad hoc, ut actus contrarius præjudicet, & privilegia tollat, requiritur, ut sit voluntarius, in tempore debito, efficax, & proprius illius, cujus est privilegium; ac proinde defectu primæ circumstantiæ, si privilegiatus agere contra privilegium cogatur, non amittit privilegium, sic item si ignoret, vel non advertat, se privilegium habere, quia ad renuntiandum, & præjudicandum propriis privilegiis, necesse est, ut actus contrarius sit liberè,

spontè, & scitè factus, nam de ratione voluntatis est, ut liberè operetur, & in præcognitum tendat; ut bene notat Bart. in l. 1. c. de his, qui spontè, Abbat. in cap. cum accessissent: idem procedit, cum quis prævia protestatione actum contrarium facit, nam protestatio voluntatem renuntiandi privilegio excludit; ut docet Suarez lib. 8. de leg. cap. 35. n. 3. & 24. cum aliis; defectui secundæ circumstantiæ non officit, ut si quis v. g. privilegium habeat non solvendi collectam in Quadragesima, & antè, vel post illam solvat, non ideo privilegium amittit, quia actus contrarius, ut præjudicet, debet fieri à privilegiato in tempore, pro quo datum est privilegium; habent enim privilegia determinata tempora; neque actus contrarius factus ab aliquo particulari, qui impotens est ad renuntiandum privilegio, officit, nam qui impotens est ad renuntiandum, impotens etiam est ad destruendum; sic Clericus permittens, se à seculari Judice judicari, vel ab aliquo percuti, non propterea privilegium Fori, & Canonis amittitur, similiter, si Superior Conventus non obligatus ire ad processiones, nihilominus vadat, per hunc contrarium usum privilegium Ordinis, vel Conventus non perditur, quia hujusmodi actus contrarius non est factus à Religione, vel ab Ecclesia, cujus est privilegium; atque adeo Successor reclamare tenetur, antequam præscriptio currat: ita Roder. tom. 3. q. 36. arr. 3. Suarez lib. 8. de leg. cap. 35. n. 6. Portel. v. privil. cessatio n. 60. &c.

12. Per abusum etiam privilegia amittuntur.

D.

amittuntur; ut constat *ex cap. licet de Regular. & cap. privileg.* ubi dicitur privilegium meretur amittere, qui concessa sibi abutitur potestate: quæ jura extenduntur ad omnem privilegii abusum, qualiscumque ille sit, propriè, vel impropriè dictus; nam ubi lex non distinguit, nec nos distinguere, nec limitare debemus; propositio enim indefinita in moralibus æquivalet universalis; propterea si Prælati legitime petenti licentiam transeundi ad strictiorem Religionem, neget, abutitur potestate; si quis occasione privilegii immunitatis Ecclesiæ, in ea delinquit, immunitate non gaudet; si Canonicus prætextu studiorum, dum abest, fructus suæ Ecclesiæ recipit, & postmodum neglecto studio, vanitatibus vacet, non facit fructus suos; item si quis in aliquod reservatum lapsus, alibi, ubi reservatum non est, in fraudem reservationis se conferat, beneficio absolutionis privatur: ita Suarez *lib. 8. de leg. cap. 36. n. 3. Layman lib. 1. summa tr. 4. cap. 23. de leg. quest. de privil. n. 24. §. 7. & alii*. Hujusmodi tamen privilegii amissio propter abusum potest esse duplex, altera totalis, & perpetua, ita ut privilegiatus in perpetuum uti suo privilegio non liceat, altera verò partialis, ita ut pro aliquo dumtaxat tempore, vel loco

privilegii potestate privetur: ut constat *ex Can. privil. 11. q. 3. & cap. Cum in cunctis 5. ult. de elect.*

13. In extrema, vel quasi extrema necessitate privilegia quidem amittuntur, cum necessitas legem non habeat: idcirco si Magistratus vellent compellere Regulares ad solutionem alicujus collectæ tempore prædictæ necessitatis, & laicorum vires non suppetarent, tunc Regulares, consulto Pontifice, tenerentur laicorum oneribus subsidium præstare: privilegia enim non habent locum in tempore necessitatis, ratione cujus summa juris præcepta infringi solent, & non humana solum, sed etiam divina limitari: ut habetur *in cap. Adversus, de immunit. Eccl. in 6. & docent Navar. Conf. 5. n. 2. Genuen. in pract. Eccles. q. 249. n. 5. fol. 293.*

14. Per privilegium novum; antiquum, seu præcedens privilegium amittitur, si sibi sit contrarium, & quando in novo privilegio de præexistente privilegio sit mentio, vel saltem per clausulas generales illi deroget: secus autem, si privilegium novum nec in specie, nec in genere deroget privilegiis sibi contrariis, quia specialia privilegia per sequentem legem generalem minimè tolluntur: ut dicitur *in cap. 1. de re scriptis & ibi Gloss. & D.D. communiter.*



## C A P. VI.

## De Privilegiarum Revocatione.

1. Solus Summus Pontifex revocatione, vel sententia Regulares privilegii expoliare potest, & etiam si ex tali revocatione læsio illis fieret enormis, adhuc hoc non obstante, validè, ac licitè; juxta interveniente causa, hujusmodi privilegiis gratiosis ab eodem, vel à successoribus expoliari possunt: prout expressè definitur in *cap. suggestum de Decim.*: causæ autem ad abrogandum privilegia sunt multæ, inter quas præcipue sunt causæ Dei honoris, cultus fidei, favoris Animarum, & publicæ utilitatis: hæc revera dicuntur magnæ causæ, ob quas, etiam, cum præjudicio tertii magna revocantur privilegia: ut dicitur in *l. Si quis in gravi*, & docent Sylvest. v. *privil.* n. 10. & Felin. in *cap. quæ in Eccles. de constit.* quod maxime procedit in privilegiis ad Principis beneplacitum concessis, vel quæ ejusdem Principis jurisdictionem concernunt: verum, hæc sine causa revocare non licet, prout habetur in *Cap. decet, de Regul. jur.* in 6. & aliter faciens, etsi de jure ejus revocatio subsistat, nihilominus per accidens peccat secundum materiæ gravitatem, ut ratione odii, scandali, vel damni illati, nam Princeps non potest suo solo arbitrio, & voluntate, sine justa causa, rem à subdito tollere, & alteri dare, cujus rei Dominium, aut jus, vel possessio penes subditum re-

peritur: ita omnes Canonistæ in *Cap. novit, extra de judiciis, quos sequitur Suarez de leg. lib. 8. cap. 37. n. 10. Merolla tom. 3. disp. 6. de privil. cap. 7. dub. 7.*

2. Princeps, qui ex juxta causâ licite, & validè privilegia revocat gratiosis concessa, non tenetur recompensare damnum, quod ob talem revocationem privilegiati sunt passi; idcirco Regularium privilegia, quæ potius censentur nobis gratiosè, & de benignitate Apostolica, quam aliunde concessa, atque adeò dicuntur Principis beneficia, prout crebrò in eisdem Pontificiis Constitutionibus legitur, & expressè ponitur: *de benignitate Apostolica*: sine controversia tam à concedente, quam ab ejus Successoribus, ex justa causa, & absque onere recompensationis, validè, & licitè possunt revocari; prout habetur in *cap. licet de Regul. jur.* in 6. & ibi Gloss. *comm. recepta*; quicquid aliqui temerè in contrarium asserant, supponentes, privilegia Regularium esse concessa, vel ex causa onerosa, vel per modum contractus, vel ex causa meritorum, ac propterea sine rationabili causa, & prævia compensatione revocari non posse, quia in hoc toto cælo errant; etenim quamvis Summus Pontifex dicat, se merita Regularium remunerare in privilegiorum concessione, id tamen dicit, & facit, non ex obligatione.

justitiæ, sed ex gratitudine, vel liberalitate, ita Suarez de leg.<sup>3</sup> lib. 8. cap. 37. n. 9. Meroll. tom. 3. cap. 8. n. 474. & alii.

3. Locorum Ordinarii in Regularium approbatione vel concessionem foundationis, seu ædificationis alicujus Ecclesiæ ipsorum exemptorum graviter peccant, inducentes ipsos Regulares exemptos ad juramenta aliqua præstanda, renuntiationes, & subscriptiones faciendas, comminantes, si hæc non præstiterint, se eos non approburos vel licentiam non concessuros, nisi sub talibus conditionibus, quæ privilegiis Regularium derogant; ratio est, quia faciunt contra jus Canonicum in re gravi; jus Canonicum hoc præcipit in cap. cum tempore de arbitris, ubi Innoc. III. scribens cuidam Abbati, qui privilegiis renunciaverat, aperte ostendit dicens: *Cum etsi sponse volueris, de jure tamen nequiveris sine licentia Romani Pontificis renunciare privilegiis*; nam privilegia non debent dici lex tantum permittens, sed etiam præcipiens, unde Regularis non potest renunciare privilegio absque peccato mortali, cum faciat contra præceptum in re gravi, renunciando juri, quod suum non est, nec unius Provinciæ dumtaxat, sed totius Ordinis, Ecclesiæ, & Pontificis; ultra quam quod hujusmodi renuntiationes nullius valoris sunt; privilegiis tamen personalibus, absque præjudicio tertii, renunciare potest: ita D. D. communiter.

4. Per generalem privilegiorum revocationem non revocantur Regularium privilegia quamvis apponan-

tur verba generalia, & geminata; ut cum dicitur: *Privilegiis in contrarium penitus derogatis, & exclusis*; nam Regularium privilegia quandam excellentiam sortiuntur, ob quam expressior generalis requiritur revocatio; etenim duplex est privilegiæ genus; unum, quod privatis conceditur, & est odium juris; alterum, quod à Principe conceditur in perpetuum in bonum alicujus communitatis, aut Ordinis Regularis, & hoc æquatur legi, ac si in corpore juris insertum esset, & tanquam favor est amplè interpretandum: ut docent D. Thomas opuscul. contra impugnantes Relig. cap. 64. colum. penult. Jon. in cap. fin. n. 19. & 20. ff. de constit. Marcell. à S. Benedicto v. privil. in notabilibus, Tusch. tom. 3. conclus. 215. n. 40.

6. Revocatio quæcumque privilegiorum non abrogat Regularium privilegia, nisi ipsa revocatio Regularibus juridicè intimeretur; nam citatio, seu intimatio est unum de substantialibus ad observandum Superiorum mandata, cum ignorantia inculpabilis subditos à legis observantia excuset; constat etiam ex Bulla Gregorii XIII. incip. *Æquum reputantes*, Societati Jesu concessa Anno 1572. & habetur in Bull. Rom. Laertii Cherub. quæ est prima inter Const. dicti Pontificis tom. 2. fol. 361. ubi statuit, ut nulla abrogatio sub quavis amplissima forma præjudicet privilegiis præfatæ Societati concessis, nisi prius intimata, & insinuata fuerit; Doctoribus autem judicandum relinquo, an ex viciatæ Bullæ trina intimatio sit necessaria in omnibus Regularium pri-

privilegiis revocandis, sicut aliqui opinari videntur; privilegium quidem præfatum omnes alios Mendicantes comprehendit, ob mutuam privilegiorum communicationem.

7. Quamvis dictum est superius: quod per revocationis verba quantumvis generalia, & geminata, non revocantur Regularium privilegia, nisi de eis mentio fiat de verbo ad verbum: verumtamen sufficienter ipsis derogatur, dicendo: *Volumus tales litteras haberi pro expressis, ac si de verbo ad verbum inferrentur*, ut habetur in Clementina 1. & 2. de sepult. & Stylus Curie hoc observat: nam Romani Pontifices non possunt sibi, aut Successoribus ligare manus, ut non valeant abrogare à se, vel à Prædecessoribus concessa, nisi litteræ inferantur, cum id aliquando impossibile judicetur ob multitudinem, ac ignorantiam tantorum peculiarium privilegiorum: ita Mandos. *Regul. Cavell. 13. q. 8. n. 6. & alii relati à Roder. tom. 1. q. 9. art. 6.*

8. Clausula illa: *modo non sint revocata*: in privilegiis apposita non comprehendit privilegia ab uao Pontifice revocata, sed postmodum à Successore confirmata in forma specifica, scilicet. *ex certa scientia, vel de plenitudine potestatis*, quæ privilegia alias nulla, vel revocata, revalidat: ratio est, quia cum per subsequenter confirmationem revalidata sint, revocationi sublata non amplius subduntur: quare ad summum ea clausula: *modo non sint revocata*: apposita à Paulo V. Gregorio XV. & Urbano VIII. in privilegiorum confirmatione habebit effectum respectu

revocatorum post Clementem VIII. quia iste omnia privilegia, etiam alias revocata, in forma specifica confirmavit, prout constat ex Bulla, quæ incipit: *Ratio Pastoralis officii* & c. 51. inter Ratio ipsius Pontificis apud Laertium Cherub. *tom. 3. Bull. Rom.*

9. Cum privilegia non subditis concessa, & ab eisdem acceptata, nullatenus possint à Principe revocari, idcirco Principes sæculares nequeunt revocare privilegia Ecclesiæ, vel personis Ecclesiasticis ab ipsismet elargita, quia privilegia Ecclesiæ, & ejus Ministrorum à dictis Principibus concessa sunt ob remunerationem beneficiorum spiritualium, quæ eorum ditiones ab Ecclesia, & ejus Ministris recipiunt, ideo remuneratorium revocari nequit: tum quia Principum privilegia in favorem Clericorum concessa, cum à Summo Pontifice approbata, & confirmata sint, per alium revocari minime possunt: prout concorditer D.D. affirmant, & præcipue Suarez de leg. lib. 8. cap. 37. n. 2. Sanch. de Matrim. lib. 8. disp. 33. Victoria d: potest. Eccles. relect. 1. sect. 7. propos. 7. Bellarm. tom. 1. p. 2. cap. 2. col. 3.

10. Privilegia subreptitiæ, vel obreptitiæ obventa possunt utique à Principe revocari, ut constat ex cap. litteris, & cap. rescriptio: ubi dicitur: *quod mendax peccator debet carere imperpetratis*: nam in quolibet privilegio subintelligi debet, etiam si non exprimitur, hæc conditio: *si preces veritate nitantur*: ita definitur in cap. 2. de rescriptis, & ibi Gloss. v. conditio ubi multa referuntur jura, quibus ostenditur, nullum; & invalidum esse

se

se privilegium, ex eo, quod impetrans falsam causam suggestit, ob quam, ut verum, huiusmodi privilegium fuit concessum: & docent Sylv. v. *Privil.* q. 10. Miranda tom. 2. q. 43. art. 2. conclus. 1. & alii.

11. Ex iusta causa, & propter commune bonum potest Princeps revocare privilegium per modum onerosi contractus concessum, nam, quemadmodum potest in tali casu subditum suis bonis privare, sic pariter poterit, non obstante contractu, privilegiorum revocare: tenetur tamen de ablato privilegio subdito compensationem facere, si commode possit ante, vel saltem post privilegii revocationem: ut docent Felin. in cap. *que in Ecclesi.* n. 28. de *Constit.* Menoch. de *arbitr. lib.* q. 48. Sanch. lib. 8. de *Matrim. disp.* 33. n. 9.

12. Privilegia remuneratoria ex debito iustitiæ à Principe elargita, quæ revera sapiunt naturam contractus onerosi, ita sunt valida, & irrevocabilia, ut nec in casu necessitatis possint ab eodem revocari, nisi causa iusta cognita, cum compensatione debita, & abrogati privilegii expressa mentione, quod habet locum, nedum in concedente, sed etiam, & in Successore, quia Successor tenetur servare pacta, & contractus suorum prædecessorum: ita Sanch. cit. lib. 8. *disp.* n. 4. ad hoc, ut privilegii donatio censeatur remuneratoria, quando merita in ipso non sunt expressa; sufficit pro foro interno, quod probeatur, merita præcessisse, ut habetur in l. *si vero, l. si donazione*, & docent Navar. in *sum. cap.* 27. n. 146. Sanch. lib. 6. de *Matrim. disp.* 6. n. 13.

13. Privilegia remuneratoria à Principe concessa ob servitia, & obsequia à subditis non liberaliter exhibita, sed aliunde debita, quorum causa Princeps privilegia eisdem dispensavit non ex debito iustitiæ, sed ex benevolentia, & gratitudine, possunt ex iusta causa revocari: quæ quidem causa debet primario, non autem secundario, publicam utilitatem respicere: ob huiusmodi tamen revocationem non debetur compensatio ex iustitia, sed tantum ex benevolentia, sicut enim prior remuneratio ex gratitudine fuit, ita & compensatio ex benevolentia erit: ut docent Bald. in l. *donationes*, & l. 2. c. de *quibus muner.* Suarez lib. 8. de *leg. cap.* 27. n. 6.

14. Privilegia Bullæ Cruciatæ, quæ revera per modum contractus conceduntur, scilicet mediante pecunia pro fidei defensione impendenda, nisi ex iusta causa publica, cum debita compensatione, & expressa revocatione privilegiorum, etiam per modum contractus concessorum, revocari minimè possunt in Anno Jubilæi, quod in quolibet vigesimo quinto anno Romæ conceditur, & per totum Orbem publicatur: ut docent Sanch. de *Matrim. disp.* 33. n. 10. Portell. v. *Bull. Cruciat. in fine.* Navar. de *Indulg. notab.* 33. n. 51. Ludovic. à Cruce in *exposit. dist. Bullæ disp.* 1. cap. 9. dub. 6. Diaz. p. 1. tract. 11. res. 97. *asserentes ita à Sede Apostolica declaratum fuisse:* nec te moveat, quod cum agitur de modico prejudicio, tunc in generali privilegiorum suspensione veniant etiam privilegia per modum contractus concessa, nam id, quod pro Bulla Cruciatæ datur, licet respe-

Qu

Aut singulorum donantium & quid modicum, respectu tamen totius summae datæ, quæ singulis annis pro Bullæ elemosina contribuitur, magnum quidem est: ita Merolla tom. 3. de privileg. cap. 7. Bonac. tom. 2. de leg. disp. l. q. 3. punct. 8. §. 3. n. 13. & alii.

15. Cum privilegia Ordinum Mendicantium sint perpetua, & realia, ita ut numquam suspensa censeantur, nisi in specie suspendantur, idcirco, per Bullam Cruciatæ neque suspendi, neque invalidari possunt, nam privilegia personalia, ut sunt privilegia præfatæ Bullæ, non habent vim suspendendi, vel invalidandi privilegia realia: atque adeo Regulares, sive sint Prælati, sive subditi possunt uti privilegiis, respectivè sibi concessis, lucrarique Indulgentias in illis Regnis, seu ditionibus, ubi prædicta Bulla prædicatur, etiamsi eandem non habeant, dummodo privilegia, quibus uti velint Sacri Concilii Tridentini Decretis non sint contraria: ita Tambur. de jure Abb. tom. 1. disp. 16. q. 16. Miranda tom. 2. q. 43. art. 7. Ludovic. à Cruce in expos. dictæ Bull. disp. 1. cap. 3. dub. 1. n. 8. Vilhalob. tom. 1. tract. 27. claus. 18. supplement. Ord. p. 1. fol. 60. concess. 177.

16. Privilegia Regularibus concessa, quæ per se principaliter, & immediatè eorumdem Ordinum auctoritatem, Ecclesiarumque favorem concernunt, licet secundariò, & consecutivè in laicorum beneficium cedant, per Bullam Cruciatæ nec tolluntur, nec suspenduntur, quia, ut dictum est, privilegia realia non invalidantur per personalia: etenim in omnibus gratiis, & privilegiis causa

finalis, & principalis debet attendi, & examinari, non autem causa secularia, & impulsiva; idcirco Confessarii Mendicantes, & qui cum eis in privilegiis participant ab Ordinario approbati, non obstantè dicta Bulla, in vim suorum privilegiorum poterunt, non solum secularium vota, & juramenta commutare, & prænitentes absolvere, sed etiam in eorum Conventibus Eucharistiam ministrare, nam hæc privilegia, & similia principaliter, & immediatè auctoritatem Ecclesiarum, & favorem Religionum respiciunt: si autem privilegia principaliter, & directè concernant laicorum favorem, & minus principaliter Religiosorum commodum: tunc pro secularibus eadem suspenduntur, per illam generalem in dicta Bulla privilegiorum suspensionem, ac proinde Indulgentia plenaria v. g. visitantibus Ecclesias nostras in die Sancti P. N. Francisci concessa, pro secularibus suspenditur in illis regionibus, ubi Bulla prædicatur, ita ut sine dicta Bulla nequeant præfatam Indulgentiam plenariam lucrari: Religiosi tamen, etiamsi Bullam non habeant, illam lucrantur, & hoc ideo, quia illa suspensio privilegiorum generalis, non est exceptio gratiarum concernentium Religiosos primariò, & laicos secundariò, sed vice versa: idem dicendum est de privilegiis deferentium habitum tertii Ordinis nostri, vel aliorum Ordinum, qui sine dicta Bulla minimè possunt indulgentias lucrari, cum hæc privilegia, ut dixi, personalia sint, ac per eandem Bullam suspendantur: ita Sanch. in sum.

sum.

tom. 1. lib. 4. cap. 54. n. 62. Navar. in comm. de indulg. notab. 31. n. 21. Roder. in empos. dicta Bulla 5. 12. n. 4. & tom. 1. q. 61. art. 14. Graff. in append. ad decis. lib. 1. cap. 7. §. 9. n. 65. & alii comm.

17. Anno Jubilæi magni, quod, ut dixi n. 14. in quolibet vigesimo quinto anno Romæ conceditur, & per totum Orbem publicatur, quinque præcipuè suspenduntur, & Regularibus prohibentur: omnis scilicet Indulgentia plenaria: autoritas vota commutandi: facultas dispensandi, vel commutandi malè ablata incerta, potestas Confessarios instituendi, & potestas absolvendi à casibus Sedi Apostolicæ reservatis, prout habetur in extravag. Sixti IV. in cap. quemadmodum, de peniten. & remiss. in super idem Pontifex Mendicantium, privilegia restringit, & contra transgressores penas apposuit; possunt tamen Regulares Indulgentias non plenarias lucrari: de rebus incertis; absque ulla culpa obtentis componere; Confessarium eligere pro absolutione in foro conscientiæ; quia constitutio odiosa non debet extendi nisi ad expressa, elapso autem Jubilæi anno præfata suspensio tollitur: ita Navar. de indulg. notab. 28. n. 13. Verum quia non uno, eodemque modo, sed cum amplissima, vel limitata potestate Romani Pontifices solent Jubilæa indicere, non erit inutile Bullas attentè legere, & præcipuè Bullam indictionis Jubilæi, ejusque singula quoque verba diligenter notare: ut docent Sanchez in sum. tom. 1. lib. 4. cap. 54. n. 62. cum aliis multis, quos citat Diana part. 1. tract. 11. ref. 100.

18. Quoad absolutionem Religiosorum multa extant Regularium privilegia, quibus eorum Prælati datur facultas absolvendi subditos à casibus Papæ reservatis, & in Bulla Cænz contentio, aliquibus exceptis, ut infra tract. 2. 3. & 4. dicetur, ut constat ex Mari magno Sixti IV. quod incipit: *Regimini Univer. Ecclesiæ*, & ex Bull. S. Pii V. Anno 1571. Patribus Casinensibus concessa, & ex alia Gregorii XIII. Patribus Societatis Jesu anno 1584. concessa, & habetur in comp. privileg. dictæ Societatis V. absolutio 4. 7. & docet Suarez tom. 4. de Relig. tract. 1. cap. 22. n. 2. & alia similia refert Casarub. in comp. privileg. v. absolutio, idcirco sicut Bulla Cænz, non obstantē suæ rigoroſa revocatione, minimè tollit, quominus valeant privilegia Bullæ Cruciatæ, ad absolvendum à casibus ejusdem Bullæ Cænz, exceptis illis, quæ in dicta Bulla Cruciatæ exprimuntur, prout omnes docent secus autem fideles deciperentur in illius receptione, quod non est dicendum, ita nec poterit tollere Regularium privilegia, quæ validiora sunt, saltem quoad forum conscientiæ, & quando delicta sunt occulta, hæc enim nulli præjudicium inferunt, nam pro quiete animarum, & ad tollendos Religiosorum discursus fuerunt concessa, alias mens Pontificis defraudaretur, & Religiosorum statui non esset bene provisum, essent enim in continuo motu, non sine scandalo, & dispendio, prout docet Sousa sup. Bull. Cænz disp. 100. n. 2. & alii communiter, ultraquamquod patet etiam ex lectura textus Bullæ, ibi



Ibi enim prohibetur absolvere, & dispensare sub pretextu, non autem virtute privilegiorum, quæ de facto verè, & realiter dant facultatem absolverendi, etiam à casibus Bullæ Cænz, eo modo, quo supra, pretextus enim est velamen, quo se movere, quis simulat ad aliquid agendum, idcirco non excludit illud, quod vera, & legitima facultate sit, prout in casu nostro contingit; ita Gonzal. in leg. 8. Cancell. Gloss. 57. n. 2. Suarez ut sup. tract. 1. lib. 2. cap. 21.

Villalob. tom. 1. tr. 9. & alii.

19. Quod attinet ad limitationem, vel revocationem privilegiorum Regularium, pluries à Summis Pontificibus, sacrisque Conciliis, præsertim Tridentino factum, videatur in cap. præcedentibus 4. & 5. & in libro intitulo: *Bulla Clem. VIII. & Urbani VIII. necnon Decreta recentiora S. Congregationis Regularium.* fol. 190. ubi multa hujus generis habentur, & clarè demonstrantur.

## C A P. VII.

### De Revocatione Oraculorum vivæ vocis.

1. **C**onsueverunt nonnumquam Summi Pontifices privilegia aliqua, & gratias non in scripto, sed ore tenus concedere, & hæc vivæ vocis oracula dicuntur, quorum plura habentur in Bullariis Emmanuelis Roderici, præsertim in Vita Leonis X. qui 77. vivæ vocis oracula, ferè omnia Minoritis concessit; aliquando hujusmodi oracula proprio motu Principis, interdum vero ad partis instantiam concedantur; cum igitur instante parte obtinentur, ferè semper ibidem ponitur testimonium personæ impetrantis, quæ regulariter, ut ei magis credatur, debet esse persona in dignitate Ecclesiastica constituta.

2. Quodcumque privilegium, vel indultum quomodocumque vivæ vocis oraculo concessum, ad sui validitatem pro foro conscientiarum eorum, qui præsentibus fuerunt, quando à

Summo Pontifice fuit elargitum, de jure scriptura non indiget; nam oracula sunt gratiæ, & donationes, atque adeo gratiarum, ac donationum naturam sortiuntur, pro validitate autem istarum scriptura non requiritur ut colligitur ex *Clement. Dudum, de Suppl.* & docent *Roder. tom. 3. quest. 22. art. 1. Sylvest. v. privileg. n. 14. Sanch. de Matrim. disp. 29. n. 4. Lezana part. 3. summa, v. gratia n. 13.* pro foro tamen externo, & pro his, qui fuerunt absentes, scriptura omnino necessaria est, ut dicitur in *Extravag. Julii II. incip. Romani Pontifices, & in Regul. 51. Cancell.* & docent *Suarez lib. 8. de leg. cap. 11. Sanchez de Matrim. libro 8. disp. 23. Bonac. de leg. tom. 2. disp. 1. q. 1. p. 1. 4. n. 49.* Quandoquidem nequeunt probari oracula, nisi per scripturam, in forma authentica habitam.

3. Vivæ vocis Oracula non sunt

E mi-

minoris efficaciz, & valoris, quam si per Bullam, aut Breve ad perpetuam rei memoriam essent concessa, & hoc saltem quoad forum conscientiz, prout Leo X. nobis Minoribus concessit, & habetur in supplem. concess. 361. fol. 18. & refert Roder. tom. 1. q. 7. art. 5. in fine; immo majoris valoris, & efficaciz sunt, quam aliz Constitutiones Papsales, si sint, sicut oportet; quia revocatis aliis privilegiis, non intelliguntur revocata oracula, nisi in specie revocentur: ita docent Peyrin. tom. 1. privileg. Minim. in Const. 4. Julii II. §. 3. n. 26. Bordon. de Oracul. ref. 31. q. 1. n. 1. Lezana p. 1. Summ. cap. 3. n. 21. Portel. indub. Regul. v. Oracula fol. 1005. & alii.

4. Quæcumque privilegia, gratiz, facultates, & indulta à Summis Pontificibus vivæ vocis oraculo concessa, tam quoad forum interius, quam quoad ad exterius spectantia, fuerunt revocata à Gregorio XV. die 2. Julii 1622. Pontificatus sui anno 2. Bulla, quæ incipit: *Romanus Pontifex in specula*, estque 27. dicti Pontificis in Bullario Laertii Cherub. tom. 4. Et quamvis in hujusmodi revocatione excepti ea oracula, quæ concessa fuissent ad instantiam Imperatoris, Regum, & ea, quæ manu alicujus S. R. E. Cardinalis firmata fuissent; postea tamen Urbanus VIII. die 20. Decembris anno 1631. expeditivum alium motum proprium, qui incipit: *Alias fel. record.* qui habetur apud Peyrinum in additam. ad Constitut. 18. Urbani VIII. cap. 12. & apud Cherub. tom. 4. in quo omnia vivæ vocis oracula revocavit, declarando tamen prædictam

suam revocationem non comprehendere illos Officiales, quibus ratione munerum suorum, antea de Summi Pontificis oraculo fides haberi solebat; quot autem, & quales sint hujusmodi Officiales infra n. 12. explicabitur; neque sub ea revocatione comprehenduntur oracula in futurum concedenda, etenim revocatoriz Gregorii, & Urbani loquuntur de concessis, non autem de concedendis, ut bene notat Lezana in Summ. p. 3. v. gratia n. 13. nam Pontifices non possunt suis Successoribus ligare manus, ut non valeant oracula vel concedere, vel revocare.

5. Notandum tamen valde est, quod præcedentes Gregorii XV. & Urbani VIII. revocationes non intelliguntur de vivæ vocis oraculis, quæ Regularibus concessa fuerunt à Summis Pontificibus ante diem 29. Aprilis anni 1616. sed de illis dumtaxat, quæ exinde concessa sunt, ab anno scilicet prædicto usque ad tempora Gregorii XV. & Urbani VIII. qui Bullas revocatorias oraculorum ediderunt, atque adeo Regulares tuta conscientia tam quoad forum exterius, quam quoad interius possunt uti privilegiis vivæ vocis oraculo à Summis Pontificibus ante annum 1606. concessis usque ad Paulum V. qui in sua peculiari Constitutione, quæ incipit: *Injuncti nobis*; & inter præfati Pontifices Constitutiones est in ordine 19. apud Laertium Cherubinum tom. 3. Bullariz Romani anno 1617 edito, illa omnia innovavit, & de novo concessit, dicens: *Motu proprio, & ex certa scientia, & de Apostolica potestatis plenitudine, omnia, & singula privilegia &c. per quo-*

quoscunque Romanos Pontifices prædecessores nostros, ac nos, & Apostolicam Sedem, sub quacunque verborum forma, & expressione, etiam per solam signaturam, & vivæ vocis oraculo, aut alias quomodolibet concessa &c. quorum tenores &c. ac si de verbo ad verbum insererentur, præsentibus pro sufficienter expressis haberi volumus &c. Apostolica auctoritate tenore præsentium perpetuo confirmamus, & approbamus, illisque perpetua, & inviolabilis Apostolica firmitatis robor adiciamus &c. Prædecessores etiam Pauli V. videlicet S. Pius V. in Constit. incip. *Esse Mendicantium Ordines*; apud Jo: Baptistam Confetium in collect. liter. Apostolic. fol. 267. & est in ordine 41. apud Cherub. tom. 2. Bull. Romani; Gregorius XIII. in Constit. incip. *Regimini Militantis Ecclesia* apud Peyrinum tom. 2. const. 1. dicti Pontificis edita pro Minimis, & alia omnino simili edita pro Minoribus, quæ incipit: *Ex benigna* apud Confetium prædictum fol. 247. & tandem à Clemente VIII. in Constit. sua 51. apud Cherub. tom. 3. Bull. Rom. & apud Confetium fol. 237. quæ incipit: *Ratio Pastoralis Officii*; sub eadem forma, & expressione in præfata Bulla Pauli V. contenta, approbarunt, confirmarunt, ac innovarunt omnia, & singula vivæ vocis oracula à Romanis Pontificibus prædecessoribus suis Regularibus concessa, atque adeo habito respectu, ad oracula, vel mentione facta de illis, proculdubio approbationes, confirmationes, & innovationes prædictæ super privilegiis vivæ vocis oraculo concessis, manifestè ostendunt, ea amplius non esse vivæ vocis oracula, sed privile-

gia motu proprio, & ex certa scientia, ac de potestatis plenitudine per Bullas Apostolicas concessa, munita, & roborata: ut docent Peyrinus tom. 3. in Constit. 18. Urbani VIII. n. 1. in schol. quem citat Diana p. 5. tr. 24. resol. 17. Hurtad. Martinus à S. Joseph de privi. Soria in Sum. de Regul. dub. 1. Lezana tom. 3. v. Oraculorum n. 7. Murcia apud Dian. p. 9. tr. 7. resol. 71. Bord. resol. 31. n. 4. Hieronymus Garcia, Vidal, aliique permulti, quos refert. Diana citat. p. 10. tr. 14. resol. 24. asserentes, supradictas expressiones, & confirmationes vim novæ concessionis habere, ut clarius in sequenti demonstrabitur.

6. Nec obstat dicere, quod per confirmationem non mutatur natura, & conditio rei, alioquin non esset confirmatio, sed nova productio alterius diversæ, & quod effectus huiusmodi confirmationis est, ut illa Oracula firmentur, suamque vim, & effectum habeant, sed in sua propria natura, non autem, ut in naturam, ac denominationem privilegii bullati transeant: Nam responderetur, quod quando in Bullis Pontificiis ponitur illa clausula: *Quorum tenores &c. ac si de verbo ad verbum insererentur, & in his essent inserta*: operatur, ut confirmatio, & innovatio sint ex certa scientia, quæ clausula vim novæ concessionis proculdubio habet, cum verba præfata individuum omnium expressionem cum suis qualitatibus expriment, ut docent Riccius collect. 949. Tuschus v. clausula, conclus. 339. Felin. in cap. Nonnulli, de rescript. n. 6. Parisius l. 8. de resig. q. 7. n. 183. Farinac. tom. 1. p. 2. decis. Rota decis.

339. n. 3. sed sic est; quod in Constitutionibus prædictis S. Pii V. Gregorii XIII., Clementis VIII. & Pauli V. ubi agitur de privilegiis, etiam vivæ vocis oraculo concessis, habentur illa verba expressa, ut patet easdem Constitutiones legenti, ergo operantur, ut confirmatio, & innovatio privilegiorum vivæ vocis oraculo motu proprio, & ex certa scientia, deque Apostolicæ potestatis plenitudine, concessorum, habeant vim novæ concessionis per Bullas Apostolicas firmatæ, & roboratæ, veluti in omnibus, & singulis citatis constitutionibus expresse privilegia vivæ vocis oraculo concessa, cum memoratis clausulis confirmata, ac innovata reperiuntur.

7. Neque rursus obstat dicere, quod quando oracula alias Regularibus concessa, iterum, cum prædictis clausulis conceduntur, habito tamen respectu ad præterita, & facta mentione eorundem, sic confirmata, remanent oracula, ut prius, ac per consequens expresse à Gregorio XV. & Urbano VIII. revocata; nam respondetur, id esse falsum; siquidem ipsi adversarii fatentur, quod clausulæ præfatæ in privilegiis positæ operantur, ut amplè debeant declarari, & interpretari eadem privilegia, deinde juri communi sibi contrario derogant privilegia revocata restitunt, infirma firmant, invalida validant, defectum solemnitatis omittunt suppleant, vim novæ concessionis, & confirmationis habent, atque ad conaturam mutant; ita ut privilegia vivæ vocis oraculo concessa, & à Summis Pontificibus S. Pio V. Gregorio XIII.

Clemente VIII. & Paulo V. cum præfatæ clausulæ confirmata, non possint in dubium amplius revocari: ita in cap. in primis, caus. 2. q. 1. & Cap. Hac quippè, q. 6. cap. 1. de transact. Cap. Si Apostolica, de Præbend. in 6. Rota Romana per Coccinum decif. 166. n. 1. & 10. Navar. consil. lib. 1. consil. 34. Abb. cap. 9. de re judicata Barbosa, de clausulis n. 18. item Rot. Rom. Serafin. decif. 1082. vide supra cap. 4. claus. 2. 3. 4. & 9.

8. Denique multominus obstat potest clausula illa: *Non obstantibus quibuscumque* &c. in bullis revocatoriis Gregorii, & Urbani appositæ, quæ si aliam declarationem, vel interpretationem admitteret, seu permitteret, frustra Bullæ prædictæ Gregorii XV. & Urbani VIII. emanassent; nam respondetur, nos id non dicere, sed solum affirmare, & probare, oracula vivæ vocis Regularibus à Summis Pontificibus concessa usque ad Gregorii, & Urbani respectivè tempora; ac per præfatos Pium V. Clem. VIII. & Paulum V. in forma specifica confirmata, & roborata, ut manifestè ex ipsorum, & præcipue Clementis VIII. constitutionibus patet, per memoratas Gregorii, & Urbani Bullas minime fuisse revocata, seu annullata; sed dumtaxat revocari, seu annullari oracula illa, quæ post confirmationem à Paulo V. factam, ut dictum est, concessa fuere; siquidem illa clausula: *Non obstantibus* in Bullis revocatoriis appositæ, etiam in Bullis confirmatoriis Pii, Gregorii, Pauli, & Clementis supradictorum prius appositæ fuit; idcirco, cum effectus præcipuus illius clausulæ sit, tol-

tollere omnia, quæ dispositioni, in qua est apposta, obstatæ possent, etiam juri communi derogando, ut fatentur omnes, proculdubio confirmatio prædictæ oraculorum vim novæ concessionis per Bullas Pontificias habuit, ac proinde ea oracula nec possunt, nec debent amplius appellari oracula, sed revera sunt privilegia bullata, atque adeo sicut Bullæ Greg. XV. & Urb. VIII. oraculorum revocatoriarum certe non revocantur cætera privilegia in Bullis Pii. Gregorii, Clementis, & Pauli præfatorum contenta, ita neque illa, de quibus est sermo, quia etsi aliquando oracula fuerunt, per confirmationes tamen; & innovationes dictorum summorum Pontificum in privilegia bullata, sicut & cætera, transferunt; tacti enim, & expressi, sive connexionum idem est iudicium.

9. Præfatæ constitutiones oraculorum revocatoriarum tanquam pœnales, & odiosæ nullo modo se extendunt ad illa vivæ vocis oracula indulgentias concedentia, sive ante, sive post revocationem hujusmodi oracula concessa fuerint, cum odia sint restringenda, & beneficia amplianda: ex cap. odia, de regul. juris in 6.; indulgentiarum enim nec nominantur, nec venire commodè possunt nomine privilegiorum, sed sunt omnino diversa, & à diversis non fit illatio; propterea nunquam intelliguntur revocari, nisi in specie revocentur: ut docent Navarr. in comment. de Jubilæo, & Indulg. in 4. ex Levitico, de panis. dist. 1. notab. 28. n. 27. & notab. 33. Roder. tom. 2. q. 98 art. 4. Faust. de Jubil. & anno sancto lib. 3.

q. 79. Peyrinus tom. 3. privil. Minim. ad Constit. Urbani VIII. cap. 12. n. 1. in fine Bord. resol. 31. q. 4. Et alii. Neque in anno Jubilæi, in quo solæ indulgentiæ plenariæ revocantur, aliz non plenariæ revocari intelliguntur, quia sumus in odiosis, quæ omnino restringenda sunt: ita Navarr. ubi supra.

10. Oracula vivæ vocis, quibus Summi Pontifices privilegia Regularibus concessa, aut decreta Apostolica, aut Sacros Canones, vel Tridentinæ decreta, vel aliorum Conciliorum explicant, aut declarant, in prædictis revocatoriis non intelliguntur revocata; nam Summi Pontifices ea solum oracula revocare intendunt, quæ sinistra interpretatione in detrimentum Ecclesiasticæ disciplinæ ad non extendenda extenduntur; hujusmodi autem declarationes Pontificæ ore tenus factæ non sunt præjudiciales, sed necessariæ, & utiles: ita Peyrin. in 2. tom. privil. Minim. Constit. 8. Pauli V. Gomez in regul. Cancell. Lezana tom. 1. Summ. cap. 3. n. 21. Novar. in lucerna Regul. v. privilegium n. 4. Bord. resol. 31. q. 7. n. 7.

11. Per præfatam Bullam Gregorii XV. Oraculorum revocatoriarum minime revocantur concessionem vivæ vocis oraculo factæ, quæ antecam suum effectum sortita fuerunt, prout in eadem Bulla in calce §. 1. dicitur: in iis, quæ non sunt sortita effectum, tenore præsentium revocamus, ergo per argumentum à contrario sensu, illa, quæ effectum sortita sunt, non revocantur, exceptio enim firmat regulam in contrarium; etiam si hujusmodi effectus habeat tractum, succ-

successivum, scilicet pro futuro tempore, sicut S. Congregatio negotiis Regularium præposita die 2. Aprilis 1635. declaravit, & refert Peyrinus tom. 2. *privil. Minim. Constit.* 3. Gregorii XV. n. 1. *Lezana tom. 1. qq. regul. cap. 3. n. 21. Bordon. resol. 31. q. 8.* quod procedit, nedum respectu Oraculorum, quæ fuerunt concessa Generalibus, Commissariis, & Procuratoribus generalibus pro regimine Ordinum, quibus præsent, verum etiam respectu eorum, quæ personas particulares respiciunt; nam facultates, ac jurisdictiones à legitimo Superiore concessæ, ita radantur in persona, cui primò, & immediatè conceduntur, ut etiam re integra post mortem concedentis permaneant, & deperdi non possint, nisi à Superiore clarè, & legitime revocentur, *juxta Regul. juris: quod nostrum est, sine nostro velle, auferri non potest*: nec per Constitutionem Urbani VIII. dicta oracula revocantur. etiamsi effectum pro tempore futuro respiciant, cum id in ea Constitutione non exprimitur; si enim Pontifex prædictus voluisset in hac Constitutionem Gregorii coarctare, debebat illud declarare, idcirco cum sumus in odiosis, ad casus non expressos Constitutio Urbana non debet extendi: ita Peyrin. & Lezana ubi supra, Novar. in *lucet. Regul. v. privilegia n. 4. fol. 205. & alii*.

12. Dictum est jam supra n. 4. quod Urbanus VIII. die 20. Decembris anni 1631. expedivit motum, proprium, in quo declaravit, Constitutiones Oraculorum revocatorias, sive à se, sive à Gregorio XV. factas,

non comprehendere illos Officiales; quibus ratione munerum suorum antea de Summi Pontificis oraculo fides haberi solebat; idcirco necessarium est hic eorum nomina, seu ministeria adnotare; sunt enim multi, ac diversi, videlicet S. R. E. Camerarius; Vicecancellarius; Datarius, Prothonotarii; litterarum contradistarum Auditores; & Apostolici Palatii Auditores litterarum Apostolicarum, Correctores, & Scriptores; Major Pœnitentiarius; Abbreviatores; nec non Commensales, & Cappellani Summi Pontificis; Legati quoque, sive Nuncii, ac in terris Ecclesiæ Romanæ Rectores, & Thesaurarii; prout adnotantur in *Extravag. ad Regimen; de Præbend. & Dignitat. in 6.* & de quibus singulis agit Card. Tuschus, v. *Officialis, conclus. 82. n. 6. & 16.*

13. Quamvis in dicta *Extravag. ad Regimen*, Protector Ordinis inter Officiales Papæ non numeretur, in Religionem tamen sibi commissam, jurisdictionem exercet, tamquam Minister Papæ, aut nomine, vel auctoritate ipsius, qui omnium Religionum Generalissimus est, & ideo credendum est oraculis ejusdem; editis in favorem Religionis, quam protegit, non autem aliis, quæ utilitatem ipsius non concernunt: ita colligitur ex eadem *Urbana Constitutione*, & docet Peyrinus in *suo formul. Præl. Regul. litt. 2. cap. 3. append. 4. ad Urbanum VIII. n. 2. fol. 726.* Generales autem Ordinum, si ultra potestatem Ordinariam, non habeant aliam specialem ipsi à D. Papa concessam v.g. si sint Commissarii Apostoli-

ſolici, non poſſunt dici officiales ipſius; nam ille propriè dicitur officialis, qui ſub alio miniſterialitèr authoritatem, ſeu iuriſdictionem exercet; ut docet *Tuſcus V. Officialis, conſulſ. 88. num. 1.*

14. Cum modus rei non variet rem, cujus eſt modus, & communicatio oretenus facta, & ſine ſcriptura exhibitã, ſit modus communicandi, & extendendi privilegia, idcirco oracula communicantia, & extendentia privilegia, alias prius per Bullas Regularibus conceſſa, in dictis revocatoriis non intelliguntur revocata, v. g. privilegia Minorum antea, per Breve conceſſa, per poſteram communicationem alteri Religioni oretenus factam, non evadunt oracula, ſed, ut prius erant, manent privilegia bullata: ita *Peyrinus tom. 3. privil. Minim. ad Conſtit. Urbani VIII. cap. 12. n. 2. Bordon. reſol. 31. de Oraculis, q. 6. n. 6. Turrianus part. 2. Select. diſput. 16. dub. 50.*

15. Præterea Leo X. informatus, quod eſſent nonnulla vivæ vocis oracula Ordini Fratrum Minorum conceſſa, quorum aliqua aliquibus temporibus utilia fuerunt; ſed fortè præſentibus non ſunt, nec futuris erunt, ac propterea aliqua ſunt in locis aliquibus neceſſaria, & aliqua non; conceſſit; ut non ſolum Generalis in ſuo generali Capitulo, ſed etiam quilibet Provincialis in ſuo Capitulo provinciali de conſenſu eiſdem, vel maioris partis Capituli declarare poſſint, & valeant, utrum ab uſu alicujus conceſſionis vivæ vocis oraculo factæ abſtineri debeat; & quod poſt dictam declarationem tam fratres,

quam Moniales ( ac ſi conceſſio huiſmodi per ſuam Sanctitatem ſuſpenſa, vel revocata fuiſſet ) conceſſione eadem in poſterum uti non poſſint: ita habetur in *ſupplemento fol. 96. conceſſ. 296. Roder. tom. 3. qq. Regul. q. 12. art. 1. & 2. ſed modo ſervandum eſt quod dictum fuit n. 5. & ſeqq. præſentis Capituli.*

16. Ex dictis n. 5. & ſeqq. planè poterit Lector colligere, quam pauca ſint Oracula revocata per Bullas memoratas Gregorii XV. & Urbani VIII. oraculorum revocatorias, etiam in ſententia eorum, qui opinionem affirmativam tuentur; nam ſi privilegia vivæ vocis oraculo Regularibus à Summis Pontificibus conceſſa, quæ ante Bullam revocatoriam Gregorii effectum ſuum jam erant ſortita, in eadem Bulla non revocabantur, & inſuper Bulla Urbana declaravit, Conſtitutiones Oraculorum revocatorias ſivè à ſe, ſivè à ſuo prædeceſſore Gregorio emanatas, non comprehendere illos Officiales, quibus ratione munerum ſuorum antea de Summi Pontificis oraculo fides haberi ſolebat; neque intelligi revocata oracula illa, quibus Summi Pontifices privilegia Regularibus conceſſa, aut Decreta Apoſtolica, vel Sacros Canones, aut Tridentini, vel aliorum, Conciliorum ordinationes explicant, & declarant; quænam ergo erunt ea Oracula revocata, quæ à Summis Pontificibus ante diem 25. Aprilis anni 1606. ut n. 5. dictum eſt, Regularibus fuerant conceſſa, cum omnia, aut ſerè omnia ante Gregorianam, Conſtitutionem ſtatim, vel tractu temporis effectum ſuum jam ſortita, vel

vel mediâ per Officiales prænaratos, in dicta Bulla Urbana non comprehensos, oracula penè omnia Regularibus concessa fuissent? proculdubio, dum contrarium neque sciri, neque probari potest, & agitur de materia odiosa, affirmare oportet,

sententiam negantem revocata fuisse oracula ante prædictum annum 1606. concessa, probabiliorem esse: loquendo tamen de Oraculis, quæ vel tacite vel expresse à Concil. Trident. non sunt revocata, aut eidem non sunt contraria.

## C A P. VIII.

### De Privilegiorum Communicatione.

1. **R**egulares, qui licet diversorum Ordinum unum in Deo, & professione existunt, æquum etiam est, ut in eisdem indultis, & privilegiis uniantur, & sic uniti æquiori vinculo Sedi Apostolicæ, & inter se ad nomen Dei in terris propagandum, animarumque salutem procurandum copulentur, ut quos conjungunt par labor, & paria merita, paria etiam conjungant privilegia; hujusmodi autem unio cum per privilegiorum suorum inter se communicationem contingat, propterea necesse est, quid, & quotuplex communicatio sit, explanare.

2. Communicatio idem est, ac participatio alicujus rei, quæ prius alteri fuerat concessa; hæc autem dividitur in perfectam, & absolutam; & in imperfectam, & relativam; perfecta, & absoluta operatur, ut id, quod uni corpori, vel personæ fuit prius concessum, alteri postea communicetur, ita ut corpus, seu persona, cui communicatio facta fuit, de se, & per se illo privilegio independentem, & absolute uti possit, ac si ipsi prius propriè, & in specie con-

cessum fuisset: ut docent *Comm. D.D.* Hoc enim modo fit semper, vel ferè semper inter Mendicantes privilegiorum communicatio, quæ potius adæquatio dici debet, cum tantam habeat auctoritatem Generalis Ordinis Minorum in toto Ordine, Provincialis in sua Provincia, & Superior localis in suo Conventu, quantum adæquatè retinet, & exercet quilibet Generalis Provincialis, vel Superior localis alterius Ordinis, hi quidem sunt in potestate respectivè pares; prout Julius II. declaravit, & habetur in *supplem. Ord. Minor. fol. 74. & refert Roderic. tom. 1. q. 55. art. 20.* quod etiam Sixtus IV. decrevit in *suo Mari Magno 5. postremo cum Fratres*: communicatio autem imperfecta, & relativa operatur, ut privilegium, quod fuit uni prius perfectè, & absolute concessum, ab illo priori redundet, & extendatur ad alios propter connexionem, quam habent cum ipso, ut v.g. quando privilegia unius Religionis ad familiares, commensales & extenduntur.

3. Omnes Ordines Mendicantes ob varias Summorum Pontificum con-



concessionis habent inter se communicationem tam in privilegiis scriptis, quam in vivæ vocis oraculis, non tantum concessis, sed etiam & concedendis, ut conitat ex Bullis Julii II. Sixti IV. Innoc. VIII. Alexandri VI. Clementis VII. Leonis X. Pauli III. Julii III. Pauli IV. Pii V. aliorumque Pontificum, quæ habentur in Bull. Rom. Cherub. præsertim tom. 1. & 2. fuitque pluries hæc privilegiorum communicatio in Sacra Rota approbata; ex quibus colligitur, nullum esse privilegium in vigore, & firmitate sive concessum per Bullam, sive per Oraculum quibuscumque Regularibus, quo non possint uti Religiosi, & alii similiter communicantes, ut notavit Pelizar. tract. 8. cap. 1. n. 91. & Urbanus part. 1. tract. 2. cap. 3. Regul. 9. sed quia nimis prolixum esset hic describere omnia diplomata communicationem per Pontifices facturum, idcirco Læti consulerent poterit Bullarium Romanum, Cherubini, & præcipue Bullam Leonis X. quæ inter alias hujus Pontificis est in ordine 31. tom. 1. prædicti Bullarii, ubi habetur communicatio omnium privilegiorum Mendicantium, tam concessorum, quam concedendorum inter singulos eorum Ordines, Ecclesias, Fratres, Moniales, Tertiarios, Conversos, & Oblatos.

4. Prædicta Privilegiorum communicatio extenditur de Prælatibus ad Prælatos, de Prædicatoribus ad Prædicatores, de Confessariis ad Confessarios, de Conventibus ad Conventus, de Ecclesiis ad Ecclesias, & de Festivitatibus ad Festivitates &c. & pro hujus probatione inter multas

Constitutiones Apostolicas, unicam hic referam, quæ est Julii II. incip. *Adias ad supplicationem*: apud Peyrinum de privilegiis Minim. tom. 3. & Bordon. tom. 2. resol. 52. n. 54. hæc tamen communicatio debet dumtaxat intelligi in privilegiis non repugnantibus observantia Ordinum Regularium, vel eorum statutis, ut expressè declarat Sixtus IV. in suo *Mari Migno*, seu *Bulla anrea*; & docent Suarez, Roder. Lezana, quos refert, & sequitur cit. Bordon. 84. sed vide infra n. 16. & 17.

5. Privilegio uni Religioso privato concessio, alii Religiosi non communicant, nam cum tale privilegium sit personale, ac personam committitur, cum eadem utique extinguitur, idem dicendum est de indulgentiis concessis ad tempus determinatum in honorem Sanctorum alicujus Ecclesiæ, in quibus Regulares non communicant, neque in indulgentiis alicujus Altaris, ob speciales rationes privilegiati, ut quia v. g. ibi est specialis concursus; in indulgentiis tamen septem Altarium, quas aliquæ Religionis pro suis Ecclesiis in specie impetrarunt, alii etiam Mendicantes communicant: ita Bordon. supra n. 73. & 84. Peyrinus tom. 1. ad Const. 8. Pauli III. n. 1. Tambur. tom. 1. disp. 17. q. 2. n. 4.

9. Mendicantes non solum habent inter se Communicationem in privilegiis, sed etiam non Mendicantium privilegia ipsis Mendicantibus communicantur ut ex pluribus Bullis Pontificiis patet, præsertim ex Bulla 51. Clementis VIII. incip. *Ratio Pastoralis officii*: apud Cherub. tom. 3.

Pauli V. Bulla 19. incip. *Injuncti nobis*: ejusdem Bulla 8. incip. *Religiosorum Virotum*: Gregorii XV. Bulla 14. incip. *Ad uberes fructus*: Ejusdem Bulla 22. incip. *Injuncti nobis*: item 33. & 42. ejusdem, apud prad. Cherub. tom. 4. in quibus per viam communicationis extenduntur privilegia, immunitates, exemptiones, gratiæ, favores, & indulta, tam in spiritualibus, quam in quibusvis aliis Mendicantium Ordinum ad non Mendicantes, & vice versa: idcirco valde observandum est, quod illa verba: *Omnia, & singula privilegia &c.* in præfatis Bullis apposita, cum sint universalis, distribuantur singulariter singulis, ac si omnia singulariter essent specifica, immò etiam includunt ea, quæ specialem requirerent specificationem: ut docet Tuschus V. *Diffin. Conclus.* 351. n. 4. & 5.; Undè cum dicitur: *omnia, & singula*, intendit Pontifex communicare v. g. Religioni Minorum omnia, & singula privilegia concessa, nedùm ipsi Ordini Minorum in particulari, sed cuilibet alii Ordini tam Mendicantium, quàm non Mendicantium: idem dicendum est de quolibet alio Ordine Mendicanti, ut apertè constat ex supra allegatis Bullis Pontificiis. De non Mendicantibus, seu Monachalibus constat etiam ex Bullis Pii V. *Ex superna dispositionis arbitrio*: pro Congreg. Canonico Regularium Lateran. Julii II. *Inter ceteros*. Pro Congreg. Canon. Regul. SS. Salvatoris Bononien. Ejusdem Julii II., Gregorii XIII. *Aquum reputavimus*: & Urbani VIII. *In supereminenti*: pro Congregationibus Cameracens.; & S. Mauri Ordinis S. Be-

nedicti; Pii V. *Ex superna dispositione*: pro Cong. Monachorum Vallis Umbrosæ: Gregorii XIII. *Ex injuncto nobis*: pro Camaldulensibus. Gregorii XIV. *Romanus Pontifex*: pro Cisterciensibus. Sunt & aliæ Congregationes cum suis Bullis, per quas sit eis privilegiorum præfata Communicatio: ut in Bullario Romano Cherubini tom. 1. 2. 3. & 4. videre licet, & docent Roder. tom. 1. q. 55. Tambur. de jur. Abb. tom. 1. q. 1. disp. 17.

7. Quæ autem dicta sunt de Communicatione promiscua privilegiorum, de favorabilibus tantummodo, non autem de pœnalibus intelligenda sunt; undè in pœnis, & Censuris latis contra aliquem Ordinem Mendicantium, vel non Mendicantium, nullo pacto fiet inter eos communicatio, cum secundum Regul. juris in 6. *Odia sunt restringenda, favores verò ampliandi*, & præterea, quia infinita absurda inde sequerentur. Sed in illis, quæ in favorem eorum sunt latæ, quamvis in pœnam Laicorum ex altera parte redundant, dici potest, quod pereandem Regulam juris præno aram fieret inter eos communicatio, & hoc bene notandum est, ut quando contingat casus, consulantur periti: ita Portell. V. *Communicatio privilegiorum, & alii*.

8. Cum plures Summi Pontifices, expressè omnibus Mendicantibus concesserint, ut exemptionibus, libertatibus, gratiis, prærogativis, ac privilegiis tam concessis, quam in futurum concedendis quibuscumque Ordinibus sive Mendicantibus, sive non Mendicantibus uti, frui, & gaudere possent, & viceversa; propterea pri-

privilegia quarumcumque Religionum inter se sunt communicabilia, etiam si sint Clericorum Regularium Theatinorum, Minorum, Scholarum piarum, Societatis Jesu &c. non obstante illa clausula apposta in quadam Constitutione Gregorii XIII. in favorem dictæ Societatis edita, qua dicitur. *ut privilegia istius sint incommunicabilia*; quia post Gregorium, XIII. Gregorius XIV. absque ulla limitatione communicationem præfatam inter Mendicantes, & non Mendicantes concessit in Bulla incip. *Illius qui pro gregis*: tom. 2. fol. 706. Bull. Cherub; Roder. tom. 1. q. 55. art. 17. Miranda tom. 2. q. 46. art. 5. Conclus. 2.

9. Licet Gregorius XIII. concessit privilegia Societati Jesu cum clausula: *ut non intelligantur concessa inferioribus singulis immediate, sed mediante Præposito Generali*; ac proinde Religiosi ejusdem Societatis prædictis privilegiis, & facultatibus uti, & gaudere nequeant absque Præpositi Generalis licentia; nihilominus tamen cæteri Religiosi Mendicantes, & non Mendicantes subditi absque licentia suorum respectivè Generalium, vel Provincialium propriis, necnon dictæ Societatis privilegiis, gratiis, & facultatibus, nonnullis exceptis, ut alibi dicitur uti, frui, & gaudere possunt; prout constat ex prænotata Bulla Gregorii XIV. incip. *Illius, qui pro gregis*: in qua absolute, & independententer concessit Cisterciensibus, & Crueiferis privilegia omnium Ordinum, & in specie privilegia Societatis Jesu absque ulla limitatione, restrictione; & Urbanus

VIII. in sua Const. 15. tom. 4. Bull. Rom. Cherub. idipsum concessit Religioni Scholarum piarum: sunt & aliæ Constitutiones Pontificiæ in favorem aliarum Religionum sine dependentia, & restrictione, idcirco omnes Regulares, qui proculdubio in privilegiis communicant, pro privilegiorum usu non indigent Prælatorum suorum facultate, & licentia, nam ubi lex non distinguit, nec limitat, nec nos distinguere, vel limitare debemus; præterea in privilegiorum communicatione non veniunt pœnæ, sed gratiæ, & favores: prædicta limitatio, seu restrictio est utique pœnalis, & odiosa, & consequenter per juris regulam debet restringi, & coarctari, non autem ad alios extendi: ita doceat Roder. tom. 1. q. 55. art. 17. 5. Secund. dub. Miranda tom. 2. q. 46. art. 5. conclus. 2. in fine. Suarez de leg. lib. 8. cap. 17. n. 6. Portell. v. Commun. privil. Diana p. 3. tr. 2. de dub. Regul. resol. 81. Jo: la Cruz lib. 2. de Statu Relig. cap. 4. §. 2. & alii.

10. Per privilegiorum Communicationem intendunt Summi Pontifices Religionum regulas, ac statuta servare, necnon regularem observantiam fovere; quapropter in constitutionibus suis consueverunt hanc clausulam apponere: *Quodmodoinstitutis eorum, & regulari observantia non sint contraria*. Privilegiorum, quippe communicatio non debet esse nociva, seu relaxativa, nec odiosa, aut turbativa pacis, & tranquillitatis; ac proinde in quacunque ampla, & generali privilegiorum Communicatione non veniunt ea, quæ statui

regulari sunt contraria, sed quæ dumtaxat communi modo vivendi sunt favorabilia: ita Rod. r. tom. 1. q. 55. art. ult. Miranda tom. 2. q. 46. art. 6. Suarez de leg. lib. 8. cap. 17. n. 3.

11. Si Religiosi nuius Ordinis cum aliis alterius Ordinis adinvicem contendant, privilegiis sive in specie concessis, sive communicatis uti non possunt, juxta regul. juris: *Quod privilegiatus contra agnè, & sub eadem consideratione privilegiatum non nititur privilegio*: ut v. g. Si Religiosi Conventus alicujus Ordinis Religiosos Conventus alterius Ordinis in judicio provocare contingat, tunc actores non coram suo, sed reorum conservatore, tanquam Judice competente convenire debent, & tenentur per alteram juris regul. *quod actor sive in reali, sive in personali actione sequi debet forum rei*; ratio est, quia in pari privilegio melior est conditio rei, & ille, qui tunc possidet, præfertur: ex cap. in pari, de regul. juris in 6. & docent commun. Canonistæ in cap. In præsentia, de probation.

12. Religionum familiares, commensales, Donati, Tertiarii, aliique ejusmodi, quibus dependenter Religiosorum privilegia communicata sunt, non possunt contra Religiosos illos, à quibus dependent, uti privilegiis eisdem personis communicatis, cum non debeat, quod illud idem, quod in favorem ipsorum Religiosorum principaliter concessum est, contra eos postea, & in illorum dispendium retorqueatur per dictas familiarium personas, quæ privilegiis Religiosorum solummodo dignoscuntur gaudere, in quantum ab eis

dependent; quod quidem ex eo præsertim patet, quod si Religiosi amitterent privilegia, ipsis etiam familiaribus amitterentur; cum illa minus principaliter habeant, cessante enim principali, cessat etiam accessorium: ita Abbas in cap. Ex parte de foro compet. Corduba in annotat. comp. privil. V. Communicatio, Jo. Baptista confectus in summ. privil. cap. 5. de commun. privil.

13. Quamvis Novitii Regulares non sint vere, & in effectu Religiosi in favorabilibus tamen habentur tanquam profecti, & largo modo dicuntur Religiosi, ut bene notat Rebuffus in praxi benefic. tit. de dispensat. cum Regulari, n. 3 idcirco gaudent privilegiis concessis illi Ordini, in quo probationem faciunt: prout expressè constat ex privilegio speciali Societati Jesu concessio, cujus vigore, omnibus ejus Societatis privilegiis Novitii communicant; ut habetur in comp. privileg. dictæ Societatis V. Communicatio n. 5. & docent Suarez de Relig. tom. 3. lib. 5. cap. 16. n. 17. Sanchez in summ. tom. 1. lib. 4. cap. 39. n. 15. & alii.

14. Religiosæ professæ primæ, & secundæ Regulæ Ordinis Sanctæ Claræ, nec non Tertiariæ professæ votum Castitatis emittentes, & subditæ Minoritis, aliæque etiam quæcumque Moniales alterius Ordinis, regimini tamen eorundem Minoritarum commissæ, gaudent privilegiis Minorum concessis, & concedendis: Moniales quoque Ordinis S. Domini Dominicani subiectæ, eorundem similiter privilegiis fruuntur: prout continetur in lib. intit. Monu-

men-

menta Ord. in 1. impress. fol. 66. & in 2. fol. 148. concess. 36. per Sixtum IV. Clementem VII. Leonem X. Paulum IV. Pium V. Gregorium XIII. & Sixtum V. Sic docet Roder. tom. 1. qq. Regul. q. 55. art. 13. & 14. ubi plures affert Bullas Pontificias, quas referre, nimis longum esset. Miranda tom. 2. q. 46. art. 1. & 20. Comp. privilegior. V. communicatio, §. 14. Portel. eodem verb. n. 3. & 4. Moniales pariter Carmelitanæ Discalceatæ etiam si regimini Carmelitarum Discalceatorum subditæ non sint, privilegiis omnibus Ordinis Carmelitanæ utrinque sexus potiuntur: ex Bulla Gregorii XV. sub data 20. Maji 1621. quæ incipit: *Alias postquam*; servaturque in Monasterio earundem sub invocatione S. Joseph in Civitate Burdigalæ. Fratres autem, seu Confratres, & Sorores Chordæ, Scapularis, Corrigæ, & cæterorum hujusmodi gaudent dumtaxat privilegiis Indulgentiarum, remissionumque peccatorum, non autem his, quæ jurisdictionem Ordinariorum perturbare possunt, juxta Decretum Concil. Trident. Sess. 24. de Reformat. cap. 11. legatur Roder. loc. cit. art. 14.

15. Cum in generali privilegio communicatione ponatur clausula: *Quomodolibet*: quæ est ita universalis, & talis naturæ, ut faciat venire ea, quæ alias non venirent; ut habetur in Clem. II. de sent. Excommuni. in 6. idcirco non solum privilegia scripta, sed etiam vivæ vocis oracula venire certum est, nam privilegii nomine omnis gratia, & favor Principis venit, atque adeo, concessus

omnibus, etiam oracula concessa censentur; ex vulgari juris regula: gratiæ, & favores sunt ampliandi, potestates autem, & odia restringenda; idque intelligendum est non tantum de vivæ vocis oraculis, quæ immediate Mendicantibus sunt concessa, verum etiam de illis, quæ non Mendicantibus sunt elargita, quibus omnibus indultis oretenus, & scripto concessis, ob præfatam communicationem Mendicantes, & non Mendicantes libere gaudent, & potiuntur: ita communiter DD.

16. Regulares per generalem privilegiorum communicationem minimè gaudent privilegiis uni Ecclesiæ, Monasterio, loco, Provinciæ, vel personæ in particulari concessis (contra Roder. tom. 1. q. 55. art. 18. & Miranda tom. 2. q. 46. art. 7. sententiam affirmativam docentes, qui revera falluntur). ratio est, quia concessio generalis non comprehendit ea, quæ per speciales constitutiones sunt provisæ; ut expresse habetur in cap. *Si propter*, de rescript. in 6. & expressius in cap. *cum Capella*, de privileg. ubi dicitur: quod concessum uni Ecclesiæ, Provinciæ, vel loco nequit trahi ad aliam Ecclesiam, Provinciam, vel locum, etenim in generalibus concessionibus non veniunt ea, quæ à jure communi exorbitant: juxta regulam 28. juris in 6. neque intelliguntur concessa, nisi in specie, & nominatim exprimantur: ac propterea privilegium v. g. ali- quibus Regnis, vel Provinciis extra Italiam à Sede Apostolica concessum vespendi ovis, & lactificiniis in diebus prohibitis, ad Italiam non extenditur; item.

item privilegium non secitandi Horas Canonicas in Choro, non cantandi, non eundi ad publicas processiones, & similia propter spiritualia, vel litteraria exercitia nonnullis Regularibus concessa, cæteris Regularibus, in quibus non militat eadem ratio, neque eadem urget necessitas, communicari nequeunt; nam hæc privilegia respiciunt determinata loca, & personas, & in aliquâ particulari ratione fundantur, atque adeo nequit de loco ad locum, neque de persona ad personam fieri extensio; etenim virtus, & efficacia privilegii in voluntate concedentis est posita, voluntas autem concedentis non extenditur, nisi exprimat, cum inter homines voluntas non operetur, nisi per verbum, vel scriptum declaratur: ita Suarez de leg. lib. 8. cap. 26. Tamburr. tom. 1. de jur. Abb. disp. 17. q. 2. n. 7. in fine. Azor part. 1. Inst. Moral. lib. 5. cap. 22. Merolla de privileg. tom. 3. disp. 6. cap. 4. dub. 8. n. 72. & alii commun.

17. Prædicta privilegiorum generalis communicatio tunc de loco ad locum, de Ordine ad Ordinem, & de persona ad personam extenditur, quando privilegia in communi, & in genere sunt concessa; quæ quidem generalis communicatio, ut Julius II. declaravit, & Leo X. postea decrevit, & constat ex Supplem. Ord. Minor fol. 59. concess. 157.; non debet esse identica materialis, sed analogica formalis, idest, similis, & ferè eadem secundum quandam proportionem, & status decentiam, ita ut totum id, quod potest unus Generalis, vel Provincialis, aut Superior

localis in uno Ordine, possit etiam, aliàs Generalis, vel Provincialis, aut Superior localis in alio Ordine, idem dicendum de Congregationibus unius ad Congregationes, & Conventus alterius Ordinis, de festivitibus ad festivitates, ut dictum est supra.

18. Cum in generali privilegiorum communicatione veniant etiam indulgentiæ, licet non exprimantur; idcirco communicatis uni Ordini cæterorum Ordinum privilegiis omnibus, & indulgentiæ pariter communicatæ intelliguntur, loquendo cum proportionem, & de illis tantummodo quæ sunt communes, & in genere Ordinibus concessæ; v. g. sicut Novitius suscipiens habitum, & professionem emittens in nostra Religione multa consequitur beneficia, ac indulgentias lucratur, & laicus tempore festivitatum nostrorum Sanctorum visitans Ecclesias nostras remissiones peccatorum consequitur, ita à pari qui habitum alterius Religionis suscipit, vel Ecclesias cæterorum Ordinum visitat in eorum festivitibus, easdem indulgentias lucratur; secus autem dicendum de illis, quæ alicui certo loco, Monasterio, Ecclesiæ, Oratorio; Altari, Confraternitati, Congregationi, vel Ordini, in particulari, seu ob aliquam specialem rationem conceduntur, hæc quippe per generalem privilegiorum communicationem minimè communicantur, ob rationes supra n. 16. allatas; unde indulgentia magna Portiunculæ Ordinis Minorum aliis Ordinibus non communicatur; neque indulgentia Rosarii Ordinis Prædicatorum ad Minoritas, Carmelitas, vel cæteros

Re-

Regulares extenditur, idem procedit in Altaribus privilegiatis, & indulgentiis, uni in particulari corpori concessis, & similibus; indulgentiæ enim huiusmodi, sicut, & privilegia, non extenduntur de loco ad locum, neque de persona ad personam, alias omnia essent confusa: ita Portel. v. *privileg. communicatio*, n. 6. Tambur. tom. I. *disp.* 17. q. 2. n. 4. Merolla tom. 3. *de privileg.* cap. 8. *dub.* 22. n. 121. *aliique* n. 16. *relati*.

19. Cum consuetudo immemorabilis, & præscripta, concurrentibus circumstantiis, & requisitis suprà in cap. 1. n. 8. adnotatis, habeat vim conferendi privilegia; ideo per præfatam generalem privilegiorum communicationem veniunt etiam privilegia, quæ tali consuetudine sunt acquisita, etiam si in Bulla communicationis id à Romano Pontifice non exprimatur, ratio est, quia sicut consuetudine, & præscriptione acquiritur iurisdicção; ita pariter acquiritur privilegium; ex quo ergo Summus Pontifex per communicationem extendit omnia privilegia per suos Prædecessores concessa, concedit similiter ea, quæ consuetudine, sunt acquisita, & quavis aliquando in Bulla communicationis privilegia consuetudine, acquisita nominatim exprimantur, id tamen non necessario, sed ad maiorem cautelam, & ad tollendos scrupulos inferitur: ita *Comm. D.D.*

20. Si aliquis Ordo de novo erigatur, & privilegia obtineat, vel possideat, statim cæteri Ordines, privilegium communicationis habentes, illis gaudent, & fruuntur; ratio est, quia communicantibus conce-

duntur privilegia concessa, & concedenda aliis Ordinibus, sine ulla restrictione; ut constat ex Bulla Leonis X. 32. tom. 1. *Bull. Rom.* Cherub. & ex alia Gregorii XIV. quæ incipit: *Romanus Pontifex*, & est 16. inter Constitutiones ipsius Pontificis apud Cherub. tom. 2. & ex 18. ejusdem incipit: *Ex injuncti nobis*, ubi expressè per viam communicationis extendit omnia privilegia concessa, & in futurum concedenda, cum igitur favor Principis sit late interpretandus, sicut extenditur ad privilegia futuris temporibus concedenda Ordinibus jam institutis, ita pariter ad privilegia Ordinibus instituendis concedenda est ampliandus: ita Roder. tom. 1. q. 55. art. 7. Jo. de la Cruz *de statu Relig.* 2. cap. 4. *conclus.* 3.

21. Si contingat, quod aliqua Religio suis non utatur privilegiis, non propterea aliæ Religiones, quibus privilegiorum sit communicatio, ob talem non usum præjudicatz remanent, etiam si in Bulla communicationis apponatur clausula illa: *Quatenus sunt in usu*. Ratio est, quia usus, & privilegiorum possessio unius, ab usa, & possessione alterius non dependet, nec dependere potest, cum per communicationem prædictam, privilegia Ordinum absolute, & independentes fiant sic propria Ordinibus, quibus communicantur, ac si fuissent specialiter ipsis concessa, ut ex Bullis communicationis constat; deinde quando alicui Ordini privilegia specialiter conceduntur, conceditur jus illis utendi, ergo per dictam communicationem cæteris Ordinibus factam, idem pariter jus utendi conce-

ceditur: ac per consequens, si aliquis Ordo privilegiis sibi concessis non utatur, non ideo reliqui Ordines in illis privilegiis communicationem habentes, tenentur ab usu eorum abstinere, sed possunt eisdem uti, ac si specialiter sibi concessa fuissent. Quod similiter attendendum est, quando aliquis Ordo per Summi Pontificis sententiam sua privilegia amisit, posse communicantes illis uti, nam defectus unius Ordinis juri aliorum Ordinum præjudicare nequit: ita Roder. tom. 1. q. 55. art. 19. Miranda tom. 2. q. 46. art. 8. conclus. 2. Jo. la Cruz supra conclus. 3. propos. 5. & 6. Amplia, quod dictum est de alterius non usu procedit etiam de proprio non usu, qui nisi legitimo tempore præscribatur, propriis non potest privilegiis præjudicare: ut diximus, in cap. 5. n. 7. 8. & 9. doctæque citati D.D. Roder. & Miranda demonstrant.

22. Si evidenter constaret, privilegium non fuisse in usu nec antea; nec tempore communicationis, ac per legitimam præscriptionem fuisse deperditum, tunc eo privilegio uti non liceret; nec sufficeret ostensio privilegii, si usus ipsius non ostenderetur, quia cum usus sit quid facti, ideo non præsumitur, nisi probetur; onus autem probandi incumbit alleganti, privilegium in usu non esse: ita Rota Romana apud Crescentium decis. 4. Lopez in l. 42. tit. 18. part. 3.

Fontanella de passis nupt. tom. 1. Clauf. 3. gloss. 2. n. 21. Si autem clare non appareret, tunc daretur locus affirmativæ præsumptioni, antea, vel tempore communicationis privilegium fuisse in usu; etenim præsumptio est, quod qui originale privilegium apud se retinet, etiam de præterito, vel de præteriti illo usus fuit: ita Comm. D.D. l. 2. de præsumpt. §. de Senat.

23. Illa communis Juristarum sententia, qua dicunt, privilegiatum, contra pariter privilegiatum non posse uti privilegio, atque adeo inter personas privilegiatas privilegia confundi, tunc est vera, quando sit mutuus privilegiorum concursus practice, & specificæ in ea re, de qua agitur, id est, quando privilegiati concurrunt in privilegiis per oppositionem mutuam, & respectivam in ordine ad usum ejusdem privilegii, ut puta, si unus habeat privilegium, exigendi decimas, & alius privilegium habeat eas non solvendi; non autem quando unus est privilegiatus solum materialiter, id est in potentia, seu in genere, & respectu alterius causæ, de qua non agitur, alter vero in actu, & in specie formaliter, scilicet in ea re, de qua agitur; quamvis ea sententia, quæ in multis casibus fallit, debeat limitari; quapropter consulantur D.D. præcipue Roder. Miranda & Covarrubias tom. 8. p. 3. §. 2. n. 4.



# C A P. I X.

## De Privilegiis Conservatoribus.

1. **C**onservatores sunt iudices particulares à Sede Apostolica deputati, coram quibus, tanquam delegatis ipsius, Regularium, causæ agitatae sine debito ab eisdem autoritate Apostolica absolvi debent; cum ad ipsos spectet personas, bona, jura, privilegia, exemptiones, & immunitates Regularium, tueri, ac in iurium possessione conservare.

2. Præfati conservatores sive principales, sive subrogati eligi, nominari, aut deputari non possunt, nisi, non solum habeant qualitates requisitas, & descriptas à Bonifacio VIII. in cap. Statutum, de rescriptis in 6., itaut vel dignitate Ecclesiastica præditi, vel personatum obtinentes, vel Ecclesiarum Cathedralium Canonici existant, sed etiam in Conciliis Provincialibus, aut Diæcesanis (juxta decret. Concil. Trident. sess. 25. de Reform. cap. 10.) Judices electi, seu designati sint; quod decretum fuit innovatum, & confirmatum à Gregorio XV. Bulla ejus 9. tom. 4. Bull. Cherub. quæ incipit: *Santissimus in Christo Pater*; in qua revocat quascunque electiones de conservatoribus antea factas, & novam de eis, eorumque electionibus in posterum, fiendis dispositionem tradit.

3. Quoniam post dictæ Constitutionis Gregorianæ publicationem, exortum fuit aliquod dubium circa

§. 8. in quo dicebat Pontifex, quod Regulares coram conservatoribus possent quidem conveniri, aut trahi, sed alios convenire, aut trahere non possent, idcirco à S. Congregatione Concilii fuit resolutum, ut sequitur: *Sacra Congregatio Cardinalium Concilii Tridentini interpretum censuit, ejusmodi verbis minime sublatam suis se facultatem, quam habent conservatores defendendi Regulares a manifestis injuriis, ac violentiis, dummodo observent formam præscriptam in Constitutionibus Innocentii IV. & Bonifacii VIII. relatis in cap. 1. & fin. de Offic. Judicis deleg. in 6. Romæ 1624. Cosinus Card. de Torres. Prosper Fagnanus S. Cong. Secret. Ex qua S. Congregationis declaratione colligitur, posse Regulares coram suis conservatoribus non solum conveniri, aut trahi, sed etiam alios convenire, & trahere; ita quod memorati conservatores in causis, in quibus Regulares actores fuerint contra eos, à quibus manifestas injurias acceperunt, vel aliqua violentia eisdem fuit illata, habent jurisdictionem eos ad suum tribunal trahendi, ac Regulares præfatos defendendi; quicquid aliqui in contrarium asserant, quia declarationem prædictam S. Congregationis non legerunt, quæ post Constitutionem Gregorianam immediate ponitur tom. 4. Bull. Cherub. Conservatores tamen in his causis debent*

G prius

prius pronunciare, delictum esse notorium, alias sententia sua, quæ necessario debet fundari super notorio, esset nulla: ita Tuschus *V. Conservat. concl. 760* notorium autem est illud, quod nulla potest probabili tergiversatione celari, itaut per facti evidentiam examinatione non indigeat, & si indigeat, potest tamen probari clare per multos testes, ita quod negari non possit: *idem* Tusch. *V. manifestum. conclus. 71. n. 7.*

4. Canonici, & Clerici Regulares, Monachi, & Mendicantes eorum pluribus privilegiis amplam facultatem habent eligendi conservatores, ut constet ex Bullis Eugenii IV. Julij II. Leonis X. Sixti IV. & V. S. Pii V. Bulla 41. incip. *Ad nos Deus.* apud Cherub. tom. II. Gregorii XIII. Bulla 1. incip. *aquum reputavimus*, apud eundem Cherub. tom. 2. aliorumque Summorum Pontificum; eademque facultate gaudent omnes alij Regulares participantes ob mutuam privilegiorum communicationem, de qua dictum est *cap. 8.* facultas tamen, seu potestas conservatorum, hodie restricta, & limitata est, & quoad hoc debet attendi, & observari Decret. S. Cong. Concil. jussu Gregorii XIII. editum, quod per extensum refert *Confessio in Summ. Privil. Ord. Mendic. sub tit. 4. de Conservat. cap. 9.*, nec non constitutio Clementis VIII. quæ incipit: *Sanctissimus in Christo Pater*; tom. 3. Bull. Cherub.; insuper, & constitutio præfata Gregorii XV. vide Matthæucci in suo officiali Curia, *Officialis quoad conservatores cap. 17. per totum.*

5. Conservatores sunt Judices de-

legati a Papa, dati ad tuendum alios contra manifestas injurias, & violentias; judiciali non utentes indagine in non manifestis, & non notoriis injuriis, vel violentiis; & quamvis secundum jus commune non habeant jurisdictionem ratione officii, seu jure delegationis, tamen secundum privilegia sunt Judices Ordinarii Religiosorum, tum quia ita expresse nominantur in Bulla pro Societate Jesu edita à Gregorio XIII. quæ incipit: *Equum reputavimus* tom. 2. Bull. Cherub. tumetiam quia in privilegiis Regularium conceditur eorum Conservatoribus facultas ad subdelegandum suam auctoritatem, ut constat ex prædicta Bulla Gregoriana, qui enim potest suam auctoritatem subdelegare censetur Judex ordinarius; & ad universitatem causarum, quare cum dicti Conservatores iudicibus Ordinariis comparentur, non erit necesse quod in citationibus inferant litteras conservatorias, sed sufficit, quod de eis constet in actis Notarii Curia Ordinarii, prout statuitur in prædicta Bulla Gregorii XV. §. 6. Conservatores tamen, si alios in officio suo subdelegaverint, tenentur eligere eos, qui habeant easdem conditiones requisitas ad Conservatores constituendos. Roder. tom. 1. q. 65. art. 10. Barboza allegat. 106. n. 4.

6. De jure communi, ut dictum est n. 2., eligendi in Conservatores Regularium debent esse in Dignitate Ecclesiastica constituti, vel personatum habentes, vel quod Canonici Cathedralium existant; unde licet dignitas, & personatus laxè sint synonima.

ima, ut constat ex cap. *Cum accessissent, de constit.* tamen in propria significatione accepta distinguuntur, nam dignitatem habere dicitur ille, qui habet aliquam præminentiam, seu administrationem rerum Ecclesiasticarum cum jurisdictione, personatus verò est quædam prerogativa in Ecclesia sine jurisdictione. Possunt ergo esse Conservatores, Cardinales, Patriarchæ, Archiepiscopi; Episcopi, eorumque Vicarii generales, Abbates, Archidiaconi, Archipræbyteri Cathedralium, Primicerii, Præpositi, Decani, Canonici, Cathedralium, alique relati à Pevrino *Tom. 2. in Constit. 5. Gregorii XV. n. 16.* concurrente etiam secunda conditione, prout supra n. 2.

7. Canonici Ecclesiæ Collegiatæ, licet sint Doctores, non possunt constitui Judices Synodales, ut patet ex *Cap. statutum, de rescriptis in 6. & ex declaratione S. Congreg. Concilii, & consequenter nequeunt esse Regularium Conservatores neque, qui dignitatem dimisit, potest Judex Synodalis constitui, nam requiritur, ut eligendi actu in dignitate sint, ut constat ex *disso Cap. Statutum, & ex Trident. cit.* verum quidem est, quod si is, qui dignitatem dimisit, antequam dimitteret, aliquam causam cepisset, post dimissionem posset eam prosequi, & terminare, quia sufficit, ab initio fuisse capacem, prout declaravit S. Congreg. die 21. Maij 1587. & docet Peyrinus *tom. 2. Constit. 5. Gregorii XV. n. 20.**

8. Priores Conventuales, Guardiani, Rectores: & consimiles Officiales Ordinum Regularium nequeunt

eligi in Conservatores: ratio est manifesta, quia ex dicta Constitutione Gregoriana §. 2. duo copulativè requiruntur ad hoc, ut quis possit in Conservatorem eligi, ut scilicet sit in dignitate Ecclesiastica constitutus, & quod simul reperiat in novissima Synodo Provinciali, aut Diocesana inter Judices Synodales nominatus, quorum neutrum de præfatis Superioribus dici potest; præterea S. Congreg. 1617. in una Turritana declaravit, id non posse fieri, ut refert Barbosa in *Collect. sup. cap. 10. Concil. Trident. sess. 23. de reform. n. 16. Lezana part. 2. summa cap. 10. de conservat. n. 14.* Benè verum est, quod Abbas Regularis potest in conservatorem eligi, si Episcopus in Synodo eum deputaverit; prout eadem Sacra Congreg. die 2. Martij 1619. declaravit, & referunt iidem Lezana, & Barbosa in *cit. loc.*

9. In casu autem, quo in Diocesi non sint Judices Synodales designati, possunt non Judices à Regularibus in Conservatores assumi; nam S. Congregatio Episcoporum, & Regularium die 4. Decembris 1671. decrevit, Episcopos quam primum Diocesana Synodum omnino celebrare teneri, & interim in Civitatibus, & Diocesibus, in quibus nulli Judices extant, in Concilio Provinciali, aut Diocesano designati, licet Regularibus, servata in reliquis forma Constitutionis Gregorii XV. hac de re editæ, Conservatores nominare habentes qualitates à jure requisitas, quorum tamen facultas eo ipso expiret, cum primum hujusmodi Synodus celebrata, in eaque Iudi-

ces designati exierint. Quam declarationem à Clemente X. in Const. incip. *Inter Opera* n. 49. confirmari refert Mattheucci *cap. 17. Official. quoad Conservat. n. 7.*

10. Cum Concilium Tridentinum *sess. 25. cap. 10. de reform.* statuatur, quod in singulis Conciliis Provincialibus, aut Diocesanis designentur saltem quatuor, vel plures Judices Synodales in qualibet Diocesi, & si aliquem ex ex designatis interim mori contigerit, substituat Ordinarius loci cum Consilio Capituli alium in ejus locum usque ad futuram Provinciam, aut Diocesanam Synodum, idcirco Gregorius XV. in sua prænotata Constitutione § 4. admonet Ordinarios, ut quamplures personas ex habentibus qualitates in dicto *cap. statutum*, supra n. 8. & alioquin ad id aptas designari procurent, ut plures Judices Synodales existant, ne Regulares pro Conservatorum penuria cogantur aliquam jacturam pati; & notandum, verbum *admoneo* hic non incongruè posse interpretari pro *præcipio*, est enim negotium grave, & quod multum damni potest indigentibus Conservatore afferre, præsertim in magnis populis, ubi plurimi reperiuntur Regulares.

11. Quamvis, in casu mortis aliqujus ex dictis Judicibus, teneatur Ordinarius à Capitulo consilium petere, ad illud tamen sequendum non obligatur; potest etiam id committere Vicario suo; sed adverte, quod non sufficit consilium petere post actum deliberatum, sed debet in ipso tractatu postulari; nec etiam sufficit petere debito tempore, nisi etiam,

tempore congruo expedietur responsum; si autem Capitulum debito tempore non respondeat, vel plus debito differat, tunc potest Episcopus debito tempore transacto, per seipsum providere, si verò Episcopus, postulando consilium à Capitulo, arctavit se ad finem præfixum pro isto actu terminando, ita ut Capitulum congruum tempus non habeat ad respondendum, tunc nihil valet provisio ab Episcopo facta: ita docent Abbas in *cap. Cum in veteri, de elect. n. 3. 7. & 8. Roder. tom. 2. qq. Regul. q. 3. art. 17. Peyrinus tom. 2. in Const. Gregorii XV. n. 26.*

12. Prælati Regulares tenentur Episcopis locorum ordinariis, infra mensem a die electionis, nominare conservatorum electorum indicare, eosque de tali electione certiores facere, alioquin coram ipsis Ordinariis conveniri poterunt ex decreto Gregorii XIII. cujus mentionem facit Gregorius XV. in prædicta Bulla § 5. & ex § 6. ejusdem Bullæ tenentur etiam electionis documentum, seu instrumentum exhibere, & relinquere apud Notarium Curiae loci Ordinarii infra tempus hic statutum, adeo ut, nisi exhibuerint, ac reliquerint, poterunt etiam in hoc casu Regulares coram ordinario conveniri; ad id quoque sub pœna nullitatis actuum tenentur conservatores à Regularibus nominati, & electi ante exercitium suæ jurisdictionis ex constitutione Innocentii X. incip. *cum sicut accepimus*, apud Cherub *tom. 3. Bullarii*, nominati tamen sic, & electi non possunt à Regularibus per quinquennium auoveri, statim enim ac electi sunt,

sunt, censentur ab Apostolica Sede deputati, unde ad libitum electorum amoveri non possunt; ex legitima tamen causa, puta, negligentia, impotentia, inimicitia, à Papa, vel ab ordinario approbanda, prout magis Regularibus, aliisque placuerit, amoveri poterunt, ut docet Peyrinus tom. 2. ad constitutionem Gregorii XV. n. 32.; ultra quinquennium vero durare non possunt ex decreto Concilii Trident. Sess. 14. cap. 5. de reform. & ex const. Gregoriana §. 8. Ex quibus colligitur, quod Regulares, finito quinquennio officii conservatoris, tenentur de novo alium, vel eundem sibi in conservatorem eligere, juxta formam in dicta Gregoriana præscriptam; & nominato uno conservatore pro una causa, non potest pro eadem alius nominari; constat ex cap. cum plures, de officiis jud. deleg. in 6. & docet Roder. tom. 1. q. 65. art. 5. Miranda tom. 2. q. 47. art. 5.

13. Conservatores à Regularibus electi tenentur, tale munus acceptare, nedum ex charitate ad evitandas injurias illis illatas, seu inferendas; sed etiam ex justitia, ut se caveant à peccato mortali, & à tot censuris à Romanis Pontificibus sibi impositis; prout patet ex const. Julij 11. incip. Alias venerabilem: edita pro Minimis, quam per extensum ponit Peyrinus tom. 1. de privilegiis. ubi Pontifex ad id sub mortali conservatores obligat; & ex alia ejusdem Pontificis edita pro Minoribus, ubi sub pœna excommunicationis id præcipit; nec non ex conservatoria S. Pii V. pro Prædicatoribus edita, ubi sub pœna

excommunicationis, & suspensionis à divinis latæ sententiæ id ipsam conservatoribus præcipitur; qui tamen excusari possunt ob inculpabilem ignorantiam, vel ob legitimum impedimentum: prout docent Roder. tom. 1. q. 65. art. 4. Jo. de la Cruz lib. 2. de stat. Relig. cap. 10. concl. 3. Vulpes in sua praxi cap. 12. de conservat. n. 11.

14. Cum de manifestis solummodo injuriis possint conservatores cognoscere, idcirco si injuria, vel violentia non sit manifesta, sed plenam causæ cognitionem requirat, nequeunt in tali casu conservatores procedere; nisi in privilegiis Regularium, quibus sunt dati, exprimeretur, quod possent de injuriis, & aliis causis cognoscere, etiam si requirent judicalem indaginem, id est, etiam si injuriæ, aliæque causæ non essent manifestæ, & notoriæ; prout observavit Confessus in Summ. privileg. Mendicant. cap. 8. tit. 4. Per manifesta veniunt ea, quæ notoria sunt, & ita patentia, ut nulla probabili tergiversatione celari possint; in casu autem, quo offensa notoria negetur, & ex negatione res sub dubio ponatur, tunc poterit conservator probationes de notorietate facti recipere ad videndum, an suæ sint jurisdictionis, & ubi repererit factum notorium, procedat; alias desistat, quia non habet potestatem defendendi utrumque injuriam, sed notorietate qualificatam; Peyrinus tom. 2. d. privileg. ad const. 5. Gregorii XV. §. 7. n. 59.

15. Injuria dicitur quicquid non jure sit, comprehenditque hoc nomen

men violationem privilegiorum, nam injuria est privilegia violare. comprehendit etiam contumeliam, iniquitatem, & injustitiam. Fit autem injuria tribus modis; re, verbis, & litteris; re fit injuria, quando manus inferitur; verbis fit per convicium; litteris vero fit, cum quis librum, vel carmen, vel historiam ad infamiam alicujus pertinentem scribit, vel componit, vel edit, vel mandat, vel consulit, vel dictat, vel exemplat, vel in publico legit, vel emit, vel recitat, vel retinet, vel affigit in publico, vel publicat, vel invenit, & non comburit, vel carminem alterius infamiam composita, cantat, vel recitat; quæ omnia spectant ad libellum famosum; de quo agi potest criminaliter secundum leges ad poenam capitis contra omnes dictos; ut docent Hostien. in *Sum. tit. de injur. n. 1.* & Farinac. p. 3. *prax. crimin. l. 3. n. 429. insp. 11.* Sed secundum Canones supradicti omnes flagellantur, & excommunicantur; ex cap. *Quis in alterius*; quas omnes poenas tam temporales, quam ecclesiasticas in talia præsumentes, per sacras leges, & Canonicas Sanctiones latas, confirmavit S. Pius V. per suam constitutionem 147. quæ incipit *Romani Pontificis*; apud Cherub. tom. 2. *Bull. Roman.*; advertendum etiam, quod eisdem poenis tenetur, qui fores stercoreavit, vel eisdem cornua affixit, vel qui obscenas picturas in alterius infamiam in aliquo loco posuit, vel qui libellum, seu scripturam scribit, publicat &c. ut supra, absque nomine illius, cui infamia irrogatur, dummodò aliunde constet,

de quo libellus voluit intelligere; prout docet Farinac. loco citato n. 469 & 474.

16. Violentia est injuria quædam cum vi, & impetu, personis, vel rebus facta, & est quintuplex; prima dicitur ablativa, quando per vim aliquid auferitur; 2. dicitur expulsiua, quando per vim quis de possessione eiicitur; 3. est compulsiva, quando per metum quis compellitur facere aliquid, quod sponte alias non erat facturus; 4. dicitur turbativa, cum possessor in sua possessione turbatur; 5. dicitur inquietativa, cum quis non finit alium uti sua pace, & quiete. De quibus late Menochius in *prælud. de recuper. possess. d. n. 38.* Tuschus *V. vis, & violentia, conclus. 214.* & Peyrinus tom. 2. de *privil. ad Const. 5. Gregorii XV. n. 37.* Possunt igitur conservatores de prædictis omnibus injuriis, & violentiis cognoscere; prout habetur in cap. 1. & ult. de *offic. Judic. deleg. in 6.* cum autem tribus modis Judex possit contra Reum procedere, 1. per modum accusationis, 2. per modum denuntiationis, & 3. per modum inquisitionis; concedunt Summi Pontifices, ut possint conservatores procedere contra Reos, à quibus Regulares injurias, ac violentias acceperunt, primo, & secundo modo, scilicet per modum accusationis, vel denuntiationis; ita quod Regulares, si volunt à suis conservatoribus defendi contra sibi injurias afferentes, vel violentias inferentes, tunc tanquam actores tenentur suo conservatori deferre accusationem, vel denuntiationem contra Reum, testes producere, vel saltem

nominare eos, qui interfuerunt, dum sibi fuerunt huiusmodi injuriarum, vel violentiarum illatarum: ita Azor p. 3. lib. 13. cap. 18. Bordon. tom. 1. consil. regul. resol. 44. n. 9. & 10. & alii plures relati à Bonacina, & Barbosa in collect. allegat. 106. n. 18.

17. Quoad ea, quæ judicialem indaginem, seu inquisitionem requirunt, suam non possunt Conservatores potestatem extendere, ita ut si delictum sit occultum, & delinquens ignoretur, vel si sit notorium, & nescitur, quis illud patnaverit, non possint per inquisitionem judiciariam procedere, cogendo testes per carceris mancipationem, vel torturam ad testimonium dicendum sed tantum per amicabilem inquisitionem, & veritatis investigationem; ut aperte constat ex pluribus constitutionibus Apostolicis, quæ tom. 3. Bullarii Cherubini in fine, in Repertorio materialium V. Conservatores Religionum, enumerantur: & precipue Julii II. incip. *Militanti Ecclesia*; pro Congreg. Monachorum Montis Olivetii edita, tom. 1. dicti Bull. Cherub. In aliis vero delictis, in quibus conservatores contra Reum possunt per modum accusationis, & denuntiationis procedere, tunc ab eis servanda est forma judiciaria, si aliter expedire non decreverint; ut patet ex illis verbis, videlicet: *in aliis vero, prout qualitas eorum delictorum exegerit, iustitia complementum*; positum in omnibus litteris conservatoriis.

18. Conservatores in dictis injuriis, & violentiis manifestis possunt contra omnes procedere, nam hæc crimina, cum sint mixti fori, etiam

ad iudicem Ecclesiasticum spectant, prout docent Roder. tom. 1. q. 65. art. 11. Miranda tom. 2. q. 47. art. 7. conclus. 3. idcirco nec Clerici, nec Laici à Conservatorum jurisdictione, & potestate in prædictis delictis, sive commissis, sive committendis sunt exempti, pro utrisque enim possunt Conservatores excommunicare, & si opus fuerit, ad executionem suæ sententiæ petere auxilium brachii Sæcularis, vel Curie Episcopalis; ut docet Gloss. in dicto cap. 1. de officio Jud. deleg. in 6. In casu, quo Reus confiteatur factum, licet dicat, se suo jure fecisse, debent nihilominus Conservatores super offensæ notoria probationes recipere, nam alias facile esset officium Conservatorum eludere, ut bene notat Sylvester V. Conserv. n. 3. ubi etiam addit, quod licet commissum delictum neget esse notorium, debent Conservatores procedere ad sententiam contra Reum confitentem delictum, quantumvis neget qualitate notorium, quia per ejus confessionem factum est notorium juris, quod sufficit, prout habetur in Cap. vestra, junctis Gloss. ver. non discretur, & docent Miranda tom. 2. q. 47. art. 8. conclus. 2. Barbosa in collect. allegat. 105. n. 21.

19. Conservatores, ut dictum est n. 5. sunt Regularium Judices Ordinarii, & ad universitatem causarum, atque adeo de omnibus causis tam criminalibus, quam civilibus, ac mixtis cognoscere possunt; prout constat manifestè ex conservatoria Gregorii XIII. incip. *Æquum reputamus*; pro Societate Jesu edita, tom. 2. Bull. Cherub. quod verum est, si ve-

Re-

Regulares sunt rei, sive adores; ut habetur in ejusdem Bullæ §. 2. & Clementis VII. Bulla, quæ incipit; *Conquestionem* apud Peyrinum *tom. 1. de privil. regul.* possunt quoque per hujusmodi privilegia articulum ab aliis inchoatum prosequi, ut patet ex prædicta Clementis Bulla §. 9. & contra debitores Religiosorum procedere, cogendo eos ad comparandum coram ipsis, & ad satisfaciendum, & quamvis de jure communi hæc non procedant, per privilegia tamen relata fieri possunt; ita Roder. *tom. 1. quest. 65. art. 12. la Crux de statu Relig. lib. 2. cap. 10. conclus. 2.* Portell. *in dub. Regul. v. Conservator*. Et colligitur ex Decreto Sac. Congr. Concilii post dictam Constitutionem Gregorianam immediatè posito; observandum tamen est quod diximus *n. 3. & 5. præsentis capituli*.

20. De jure novo Concilii Tridentini *sess. 7. cap. 14. de reform.* Regulares extra claustra degentes conveniri debent pro debitis civilibus coram Judice Conservatore, si illum habent, si verò non habent, conveniendi sunt coram locorum Ordinariis, tamquam in hoc à Sede Apostolica delegatis; Regulares autem intra Claustra degentes, ac Conservatore carentes, conveniuntur etiam pro dictis debitis coram prefatis locorum Ordinariis, non tamen privativè quoad suos Prælatos Regulares, qui ipsorum sunt Judices Ordinarii, nam in hoc creditoribus optio conceditur ut patet ex §. 6. memoratæ constitutionis Gregorii XV. & cum multis docet Novarius *in sua lucerna Regular. v. causa, & in tract. de privileg.*

*miserab. person. in privil. 70. n. 6.* quicquid alii cum Diana in contrarium asserant, quorum opinio prædictæ Constitutioni Gregorianæ repugnare videtur.

21. Possunt Regularium Conservatores procedere contra eorundem animalia detinentes, ex quo damnum aliquod in agris alienis intulerunt, si Regulares parati sunt satisfacere, dantes sufficientem cautionem: nam in tali casu, cum detentio sit injusta, irrogatur eis gravis, & notoria injuria, tam in sua exemptione, quam in bonis injustè detentis, quorum defensio, & protectio ad ipsorum Conservatorem spectat; prout constat ex Bulla S. Pii V. incip. *Ad hoc nos Deus*; apud Cherub. *tom. 2.* & ex Decreto S. Congr. Concil. Trid. in calce præfatæ Gregorianæ posito; immo debent procedere ad defensionem quorumcumque bonorum mobilium, seu immobilium, rerum, jurium, animalium, & possessionum sub Regularium dominio existentium, possunt etiam cognoscere de injuriis, vel violentiis manifestis factis Religiosorum famulis, qui Monasteriis actu deferriunt, intra septa morantur, habitum deferunt, & sub eorum obedientia vivunt, nam hujusmodi famuli, Tertiarii, seu Donati per prædictam copulativè habita, censentur; saltem largè loquendo, de numero Regularium intra Claustra degentium; idem possunt in quibusvis causis, & rebus Syndicos, & Procuratores Conventuum Fratrum Minorum Monialium, S. Claræ, & tertiæ Regulæ concernentibus, civilibus, criminalibus, & mixtis; ut constat ex Bulla Clementæ.



mentis VII. incip. *Dum consideramus*: apud Cherub. tom. 1. & docent Roder. tom. 1. q. 65. art. 17. Portell. v. Syndicus n. 5. Lezana p. 2. cap. 10. n. 65.

22. Nequeunt Conservatores ad seadvocare causam Regularium coram Ordinario inceptam, antequam eorumdem Conservatores essent, neque dare licentiam extrahendi quempiam a loco sacro, præcipue in casibus immunitate privantibus, quia id solum ad locorum Ordinarios spectat, privative quoad alios; ut constat ex Constitutione Gregorii XIV. incip. *Cum alias nonnulli*: quam per extensum refert Roder. tom. 2. q. 50. art. 3. possunt tamen procedere adversus eos, qui ad Ecclesias Regularium confugientes violententer extrahunt, nam hi non solum excommunicationem incurrunt, sed etiam injuriam, ac violentiam manifestam irrogant. Peyrinus tom. 3. in addition. ad Const. Gregorii XV. cap. 11. num. 13.

23. Possunt Conservatores procedere contra Episcopos, cum modestia tamen, & reverentia Dignitati Episcopali debita, ut clare constat ex cap. sunt 11. de officio & potest. Jud. deleg. & cap. Quia Pontificali 2. ejusdem tit. in 6. & si opus fuerit, censuris cohibere Ordinarios excedentes suam jurisdictionem in Regulares: ex cap. si Judex de sent. excom. in 6. Nequeunt tamen se intromittere in controversiis de præcedentia, quæ inter Regulares in processibus oriri solent, nam id per cap. 13. Conc. Trident. sess. 25. de reform. ad solos Episcopos pertinet, privative quoad alios; neque salarium pro sententia

lata, vel ferenda exigere possunt; prout deciditur in cap. statutum, in 6. insuper de rescript. in 6. etiam si adesset consuetudo in contrarium, nempe accipiendi sportulas pro judicio, quia id eis expressè vetatur in cap. Statutum cit. loc. adjuncta Gloss. in ver. qualitercumque; nisi forsitan esculenta, vel poculenta mera liberalitate oblata; si autem extra proprium domicilium exire coguntur, expensas à partibus accipere possunt; item Notarii ipsorum possunt habere salaria moderata; ut dicitur in dicto §. insuper, & seq.

24. In casu, quo Regulares diversarum Religionum sibi invicem notorias injurias, seu violentias faciant, & pro eis ad suos respectivè Conservatores recurrant, tunc, ad effectum procedendi, datur præventioni locus, scilicet, ut ille Conservator procedat, qui prior præventus fuit; ut notat Peyrinus in addition. ad Const. Gregorii XV. vel ne mutuo se impediant, satis erit, Romanam recurrere, aut procurare, ut arbitri eligantur, qui quæstionem jurisdictionum decernant; ita habetur expressè in §. 10. Const. Gregor. Quærelas autem Regularium unius Ordinis contra alios Regulares ejusdem Ordinis minime possunt Conservatores suscipere; prout decrevit Leo X. in sua Const. incip. *Romani Pontificis*, quam per extensum refert Concilius in Collect. Trivul. & est 10. inter Bullas ejusdem. Possunt tamen rem citare per edictum; ubi tutius non patet accessus ad personaliter citandum, ut constat ex Const. prænotata Clementis VII. §. 3. & ex alia S. Pii

V. incip. *Ad hoc nos Deus* : §. 16.

25. Conservatores à Regularibus nominati non possunt procedere extra Civitates, & Dioceses, in quibus fuerint deputati; ut expressè habetur in §. 8. dictæ Gregorianæ; possunt tamen alteri existenti in loco, in quo ipsi sunt deputati, suas vices committere, neque suam valent jurisdictionem exercere, nisi cum existentibus in Civitatibus, & Diocesibus, in quibus fuerint deputati Conservatores; postulat enim æquitas, ut minus quam fieri potest, partibus, præsertim reis, præjudicetur, idcirco si unum, idemque Monasterium in diversis Diocesibus bona possideat, non ideo potest in unaquaque Conservatores eligere, sed Conservatorem tenetur duntaxat deputare in Civitate, & Diocesi, ubi situm est Monasterium, ibique, & non alibi suam jurisdictionem exercere, ut constat ex præfata Const. Gregor. & ex declaratione S. Congress. quam per extensum refert Peyrinus in addit. ad eandem Const. Gregor. tom. 2. cap. 11. n. 17. non obstantibus Regularium privilegiis, nam hæc, quoad prædicta, revocata manent.

26. Si Conservatores scienter se intromittant in aliis, quam in manifestis injuriis, & violentiis, seu in aliis, quæ judicalem indaginem exigunt, remanent eo ipso per unum annum ab Officio conservatoris suspensi: ut dicitur in §. 10. dictæ Const. Gregor. hujusmodi autem suspensio, cum non sit à divinis, non indiget absolutione, quapropter, elapso anno, poterit Conservator suum officium proseguere ad incurrendam ta-

men hanc suspensionem requiritur scientia, ut habetur in cap. final. de officio, & potest Jud. deleg. in 6. ideoque eam non incurrit, qui id faceret ex ignorantia, etiam crassa, & supina, secus autem ex affectata, vel si illa ita crassa foret, ut esset ingentem meritis: prout docent Suarez tom. 5. in 3. part. disp. 31. sect. 3. n. 17. Sanchez de Matrim. lib. 9. disp. 32. n. 36. & 39. Roder. tom. 1. q. 61. art. 19. Peyrinus tom. 1. ad Const. 1. Julii II. §. 16. n. 21. Præterea, si Conservatores excedere præsumant terminos traditæ potestatis in præjudicium jurisdictionis Ordinariorum, incurrun excommunicationem 17. Bullæ cœnæ, contra usurpantes eam jurisdictionem latam: ut docet Thesaurus in praxi de pan. Eccles. part. 2. cap. 17. n. 4.

27. Pars, quæ scienter procuraverit Conservatores excedere limites jurisdictionis suæ, ipso facto excommunicationem incurrit, à qua non potest absolvi, nisi parti, quam indebitè molestavit, prius integraliter de expensis satisfecerit: ut constat ex §. 10. Const. Gregor. Pars autem in casu nostro debet esse Actor, vel Reus, nam alia tertia persona, quæ non est pars in judicio, excommunicationem non incurrit, licet ad ejus instantiam Conservator excesserit, immo procuratio partis debet esse cum effectu, quia lex excommunicans facientem aliquid, non ligat, nisi effectu subsequuto, ut docent Suarez tom. 5. in 3. part. disp. 23. sect. 4. n. 10. Sylv. v. Conservator n. 5. & alii. Ab hujusmodi excommunicatione ante satisfactionem. nemo potest ab-

absolvere, nisi solus Papa, cui est reservata post compensationem verò, cum nulli reservetur, poterit quilibet Confessarius ab Ordinario approbatus absolvere; prout tenent Bonac. tom. 3. disp. 2. p. 35. n. 6. Azor. part. 2. lib. 5. cap. 35. q. 13. Thefaurus cit. loc. lim. 3.

28. Denique in causis dubiis, necnon in casu gravaminis in notis injuriis, & violentiis appellari potest à Conservatore ad Papam; ita Farinac. p. 1. prax. crim. q. 21. n. 117. & 118. Tuschus 4. Conservator, conclus. 760. n. 6.

## C A P. X.

### De pœnis violantium privilegia Regul.

**P**lares Romani Pontifices sub Censuris, gravibusque pœnis locorum Ordinariis, aliisque quibuscunque inhibuerunt, ne Regulares in suorum privilegiorum possessione directe, vel indirecte molestant; directe enim fit, quando quis immediate, & formaliter Regularium privilegia lædit, videlicet, cum Ordinarii impediunt, ne Regulares præsentati, & approbati audiant Sacularium Confessiones, vel ne Eucharistiam illis administrent; indirecte vero contingit, quando Episcopus, aut alius non agit directe, & formaliter contra privilegium, & privilegiatos, sed contra subditos, eisdem prohibendo, ne privilegiis Regularium utantur.

1. Tam Ordinarii locorum, quam Parochi, seu Rectores Ecclesiarum Parochialium, & quicunque alii, sive Ecclesiastici, sive Sæculares, qui directe vel indirecte, in genere, aut in specie Regularium privilegia audeant, vel præcipiant, seu ordinem violare, pœnas infraferriptas incurrunt: videlicet, Parochi,

seu Rectores Ecclesiarum, & alie quicunque sive Ecclesiastici, sive Sæculares incurrunt ipso facto excommunicationem, Ecclesiarum Parochialium, omniumque aliorum beneficiorum, quæ obtinent, privationem, cum inhabilitatione ad illa, & alia in posterum obtinenda, ut constat ex Bulla Sixti IV. quæ incipit: *Regimini*: apud Cherubinum tom. 1. Bull. Rom. & ex alia ejusdem Pontificis, quæ dicitur aurea, & incipit: *Sacri Prædicatorum, & Minorum Ordines*: eodem tomo.

3. Prædictas, pluresque alias pœnas Leo X. compendiose in unum compellavit in sua Const. incip. *Exponi nobis fecerunt dilecti filii*: in Fratrum Minorum favorem, ac consequenter aliorum Regularium communicantium edita, & per S. Pium V. confirmata ex certa scientia in Bulla, quæ incipit: *Etsi Mendicantium*: ad Patriarchas, Archiepiscopos, Episcopos, Abbates, Praepositos, & Vicarios Generales directa: quæ habetur in Bullario Emmanuelis Roderici, & est 28. inter Constituta.

H 2 tio

tiones dicti Pontificis, continetque multa privilegia, pro quorum conservatione illæ Censuræ, & pænæ sunt appositæ.

4. Sacra etiam Cardinalium, Congregatio Constitutionibus Apostolicis inhærendo, infra scriptum decretum, quod in registro ejusdem Congregationis fol. 139. reperitur, Archiepiscopo Salernitano, Regulares in possessione suorum privilegiorum molestanti, ut ab hujusmodi proposito amoveret, direxit; *Advertat dominatio vestra procedere cum circumspeditione cum Regularibus, nisi velitis multis Censuris irretiri; quatenus fortasse, jam non sit, quia novit, eos habere insueta privilegia, & non esse subditos Ordinariis.*

5. Timeant igitur privilegiorum Regularium contemptores, ac violatores tot pœnas à Christi Vicariis contra eosdem fulminatas, timeant pariter & eas, quæ à Deo immediate vibratæ sunt, quarum plura calamitosa apud historicos ecclesiasticos extant exempla; & præcipue illud, quod Thomas à Cantiprato in libro, cui titulus; *Examen Apum*, pag. 184. narrat de quodam Doctore Sorbonico, qui postea Archiepiscopus, & Cardinalis fuit creatus, sed crescens in Ecclesia, crevit & odio erga Fratres Prædicatores, & Minores, ita ut illorum Convantum in uno suæ Diocesis oppido situm funditus everteret, nec non procuraverit, ut uterque Prædicatorum, & Minorum Ordo non solum Episcopis, sed etiam humiliorum Sacerdotum pedibus subiceretur; pœnam tamen vexationis utrique Ordini sa-

æ luere miser coactus fuit, nam intra mentis perturbationem, qua ante obitum laboravit, & annuli pastoralis amissionem, quo miraculose privatus fuit, quodam manè superioribus domus descendens, ac præceps per gradus cadens, fractis collo, & cervicibus, illic infelix expiravit. Aliud simile exemplum refertur in Chronocis Minorum *part. 2. lib. 9. cap. 36. editione veteri Venetiis habita 1606.* de quodam Episcopo, cui etiam miraculose fuit caput amputatum ob persecutionem contra Fratres Minores ab ipso excitatam; & necdum proximis, sed etiam antiquis sæculi Regulares molestantibus Deus pœnas infligit, ut de quodam Parocho, qui miserrime periit, ex eo quod suis persecutionibus à Monasterio sublacensis Monachos Sancti Benedicti expulerat, narrat S. Gregorius Papa *lib. 2. Dialogor. cap. 8.* De aliis etiam tam in Africa, quam in Europa punitis ob persecutionem Regularibus insistentem, narrat Salvianus Episcopus Massiliensis *lib. 8. de providentia cap. 3.* & Baronius in suis annal. ab anno Christi 626.

6. Maxima præterea temeritas, errorque intollerabilis est asserere, quod Regularium privilegia, quoad usum, beneplacito Ordinariorum, prorsus sint subiecta; nam ultra quam quod Summi Pontifices contra quoscunque eadem violantes frustra pœnas infligerent, privilegiorum rationem, & naturam hujusmodi subiectio pœnitens destrueret, quia cum privilegia sint vel contra, aut præter, vel supra jus commune, per præfatam subiectionem in extir-

ju-

Juris communis procul ubi transirent, unde manifesta, & absurda, contradictio sequeretur, scilicet eadem esse simul, & non esse privilegia; privilegium enim Principis, juxta Jurisconsultorum sententiam, debet esse immobile, & ut ait S. Leo Papa Cap. Quod autem. Privilegia Ecclesiarum, & Monasteriorum, Sanctorum Patrum auctoritate instituta, nulla possunt improbitate convelli, nulla novitate mutari, in qua necesse est, hujus Sanctæ Sedis Pontifices perseverantem exhibere famulatum.

7. Postremo Summi Pontifices, ut consuetudinem Ordinariorum, & Parochorum Regulares molestandi, eorumque privilegia violandi coererent, Inquisitoribus contra hæreticam pravitatem adversus eos, qui constitutiones, præcipue aliquas, Apostolicas contemnere, & de eis male sentire non verentur, procedere mandarunt: 1. contra asserentes, peccata semel rite confessâ Regulari Sacerdoti, facultatem habenti, iterum Parocho esse confitenda, Sancto Officio eos esse denunciandos, ab eoque puniendos decrevit Calixtus III. in Bulla incip. *Inter cetera*, & Sixtus IV. in Mari Magno Minorum incip. *Regimini Universalis Ecclesiæ*: §. 15. & in Mari Magno Prædicatorum §. 13. quæ habentur tom. 1. Bullar. Rom. Cherub.; 2. Idem Sixtus IV. decrevit, quod Ordinarii, & quicumque alii prohibentes, ne Fratribus Carmelitæ elemosynæ fiant,

ipso facto sint excommunicati; & quod contra tales possint Rectores Ordinum Mendicantium, & Auditor Cameræ Apostolicæ, nec non Inquisitores hæreticæ pravitatis, sicut contra hæreticos procedere; ut habetur in compend. privil. V. Eleemosyna. 8. quod quidem decretum per communicationem ad omnes Regulares Mendicantes extenditur: 3. Rectores Ecclesiarum Parochialium, prætendentes, ac per viam rapientes, vel alio modo extorquentes quartam funeralium à Regularibus, ubi non erat consuetudo eam solvendi ante annum 1523. vel ubi est consuetudo, aliquid plus exigentes supra id, quod S. Pius V. in Bulla 41. incip. *Esti Mendicantium Ordines*: apud Cherub. tom. 2. Bull. Rom. & impediendes, ne Sæculares in Ecclesiis Regularium sepeliri valeant, Inquisitoribus S. Officii, tanquam de hæresi suspecti denunciari possunt; prout constat etiam ex Bulla 21. Urbani VIII. incip. *Dilectis filiis hæretica pravitatis Inquisitoribus*; apud eundem Cherub. tom. 4. Bull. Rom.

Absoluto 1. tractatu de privilegiis in communi, amodo sermo erit de privilegiis in particulari; sed animadvertere debet prudens lector, quod in sequentibus tractatibus, præferam 3. & 4. plures inveniet resolutiones sæpius recensitas, idque majoris claritatis, ac commodi gratia factum est.

## TRACTATUS II.

## De privilegiis in particulari.

## CAP. I.

*De privilegiis Prælatorum Regularium.*

2.



Upponenendum est, quod hoc nomen Prælati dicitur à præferendo, quia cæteris præfertur, super quos præeminen-

tiam habet; ut docent Panorm. in cap. cum ab Eccl. Basseus *V. Prælati*, & alii apud ipsos; & sicut Hierarchia Ecclesiastica ex Patriarchis, Archiepiscopis, & Episcopis constat, ita pariter Hierarchia Religiosa constat ex Generalibus, qui sunt Prælati supremi, quia toti Religioni præfunt; Provincialibus, qui uni soli Provinciæ, & Guardianis, vel Prioribus, qui dumtaxat suis præfunt conventibus; & consimilibus Prælatibus, quorum nomina, licet diversa sint, parum refert, cum ratio per nomen significata, sit eadem: prout tradunt S. Antonin. p. 3. *trakt. 17. cap. 2. §. 2. Roder. tom. 1. qq. RR. q. 12. art. 6. Miranda tom. 2. q. 19. art. 1. Peyrin. tom. 2. de Prælatibus q. 1. cap. 4. §. 4.*

2. Generales igitur Religionum, Provinciales, & Superiores locales, cum juxta communem D. D. sententiam sint veri Prælati, in suos subdi-

tos ordinariam habent jurisdictionem, quæ quidem ex proprio officio, & beneficio legis, vel ex Principis privilegio, in perpetuum eis concessa, dimanat; nam sicut Summi Pontifices acceptam à Christo Domino ligandi, atque solvendi potestatem, à premordiis Ecclesiæ in Patriarchas, Archiepiscopos, Episcopos, cæterosque Ordinarios, quatenus opus erat, pro salute hominum efficaciter procuranda partialiter effuderunt; ita similiter, ne Prælati Regulares, in eorundem Ordinariorum onus substituti, pejoris conditionis in hac parte existerent, illam potestatem, præfatis Ordinariis prius concessam, in dictos Prælatos Regulares, immo & majorem quoad suos subditos, ab ipsorum Ordinariorum jurisdictione jam exemptos, transtulerunt; atque adeo sicut jurisdictione Ordinariorum in suos subditos est illimitata, nisi à Papa arceatur, ita pariter illa Prælatorum Regularium in suos illimitata est, nisi ab eodem Papa, aut ab aliis, ad quos spectat, limitetur, ut de facto limitata est, ac limitari potest; prout colligitur ex cap. *Decernimus, de Indic. & Gloss. V. Prælati & docent Roder.*

tom. 1. q.

tom. 1. q. 27. art. 6. Miranda tom. 1. q. 13 art. 5. & tom. 2. q. 7 art. 1. *Historia in elect. de potest. Eccles. q. 2. n. 28. & comm. D. D.*

4. Præsidentes conventuum à Definitorio electi; vel in locum Guardiani, vel Prioris defuncti, aut absentis, seu amoti, ab eodem Definitorio substituti, sunt etiam veri Prælati, atque adeo habent jurisdictionem Ordinariam, & gaudent eisdem privilegiis, quibus ipsimet Guardiani, aut Priores gaudent, & fruantur, nisi eorum autoritas per Ordinis Constitutiones limitetur, sicut illa Guardianorum, seu Priorum, quæ de facto limitari solet, vel potest; ac proinde cum varia sint Ordinum statuta, consulat unusquisque, quæ sui Ordinis specialia sunt, nè manum in segetem alienam mittat: ita docet Roder. tom. 3. q. 76. art. 1. Suarez de Relig. tom. 4. lib. 2. cap. 22. tract. 8. num. 6. Jo. d. Cruet de Stat. Relig. cap. 6. sub. 6. & constat ex privilegio Julii II. quod refert Roder. in suo Bullar. o Bulla 8. ejusdem Pontificis.

4. Vicarii, seu Præsidentes dependentes non sunt veri Prælati, sed dumtaxat Vicarii Prælatorum, & ideo non habent majorem auctoritatem (ipsi Guardianis, seu Prioribus presentibus,) quam illam, quæ illis ab ipsis Prælatibus tribuitur, in nostra Minorum Religione juxta Constitutiones ejusdem tunc dicitur Guardianus præsens; quando intra terminum 24. horarum haberi potest; Guardianus verò absentibus; eandem quam ipsi Guardiani, potestatem habent, idcirco possunt à reservatis absolvere, super quibus Guardiani ratione

sui officii potestatem habent, Novitios ad professionem admittere, & reliqua, quæ possunt ipsimet Guardiani præsentes; nec possunt Guardiani hujusmodi auctoritatem illis limitare, cum Julius II. in præfata Bulla illam concesserit, & in quodam Capitulo Generali observari præcipitur; prout refert Roder. in Summ. tom. 2. v. Relig. cap. 107. n. 4. nequeunt tamen sub excommunicatione præcipere, cum non sint veri Prælati, in virtute verò S. obedientiæ jubere possunt, ut illius familiæ Præsidentes. Quod autem dicitur in statutis nostræ Reformationis cap. 8. n. 61. teneri Vicarios servare ordinationes suorum Guardianorum, etiam in eorum absentia, id intelligendum est de ordinationibus gubernationem Æconomicam Conventus concernentibus.

5. Potestas Prælatorum Regularium non solum est de jure humano, sed etiam de jure divino, ut docent gravissimi D. D. nam per illa verba Matthæi cap. 28. dic Ecclesiæ, si Ecclesiam non audiverit, sit tibi tamquam Ethnicus, & Publicanus, intelligitur Prælatorum potestas, cum sub nomine Ecclesiæ intelligantur omnes Prælati, juxta comm. D. D. sentent. & præcipue S. Ioan. Chrisost. in Rom. 16. in Matth. Cum igitur Religionum Prælati sint veri Prælati; habentes proprias oves, potestas eorum proculdubio de jure divino est, eis per Summos Pontifices ministrata: ita Bellarm. tom. 1. lib. 7. cap. 22. Roder. tom. 1. q. 17. art. 2. Miranda tom. 1. q. 13. art. 4. & alii.

6. Præfati Regulares Prælati potestatem, quam habent, possunt suis sub-

subditis committere, ac delegare, cum sint Judices Ordinarii, & veri Prelati, nam in hoc ab aliis Prelatis non Ordinariis distinguuntur; hujusmodi etiam potestate in utroque foro uti possunt, in foro scilicet penitentiali, solvendo, ligandoque suorum subditorum animas; & in foro contentioso, censuris subditos afficiendo, multisque aliis modis puniendo, & condemnando, ut expraxi, & consuetudine constat, quia cum sint illorum Prelati, ac Judices Ordinarii prædicta jurisdictione competenti carere non debent, prout cum multis citatis docet Suarez tom. 4. de Relig. tract. 1. lib. 2. cap. 2. Sylvest. v. *Prelatus* n. 1. Portell. in

addit. ad v. *Prelatus* n. 1. & 2. Navar. in cap. non dicatis, n. 95. & alii.

7. Prelati majores Regulares possunt ex iusta causa Prelatorum inferiorum, sibi subditorum, jurisdictionem; & potestatem coarctare; ac limitare, hinc Generales possunt Provincialium autoritatem restringere; & Provinciales possunt Superiorum, localium potestatem limitare; quia licet prædictis omnibus nedum de jure humano, sed etiam de jure divino competat jurisdictione; fuit tamen eis collata ordine hierarchico, ut dictum est; scilicet, ut minores à majoribus essentialiter dependeant; prout habetur in Concil. Trident. sess. 14. cap. 7. Can. 11.

## C A P. II.

### De potestate in communi, ac directiva Prelatorum Generalium.

1. **G**enerales Ordinum Regularium habent jurisdictionem; & potestatem in suos subditos, sicut Patriarchæ, & Primates habent in suos, & quemadmodum hi præsent nationi, seu Provinciæ, in qua sunt plures Episcopi, causas illorum cognoscunt, & corrigunt, leges conduunt, præcepta imponunt, ligant, absolvent, & dispensant: ita pariter Generales subditos habent Provinciales quasi Episcopos, illorum causas audiunt, judicant, corrigunt, leges, & præcepta illis, cæterisque subditis imponunt, ligant, absolvent, & dispensant, non solum in rebus, quæ forum conscientiæ, & observantiam

regularem respiciunt, verum etiam in iis, quæ jurisdictionem Prelatorum inferiorum concernunt, à quorum jurisdictione possunt fratres, & Conventus subditos eximere; ut docent Miranda in *annual. tom. 2. q. 7. art. 1. Martin. à S. Joseph de authorit. Provinciali* n. 1. & 2. & alii.

2. Competit præfatis Generalibus potestas dominativa in suos subditos, quæ quidem ex voto obedientiæ provenit, nam ex traditione Religiosi sequitur dicta potestas in acceptante hujusmodi traditionem, seu votum; cum enim Generales sint, quibus immediate sit obedientiæ votum, proculdubio in eisdem datur hæc



hæc dominativa potestas immediate in omnes Religiosos subditos, per quam recte possint eos ad Charitatis perfectionem ordinare; ut docent commun. D. D.

3. Potestas etiam jurisdictionis præcipue in Generalibus residet, qui super omnes suos subditos, ac inferiores Prelatos suorum respective Ordinum, non solum mediate, verum etiam immediate in omnes Provincias, illarumque Conventus, tanquam proprii Pastores illam exercent; id enim valde necessarium est statui Religioso, & subditorum salutis, cum hi ab Ordinario in jurisdictione sint exempti; hujusmodi jurisdictionis potestas in ipsis est Ordinaria, non delegata, & juxta probabilior sententiam, immediate à Generali Capitulo, mediate vero à Papa eisdem communicatur, illamque in utroque foro, ac in omni genere causarum, quæ speciali jure à Sede Apostolica, vel à Capitulo Generali, aut à Regularibus statutis prohibita non fuerint, exercere valent; prout docent Portell. *V. Prælatum*, n. 2. Suarez tom. 4. de Relig. tract. 8. lib. 2. cap. 1. n. 3. Lezana tom. 2. cap. 13. n. 12. & alii commun.

4. Generalium jurisdictio est quasi Episcopalis, ut constat ex cap. Abbates, de privilegiis in 6 immò in aliquibus non solum est æqualis, sed etiam major Episcopali, nam Generales habent potestatem & supra animas, & supra corpora subditorum, quam Episcopi tam amplam non habent erga subditos suos; cum quo stat, quod Episcopi jurisdictio simpliciter in spiritualibus major est,

ac dignior; dicitur autem quasi Episcopalis, quia non extenditur ad omnes actus, qui Ordinis Episcopalis proprii sunt, licet in reliquis æqualis sit, & major, ut dictum est: ita Portell. *V. Prælatum* n. 5. Peyrius tom. 1. privileg. in Const. Phirri n. 46. & alii commun.

5. Virtute potestatis directivæ, quam Superiores Generales in suos Subditos habent, possunt absolute imponere Religiosis in particulari præcepta non valde gravia, seu importabilia; leges autem condere ad libitum, vel statuta perpetua f. cere sine consensu Generalis Capituli nullatenus possunt de jure communi; secus tamen de jure speciali, ut accidit in una, vel altera Religione; Possunt autem facere statuta pro tempore Generalatus duratura, dummodo sint consentanea Regulæ, quam subditi profitentur, nam si contraria sint, aut valde onerosa, nullo modo fieri possunt, nec facta acceptari; ad obligandum vero Subditos requiritur, ut præcepta singulis imposita, vel leges pro omnibus in communi condite sufficienter proponantur, seu promulgentur; ita docent Suarez tom. 4. de Relig. tract. 8. lib. 2. cap. 8. n. 6. & tract. 10. cap. 13. n. 14. Lezana tom. 1. cap. 18. n. 90. & tom. 2. cap. 13. n. 12.

6. Generales expressam prohibitionem non habentes, possunt cum consensu Capituli Generalis de novo aliquam Provinciam fundare, vel fundatam dividere absque licentia Sedis Apostolicæ, saltem in nostra Religione Seraphica per praxim contrariam, nam in pluribus Capitulis

lis Generalibus, præsertim in Vallisoleitano 1565. Romano 1600. Tole-  
tano 1606. aliisque, multæ de novo  
erectæ, & divisæ reperiuntur Pro-  
vinciæ, nec nocet Constitutio, quam  
refert Roder. tom. 1. q. 23. art. 8.  
Nicolai IV. prohibentis erigi, vel di-  
vidi Provincias sine præfata licen-  
tia, quia non est in usu, ut patet ex  
dictis, & ex lectura Annalium Van-  
dingi, præcipue tom. 4. ab anno  
1288. & ab anno 1399. ubi in Pro-  
vinciarum erectione nulla Sedis  
Apostolicæ licentia comprobatur;  
ultraquam quod Gregorius XIII. con-  
cessit Capuccinis, ut absque dicta li-  
centia novos Conventus, & Pro-  
vincias erigere, & fundare possent,  
ut fateretur Sorbus in *Compendio privil.*  
*V. adificare* §. 18. quo privilegio om-  
nes Regulares per communicationem  
fruuntur; ut docent Santor. *Consl. Cap.*  
*12. stat. 21. Bordon. tom. 2. ref. 58. n. 16.*  
Regulariter tamē id nō solet fieri ab-  
sque S. Sedis Apostolicæ beneplacito.

7. Possunt Generales ex una in  
aliam Provinciam suos Subditos tran-  
sferre, immo Guardianos, & Pro-  
vinciales ipsos ex juxta causa com-  
mutare possunt, nam obedientia ab  
eisdem promissa, non ad unam tan-  
tum Provinciam, vel conventum,  
sed ad totam Religionem extendit-  
ur; id enim nonnunquam expedit ad  
quietem conventuum, ac Provincia-  
rum, & nullibi reperitur prohibitum  
Generalibus; qui tamen ad Infide-  
les, Hæreticos, & Schismaticos,  
causa prædicationis, & ubi imminet  
Martirii periculum, subditos mitte-  
re nequeunt, nisi ipsi parati sint, &  
sponte vadant; vel nisi quarto Voto

eundi ad Missiones sint adstricti;  
nam hi etiam invitati ad eas mitti à  
Generalibus possunt; ut docent cum  
multis citatis Basseus *V. Prælati* n.  
14. Rodericus, & Lezana tom. 1.  
*Cap. 18. n. 91. & 99.*

8. Quamvis nonnulli negent,  
Generales posse eximere subditum  
ab obedientia Provincialis, vel Guar-  
diani; affirmativa tamen sententia,  
verior est, & tenenda, quia id non  
est illis prohibitum, immo cum causa  
possunt Generales cum subditis dis-  
pensare in omnibus, præter vota,  
& præcepta, eximere autem subditum  
ab obedientia Provincialis, vel Guar-  
diani, ab assensu Chori, ab obli-  
gatione acceptandi Prælaturas, vel  
Officia Ordinis; item addicere ipsum  
servitio alicujus Prælati Sæcularis,  
vel Prædicatorem constituere, qui  
ubique prædicet sine licentia Provin-  
cialis, & similia concedere, non est  
voti obedientiæ dispensatio, quia sic  
exempti sub obedientia Generalium  
remanent, neque id excedit faculta-  
tem ordinariam ipsorum: ita *Sanctor.*  
*cit. loc. stat. 12. Suarez tom. 4. de Re-*  
*lig. lib. 2. tract. 8. cap. 2. n. 22 & alii.*

9. Generales de consensu sui De-  
finitorii alias poterant facultatem  
concedere novas domos ædificandi  
de sola Ordinarii licentia juxta de-  
cretum Concil. Trident. *sess. 25. de*  
*Regul. cap. 3.* nullo aliarum persona-  
rum cujusvis ordinis requisito con-  
sensu; modo autem neque Genera-  
les, neque locorum Ordinarii pos-  
sunt hujusmodi licentiam concede-  
re, nisi copulative Summi Pontificis  
assensus accedat, scilicet, prævia  
examinatione S. Congregationis ne-  
gu-

gotiis Episcoporum, & Regularium præpositæ, vocatæque, & auditis aliorum in eisdem civitatibus, & locis existentium Conventum Superioribus, seu Procuratoribus, & aliis interesse habentibus, servatisque de jure servandis, & causâ cognita constiterit, in eisdem Civitatibus, & locis novos hujusmodi erigendos Conventus sine aliorum detrimento commode sustentari posse: ut patet ex Const. Clementis VIII. incip. *Quoniam ad insinuatam*, Gregorii XV. incip. *Cum alias*, quæ habentur in Bullar. Cherub. tom. 3. item ex Const. Urbani VIII. incip. *Romanus Pontifex*; & Innoc. X. incip. *Inslauranda*: eodem Bullar. Cherub. tom. 4.

10. Generales (idem dic de aliis Prælati Religionum) nequeunt ad instantiam quarumcumque personarum extra suos Ordines existentium, etiam Imperiali, Regali, Ducali, aut Cardinalatus Dignitate fulgentium alicui Religioso subdito ullum officium, seu dignitatem conferre, vel pœnas remittere; ita Gregorius XIII. Bulla 62. & Clemens VIII. Bulla 57. apud Cherub. tom. 2. & Paulus V. Bulla 39. apud eundem Cherub. tom. 3. qui sub pœna excommunicationis latæ sententiæ prohibuerunt Superioribus Ordinis Prædicatorum, Minorum, Carmelitarum, Eremitarum S. Augustini, Minorum, cæterisque Superioribus Regularibus, qui licet proprias Bullas ad id non habeant, in privilegiis tamen communicant; constitutiones enim prælatæ respectu Religionum sunt favorabiles, quavis respectu particularium Religiosorum censeantur odiosæ: Quinim-

modò quoscumque Religiosos subditos, qui contra Decreta dictarum Constitutionum per conquistos favores, & suffragia aliquid sibi procuraverint, ad talia, & similia, & etiam majora consequenda perpetuò inhabiles declararunt; prohibentes pariter subditis præfatis sub eisdem pœnis, ne etiam spontè oblatos, & ab eis minime procuratos favores recipiant, neque ad hunc effectum munera aliqua prædictis personis exhibere audeant, seu præsumant. Probabile tamen est, juxta sententiam Peyrini de subdito quest. 2. cap. 2. §. 11. & aliorum, quod possint prædicti Superiores aliquam gratiam suis subditis facere ad extraneorum instantiam, non obstante, quod Paulus V. in sua Constitutione prohibeat, *ullam gratiam* ad hujusmodi instantiam concedere, nam illa particula, *ulla*, non videtur esse tam universalis, ut excludat omnem, & quamcumque gratiam, sed quod nullam concedere possint pertinentem, ad remissionem alicujus pœnæ, vel ad gradus, honores, dignitates, officia, administrationes, functiones, & Prælaturas obtinendas, cæteras autem gratias, quæ videntur sub parvitate materiæ, contineri. v.g. transferre subditum de uno ad alium Conventum, concedere eidem licentiam eundi extra Conventum per aliquot dies, vel ad Ordines suscipiendos, aliquam parvam reprehensionem, seu disciplinam condonare, & sic de similibus, possunt utique Prælati facere ad extraneorum instantiam: nam Papa non videtur hæc minima prohibere, cum non supponant animum, ambiciosum Religiosi, prout etiam

colligitur ex verbis Constitutionis, in qua inhabilitatis pœna imponitur subditis, qui per conquistos favores aliquid sibi procuraverint, inhabilitas enim cadit super officiis, beneficiis, dignitatibus, gradibus, & Prælatibus, non autem super cæteris gratiis relatis, & similibus, quibus pœna inhabilitatis nullatenus convenit.

11. Possunt Prælati præcipue Generales interpretari privilegia, constitutiones, indulgentias, gratias, & exemptiones suæ Religionis non solum doctrinaliter; sed etiam judicialiter, ut diximus *tract. 1. cap. 2. n. 6.* debet tamen id fieri in ambiguis, nam si privilegia, vel statuta sint clara, & Prælati velint illa perperam declarare, tunc subditi tali declarationi ita non tenentur; ut nota Tambur. *de jure Abb. tom. 1. disp. 16. q. 6. n. 9.*

12. Generales, & Capitula generalia, ac provincialia possunt suis subditis etiam Prælatibus usum quorumcumque privilegiorum auferre, vel limitare; prout constat ex quadam Bulla Clementis IV. quam refert Miranda in suo Manuali *tom. 2. q. 43. art. 4. conclus. unica*; & ex alia Gregorii XIII. quam refert Tambur. supra *quest. 9. n. 2.* Non possunt tamen virtute prædictarum concessionum, tollere aliquid quod sit contra jus commune, vel usum Sacrorum Canonum; nam quæ de jure statuta sunt, habent vim obligandi ad culpam, vel pœnam juxta ipsius juris dispositionem, quæ obligatio neque à Generali, neque à Capitulo generali tolli totaliter potest: *ita D. D. commun.*

13. Ex privilegio à Gregorio XIII. Generali Societatis Iesu concessa, quo

etiam alii Religionum Generales per viam communicationis fruuntur, possunt Religiosis subditis concedere licentiam aperiendi litteras sacre Pœnitentiariæ, directas in foro conscientie Doctoribus in Theologia, vel jure Canonico ad absolvendum, vel dispensandum juxta tenorem earum; immo possunt id ipsum aliis Prælatibus inferioribus committere; cum facultate delegandi: tenentur tamen Generales, vel alii Prælati ab eis delegati hoc negotium committere viris litteratis, & approbatis ab Ordinario, unde si illiteratum eligant, peccant graviter, ut docet Pasqualighus *tom. 2. decis. 414. n. 6.* ille autem censetur litteratus, qui non solum modum, quem debet servare in executione, & pœnitentis imponendis, ac votis commutandis intelligat, sed etiam debet esse instructus circa casus reservatos, censuras, irregularitates, impedimenta canonica, cæteraque omnia, pro quibus ad sacram Pœnitentiam solet recurri; negotium hoc revera gravissimum, est, ideoque ut in hac materia tam Prælati, quam subditi delegati inoffenso pede decurrant, consulant Doctores, & Doctores, præcipue Sanchez de Matrimonio *lib. 8. d. sp. 34. c. 35.* qui de ea optime disputat.

14. Nequeunt Generales compellere subditos ad acceptandum episcopatum, vel aliud beneficium extra Ordinem, quia solum possunt subditis præcipere, quæ ad Regulam, & Statuta pertinent, vel ad Religionis commune bonum ordinantur, Episcopus autem non ordinatur ad bonum commune Religionis, sed ad bonum Unius.

Universalis Ecclesiæ. solus ergo Papa potest Regularis ad id compellere: ita docent *D. Thom. 2. 2. q. 104. art. 5. Sanchez in Sum. lib. 6. cap. 2. n. 49. Layman in Sum. lib. 4. tract. 2. cap. 15. n. 11. Roder. tom. 1. q. 34. art. 8. & alii.*

15. Quoad vim directivam tenentur Generales, saltem in foro conscientie, observare leges à se latas, si legis materia sit communis, & ejusdem rationis reperitur esse in Legislatore, & in aliis subditis, nam leges humanæ ordinantur ad bonum commune, promovere igitur ad bonum commune, & comparare sibi virtutem, non minus pertinet ad Legislatorem, quam ad subditos, jure

enim naturæ pars non debet discordare à toto, neque totum à partibus, idcirco si Legislator in legum observantia à toto discordat, turpiter agit; secus autem videndum quoad vim coactivam, nam vis coactiva, secundum omnes, pertinet ad pœnæ impositionem, pœna autem de sua ratione fertur in invitum, & ideo ferri non potest, nisi à Superiore, in alium sibi subditum potestatem habente, ergo non potest imponi à Legislatore respectu sui ipsius: ita *D. Thom. 1. 2. q. 66. art. 3. ad 3. Sylvest. v. lex q. 14. Miranda tom. 3 q. 25. art. 22. Peyrinus de Prælat. q. 1. cap. 8. & alii.*

### C A P. I I I.

#### De potestate coercitiva Prælatorum Generalium.

1. **D**uplex datur in Generalibus potestas coercitiva; una, quæ ex voto obedientie, à subditis emissio, provenit; altera, quæ ratione jurisdictionis Ecclesiasticæ eidem competit; prima solum extenditur ad coercendum modo paterno; secunda vero perfectam potestatem coercitivam spiritualem importat, videlicet, ut non tantum extendatur ad coercionem spiritualem, quæ fit per censuras, & inhabilitates, verum etiam ad corporalem, sub qua comprehenditur quælibet corporis castigatio, vel afflictio; ut patet ex usu communi, & privilegiis omnium Religionum.

2. Generales, de jure communi

eam potestatem coercitivam in suos subditos habent, quam Episcopi in suos, atque adeo possunt suos subditos per quascunque Ecclesiasticas Censuras coercere; nequeunt tamen Capitulo generali interdictum, vel suspensionem generalem ponere; neque novas irregularitates suis subditis imponere, sed tantum declarare, an aliquis ipsorum aliquam ex irregularitatibus jure Pontificio indutis incurrerit; solum enim jus commune, & Summus Pontifex pœnam irregularitatis imponere possunt: ut docent *D. D. commun.*

3. Ex justa causa possunt Generales suspendere suos subditos à Communionibus Sæcularium audiendis aliis.

alias ab Ordinariis locorum approbatos; ut constat ex quadam declaratione S. Congreg. per hæc verba: *Sacra Congregatio censuit, Generales ex quacunque causa, etiam ob occultum crimen, quomolibet extra judicialiter posse suos subditos & Confessionibus audiendis suspendere: quam declarationem refert Delbene part. 2. cap. 14. sess. 6. n. 7.* Nequeunt tamen illos inhabilitare ad Prælaturas, officia, & gradus, ad quos ex natura sua, & jure divino sunt habiles, nam id solum Pontifici, vel Capitulo generali juxta qualitatem criminis competit; prout cum communi docet Suarez tom. 4. de Relig. tract. 8. lib. 2. cap. 9. n. 9.

4. Tenentur Generales per se ipsos, vel per alios Religiosos ejusdem Ordinis suam Religionem visitare; ut patet ex Trident. sess. 24. de reform. cap. 3. & sess. 25. de Regular. cap. 8. ubicatur, & renovatur cap. In singulis, de statu Monach. & pro F.F. Minoribus ex cap. 10. Regulæ, idque sub riguroso præcepto naturali, ac divino, corrigendo, & puniendo subditorum delicta, etiam illa, quorum judicium, & punitio ad inferiores Prælatos pertinet; nam Generales, ut dictum est, habent jurisdictionem Ordinariam, & immediatam in omnes Religiosos, etiam Prælatos, & tempore visitationis omnes e. usq. Provinciarum, & Conventuum illis committuntur; ita Portell. V. Prælati n. 10. Lezana tom. 2. cap. 13. n. 28. & alii.

5. Nequeunt Generales tradere Religiosos subditos immediate brachio Sæculari ultimo supplicio affi-

ciendos, nec condemnare eosdem ad publicam flagellationem, vel membrorum mutilationem ob crimina, quantumvis gravia, nam privilegia Religionum solum dant facultatem mittendi in exilium, ad triremes, vel ad perpetuum carcerem; possunt tamen in delictis gravioribus, si res ita exegerit, reum torturæ cum moderatione subicere per ministros Sæculares, ut constat ex privilegio Nicolai V. Minoribus concessio, apud Casarrub. in comp. privileg. V. Correptio Fratrum n. 12. Suarez tom. 4. de Relig. tract. 8. lib. 2. cap. 10. n. 7.

6. Sine justa causa non potest Generalis inferiorem amovere Prælatum à suo officio, quia cum per electionem declaratus sit dignus, & idoneus, non potest sine justa causa à suo jure acquisito privari, ac per amotionem indignus declarari; immo Generalis amovendo absque justa causa Prælatum inferiorem non solum peccat, sed etiam amotio illius est nulla, defectu jurisdictionis, sed neque in totum, vel in partem jurisdictionem Prælati inferioris auferre potest sine justa, & rationabili causa, quia jurisdictio est propria illius concessa per legem, vel privilegium, ergo absque injuria non potest sine causa ab illo auferri: ita Lezana tom. 2. cap. 13. n. 56. Bordon. tom. 2. resol. 58. n. 53. & alii commun.

7. Propter bonum commune possunt Generales amovere à suis officiis inferiores Prælatos, etiam nulla interveniente ipsorum culpa, nam hæc munera ordinantur in Religionibus non ad commodum, & utilitatem Prælatorum, sed ad bonum commu-

ne

ne totius Ordinis, ergo bono communi id postulante, proculdubio possunt amoveri à Generalibus, quibus præcipue cura boni communis, ac jurisdictio ad illud conservandum incumbit: id tamen intelligendum est, nisi detur in aliqua Religione statutum aliquod in contrarium: prout docent Suarez *tom. 4. de Relig. tr. 11. lib. 1. cap. 1. n. 5.* Pellizari *tratt. 9. cap. 3. n. 64.* Girap. *part. 2. dub. 36. n. 226.*

8. Cum causa possunt Generales ad se ad vocare causas pendentes coram inferioribus Prælati, quia illorum subditi immediate Generalibus subiciuntur, omne enim jus inferioris subditi juri majoris, qui de illo in ordinem bonum commune ad libitum disponere potest, nisi id per statuta coarctetur, & dummodo causa justa interveniat, nam sine illa Generales advocando ad se hujusmodi causas, proculdubio mortaliter peccant contra justitiam, & advocatio est nulla, quia lædunt jus alterius per privilegia concessum, ac excedunt limites propriæ potestatis, quæ in ædificationem, non autem in destructionem subditorum se extendit: ita Lezana *tom. 1. cap. 18. n. 87.* Bordon. *tom. 2. resol. 88. n. 4. 8. & 9.* Pasqua. *lig. tom. 2. decis. 57. n. 3. & 61. n. 1. & alii.*

8. Generales habent potestatem deponendi Prælatos inferiores à suis officiis, si hi negligentes sint in procuranda observantia Regulæ, & Constitutionum Ordinis, permittentes, seu dissimulantes, ut regularis observantia paulatim in defuetudinem abeat, quod quidem gravissimum ma-

lum est; Generalibus enim cura præcipua incumbit Ordines in observantia suarum legum, & privilegiorum conservare; & invigilare, nec non inquirere an propter Prælatorum inferiorum negligentiam, & omissionem Provinciæ, & Conventus in eorum regularibus institutis detrimentum patiantur, ut, quantum fieri possit, pristinæ observantiæ in totum, vel in partem restituantur, ita D. Thom. *12. q. 67. art. 4.* Granad. *de leg. p. 1. tratt. 3. disp. 2. sect. 4. contrav. 7. & alii communiter.*

10. Licet aliquando expediat, quod Generales dissimulent aliqua subditorum delicta ad maiora mala vitanda, nunquam tamen licet dissimulare ambitiones, factiones, & seditiones in Provinciis ortas, cum hoc gravissimum malum directe in Religionis destructionem tendat; opponitur enim charitati, unitati, ac societati fraternæ, quibus destructionis, experientia teste, Religio proculdubio destruitur; idcirco tenentur Generales pacem subditorum procurare, muruam inter ipsos Charitatem fovere, factiones, ac seditiones radicitus evellere, à Provinciis hoc semen pestiferum, tantorum malorum causam funditus extirpare, ac factionum capita penitus evertere; si enim capita Provinciarum in seipsa divisa sunt, quomodo stabunt Provincie, quam stabilitate Religionem manebunt? discordiæ enim, seditiones, & factiones ab ipsis capitibus originem ducunt: nam factiones, & discordiæ non dividunt Provincias, nisi capita, quæ easdem gubernant, vel gubernare præsumunt, prius di-

vi-

vidantur; Eapropter plures Summi Pontifices, & præcipue Urbanus VIII. per suam constitutionem incip. *Militantis Ecclesia*, anno 1640. editam, ad præfata mala vitanda, scandalata tollenda, pacem, & Charitatem

fraternam conservandam, ac candelam, decoremque Ordinibus Religiosis vel servandam, vel restituendam peculiare constitutiones eundem.

## C A P. I V.

### *De potestate, quam habent Superiores Generales reservandi peccata sacrum Subditorum.*

1. **R**eservatio casuum, sive criminum graviorum ex hac ratione provenit, quod nunc totus Papa jurisdictionem necessariam ad peccatorum remissionem, absolutionemve, Divino jure, in sui electione, & ordinatione accipiat; reliqui vero Episcopi, & Prælati exempti, sive sæculares, sive Regulares jurisdictionem quasi Episcopalem habentes, jure Ecclesiastico, a Papa; qui proinde eundem præfatis omnibus limitare potest, vel personas ab eorum jurisdictione eximendo, vel peccatorum absolutiones reservando. Et similiter, cum inferiorum jurisdictione à Superioribus Prælatibus proveniat, poterunt hi illis potestatem in foro poenitentiae limitatam concedere, quosdam casus, seu causas graviores suo iudicio reservantes; ut nimirum crimina graviora securius corrigantur, & salubriora eisdem remedia, adhibeantur: prout notavit Concil. Trid. sess. 14. cap. 7.

2. Possunt Generales sibi reservare casus suorum Subditorum, non tamen Novitiorum, nam hi neque ligantur casibus Episcopo reservatis,

cum non sint Subditi ipsius, neque ligantur casibus Religioni reservatis, quia peccata non sunt ibi dicti ex voto obedientiae, nondum ab ipsis emissio, atque adeo nequeunt ligari Religionis oneribus, cum tantum in favorabilibus sint Religiosi; ut docent commun. D. D. solum enim casibus Papæ ligantur, à quibus possunt absolvi; sicut ceteri sæculares ab habentibus facultatem; requiruntur tamen nonnullæ conditiones: ad hoc, ut præfati Generales possint sibi casus reservare; 1. ut sint peccata mortalia; 2. ut sint actus externi completi, & 3. ut observetur Decretum Clementis VIII. anno 1593 editum, in quo decernitur, ut nemo ex Regularium Superioribus peccatorum absolutiones sibi reservet, exceptis iis, quæ in præfato Decreto continentur; videlicet, *Veneficia, Incantationes, Sorcellaria, Apostasia à Religione &c.* prout habetur in Bullario Cherub. tom. 4. post Const. Urbani VIII. 26. pag. 273. de quibus infra redibit sermo. Adjungit præterea idem Pontifex, quod si aliquid peccatum grave pro Religionis conservatione, aut pro



pro conscientie puritate reservandum videbitur, id non aliter fiat, quam Generalis Capituli in toto Ordine, & Provincialis, in Provinciali matura discussione, & consensu.

3. Generales casibus reservatis ad præscriptum Clementis VIII. possunt etiam excommunicationem latæ sententiæ annexere, illamque sibi reservare, quia qui potest in principale, potest pariter in accessorium, cum de jure communi valeant Generales sibi absolutionem excommunicationis ab ipsis latæ reservare; immo juxta sententiam probabiliorum possunt sibi reservare censuras aliorum peccatorum, nam Decretum Clementis VIII. non loquitur de reservatione Censurarum, sed dumtaxat, & expressè loquitur de reservatione culparum, ut patet ibi: *Nemo ex Regularium Superioribus peccatorum absolutionem sibi reserves, exceptis iis &c.* Cum igitur per præfatum Decretum non fuerit limitata potestas Generalium ferendi censuras, proculdubio valent hodie illas ferre, sibi que reservare: prout docent Suarez in 3. part. tom. 4. disp. 29. sect. 3. n. 13. Tambur. de jur. Abb. tom. 2. disp. 13. Miranda tom. 1. q. 34. art. 4. conclus. 2. in fine. Coriolan. tract. de casib. reservat. p. 1. sect. 1. art. 6. & alii. In nostro Ordine Seraphico Generalis, ac Provincialis absque ullo dubio hujusmodi potestatem habent, ut constat ex Statutis generalibus Barchionensibus à Sede Apostolica approbatis cap. 6. §. de casib. reservat. in Orb. Seraph. tom. 3. pag. 663. col. 2. in fine, ubi habetur *Declaramus etiam Generalem, & Provinciales per se*

*solos absque consensu Capituli posse sibi reservare quaslibet censuras, & ejusmodi reservationem esse validam, & tenere; cum Decretum Clementis VIII. tantum loquatur de peccatis, quæ longè distant à censuris.*

4. In reservatione casuum à Clemente VIII. expressorum non tenentur Generales discussionem, & consensum Capituli generalis expectare, sicut in aliis non expressis tenentur, quia cum talis dispositio Clementina maxime exorbitet à jure communi, hanc potestatem Prælati Regularibus concedente, idcirco non amplianda, sed restringenda est; opinio enim affirmativa non est consona tenori Bullæ, nec motivo Pontificis, qui formam illam disertis verbis ad casus non enumeratos restringit, cum hi soli sint determinandi, recensiti autem in dicta Bulla jam sunt à Pontifice determinati, ita Lezana tom. 1. cap. 18. n. 19. Portell. v. cas. reservat. n. 12. De Lugo disp. 20. de panit. n. 42. Coton. lib. 4. controuv. 10. n. 11. Possunt etiam Generales extendere reservationem ad Moniales sibi subjectas, non servata forma Clementis VIII. prout docet Pellizar. cap. 10. de Monial. n. 46.

5. Non licet Generalibus Confessiones subditorum audire, nisi quando peccatum aliquid reservatum admiserint, aut ipsimet spontè, aut proprio motu id ab ipsis petierint, ideoque debent in singulis domibus duos, tres, aut plures Confessarios pro subditorum numero majori, vel minori, qui sint docti, prudentes, & Charitate præditi, pro reservatorum absolutione, possintque

X iidem

Idem Generales quibusdam peccatis, etiam non reservatis graves determinare pœnitentias, à Confessariis imponendas, quæ subditos ab huiusmodi perpetrandis cohibere possint: prout constat ex præcit. *Pulla*.

6. Nequeunt Generales negare facultatem in reservata Confessario petenti, idque ex Decreto prædicto conilat, nam quando non timetur rationabiliter damnum pœnitentis, qui ob facilitatem absolutionis non emendabitur, nec timetur damnum boni publici, vel tertii, ut esset gravis infamia communitatis, vel facilitas peccandi in aliis, qui casuum reservatorum legem non curarent; Generales licentiam denegando mortaliter peccarent; multò magis, si Confessarius testaretur, pœnitentem esse in periculo omittendi Confessionem, ut eum multis docet Tambur. de *Sacram. lib. 5. cap. 8. § 2 n. 2.* si autem præfati Superiores facultatem Confessario petenti denegaverint, poterit nihilominus Confessarius pro illa vice pœnitentem Regularem absolvere, imò toties absolvere poterit, quoties Superiores irrationabiliter facultatem negaverint, ita Dicastillo *disp. 11. dub. 20. n. 339. Pellizar. tom. 2. tract. 8. cap. 2. n. 63. Gobat. in Theol. experim. tract. 7. cap. 20. pag. 478. n. 805. Præpos. apud Dian. part. 9. tract. 3. resol. 15. & alii.*

7. Improbabilis omnino est sententia eorum, qui dicunt, Superiorem Generalem ex quovis impedimento, vel causa, posse audire peccata sola reservata, & ab iis absolvere, & pro aliis peccatis non reservatis pœnitentem ad inferiorem remittere; & ratio est, quia huiusmodi dimi-

diata confessio est contra jus divinum; & rationem integritatis Confessionis, etiam materialis, quæ extra casum urgentis necessitatis celebrandi, vel communicandi, vel in periculo mortis, in naufragio, peste &c. obligat sub mortali tam pœnitentem, ut utraque confiteatur, quam Superiorem, ut utraque audiat; si autem nolit, vel non possit commodè audire totam Confessionem, potest auditis, vel etiam non auditis reservatis, tollere reservationem, vel alium delegare, aut dare potestatem eligendi Confessarium, qui pœnitentem absolvat: ita Delugo *disp. 20. de pœnit. n. 77. Cotton. lib. 2. contr. 7. cap. 5. q. 9. n. 162.*

8. Licet de jure communi, & antecederet ad præfatum Decretum Clementis VIII. Generales poterant ex iusta causa facultatem reservandi casus à Provincialibus auferre, vel limitare, propter votum obedientiæ, quo hi Generalibus obnoxii sunt; stante autem eo Decreto, quo limitantur casus reservabiles, & modus reservandi, cum non possit abusus intervenire, non apparet iusta causa hanc facultatem vel de novo limitandi, vel auferendi, quia huiusmodi facultas modò competit Provincialibus jure ordinario; ita Miranda *tom. 2. q. 16. art. 4. Bor. don. tom. 1. resol. 37. n. 26. & 37.* Possunt tamen Generales absolvere quoscunque subditos à casibus, & censuris latis, & reservatis à Provincialibus, ut docent Suarez, & Tambur. *tom. 2. disp. 14. q. 7. n. 3.*

9. Nullus Prælati etiam Generalis potest ejectionis à Religione in perpetuum absolvere, nisi eo modo, & in casibus, à quibus possunt alios

Sæculares absolvere, siquidem nullam super eos jurisdictionem habent, quæ per ejectionem ad Ordinarios locorum translata est; & propter eandem rationem nequeunt absolvere, Moniales ejusdem Ordinis, subiectas tamen Ordinario; possunt tamen Generales, alique Prælati inferiores absolvere Religiosos factos Episcopos virtute privilegiorum Ordinis, si illi quoad hoc eis subiciantur, quia, etsi sint Episcopi, gaudent privilegiis favorabilibus Ordinis, quæ ipsorum Religiosorum assumptorum commodum concernunt absque Religionis gravamine, idque convenit, ut cum ipsis permaneant favores, & gratiæ, prout sunt indulgentiæ, absolutionis, ac dispensationes passivæ &c. ita docent *Portell. v. eicere ab Ordine, & cum aliis Pellizar. tom. 2. tract. 9. cap. 3. n. 218. ex tract. 8. cap. 1. n. 65.*

10. Possunt Prælati Generales sibi Consecrari, ut el gere, quemcumque Sacerdotem, alias idoneum, quamvis non approbatum, sive Sæcularem, sive Regularem propriæ, vel alterius Reli-

gionis, à quo possunt absolvi, & respectivè dispensari à reservatis, censuris, pœnis, inhabilitationibus, privationibus, irregularitatibus, votis &c. à quibus ipsimet Prælati possunt suos subditos absolvere, & dispensare; prout constat ex cap. *Final. de panis. & remiss. peccat. & ex Conc. Trident. sess. 23. cap. 15. de reform.* ubi in hoc quoad Prælatos Regulares nihil innovatur, cum approbatio Ordinarii, de qua loquitur, requiratur tantum ad audiendas Confessiones Sæcularium, non verò Regularium, ut docent communiter D. D. *Suarez tom. 4. de Relig. & in 3. part. disp. 27. sect. 2. n. 9. Peyrinus tom. 1. privil. in Const. 4. Sixti IV. n. 28. Lezana tom. 1. cap. 18. n. 81. & alii*; habent enim in prædicta auctoritatem activam, passivam, & commissivam in ordine ad subditos; imo possunt etiam illam delegare subdiro, cum facultate, ut is possit eandem subdelegare, dummodo delegatus non subdeleget nomine proprio, sed nomine Superioris delegantis: ita Sanchez de *Matrim. lib. 3. disp. 31. n. 6.*

## C A P. V.

*De potestate, quam habent Generales, absolvendi suos subditos à Censuris, etiam reservatis.*

1 C Um Generales Religiorum exemptarum sint Ordinarii subditorum pastores, idcirco habent in utroque foro jurisdictionem in ipsos, & non tantum ex privilegio, sed etiam jure communi possunt utique illam delegare; ut docent Sylvest. excomm. 2. vers. 5. Soins in 4. dist. 22. q. 2. art. 1. Covarr. prælat.

q. q. cap. 11. n. 5. & licet ferentes censuras territorium habere debeant; ut constat ex *Can. Novi, de offic. delegat. cap. 9. q. 2.* nihilominus tamen Generales, alique ordinum exemptorum Prælati ab hac regula proculdubio excusantur; nam h omnes in alieno territorio jurisdictionem exercere, atque adeo suos subdi-

tos excommunicare possunt; ex quo enim jurisdictio in alterius territorio conceditur, usum etiam jurisdictionis eisdem concessum dicendum est; honestius tamen facient, si hujusmodi jurisdictione in suis dumtaxat locis utantur, ita Roder. tom. 2. q. 59. art. 1.

2. Quamvis sine causæ cognitione censuræ ferri non possint, & in diebus feriatis causæ cognosci nequeant, atque adeo in eisdem excommunicare non liceat; prout definitur in iure; nihilominus tamen Prælati Generales possunt etiam in die festo subditos rebelles excommunicare, nec non proponere excommunicationem generalem contra aliquid prohibitum facientes, etenim in his, & similibus casibus, in quibus nulla causæ cognitio requiritur, nec divinus cultus impeditur, possunt hujusmodi excommunicationes à Generalibus ipso facto ferri; ita docent Feder. Senen. & Ugolin. de censur. Ecclesiasticis, tab. 1. cap. 27. §. 2. Roder. tom. 2. q. 59. art. 2.

3. Prælati Generales, saltem in nostro Ordine Minorum, ex concessione Leonis X. prout habetur in supplemento fol. 93. concessi. 291. cum aliquem fratrem ob apostasiam, vel aliam causam excommunicant in Capitulo fratrum, vel in communitate, non tenentur proferre sententiam in scriptis, sicut in iure sub pœna suspensionis præcipitur proferentibus; & licet in quadam constitutione Toletana cap. 6. de correct. delinq. tit. de pena excommun. ordinetur, ut nullus nostræ Religionis Seraphicæ Prælati inferat sententiam excom-

municationis per modum ordinationis, vel statuti ad præcavenda delicta, ut est prohibitio ingressus in cellas, seu in aliquas Sæcularium, domos, & alia id genus, nisi in scriptis, alias talis excommunicatio nulla declaratur; id tamen intelligendum est de excommunicatione per modum statuti, seu ordinationis lata, ut quando apponitur omnibus Provinciæ, aut alicujus communitatis fratribus permanentem, non autem si ad certum dumtaxat tempus, vel si aliquibus fratribus in particulari per modum præcepti apponatur seu fulminetur, & hæc fuit mens præfati Leonis X. non enim ipsius concessio fuit universalis: ita Roder. tom. 2. q. 59. art. 3.

4. Cum Prælati Generales jurisditionem quasi Episcopalem fortiantur, & consequenter possint quicquid possunt Episcopi jure communi; ut constat ex cap. Abb. de privileg. in 6. & docent commun. D. D. idcirco possunt ab excommunicatione Canonis: si quis suadente: suos subditos absolvere juxta dispositionem juris communis, cap. Monachi, cap. illorum §. qui si claustrales, cap. Canonica eod. tit. de sent. excommun. juncta gloss. in c. Relig. de sent. excomm. in 6. V. habemus: & licet textus loquantur cum restrictione: nisi excessus difficilis fuerit, & enormis, propter quem merito ad Ecclesiam Romanam sit recursus habendus; ita ut stando in terminis dispositionis juris communis, videatur asserendum, absolutionem à censura ob quaecumque percussione, etiam enormem à subditis contracta, eis absolute non con-

competere ; inspectum tamen specificis Religionum privilegiis , quoad hoc Generalium jurisdictionis non apparet restricta , nam quocumque modo Regulares se se , etiam enormiter , percutientes , à præfatis superioribus absolvi possunt ; prout constat ex multis privilegiis univocis à Sum. Pontificibus concessis , & præcipue à Clemente IV. const. incip. *Virtute conspicuos* ; & à Sixto IV. Constitut. incip. *Regimini* , *mare magnum nuncupata* ; apud Cherub. tom. 1. Bull. Rom. Ordinibus Prædicatorum , Minorum , Eremitarum S. Augustini , & Carmelitarum elargitis ; & cum non constet de posteriori expressa , & specifica Sanctæ Sedi reservatione absolutionis à percussione , etiam enormi , qua se se Regulares offendunt ; ideo juxta dispositiones præfatorum Summ. Pontificum , conceditur Ordinum Regularium , Prælati posse ab ea absolutionem percussoribus elargiri , ita docent Sayr. Roder. Coriolan. quos refert , & sequitur Bordon. tom. 1. *resol.* 28. n. 50. percussio gravis , seu enormis est illa , quæ includit non solum mutilationem , sed etiam occisionem cumqueque personæ .

5. Possunt Generales absolvere suos subditos manus violentas in Clericum Sæcularem iniicientes , & licet nonnulli doceant , hujusmodi reos ab Episcopo absolvi debere , vel saltem posse , si injuria , vel percussio enormis non fuerit , cum ab excommunicatione propter enormem contracta , si delictum fuerit publicum , Episcopus absolvere nequeat : ex Trident. sess. 24. de refor-

mat. cap. 6. hæc tamen doctrina intelligenda est de Religiosis non exemptis ab Episcopi jurisdictione , non autem de exemptis , qui hoc tempore absolvendi sunt à proprio Prælato juxta limites jurisdictionis , & potestatis , qua idem gaudet erga suos subditos , sive intra , sive extra Claustra percutientes ; ratio est , quia exemptio subtrahit Religiosos ab Episcopi potestate , tum etiam quia Prælati Regulares habent privilegium absolvendi suos subditos etiam ob enormem percussorem , ut constat ex præcedenti resolutione , nam in privilegiis à dictis Pontificibus Prælati Regularibus concessis , non apparet limitata hujusmodi facultas , sed limitatur dumtaxat potestas absolvendi hæreticos , schismaticos , litterarum Apostolicarum falsificatores , ad infideles prohibita deferentes , & contra Papam conspirantes , ergo cum exceptio firmet regulam in contrarium , asserendum est , dictos Prælatos præfata autoritate gaudere : & ita docent Roder. tom. 1. q. 20. art. 12. Bordon. tom. 1. *consil. resol.* 28. n. 50. Coton. lib. 2. *contr.* 7. cap. 7. num. 192. ubi etiam cum Sanchez in Summ. tom. 1. lib. 4. cap. 39. ait , absolvi posse ab Episcopo de licentia Prælati Regularis , vel eo absente , aut injuste absolutionem negante .

6. Possunt etiam Generales absolvere subditum percutientem alterius Ordinis Religiosum , præsentem tamen Prælato Religiosi percussi ; hoc tamen D. D. communiter intelligunt , ut Prælatus percussoris juramentum de non violando amplius Canonem prædictum , ab eo recipiat

piat, saltem semel eum percutiat, & pœna absolvat; Prælatus vero Religiosi percussus verberet, ut sibi pro illata injuria satisficiat, nec ad aliud damnum rescarciendum tenetur Monasterium percussoris, quia delictum personæ non debet in detrimentum Monasterii radundare; quod si in imponenda pœna uterque Prælatus discordet, eligendus est arbiter, qui eum utroque judicium ferat, prout docent Palaeus *tom. 6. disp. 3. punct. 23. § 4. n. 9.* Dian. *part. 9. tract. 4. resol. 10.* Coton. *lib. 2. cap. 6. num. 195.* si tamen unus ex dictis Prælati vicem suam alteri committere vellet, id non solum facere posset, sed etiam congruentius esset; ut docet Sayrus *lib. 3. cap. 28. n. 11.*

7. Moniales exemptæ ab Ordinarii jurisdictione se invicem, etiam enormiter, percutientes, absolvuntur quoque à præfatis Prælati, quibus subduntur, vel ab aliis de eorum commissione; etenim privilegia Regularibus elargita, eorumdem Monialibus communicantur; ut observat Pignatelli, *tom. 7. consult. 80. n. 4.*, & expressè Sixtus IV. in *Bulla aurea*, Leo X. const. *cum sanctis*, Gregor. XIII. const. *Ex benigna*, & Sixtus V. const. *Et si Mendicantium*. Confirmantes privilegia F. F. Minorum Observantium, Monialium S. Claræ, & tertii Ordinis S. P. Francisci, etiam per modum communicationis, & extensionis inter se, & cum aliis Ordinibus idipsum indulgent. *vid. Chetub. Bull. Rom.*

8. Nedum subditos professos, verum etiam Novitios possunt Generales absolvere ab excommunicatione

ne propter enormem percussorem in anno novitatus incurfa, cum debito tamen, ut si absoluti, non emissa professione, Religionem reliquerint, debeant se præsentare ei, qui alias de jure in sæculo eos absolvere poterat, non ut absolvantur, cum jam sint absoluti, sed ne in eandem censuram, obinobedientiam non se præsentandi, reincidant: ut constat ex cap. *Eos, qui de sent. excomm. in 6.* & docent Sylvester *V. absolutio 5. n. 9.* Sorbus *V. Novitius 1. de Novit. absolut.*; ideo Novitii sic absoluti ad sæculum revertentes, monendi sunt, ut se præsentent, ne iterum eadem censura innodentur. Novitii autem, qui ante novitatum in præfatis censuram inciderunt, per Prælatos Regulares absolvi nequeunt, sed mitti debent ad quos spectat, vel ab eis facultatem obtinere; ut notat Mattheuc; *Official. quoad excomm. Canon. n. 62.*

9. Possunt Prælati Generales absolvere suos subditos à censuris etiam si declarati fuerint illas Censuras incurrisse, & ut tales sint denunciati; immo etiam si sint tales declarati, & denunciati à legato, vel Judice aliquo Apostolico, vel ab Episcopo, etiam in casibus sibi specialiter à Papa commissis; servatis tamen tribus Conditionibus: 1. quod qui absolvendus est, recedat à Contumacia antequam absolvatur; 2. ut satisfactionem exhibeat, vel offerat, vel præmittat; 3. ut Judicem, à quo excommunicatus est, saltem reddat certum de obedientia ei, & Ecclesiæ præstita, & de absolutione obtenta: constat ex multis privilegiis præsertim Clementis IV. Si-

Sixti IV. Leonis X. Martini V. Eugeni IV. Cont. incip. *Innuñctum nobis apud Cherub. tom. 1. Bull. Rom. :* & expressius Pauli III. in indulto Societati Jesu concessio, per Const. incip. *licet debitum apud eundem Cherub. tom. 1. ubi habentur hæc verba : à quibusvis excommunicationis, suspensionis, & interdicti, aliisque Ecclesiasticis, vel secularibus sententiis, censuris, & pœnis à jure, vel ab homine, in genere, vel in specie quomolibet latis, promulgatis, & promulgandis; quæ privilegia per viam Communicationis ad omnes Ordines Regulares extenduntur : Suarez tom. 4. de Relig. lib. 2. cap. 25. Roder. tom. 1. q. 20. art. 6. Miranda tom. 1. q. 75. art. 21. & alii.*

10. Virtute privilegiorum possunt dicti Prælati absolvere fratres, & Moniales sibi subiectas ab excommunicatione contracta ob abortum procuratum, & secutum, etiam in foro exteriori, quando de tali crimine sunt convicti: nam licet privilegia Regularium, quantum ad hoc, fuerint per Sixtum V. revocata, & per Gregorium XV. in sua moderatoria constitutione non fuerint revalidata, fuerunt tamen postea in pristinum statum restituta per Clementem VIII. qui confirmavit nostra privilegia ex certa scientia, & per Paulum V. ac tandem per Urbanum VIII. ut dictum est in 1. tract. de revocat. & confirm. privileg. cap. 4. & 6. confirmatio enim ex certa scientia invalidum, & revocatum revalidat, habetque vim novæ concessionis; ut docent commun. D.D.

11. Possunt iidem Prælati absol-

vere suos subditos, non solum à simonia commissâ in collatione Beneficii, officii, & Prælaturæ, & ingressu Religionis, sed etiam ab excommunicatione; & suspensione contractâ ex simoniaca promotione ad Ordines; nam licet Clemens VIII. reliquerit intactas, & in suo robore pœnas Sixti V. contra simoniacos in ordine, & male promotos: idem tamen Clemens anno subsequenti 1597. post promulgationem suæ Bullæ moderatoriæ apud Cherub. tom. 3. confirmavit nostra privilegia, ut dictum est, ac proinde privilegia revocata à Sixto V. quorum virtute ante ejus revocationem poterant prælati Prælati Regulares absolvere suos subditos simoniacos, iterum revalidata, manent, quæ per Sixtum IV. prius fuerant concessa in suo maris magno: ubi dicitur: *in reliquiis verò omnibus, etiam simonia pravitæ qualitercumque irretitis, posse per illos, quibus inibi conceditur, absolutionis, & dispensationis beneficium impartiri: ita docent Portell. V. Prælati ad absol. n. 29. Suarez tom. 1. de Relig. lib. 4. cap. 61. an 4. & de cens. disp. 31. sect. 5. n. 40. Villalob. part. 2. tract. 35. diffin. 34. n. 4. & 5. & alii.*

12. Possunt similiter Generales absolvere suos subditos à centuris incurtis ob contemptum clavum, idest, quando ipsi nolunt subici clavibus Ecclesiæ, putantes illam esse intolerabilem, injustam, duram, & indifferetam in suis præceptis: juxta doctrinam D. Thomæ 2. 2. q. 85. art. 9. ad 3. credunt tamen penes Ecclesiam residere potestatem ligandi, atque solvendi à Christo Domino dantam;

tam: constat ex dicto privilegio Clementis IV. supra relato; sed pro foro conscientie tantum; ut docent Roder. tom. 1. q. 20. art. 15. Portell. V. *Prælatus ad absolvendum* n. 31. *Lecana* tom. 5. in *Mari mag. Carmelit.* n. 570.

13. Probabile est etiam, quod possint idem Prælati absolvere suos subditos ex confidentia privilegiorum peccantes, id tamen intelligendum est in aliquo tantum casu particulari, quando scilicet dispendium animæ immineret, & non aliter; & tunc notificando ipsi penitentibus, quod talis facultas eis amplius non valebit ad alia de cætero committenda ex ipsius facultatis confidentia, prout bene notat Roder. tom. 1. q. 20. art. 16. referens privilegia Clementis IV. Bonifacii IX. & Eugenii IV. & admonens Prælatos Regulares, ne faciles sint ad absolvendum subditos ex confidentia privilegiorum peccantes, nisi ex negatione huiusmodi absolutionis periculum animarum timeatur, tunc dicitur quis peccare ex confidentia privilegiorum, quando ex confidentia facultatum absolvendi, & disputandi à Summis Pontificibus Regularibus concessarum movetur ad committendum id, ad quod alias non moveretur; itaut videndo sibi facile remedium per tales facultates adesse, sicut adeit ad alia peccata non reservata, certè non curet magis illa cavere, ac si reservata non fuissent.

14. Præfati Generales possunt absolvere suos subditos à suspensione à divinis in foro conscientie tantum, si procedat à delicto occulto non de-

ducto ad forum contentiosum, si suspensio sit perpetua, si vero perpetua non sit, possunt etiam in foro exteriori ab ea absolvere, immo quavis perpetua sit, dum non est Summo Pontifici reservata, certum est, quod per dictos Prælatos in utroque foro remitti potest, prout evidenter deducitur ex cap. *Nuper, de sent. excom. mun. & ex Bulla S. Pii V. incip. Romani Pontificis*; apud Cherub. tom. 2. & docet Roder. tom. 1. q. 20. art. 14.

15. Pari modo possunt Generales absolvere Prælatos inferiores, & subditos suos ab excommunicatione, & suspensione à Divinis Papæ reservatis, ab eisdem incuris, eo quod præsumptuose admiserint Mulieres intra Clausura Conventuum, seu Monasteriorum, vel prætextu licentiarum contra S. Pii V. Const. incip. *Regularium personarum*: vel ad malum finem, nempe, venereum, quemadmodum idem S. Pontifex in alia Const. incip. *Decet Romanum Pontificem*, quæ est 6. apud Confessionem mihi 218. declaravit: ab excommunicatione quoque Papæ reservatæ, incurra à subditis volantibus Clausuram Monialium ad malum finem, juxta Decretum Clementis VIII. anno 1601 editum, & ab omnibus aliis Superioribus, & excommunicationibus Papæ reservatis extra Bullam Cæneæ absolvere suos subditos, & absolvi facere possunt, prout manifestè constat ex præcitata Bulla Clementis IV. incip. *Virtute conspicuos*, inserta in Mari Magno Sixti IV. apud Cherub. tom. 1. *Bul. Rom.*

16. Potestatem etiam habent dicti Prælati absolvere suos subditos



ab omnibus casibus , & censuris in Bulla Cœne contentis, dummodo sint occulta ; exceptis quinque ; videlicet : *Hæresi ; schismate ; falsificatione litterarum Apostolicarum ; deportatione armorum ad infideles ; & conspiratione facta contra Papam*, siquidem in præfatos translata est cura , quam Episcopi habent circa suos subditos seculares , habentque hanc facultatem ex vi sui muneris , non solum virtute privilegiorum , sed etiam jure Concil. Trident. sess. 24. de Reformat. cap. Licet : quæ quidem facultas , ibi Episcopis concessa , extenditur ad Ordinum Generales , qui licet Episcopi revera non sint , æquipollenter tamen jurisdictionem similem cum Episcopis habent , immò majorem ad absolvendum , & dispensandum cum suis subditis , non tantum activè , verum etiam passivè , & commissivè ; ut constat ex præcitata Bulla Clementis IV. & ex alia S. Pii V. incip. *Romani Pontificis* : apud Confessionem in Collect. litterarum Apostol. fol. mihi 226. e' go quicquid Episcopi ex vi Tridentini possunt cum suis subditis , possunt etiam Generales cum suis ; nec obstat dicere , quod S. Congregatio jussu Urbani VIII. anno 1628. declaravit , Regulares in vim suorum privilegiorum absolvere non posse à casibus in Bulla Cœne contentis ; quia tam prædicta , quam consimiles aliæ declarationes Congregationis præfatæ debent intelligi respectu Sæcularium , non autem Regularium , si eorum delicta sint occulta , nam in odiosis non comprehenduntur Regulares , nisi in specie expriman- tur ; ut docent communiter D.D. &

præcipuè Peyrinus tom. 1. §. 3. in addit. ad Const. Sixti IV. n. 30. & 37. Roder. tom. 1. q. 61. art. 9. Bordon. tom. 1. q. 10. resol. 2. Coriolan. de casib. reserv. p. 1. sect. 1. art. 2. vide etiam quæ diximus tract. 1. cap. 6. n. 18.

17. Sub Hæresi excepta in præcedenti resolutione non videtur comprehensa excommunicatio lata contra scienter legentes , retinentes , imprimentes , & defendentes Hæreticorum libros , heresim continentes , vel de Religione tractantes , si hujusmodi delinquentes , in aliquam hæresim formalem lapsi non fuerint , cum in tali casu non possint revera dici hæretici , sed solum de hæresi suspecti : prout cum communi docet Diana part. 6. tract. 6. resol. 55. quapropter licet hujusmodi excommunicatio , contra prædictos lata , sit Sedi Apostolicæ reservata , ab eadem tamen Generales Prælati suos subditos absolvere possunt , sicut possunt absolvere eosdem de hæresi dumtaxat suspectos , ut docent commun. D.D. An autem Generales valeant suis subditis concedere licentiam legendi Hæreticorum libros , respondetur , quod licet Peyrinus tom. 1. de privilegiis ad Const. 9. Pauli V. n. 9. existimet posse , referens nonnulla privilegia , præcipuè Gregorii XIII. verius tamen est , non posse ; cum hodie præfata privilegia in suo vigore amplius non sint , nam Gregorius XV. in Bulla , quam idem Peyrinus loco citato refert ; & Urbanus VIII. in aliâ simili , relata à Pellizzario rr. 6. cap. 5. n. 36. licentias omnes legendi libros prohibitos generaliter revocarunt ;

L

& pe-

& penes solam S. Officii Congregationem hujusmodi facultas reservata manet; ut cum multis docet Lezana tom. 1. cap. 18. n. 46. Diana part. 5. tr. 13. resol. 49.

18. Possunt etiam dicti Prælati absolvere ab illis quinque casibus, supra n. 16. exceptis, nempe: ab *Hæresi, Schismate, Falsificatione litterarum, Apostolicarum, Deportatione armorum ad Infideles, & conspiratione facta contra Papam*, illos suos subditus, qui propter aliquod legitimum impedimentum perpetuum, vel diuturnum, Sedem Apostolicam adire nequeunt; nam quoties non patet aditus ad Summum Pontificem, vel ejus Legatum, nisi cum magna difficultate, & mora, potest pœnitens ab inferiore absolvi; cum onere tamen comparandi coram Pontifice, aut Legato personaliter, vel saltem per litteras, cessante impedimento: ut dicitur in *Cap. Eos, qui de sens. excommun.* in 6. aliter reservatio, quæ pro bono Charitatis introducta est, contra Charitatem vergeret; & potestas retinendi peccata, data, ut loquitur Apostolus, in ædificationem, esset in destructionem: hinc, quemadmodum ab Episcopis absolvi possunt ipsorum subditi, qui prædicto impedimento perpetuo, vel diuturno gravis ætatis, infirmitatis, paupertatis, aut alio simili phisico, vel morali laborant, propter quod iter agere nequeunt; ita pariter Prælati Regulares respectu suorum subditorum id ipsum facere valent, cum eandem auctoritatem, ut dictum est, habeant hi circa proprios subditos, quam habent illi circa suos; alioquin Regulares es-

sent peioris conditionis sæcularibus, quod noluit S. Pius V. qui ob illud inconveniens relatum in Bulla, quæ incipit: *Romani Pontificis*: apud Confessum in collecta. Litter. Apostol. fol. mibi 226. concessit Prælatis Regularibus eandem potestatem, quam Episcopi in suos subditos habent.

19. Probabile etiam videtur, quod Generales valeant in foro conscientie, suos subditos ab hæresi occulta absolvere: ut docent plures D. D. referentes nonnulla privilegia, & præcipue illud Societati Jesu à Gregorio XIII. concessum, quo 18. Martii 1588. indultum fuit Generali ejusdem Societatis, ut posset absolvere à dicta hæresi occulta suos subditos, etiam relapsos; prout habetur in *comp. privileg. dictæ Societ. V. absolutio* 5. 7. & refert Suarez tom. 4. de Relig. tract. 1. lib. 2. cap. 21. n. 2. qui addit idem pariter concessisse Greg. IX. & Adrianum VI. F. F. Minoribus, & refert Bassus V. Abbas n. 8. aliaque similia privilegia referuntur à Casarub. in *comp. privileg. V. absolutio*; & Filiuccius tom. 1. tract. 8. cap. 10. n. 265. asserit: ita fuisse in S. Pœnitentiaria anno 1617. responsum; quibus subscribit Peyrinus tom. 1. in *Const.* 4. Sixti IV. 5. n. 20. Nec dictis videtur ob stare Decretum Urbani VIII. die 17. Novembris 1628. editum, in quo ea hæresis excipitur; nam utraque quod ibi restringitur facultas solum pro sæcularibus, non autem pro Regularibus, ut clarè ex Decreti verbis deducitur; cæteri Romani Pontifices id non limitaverunt, neque quoad forum animæ revocarunt. Certum tamen est, quod dicti Prælati singue

gulis annis prima die Lunæ. Quadragesimæ, omnes, & singulas utriusque sexus personas sibi subiectas absolvere possunt ab omnibus peccatis, censuris; & pœnis, quantumcumque Secdi Apostolicæ reservatis; exceptis contentis in Bulla Cœnæ, pro foro conscientię tantum; ex concessione Sixti IV. & Pauli III. prout refert Emman. Roder in suo Bullario fol. 816. Portell. in dub. Regul. v. Abbas in addit. n. 11. Bordon. tom. 1. resol. 23. n. 16. & 17 & alii communiter vide infra cap. 7. n. 19.

20. Privilegia quoad absolutiones Prælati Regularibus concessa, per Bullam Cœnæ, aut alia decreta posteriora minime revocantur, vel restringuntur, nisi quoad casus publicos in eadem Bulla contentos, à suis subditis incursos ( *exceptis 5. supra recensis* ) & quoad nullos Monialium subditarum; bene tamen quoad omnes tam publicos, quam occultos Sæcularium; ratio est, quia Summi Pontifices quoad Sacramentum pœnitentiæ volunt, Regulares à Prælatiis suis pendere, nec huc, illucque pro absolutione ire cogi, quod & Religioni incommodum; & ipsis Religiosis perniciosum est; ut diximus tract. 1. de revocatione privilegiorum cap. 6. n. 18. revocatio igitur, quæ habetur in ea Bulla intelligi debet pro Sæcularibus dumtaxat, qui scilicet faciunt corpus fidelium, cum Religiosi sint pauci respectu eorum, & organa, quibus Pontifices ad illorum purgationem, & illuminationem videntur, unde non videntur eos casus reservare, seu privilegia eorum revocare, præsertim quia id sæ-

pius iidem Pontifices sive concesserunt, sive declararunt; & Bullæ Sixti V. & Clementis VIII. in suis derogatoriis apposuerunt hanc clausulam: *Nisi in eis*, id est privilegiis, etiam casus præsentibus litteris expressi comprehendantur. Eadem interpretatio decretis S. Congregationis adhiberi potest ob easdem rationes, nempe ut reservatio, seu prohibitio cadat in Regulares, non ut pœnitentes, sed ut confessorios, & in ordine ad Sæculares, quod de suis decretis declarasse Clementem VIII. & S. Congregationem, factio verbo cum ipso, testis est Peregrinus in Comp. p. 1. v. absolutio in schol. §. 1. & tam de iis, quam de declaratione Urbani VIII. colligitur ex eo, quod utrique loquuntur de Bullæ Cœnæ casibus, & de reservatis Episcopo, eodem modo, actenore; unde cum de his non possint intelligi quoad Regulares, utpote qui reservationi Episcoporum subiecti non sunt, ita neque de illis: prout docent Suarez tom. 4. de Relig. lib. 2. cap. 21. n. 10. Pegrinus tom. 1. privil. Minim. in Const. 4. Sixti IV. §. 5. n. 10. Cassaing. tract. 3. cap. 3. prop. 2. & 3. Bordon. tom. 1. resol. 1. n. 17. Pellizar. tract. 8. cap. 2. sect. 1. Roder. Miranda, Coton. lib. 4. Controv. 6. cap. 3. & alii.

21. Prælati Generales non solum habent autoritatem absolvendi suos subditos, ac Novitos utriusque sexus à Censuris prædictis in actu Sacramentalis Confessionis, verum etiam extra illam; ratio est, quia privilegia, seu facultates eisdem absque ulla restrictione à Summis Pontificibus conceduntur, ergo possunt suam au-

thoritatē absolute exercere; cum privilegium Principis sit ample interpretandum: ita Roder. tom. 1. q. 17. art. 6. Portell. *V. Prælati potestas ad absol-*

*vendum subditos n. 27. Diana part. 4. Miscellan. resol. 8. & alii plures apud ipsum.*

## C A P. V I.

### De potestate dispensativa in genere, quam habent Generales respectu suorum subditorum.

1. **P**otestas dispensativa est facultas eximendi subditos ab obligatione legis, sive in toto, sive in parte; alia dicitur ordinaria, quæ competit ex officio, vel jure communi, vel ex privilegio; alia vero delegata, quæ competit iis, quibus eam Prælati committunt, cujus executio debet esse semper cum cognitione causæ, nam talis est natura dispensationis in omnibus, excepto Summo Pontifice, qui sine causa potest relaxare jus positivum, non autem divinum, quia est infra illud, & eas est destruere, cujus est condere; quicquid sit de dispensantis culpa, alii autem inferiores sine causa dispensare non possunt, nam sine ea dispensantes in materia gravi juris communis, vel præceptorum peccant mortaliter, & impetrantes hujusmodi dispensationem, eadem uti non possunt, cum nulla, & invalida sit: ita Navarr. in *Diffan. cap. 12. n. 76. Cajetan. in Summ. V. dispensatio; Suarez de legib. lib. 6. cap. 18. n. 9. Miranda tom. 2. q. 46. art. 3. & alii.*

2. Causæ ad legitime dispensandum sunt plures, scilicet, tempus, utilitas tam publica, quam privata, petentis; qualitas personæ, meriti,

scientiæ; necessitas, pietas, eventus rei, qui facit, ut jus aliquando non sit utile; & scandalum multitudinis, vel infamia supplicantis: ut docent Angelus, & Sylvest. *V. dispensatio; Peyrinus de subdito tom. 1. q. 1. cap. 12. conf. 4. Roder. q. 22. n. 5.* Quatuor tamen posuit jus commune cap. *Necessaria: & cap. Quod pro remedio*, nempe charitatem Christianam, urgentem necessitatem, debitam obedientiam, & Reipublicæ utilitatem, quas omnes ad commune bonum reduci, asserit Roder. supra, art. 5. & iudicio boni viri, judicandas in particularibus casibus, reliqui, idem asserunt, cum una generali regula minime comprehendi possint.

3. Generales omnes Ordinum Regularium, & fruentium eorum privilegiis jure ordinario eadem, prorsus facultate fruuntur ad dispensandum erga Religiosas personas utriusque sexus sibi subjectas, ac Tertiarios collegialiter viventes, quæ gaudent Episcopi, etiam ex concessione Trident. sess. 24. de reform. cap. liceat: erga suos subditos: prout asserunt Sanchez, Navarr. Azor, quos refert, & sequitur Candidus *disquisit. 24. art. 58. dub. 2. & 3. tom. 2.*

2. & manifeste constat ex Bulla o. S. Pii V. quæ incipit: *Romani Pontificis circumscripta*: apud eundem Candidum, & Confectum in collect. litter. Apostol. fol. mibi 226 & patet ratione, quia cum Regulares ab Episcopi jurisdictione exempti sint, non esset ita bene provisum pro eis, sicut pro secularibus, si hujusmodi facultas eorum Prælati decesset; quod innuit in sua Bulla prædictus S. Pontifex; immo ampliorem esse in multis, assunt *Commun. DD.* ut constat ex variis privilegiis.

4. Hujusmodi facultas, quam Prælati Generales habent ex privilegiis, tam quoad irregularitates, Ordines, & Dignitates, quam quoad vota, & dispensationem in præceptis, ac penitione debiti conjugalis, etiam extra pœnitentiz Sacramentum, infra suis in locis explicatur.

5. Quamvis dicti Prælati nequeant dispensare cum suis subditis in substantialibus votis status Religiosi, neque in aliquibus specialibus, quæ sunt in aliquibus Religionibus, quale est votum Minimorum de non comedendis carnibus, votum Trinitariorum de redimendis captivis &c. quia etiam ista vota sunt hujusmodi Religionibus essentialia: in aliis tamen Religionum Observantiis, siue sint ex Regula, siue ex Constitutionibus, siue obligent ad culpam, siue non, possunt ex iusta causa dispensare cum suis subditis, seu potius declarare in eis sub particularibus hoc, vel illud, hic, & nunc non obligare, nam id frequenter est necessarium, pro bono Religionum regimine; si

vero talis facultas per ordinis constitutiones limitata fuerit, tunc illa uti non poterunt, nisi in casibus levibus, & frequentioribus, in quibus recurrere ad Capitulum, seu Definitorium Generale esset intollerabile; nam in dictis casibus præsumitur licentia interpretativa concedi à jure; idque ex consuetudine, quæ est opima legum interpres, observatur: ut docent *Lexana de Prælat. tom. 1. cap. 18. n. 54. Suarez tom. 4. de Relig. tract. 8. lib. 2. cap. 12. d. n. 25. Roder. tom. 1. q. 26. art. 1. Miranda, Navarro, & alii.*

6. Generales de jure communi non possunt dispensare in pœnis ab eodem jure pro aliquibus delictis, suoditis suis impositis, nam inferiores non possunt dispensare in legibus superiorum; possunt tamen id facere, vel ex iusta causa, vel ex privilegiis, quæ nonnunquam hujusmodi facultatem eisdem concedunt; ut cum aliis docet Sanchez *lib. 6. consil. cap. 1. dubit. 21. n. 10.*

7. Neque in pœnis alicui Religioso juxta à Provinciali impositis valent Generales dispensare contra ipsius Provincialis voluntatem; nisi per viam appellationis; sicut à Tridentino *Sess. 14. de Reformat. cap. 1.* decisum est, & rationem reddit; nam tutius, & honestius est subdito pœnas impositas luere, quam cum Prælatorum scandalo, & contemptu ab his liberari; verum postquam Provincialis, qui pœnas imposuit, suo fuerit officio functus, erit in potestate Generalis absque Provincialis succedentis consensu, iusta interveniente causa, subditum liberare; etiam in

casu, quo pœna evidenter esset injusta: prout docent Peyrinus de *Prælatu* quest. 1. c. p. 8. n. 17. Roder. tom. 1. q. 22. art. 8. Miranda tom. 2. q. 30. art. 1. conclus. 1. & alii.

8. Possunt Generales eximere suos subditos, juxta interveniente causa, ab officiis publicis gerendis, & ab oneribus communitatis, nam sicut Generales habent auctoritatem puniendi delicta, ita & præmiandi virtutes, & hæc est praxis omnium Religionum, ut docet Peyrinus in *formular. litter. E. cap. 35. n. 1.* Cessante autem causa, ob quam dicta exemptio concessa fuit, potest eadem vel à concedente, aut ab ejus successore proculdubio revocari; præsertim quando tendit in præjudicium boni communis, vel etiam particularis ipsorum Religiosorum exemptorum, qui hujusmodi titulo colorato querunt dumtaxat quæ sua sunt, non quæ Jesu Christi, ac pravis exemplis, & interdum scandalis Religiosas communitates perturbant, ipsarumque onera digito suo movere detrectant, atque à claustralibus observantiis summo opere abhorrent; ita ut quid monstruosum videas, homines habitu Religiosos, moribus autem Sæculares. Adverte tamen, quod Urbanus VIII. decretum edidit pro Regularibus Hispaniæ, quo omnes dispensationes, seu exemptiones sive à Generali, sive à Nuntiis, sive à Sede Apostolica Religiosis concessas revocavit; ut refert Peyrinus *ad const. 15. alias 25. Urbani VIII. cap. 10.* sub hujusmodi vero revocatione non comprehenduntur Regentes, lectores actuales, aliique Patres gra-

ves legitime impediti, qui per Capitula Generalia, Provincialia, vel Definitoria privilegiati sunt, nam Pontifex ea non expressit; prout docet Portell. 2. p. *casuum, casu 31 ad vers. 4. n. 4.*

9. Possunt præterea Generales dispensare cum suis subditis in foro conscientie tantum in pœnis omnibus, ex quibuslibet delictis contrariis, quales sunt inhabilitationes, ad officia, Dignitates &c. privationes officiorum, Dignitatum, vocis activæ, & passivæ &c. si tales pœnæ non sint Papæ reservatæ, & etiam si sint reservatæ, dummodo sint occultæ, dispensare valent, sicut valent Episcopi in occultis cum suis subditis, quia, ut dictum est, præfati Prælati habent jurisdictionem quasi Episcopalem; Episcopi enim ex vi decreti Concilii Tridentini *sess. 24. cap. 26.* possunt in dictis pœnis dispensare; constat etiam ex Bulla S. Pii V. incip. *Romani Pontifices:* apud Confectum in collecta. litter. Apollol. fol. 226. & docent Lezana tom. 1. cap. 18. n. 46. Miranda tom. 2. q. 9. art. 3. Suarez tom. 4. de *Relig. lib. 2. tract. 8. cap. 12. n. 9.* Roder. tom. 1. q. 61. art. 9. Sanchez in *Decalog. lib. 6. cap. 15. n. 18. & alii.*

10. Absolutiones, & dispensationes à Censuris, & irregularitatibus, quæ communiter solent dari à Prælatibus Regularibus, tam in visitationibus, quam in aliquibus festivitibus solemnioribus profunt Religiosis in foro conscientie, non solum pro Censuris, & irregularitatibus dubiis, oblitis, & ignoranter incur-  
tis; quæ revera vanæ essent, & in-  
ti-

tiles, sed etiam pro certis, & sibi manifestis, occultis tamen, quia ad præfatas utique se extendere possunt authoritas ordinaria, & privilegia Prælatorum; verba enim illa, quibus in similibus casibus utuntur Prælati, scilicet: *absolvo vos, vel dispenso vobiscum*; pie sane videntur favorabiliter amplianda: prout docent Lezana tom. 1. de Prælat. Regul. cap. 18. n. 93. Peyrinus tom. 2. q. 2. cap. 5. n. 9. & 46. Navarr. cap. 27 n. 254. in Manual. Roder. tom. 1. q. 20. art. 26. Sanctior. Const. cap. 2. statut. 14. fol. 129.

11. Generales cum inferioribus Prælati sine iusta causa super residentia dispensare non possunt ultra duos, vel tres menses, siue continuos, siue interpolatos, animi relaxandi causa, animi enim relaxatio virius moralis est, qua, & rigidi Regulares uti honeste, & rationabiliter non prohibentur, locus tamen, & tempus eligenda sunt, ne ad dissolutiones, commensationes, aliaque hujusmodi, quæ Religiosos dedecent, eatur, nec in præcipuis, & magnis festivitibus, siue Ecclesiæ, siue Ordinis, nec in Adventu, aut Quadragesima à residentia discedatur, cum causa tamen legitima, & gravissima dispensare valent ultra tres menses, si necessitas tantum temporis spatium postulerit; ut docent Bordon. tom. 2. resol. 8. n. 47. & Tambur. de jur. Abbat tom. 1. disp. 14. q. 3. causæ vero legitimæ dispensandi super residentia sunt: Christiana Charitas, urgens necessitas, obedientia Superioribus debita, & Ordinis utilitas: vide Sanctior. comment. in stat. cap. 8. statut. 66. Roder. tom. 1.

q. 22. art. 5. Miranda tom. 2. q. 9. art. 5.

12. Nequeunt Generales dare licentiam subdito, ut ad laxiorem Ordinem transeat, ex Trident. sess. 25. de Regular. cap. 19. quia in hoc solus Papa dispensat; & licet nonnulli asserunt, id posse à dictis Prælati concedi iusta interveniente causa; tenendum tamen est, nullo modo posse, nam Tridentinum absolute prohibet; in dubio autem de Religione strictiori, standum est non dicto Religiosi transitum petentis, neque Prælati negantis, sed arbitrio viri prudentis; probabile tamen est, quod dicti Prælati possint ex iusta, & legitima causa concedere transitum ad parem Religionem; ut docet Azor. tom. 1. lib. 12. cap. 14. q. 9. & Roder. tom. 1. q. 52. art. 9. ubi inter alias causas assignat subventionem, parentum in gravi necessitate, & persecutionem gravem in Religione; & alia similes dari possunt iudicio viri prudentis. Prælati autem Ordinis Minorum non poterunt dare hanc licentiam transeundi ad parem Religionem, quia ex præcepto Regulæ cap. 2. non possunt Fratres Minores de ista Religione exire, & docet D. Bonavent. quest. 13. quod si ad strictiorem transitus permittatur, id fit, quia jus commune ita disposuit in cap. licet de Regular. & extravag. Viam ambrosiæ, Martini V. ubi habetur, quod transitus ad strictiorem potest fieri à subdito, petita prius, licet non obtenta à suo Superiore licentia; jus enim commune est supra Regulam F.F. Minorum, quod quidem jus id non permittit de transitu ad Religionem parem.

CAP.

## C A P VII.

*Depotestate, quam habent Generales, dispensandi cum suis Subditis super irregularitatibus, aliiq; panis Canoniciis.*

1. Irregularitas est impedimentum Canonicum susceptionem Ordinum, & susceptorum usum impediens; quæ quidem non est censura, sed quasi inhabilitas, & licet interdum imponatur per modum pœnæ, propriè tamen pœna non est; Dividitur in eam, quæ oritur ex defectu; & in eam; quæ oritur ex delicto; utraque tamen in varias species subdividitur; Notandum verò, 1. quod nulla irregularitas incurritur, nisi in casibus à jure expressis; 2. quod in actibus, per quos irregularitas incurritur, datur parvitas materiæ, 3. quod ad incurrendam irregularitatem tantum ex defectu, quam ex delicto non requiritur scientia juris, quia, ut dictum est, non est pœna, sed impedimentum, seu inhabilitas, 4. in dubio sive juris; sive facti nemo censendus est irregularis in aliis casibus præter homicidium; 5. irregularitas ex delicto non incurritur, nisi per actum externum consummatum; & mortalem: ita commun. D.D.

2. Irregularitas ex defectu dividitur in Octo species, 1. est ex defectu Animæ: 2. ex defectu Corporis: 3. ex defectu Natalium: 4. ex defectu ætatis: 5. ex defectu Sacramenti: 6. ex Infamia: 7. ex defectu Lenitatis: 8. ex defectu Libertatis. Irregu-

laritas ex delicto dividitur in sex species: 1. est ex iteratione Baptismi: 2. ex violatione Censuræ: 3. ex indubitata susceptione Ordinum: 4. ex indubitato exercitio Ordinum: 5. ex Hæresi, & Infamia ob notoria Crimina: 6. ex mutilatione, vel homicidio, etiam indirectè tantum voluntario, de quibus omnibus consulantur D.D.

3. Generales possunt dispensare cum suis subditis, etiam Novitiis super omni irregularitate, excepta illa, quæ ex homicidio voluntario, vel bigamia, vel mutilatione membrorum provenit, ut constat ex multis privilegiis, præsertim Julii II. in suo Mari Magno, pro Minimis, relato à Peyrino, quo privilegio cæteri Regulares, per communicationem fruuntur: idem privilegium habent Religiosi Societatis Jesu in comp. suorum privil. v. dispensatio § 2. relatum ex Bulla Pauli III. incip. *Licet debitum*: apud Cherub. tom. 1. eadem prorsus concessio habetur in lib. Monument. Ord. concessione 352. & in Mari Magno Minorum, quod incipit: *Regimini Universalis Ecclesiæ*: apud Cherubin. tom. 1. & in Bulla S. Pii V. sæpius relata: incip. *Romani Pontificis*: denique ex Concil. Trident. sess. 24. de Reformat. Cap. *Licet*; nam, quod ibi Episcopis conceditur, ad

122



Prælatos Regulares, jurisdictionem quasi Episcopalem habentes, extenditur. Unusquisque tamen consulat suæ Religionis Statuta, seu Constitutiones, quæ in aliquibus facultatibus solent limitare; vel ampliare juxta Apostolicas Concessionibus: Constitutiones Minorum S. Francisci Strictioris Observantiæ cap. 7. n. 12. ex concessione Apostolica concedunt Generalibus, Provincialibus, eorumque Vicariis, ac Custodibus in suis Custodiis jurisdictionem habentibus facultatem absolventi ab omnibus Censuris, aliquibus ibi exceptis, & dispensandi super irregularitatibus, exceptis homicidio voluntario, & bigamia. Ad quid autem in speciali se extendant prædictæ Summorum Pontificum facultates; seu concessionibus ad dispensandum super irregularitatibus, ex sequentibus resolutionibus patebit.

4. Possunt Generales dispensare cum suis Subditis illegitimè natis, non solum quoad Ordines suscipiendos, cum per ingressum, & professionem in Religione approbata, irregularitas ex defectu natalium proveniens, tollatur; sed etiam quoad honores, gradus, officia, & Dignitates (Generalatu semper excepto, ex Constit. Innocentii XII. super facultatibus Majoris Penitentiarii) demodò eos dignos judicaverint; ut constat ex Bulla Sixti IV. incip. *Regimini*, & Julii II. incip. *Virtute conspicuus*: apud Cherub tom. 1. ubi conceditur Generalibus, Provincialibus, eorumque Vicariis hujusmodi facultas dispensandi cum patientibus natalium defectum, ex adulterio, sacrilegio

incestu, aut quovis alio nefario, & illicito Coitu provenientem; & quamvis hæc privilegia fuerint revocata à Sixto V. per Bullam, quæ incipit: *Cum de omnibus Ecclesiasticis* postea tamen Gregorius XIV. ad terminos juris illam reduxit Constit. incip. *Circumspecta Romani Pontificis*, apud Cherub. tom. 2. ibique ordinavit, ut hujusmodi dispensatio fieret in Capitulo Generali, vel Provinciali: Anno vero 1591. idem Pontifex Constit. 15. incip. *Exponi nobis*. Religiosis Societatis Jesu, & Constit. 17. incip. *Illius, qui pro gregis*: Religiosis infirmis ministrantibus absolute, & absque ulla limitatione dictam facultatem concessit: quæ omnes qui cum illis communicant, fruuntur: Hoc tamen privilegio nos Religiosi Sancti Francisci Strictioris Observantiæ non utimur, sed servamus dictam Constitutionem Sixti V. ut constat ex nostris Statutis cap. 2. editis, & acceptatis à Patribus vocalibus Reformatis in Capitulo generali 1639. & in Congreg. generali 1642 Romæ celebratis.

5. A Generali illa facultate dispensandi, quam habent dicti Prælati, intelliguntur exclusæ omnes, & singulæ irregularitates, quæ procedunt ex aliquo enormi corporis, vel etiam animi vitio, & defectu, ex quo posset generari scandalum Fidelibus, videntibus celebrare eum, qui præfatis afficeretur; etenim cum sint casus specialissimi, credendum est, Pontificem talem illis facultatem concedere noluisse, cum super similibus vix ipse Papa dispense; idcirco dispensare nequeunt cum subditis amentibus, furiosis, epilepticis, lunaticis,

M

ener-

energumenis ; enormiter leprosis , abilemiis , deformiter gibbosis , notabiliter claudis , cum pede ligneo ambulantibus , digito pollice carentibus , morbo gallico , vel caduco laborantibus ; manus tremulas habentibus , ita ut sit effusionis periculum , cum omnino illiteratis , & similibus ; quando durant tales defectus huiusmodi enim non possunt nec decenter , nec congruè Altaris ministerio deservire ; nec cum notorio Sodomita ; nec cum damnato ad trirèmes , postquam revertitur ; supponitur enim sic damnatos esse infames infamia juris , adeoque irregulares , & id propter scandalum , quod ex eo posset oriri , & est ad formam vulgati axiomatis : *ad trirèmes ad Altare non datur regressus* ; ita Lezana tom. 1. cap. 16. n. 32. Tambur. de iure Abb. tom. 3. disp. 15. par. 4. n. 3. Candidus tom. 2. disquisit. 24. art. 61. dub. 7. cum aliis corpore vitiatis , dummodo non sit notabilis indecentia , vel corporis defectus non sit essentialis , aut grave scandalum non oriatur : dispensare valent : ut constat ex privilegiis Sixti IV. in suo Mari Magno sæpius relato ; & Julii II. Bulla 26. incip. *Virtute conspiciuos* , quæ habetur in Bullario Emanuel Roder. aliisque pluribus : prout cum cit. D.D. docent Bordon. tom. 1. resol. 11. n. 10. Diana part. 4. tract. 2. resol. 73. & alii .

6. Generales nequeunt dispensare , ut subditi promoveantur ad Ordines ante legitimam ætatem à Tridentino præscriptam , nam omnia privilegia , quæ ante Tridentinum à multis Summis Pontificibus fuerunt Ordinibus Regularibus concessa ad

hoc , ut possent ante dictam ætatem ad Ordines promoveri , per idem Tridentinum revocata manent *sess. 23. de reformat. cap. 12.* neque pro foro conscientie , ut nonnulli perperam docuerunt , possunt Regulares huiusmodi privilegiis uti , nam sententia affirmativa , utpote à parte rei falsa , ad praxim deduci nullatenus potest , cum ab Alexandro VII. tanquam scandalosa damnata sit , *propos. 36. ut diximus supra tract. 1. cap. 4. n. 13.* poterunt tamen dicti Prælati absolvere à suspensione contracta suscipiendo Ordines ante legitimam ætatem : ex privilegiis Pii II. Bulla incip. *Cum ex sacrorum* : & S. Pii V. Bulla incip. *Romani Pontificis* : quæ quidem privilegia per Tridentinum non sunt revocata , nam Concilium , revocat dumtaxat privilegia , ne ordinentur Regulares ante ætatem ibi assignatam , non verò revocat facultates , quas ex privilegiis habent Prælati Regulares absolvendi suos subditos à dicta , aliisque suspensionibus : ita Portell. v. *Ord. suspensio* n. 14. Bordon. tom. 1. resol. 11. n. 26. Roder. tom. 1. q. 10. art. 14.

7. Possunt Generales dispensare cum subdito bigamo in bigamia similitudinaria , quando scilicet subditus post votum solennitatis contrahit Matrimonium , & consummavit : ex concessione Tridentini *sess. 24. de reformat. cap. licet* ; & ex privilegio S. Pii V. sæpius relato ; nec obstat , quod in privilegiis , in quibus conceditur Prælati facultas dispensandi , fere semper excipiatur bigamus ; nam huiusmodi exceptio refertur ad bigamiam veram , quando quis reali-

ter

ter duas habuit uxores successive, & cum utraque consummavit; & ad bigamiam interpretativam; quando quis contraxit cum vidua, aut virgine deflorata ab alio, vel cognovit uxorem post ejus adulterium; super neutra igitur bigamia vera, & interpretativa nequeunt dicti Prælati cum subditis dispensare; & hæc est sententia prior, & tutior, quam, contra nonnullos, tuentur fere omnes D. D.; & moventur primo, quia irregularitas, quæ ex utraque bigamia, homicidio voluntario, & mutilatione membrorum contrahitur, semper, aut fere semper reperitur excepta, ut patet ex privilegiis concessis à Sixto IV. & Clemente IV. Prædicatoribus, Minoribus, aliisque Regularibus; secundo, quia licet expresse non excipiatur; semper tamen debet haberi pro excepta, cum sit cæteris gravior ad dispensandum; Ideoque subdunt, quod debeant cavere Generales, & Provinciales, ne concedant subditis suis licentiam, ut suscipiant Ordines, vel ut susceptis utantur, si inveniunt, quod existentes in sæculo incurrerunt hujusmodi irregularitatem; pro qua recurrendum est ad Summum Pontificem; & nota, quod loquuntur de usu, & susceptione Ordinum, non autem de ingressu ad Religionem; quia bigamus non prohibetur Religionem ingredi, nec est inhabilis ad professionem, cum id in nullo jure reperiatur expressum: ita Roder. tom. 1. q. 24. art. 2. Miranda tom. 2. q. 8. art. 14. conclus. 3. Suarez tom. 5. de cens. disp. 49. sect. 6. n. 16. Barbosa allegat. 49. n. 30. Navarr. in Sum. cap. 27. n.

197. comp. privileg. V. absolutio<sup>9</sup> extraordinaria quoad fratres §. 5. n. 5. In casu tamen occulto; ad vitandum scandalum, probabile est, quod dicti Prælati super præfata irregularitate cum suis subditis in foro conscientie dispensare valeant: ex privilegio Martini V. Benedictinis concessio, quod refert Joan. dela Cruz lib. 1. de statu Relig. cap. 6. conclus. 3. dub. 19.

8. Nequeunt Generales cum subditis dispensare super irregularitatibus ortis ex infamia juris ante, vel post ingressum Religionis, ut cum convictis crimine nefando, raptu, simonia, perjurio promissorio, hæresi, apostasia à fide, crimine læsæ Majestatis, hostili persecutione S. R. E. Cardinalium, duello, matrimonio cum duabus simul, Lenocinio, prostitutione, matrimonio cum meretrice, vel repudiata, publici usurarii crimine, maleficio, veneficio, sortilegio; & aliis, quæ à D. D. referuntur; nam cum præfatis solus Papa dispensat; ut habetur ex cap. infames, ubi Gloss. de regul. juris in 6. Cum subditis tamen irregularibus ex infamia facti, quæ oritur ex crimine gravi notorio, postquam purgata est per pœnitentiam, & vitæ emendationem, possunt dicti Prælati dispensare: ut constat ex cap. Domino, dist. 50.; & cap. Euphemium 2. q. 3. ubi notat Glossa quod sequitur: Nam, quantum ad maculatos infamia juris nullum illis privilegium valet ad dispensandum ob scandalum, quod generat hæc notoria enormitas, cujus dispensationem ob id semper credi debet, velle Papam sibi reservari; M 2 ita

ita Navrrus cap. 25. n. 75. & 76. *Mirandato* m. 2. q. 8 art. 5. *Roder. tom. 1. q. 24. art. 6. Portell. V. dispensare n. 6.*; idcirco non sunt audiendi aliqui, qui sententiam affirmativam, mordicus defendunt, referentes Bullas Eugenii IV. & S. Pii V. quas quidem nec in Bullario Romano, nec alibi invenire potui.

9. Regulares parum litterati possunt ab Episcopis dispensari, ut ad Sacros Ordines promoveantur, dummodo constet eisdem Episcopis per litteras testimoniales suorum Generalium, vel Provincialium ipsos esse examinatos, & sufficienter instructos; idque non adversatur decretis Concilii Tridentini *Sess. 23. cap. 12. de reformat. ubi habetur: Regulares quosque sine diligenti Episcopi examine non ordinentur, privilegiis quibuscunque ad hoc penitus exclusis*; quia post Tridentinum dictum privilegium fuit Societati Jesu concessum cum clausula expresse revocatoria ejusdem Tridentini: ut constat ex Bulla 77. Gregorii XIII. quæ incipit: *Pium, & utile*: apud Cher tom. 2. & licet hujusmodi privilegii communicationem cæteris Regularibus ibi Pontifex prohibeat: post ipsum tamen alii posteriores Pontifices Regularium privilegia confirmarunt, eorumque inter illos communicationem concesserunt: prout dictum est supra, *tract. 1. cap. 8. n. 8.*

10. Possunt Generales cum Neophitis, seu noviter ad fidem conversis dispensare, ut post tempus per ipsos assignandum ordinentur: ex cap. *Neophytus, dist. 61.* qui vero ab infantia Baptismum suscepit, vel jam

diu conversus est ad fidem; ut aliqui docent post decem, aut quindecim annos, potest non solum promoveri ad Ordines, sed etiam ad officia, & Prælaturas dispensari, tunc enim dicti Prælati non dispensant in irregularitate, sed solum declarant, post temporis dilationem irregularitatem cessasse; jura enim certum tempus non præscribunt: ita Suarez tom. 5. *disp. 43. sect. 3. n. 5. Fillinc. tract. 19. cap. 7. q. 1. Toletus lib. 1. cap. 59. Reginal. lib. 30. n. 43.* Secus dicendum de filiis hæreticorum pertinacium, qui usque ad secundam generationem per viam masculinam inclusive, & usque ad primam per feminam censentur irregulares, & inhabiles ad Ordines, officia, beneficia, & Prælaturas: ex cap. *quicunque 5. hæretici*; & cap. *statutum de hæreticis in 6*: hoc tamen intelligitur concurrentibus simul duabus sequentibus conditionibus: prima, quod filii nati sint, postquam eorum parentes in hæresim inciderunt, nam si antea nati sunt, nec unquam parentum erroribus adhæserunt, non censentur irregulares: Secunda, quod eorum parentes mortui sint in delicto hæresis, constat ex cap. *statutum 2. de hæresi in 6.* ubi dicitur: *qui tales esse, vel decessisse probantur*: Navarrus *consil. 27. de hæreticis, Sanchez lib. 2. cap. 27. n. 14. Ugolinus de irregul. cap. 36. §. 2. n. 6. Sayrus lib. 6. cap. 10. n. 4. & alii.*

11. Generales habent auctoritatem dispensandi cum suis subditis, per irregularitatem ex defectu lenitatis proveniente, nam privilegia Summorum Pontificum concedunt dictis

Præ-

Prælati, ut dispensare valeant in omnibus irregularitatibus, præter homicidium voluntarium, bigamiam, & mutilationem membrorum: homicidium enim voluntarium in exceptione intelligitur illud, quod ex delicto, & culpabiliter contra juris ordinem procedit: prout explicant communiter D.D.: homicidium autem de quo hic loquimur, licet sit voluntarium (Judices enim, & ministri iustitiæ voluntarie reum occidunt, vel mandant occidere) non tamen est culpabile, & sic minime ad homicidium injustum cooperantur. Propterea Prælati Regulares possunt dispensare cum subditis, qui existentes in seculo iudicando, aut ministratione iustitiæ peragendo, hominem ad mortem, vel mutilationem membrorum condemnarunt, eorumque sententia executioni mandata fuit, propter quod irregularitatem contraxerunt, ex defectu lenitatis ortam; idem dic de occisione, vel mutilatione in bello iusto, & similibus, de quibus consule D. D. ita docent Cajetanus in *Sum. V. irregularitas*, Navarrus in *Manual cap. 27. n. 240. Roder. tom. 1. q. 24. art. 8. Candidus tom. 2. disquisit. 24. art. 61. dub. 19. Bordon. tom. 1. resol. 13. n. 14. & alii.*

12. Cum subditis irregularibus ex homicidio casuali indirecte volito, & ex homicidio facto causa defensionis moderamen inculpatæ tutelæ excedente, possunt præfati Prælati dispensare, non solum in foro conscientiæ, sed etiam in foro exteriori, sive huiusmodi homicidium sit occultum; sive sit publicum; ut aperte constat ex privilegiis Eugenii IV.

Bulla, quæ incipit: *Cum Monasteriorum*; Sixti IV. Bulla incip. *Regimini universalis Ecclesiæ*; & Julii II. Bulla, quæ incip. *Virtute conspicuos*; quæ habentur in *Bullario Emanuel. Roder.* Homicidium autem casuale, de quo loquimur, est illud, quod non est directe, & per se volitum, sed indirecte, & per accideus, ut quando quis dans operam rei illicitæ non ex intentione hominem occidit, vel non adhibendo debitam diligentiam, dans operam rei licitæ; homicidium vero factum causa defensionis, non excedendo moderamen inculpatæ tutelæ, irregularitatem non inducit.

13. Nequeunt Generales dispensare cum subdito, qui in seculo, vel in Religione commisit homicidium voluntarium, quantumvis occultum, & quod nulla ratione possit in iudicio probari, neque in notitiam hominis venire; nam irregularitas ex tali homicidio orta absque ullo dubio est summo Pontifici reservata; & non Episcopis, prout aliqui D. D. im. probabiliter docuerunt, referentes nonnulla privilegia à Summis Pontificibus ante Tridentinum Prælati Regularibus ad id concessa; huiusmodi enim privilegia, utpote adversantia decretis S. Concilii Tridentini sess. 24. de reformat. cap. liceat: ab eodem Tridentino manent revocata; & Pius IV. in Bulla, quæ incipit: *In Principis Apostolorum Sede*, in fine eiusdem Concilii posita, revocat omnia, & singula privilegia, quæ eidem Concilio sunt contraria; cum igitur sess. 24. & cap. supra citatis, concedatur Episcopis facultas dispensandi super omni irregularitate ex de-

delicto occulto proveniente, excepta ea, quæ ex homicidio voluntario oritur, proculdubio asserendum est, quod licet Prælati Regulares sive ex Tridentino, sive ex privilegio S. Pii V. Bulla incipit: *Romani Pontificis*: apud Confectum fol. 226. eandem: quam Episcopi, facultatem habeant, nihilominus sicut pro Episcopis, ita similiter pro dictis Prælatibus Regularibus manet excepta ea, quæ ex homicidio voluntario, quomodocunque occulto, contracta est, etenim Concilium loco citato non distinguit omnino occultum ab occulto tantum in ordine ad iudicium, seu ad forum contentiosum, & ubi lex non distinguit, nec nos distinguere debemus: ita fere commun. D.D. & praxis curia Romana; vide etiam quæ diximus tract. 1. cap. 4. n. 13.

14. Possunt Generales cum suis subditis dispensare super irregularitate ex voluntaria mutilatione membrorum proveniente, ita ut non solum ad Ordines, sed etiam ad honores, gradus, & dignitates in Religione promoveri possint, dummodo huiusmodi delictum fuerit occultum, & non deductum ad forum contentiosum; nam Generales habent jurisdictionem quasi Episcopalem, ut sæpe in Superioribus dictum est, & possunt in suos quicquid valent Episcopi virtute Concilii Tridentini Sess. 24. de reform. cap. liceat; & ex privilegio S. Pii V. in Bulla, quæ incipit: *Romani Pontificis circumspccta*, supra citata; Episcopi enim in vim dicti capituli possunt dispensare cum suis subditis in quacunque irregularitate contracta ex cuiusvis membri

mutilatione, etiam violenta; dummodo sit occulta, nam Tridentinum solum prohibet facultatem dispensandi in irregularitate orta ex homicidio quomodocunque occulto, & cum mutilatio non sit homicidium, consequenter asserendum est, quod dicti Prælati valent cum subditis super præfata irregularitate dispensare; etenim exceptio firmat regulam in contrarium, & in odiosis non fit extensio: ita Roder. tom. 1. quest. 24. art. 10. Diana p. 4. tract. 2. resol. 71. Portell. V. dispensare n. 7. Barbosa p. 2. alleg. 39. n. 49. & alii Communiter.

15. Nequeunt Generales dispensare cum subdito irregulari, qui procuravit abortum fetus animati, effectum secuto, vel auxilium, aut consilium dedit; nam Sixtus V. in Bulla, quæ incipit: *Effrenatam*; omnia privilegia ad dispensandum super huiusmodi irregularitate revocavit, & quamvis postea Gregorius XIV. Constitutionem prædictam Sixti moderavit in Bulla, quæ incipit: *Sedes Apostolica pia Mater*; Apud Cherub. tom. 2. concedens Locorum Ordinariis, Prælatibusque Regularibus facultatem, absolvendi subditos ab excommunicatione propter abortum fetus animati, effectum secuto, contracta; quoad dispensationem tamen irregularitatis incurse à procurantibus huiusmodi abortum, aut quocunque modo auxilium, vel consilium dantibus eam, non moderavit, sed ad Sacrorum Canonum & Concilii Tridentini dispositionem reduxit; ideo ob easdem rationes, quas n. 13. præcedenti adduximus, tenendum est tanquam certum,

tum, Generales cum subdito irregulari ob patratum dictum scelus, quomodocumque occultum; dispensare non possent.

16. Possunt Generales dispensare cum subditis super irregularitate ex delicto hæresis orta, dummodo fuerit occulta, quia ex nullo Canone, vel Bulla Apostolica apparet, huiusmodi facultatem fuisse revocatam, sicut proculdubio revocata est potestas dispensandi in irregularitate ex delicto hæresis publice orta; Prælati enim præfati, juxta sæpius in Superioribus dicta, eandem, quam Episcopi, potestatem habent ad dispensandum in omnibus irregularitatibus ex delicto occulto provenientes, excepta ea, quæ oritur ex homicidio voluntario; ut constat ex Concilio Tridentino sess. 24. de reformat. cap. Liceat; & ex privilegio S. Pii V. in Bulla, quæ incipit: *Romani Pontificis*; ut supra: ergo sicut Episcopi dispensare possunt in dicta irregularitate ex delicto hæresis orta, si fuerit occulta; ita similiter Generales cum suis subditis in eadem dispensare valent.

17. Possunt etiam dicti Prælati absolvere, & dispensare cum subdito super irregularitate ab eo contracta ex delicto indebitæ susceptionis, vel executionis Ordinum, sive sit, quia suspensus, aut excommunicatus Ordines suscepit, vel exercuit, vel quia duos Sacros Ordines in eodem die, aut furtivè recepit, vel quia cõjugatus, vel ante legitimam ætatem, aut ab Episcopo suspenso ordinatus fuit, in quibus casibus incurruntur suspensio, & irregularitas, ex Constitutione Pii II. incip. cum ex Sacrorum Ordinum:

apud Cherub tom. 1. quam etiam Regulares comprehendere declaravit, & voluit Sixtus V. in sua Constitutione contra male promotos, quæ incipit: *Sanctum, & salutare*; apud eundem Cherub, tom. 2. advertendum tamen, quod id possunt facere in foro Conscientiæ dumtaxat, & quando ea delicta sunt occulta; ut constat ex privilegiis relatis supra, præsertim Tridentini, & S. Pii V. & quamvis Sixtus prædictus revocavit privilegia Regularium ad absolvendos subditos sic malè promotos, post ipsum tamen anno 1597. Clemens VIII. Bulla 51. quæ incipit: *Ratio Pastoralis Officii*, aliique Successores dicta privilegia confirmarunt, & innovarunt cum illa clausula: *Dummodo Decretis S. Concilii Tridentini non adversentur*, cum autem ea privilegia concedentia Prælati Regularibus facultatem absolvendi, & dispensandi cum subditis super irregularitate in casibus adductis contracta, minimè dictis Decretis sint contraria, ut constat ex eodem Tridentino sess. 23. de reformat. cap. 12. idcirco eisdem competere huiusmodi facultatem, certum est; ita Peyrinus tom. 1. privil. in Const. Julii II. §. 16. n. 31. *Lexana in summ. p. 1. cap. 14. n. 21. Dian. p. 3. tract. 2. de arb. Regular. resol. 85. Roder. in comp. v. dispensatio. §. 12. & alii* præterea ex eisdem privilegiis constat, dictos Prælatos posse cum suis subditis dispensare super irregularitate, quæ ex iteratione baptismi contrahitur, quando quis scienter baptizatum rebaptizat, in quo casu tam rebaptizans, quam rebaptizatus manent irregulares, dummodo huiusmodi iteratio baptismi sit occulta. 18.

18. Dictum est in præcedentibus Resolutionibus, quod Generales quoad absolutiones censurarum, & dispensationes irregularitatum eandem potestatem, quam exercere valent in subditos professos, exercere pariter possunt in Novitios ut constat ex Mari Magno Sixii IV. quod incipit: *Regimini Universalis Ecclesie*: apud Cherub. tom. I. cum duabus tamen conditionibus, prima, quod Novitii debent habere propositum profitendi; secunda; quod si ante professionem exeant à Religione absolvi, & dispensati, debeant se presentare ei, qui alias de jure in saculo eos absolvere, & dispensare poterat, non ut absolvantur, & dispensentur, cum jam sint absoluti, & dispensati, sed ne in easdem censuras, & irregularitates, ob inobedientiam se præsentandi, reincendant, ut constat ex cap. *Eos, qui desentent. excomm.* in 6. & docet Roder. tom. 1. q. 24. art. 15. Sorbus, v. *Novitius*, Sylvester, & alij. Idcirco Novitii ad sæculum revertentes, si opus fuerit, monendi sunt, ut se præsentent, ne iterum innodentur.

19. Possunt Generales quotannis feria 2. post primam Dominicam Quadragesimæ dispensare in foro conscientie suos subditos in omnijs irregularitatibus prædictis, etiam ex bigamia vera, & interpretativa, ac mutilatione membrorum procedentibus, numquam tamen ex homicidio voluntario, quantumvis occulto, neque in provenientibus ex defectibus, qui à Tridentino excipiuntur, n. m. omnia privilegia, quæ eidem Concilio adversantur, ab eodem manent revocata, ut sæpius in præcedentibus

resolutionibus dictum est, habent enim Generales dictam facultatem, ex privilegio concessio à Paulo III. in Bulla 10. quæ incipit: *Exponi Nobis*: in favorem Monachorum S. Benedicti Vallisoleti edita, & habetur in Bullario Emman. Roderici sub his verbis: *Nos igitur, qui singulorum saluti paterno zelamus affectu, vobis, quod stante immemorabili consuetudine, etiam de cætero, perpetuis futuris temporibus, singulis annis, prima die lune Quadragesimæ omnes, & singulas personas utriusque sexus Ordinis, & Congregationis prædictorum religiosas, ac eidem Ordini, & Congregationi oblatas, seu donatas, necnon Eremitas sub cura vestra existentes intra septa vestrorum, seu ipsorum pro tempore absolvendorum Monasteriorum, seu aliorum regularium locorum, ab omnibus, & singulis eorum peccatis, sententiis, censuris, & penis, per eos pro tempore quomodolibet incurfis, etiam in casibus dictæ Sedis quomodolibet reservatis, exceptis in Bulla Cænæ contentis, absolvere, & cum eis super quibuscunque irregularitatibus per eos, pro tempore, quavis occasione, vel causa contractis, dispensare, prout hactenus, ut præfertur, consuevistis, dicta autoritate valeatis, plenam, & liberam, eadem autoritate, tenore præsentium concedimus facultatem: N. n. obstantibus &c.* Sic Pontifex: Advertendum tamen, primo, quod licet in hac concessione Apostolica excipiantur casus in Bulla Cænæ contenti, non ideo omnes excepti intelliguntur, sed tumtaxat illi quinque supra in cap. 5. n. 16. relati scilicet; *hæresis; schisma; falsificatio litterarum*

rum



rum Apostolicarum; deportatio armorum ad infideles; & conspiratio facta contra Papam, à quibus Prælati Regulares absolvere nequeunt; à reliquis vero possunt absolvere. Advertendum secundo, quod quamvis in eadem concessione nulla excipiat irregularitas, semper tamen excepta intelligitur ea, quæ ex homicidio voluntario, quovis modo occulto contrahitur, nec non ea, quæ ex aliquo defectu à Tridentino excepto provenit, cum omnia privilegia eidem Tridentino contraria, expresse per idem Tridentinum, & expresse per Bullam Pii IV. revocantur: prout dictum est supra n. 13. & 15. præsentis capituli. Qua concessione, seu privilegio cæteri Prælati Regulares per communicationem fruuntur, ita Peyrinus de Prælato tom. 2. q. 2. cap. 5. §. 8. n. 99. Bord. tom. 1. resol. 13. n. 16. & 17. Dian. p. 4. tract. 2. resol. 63. & alii.

20. Denique notandum est, quod in omnibus his casibus, in quibus dicti Prælati possunt cum suis subditis dispensare, sive sit in irregularitatibus, sive in aliis pœnis, seu impedimentis Canonicis, vel in quibusvis aliis, prout dictum est supra, & dicitur infra, possunt id facere extra Sacramentum pœnitentiæ; extra territorium, immo & cum subditis absentibus: quia dispensare non pertinet ad jurisdictionem contentiosam: ut docent Portell. *De dispensare*, in

addit. n. 10. Sanchez lib. 3. de matrimonio disp. 19. n. 7. & seqq. Notandum est secundo, quod iidem Prælati habent in omnibus prædictis auctoritatem activam, passivam, & commissivam ad dispensandum, ita ut non solum possunt dispensare per seipsum, verum etiam ipsi dispensari possunt per suos confessarios; & committere, seu delegare aliis huiusmodi facultatem, quæ jure ordinario, & ex privilegio fruuntur; huiusmodi tamen commissio, seu delegatio exequi semper debet à delegato in actu Sacramentalis Confessionis: ita docent Lezana tom. 1. cap. 18. n. 46. Miranda tom. 2. q. 19. art. 7. Suarez de Relig. tom. 4. tract. 8. lib. 2. cap. 12. n. 9. Roder. & alii, referentes privilegium Julii II. concessum Minimis in eorum Marimagno. Notandum est ultimo, quod ipsimet Prælati possunt in omnibus prædictis secum dispensare; & ratio est, quia illi non debent esse deterioris conditionis, quam subditi; tum quia exercere huiusmodi jurisdictionem erga seipsum nulli juri repugnat; hæc enim nec contentiosa, nec Sacramentalis est, sed tantum postulat directionem ex prudenti judicio ad perpendendam dispensationis causæ iustitiam; prout docent cit. Sanchez ut supra, Bordon. tom. 1. resol. 10. Candidus tom. 2. disp. 24. art. 59. dub. 7. Belasius V. dispensare n. 12. Roder. & alii.

## C A P. VIII.

De facultate , quam habent Generales ,  
irritandi , commutandi , & dispensandi  
Vota suorum Subditorum .

1 CUM in sequentibus tractandum sit de facultatibus Prælatorum Regularium ad irritandum , commutandum , & dispensandum in particularibus , & specialibus Votis , & juramentis Subditorum , in præceptis Ecclesiasticis , & aliis quibusdam ; idcirco præmittere in primis necesse est , quod Votum quinque modis tollitur , 1. per interpretationem ; 2. per irritationem , 3. per commutationem ; 4. per dispensationem ; 5. per cessationem ; per interpretationem igitur Votum cessat , quando quis ob aliquam justam causam evidenter scit , se non obligari ; per irritationem , quando Prælati , habens potestatem dominativam supra voventem , illud irritat , tollitque obligationem ; per dispensationem tollitur votum auctoritate Prælati , causa rationabili existente , alioquin non valet dispensatio facta à Prælati . Papæ inferioribus ; per commutationem mutando ex rationabili causa votum in aliud opus bonum , & per cessationem , quando votum est ad aliquod determinatum tempus , quo completo , statim votum cessat , ita commun. D. D.

2. Inter facultatem irritandi , commutandi , & dispensandi Subditorum Vota discrimen non parvum reperitur , nam facultas irritandi hu-

jusmodi Vota exercetur per actum ; Dominii , facultas verò commutandi , & dispensandi exercetur per actum jurisdictionis . Præterea facultas commutandi Vota differt à facultate dispensandi in hoc , quod quando à jure concessa est ad commutandum , extenditur etiam ad dispensandum ; quando verò per privilegium datur tantum facultas ad commutandum in aliquo Voto , illa facultas non extenditur ad dispensandum , at è contrariò , quando per privilegium datur facultas ad dispensandum in aliquo Voto , ea facultas extenditur ad commutandum in eodem : prout docent Roder. in expof. Bullæ Cruciatæ §. 9. n. 114. Lessius de just. & jur. lib. 2. cap. 40. n. 108. Suarez de Relig. lib. 6. de Voto . cap. 12. n. 10. Sanchez lib. 4. Moral. cap. 49. n. 28. & alii .

3. Ad irritandum Vota nulla requiritur causa , cum hoc jus proveniat ex jure positivo , quo datur Superiori legitima potestas dominativa in voluntatem subditi : Ad commutandum Vota in æquale requiritur causa , licet minor , quam ad dispensandum , si autem commutatio fiat in melius , nulla causa requiritur . Ad dispensandum verò requiritur justa causa , alias dispensatio invalida est , cum hæc sit absoluta obligationis Voti .

ti condonatio, nomine Dei facta, Causæ justæ ad dispensandum sunt v. g. imperfectio actus, vel levitas, ac facilitas ad votendum, debilitas in voto, vel difficultas notabilis in observatione Voti, necessitas ejusdem, bonum Ecclesiæ, aut utilitas communis, vel privata, dictæ, & similes causæ sufficiunt ad dispensandum, etiamsi sint dubiæ, ut tradunt Sylvest. v. dispensatio, q. 14. n. 20. in fine Sanchez in summ. lib. 4. cap. 46. n. 2. Suarez tom. 1. de Religione, lib. 6. cap. 26. n. 6.

4. Generales possunt sine privilegio pro libito, & absque ulla causa suorum subditorum vota simplicia irritare, hæc sententia est communis omnium Doctorum; ut ajunt Suarez tom. 2. de Relig. tract. de voto lib. 6. cap. 10. n. 15. & Sanchez lib. 4. Moral. cap. 33. n. 15. habet enim Prælati potestatem dominativam in subditum, sicut dominus in servum, & potest etiam vota interna irritare, ne scilicet fiant cum obligatione peccati, & sic ea vota irritata amplius non convalescunt; limita tamen, ut prædicti non possint irritare vota subditorum ad strictiorem Religionem, secluso privilegio, quæ limitatio est etiam ex communi D. D. sententia, ex cap. non solum de Regul. in 6. in quo datur libertas ad strictiorem, petita prius, licet non obtenta, à Superioribus licentia: Lessius lib. 2. de just. & jur. cap. 40. n. 74. dub. 13.

5. Possunt Generales prohibere subditis, ne absque eorum licentia votum aliquod faciant, quia id non est prohibere bonum perfectius, sed

velle tantum, ut debite fiat; si vero non obstante prohibitione subditi in materia sibi licita voveant, tunc votum tenet, quia prohibitio Prælati votum non annullat; cum multa prohibita fiant, quæ tamen facta valent, sed Prælati potest executionem hujusmodi voti impedire, illud irritando, vel suspendendo: ita Suarez tom. 2. de Relig. lib. 3. cap. 6. n. 25. Sanchez de Matrim. lib. 9. disp. 43. n. 10.

6. Nequeunt Generales irritare subditorum vota, quæ de ipsorum, licentia sunt emissæ, vel ab eisdem confirmata, nam si absque causâ legitima ea irritent, peccant mortaliter, irritatio tamen valebit, ita ut vota illa amplius non convalescant; ut docet Roder. tom. 4. summ. cap. 136. n. 14. Prælati tamen successores irritare possunt vota à subditis emissæ de prædecessorum licentia, nam hæc non tollit potestatem successorum dominativam ad irritandum, idque possunt facere sine causâ, si absque ipsorum licentia vota emissæ sunt, vel non confirmata. Subditi pariter absque causâ possunt voti irritationem petere, cum in hoc utantur jure suo, habent enim dependentiam à Prælati suis; & sicut Prælati non peccant irritando, ita nec subditi petendo; ita commun. D. D. Prælati Superiores possunt irritare vota à Prælati inferioribus confirmata, quia potestas major nec restringi, nec impediri potest ab inferiori, immo illa potest illam impedire: est etiam comm. D. D. sent.

7. Quamvis Prælati Generales nequeant irritare vota subditi ad Epi-

scopatum, vel Cardinalatum assumpti, quia à potestate ejus dominativa jam est exemptus; possunt tamen irritare vota subditi emissà tempore subiectionis, sed implenda tempore libertatis, scilicet quando fuerit extra Conventum; quia quando hujusmodi votum emissum est, voluntas erat subiecta; unde si sine licentia vovit, neque ad executionem futuram tempore libertatis potuit se obligare, cum Prælati semper habeant plenum dominium ad irritandum subditorum vota: ita Ledesma tom. 2. tract. 19. cap. 7. dub. ult. Sanchez apud Dian. p. 9. tract. 8. resol. 15. & alii commun. idem dicendum, quando subditus est in dubio, an votum emiseric tempore subiectionis, vel libertatis.

8. Nequeunt Generales irritare vota subditorum, qui vel ad Episcopatum sunt assumpti, vel à Religione in perpetuum iuste sunt eiectioni; cum hi extra eorum jurisdictionem jam sint positi; si vero eiectioni à Religione ad illam redeant, tunc poterunt irritari ipsorum vota cum iterum potestati dominativæ subdantur: at si Episcopus dignitati renuntiet, & ad Ordinem redeat, nunquam subditur potestati dominativæ Ordinis, ac proinde illius vota nec irritari, nec dispensari à Prælati Regularibus poterunt: ita comm. D. D.

9. Non possunt à Prælati irritari vota, quæ in aliquibus Religionibus simul cum tribus solemnibus emittantur, & dicitur quartum votum, quale est votum Minimorum de non comedendis carnibus, votum Trinitariorum de redimendis captivis, & similia; nam hujusmodi vota

per constitutiones generales, à Summo Pontifice approbatas, sunt emissà, unde dici possunt vota solemnia; cum eadem solemnitate sicut alia tria emittantur, & acceptentur. Bene tamen possunt irritari vota à subditis emissà de exequendo aliquo consilio evangelico, de non violando aliquo præcepto Decalogi, vel Ecclesiæ, vel Regulæ, quia in his, & similibus Prælati irritantes solum tollunt majorem obligationem, quam subditi de illis servandis sibi imposuerunt; habent enim plenum dominium supra subditorum voluntatem: ita Lezana tom. 1. cap. 18. n. 54. Sylvest. V. votum 3. n. 3. Miranda, & alii.

10. Novitiorum vota, sive in sculo, sive in anno probationis emissà, non possunt à dictis Prælati irritari, quia illorum voluntas nondum est Prælatorum dominationi subiecta; si vero ea vota sint personalia, & impediunt Religionis obsequia, poterunt à Prælati suspendi, & sic suspensà non obligabunt, donec in professione commutentur, vel extinguantur; dixi, si impediunt, quia si non impediunt, suspendi non possunt; neque realia; ut v. g. de danda elemosyna propriæ substantiæ, nam super his potestate dominativa carent. Quod si Novitius vovendo dixerit; si Prælatus, vel Magister consenserit, seu approbaverit, tunc uterque irritare poterit. In professione tamen omnia vota Novitiorum expirant: prout docent comm. D. D. S. Thom. 2. 2. q. 88. art. 2. ad 1. Suarez tom. 2. de Relig. lib. 6. de voto, cap. 7. n. 11. Navarr. in manual. cap. 12. n. 65. & alii.

11. Possunt Generales uti facultate irritandi, commutandi, ac dispensandi vota suorum subditorum extra Sacramentum pœnitentiæ, quia privilegia Summorum Pontificum non requirunt, ut audita confessione, irritatio, vel commutatio, aut dispensatio fiat, si enim privilegia non restringunt, nec nos restringere debemus; nisi in casibus particularibus facultatum, seu litterarum S. Pœnitentiariæ, vel in aliis requirentibus expresse executionem in foro pœnitentialem, quia tunc opus est utali facultate in actu Sacramentalis Confessionis: ut docent Sanchez lib. 4. Decal. cap. 43. d. n. 16. & lib. 8. de matrim. disp. 34. n. 29. Suarez tom. 2. de Relig. tract. de voto. Immo possunt aliis dictam facultatem delegare, ut cum ipsis, & cum cæteris eadem utantur, sicut possunt Episcopi cum suis subditis: ita D. D. eis. Sanchez in Decal. lib. 4. cap. 39. n. 12. Suarez & alii, sed in actu Sacramentalis Confessionis, ut dictum est in cap. præcedenti n. 20.

12. Possunt præterea Prælati Generales commutare, & dispensare omnia vota simplicia subditorum, etiam juramento firmata, habent enim potestatem quasi Episcopalem, & sicut possunt Episcopi cum suis subditis dispensare, ita possunt dicti Prælati eum suis: prout docet Suarez tom. 2. de Relig. lib. 6. cap. 10. cum comm. sent. immò etiam ex iusta causa possunt dispensare in voto transiente ad strictiorem Religionem, quia non est simpliciter votum Religionis, sed strictioris: ut docent Navar. Sorus, Henricus, quos sequitur

Sanchez lib. 4. moral. cap. 43. n. 2. Quæ conclusio ad omnia prorsus vota, tribus essentialibus Religionis cum quarto, quod à Minimis, Trinitariis &c. emittitur, exceptis, extenditur; ut docet Caserian. 2. 2. q. 88. art. 8. immò absque privilegio absolutos esse ab huiusmodi votis simplicibus Regulares, nisi illa tacite, vel expresse approbaverit Superior, tenent S. Bonav. in 4. distinct. 38. art. 2. q. 3. S. Thom. 2. 2. q. 88 art. 7. S. Antonin. p. 2. tit. 11. cap. 2. §. 6. & alii. Vota vero peregrinationis Romanæ, Hierosolymitanæ, & compellanæ nequeunt à prædictis Prælatibus commutari, aut dispensari, nisi in casibus, in quibus possunt Episcopi id facere cum suis subditis; possunt nihilominus ea irritare, vel ex causa suspendere; negando licentiam subditis peregrinandi; potestas enim irritandi, & dispensandi est inter se distincta, & una non impedit aliam: ita Miranda tom. 2. q. 32. art. 1. conclus. 3. Portell. V. voti dispensatio n. 42. Suarez tom. 2. de Relig. lib. 6. de voto cap. 10. n. 17. & alii.

13. In votorum commutatione non oportet scrupulis agitari, an opus in quod vota commutantur, sit omnino æquale; hæc enim æqualitas non debet esse mathematica, sed sufficit æqualitas iudicio viri prudentis, seclusa tamen fraude, & ignorantia culpabili; præcipue, si virtute privilegii commutatio fiat: ita Sylvest. V. votum q. 8. Suarez lib. 6. de voto cap. 12. n. 6. Roder. de voto cap. 100 n. 4. in summa.

14. Prælati habentes potestatem ad dispensandum in votis, si dubitent de

de causa iusta, possunt ad securitatem aliquod leve onus injungere, non enim coguntur absque ullo onere dispensare, quandoquidem in multis dispensationibus Pontificiis aliqua onera etiam injunguntur, propterea tutius est partim uti potestate dispensandi, & partim commutandi, cum difficilior sit cognoscere, an subsit iusta causa ad dispensandum, quam ad commutandum, nam ad dispensandum semper requiritur major causa quam ad commutandum, ut dictum est n. 3. in utroque enim prudentia requiritur: prout docent Azor. tom. 1. lib. 11. cap. 11. q. 4. Sanchez lib. 8. de Matrim. disp. 7. & alii.

15. Possunt dicti Prælati dispensare, vel commutare omnia vota Novitorum, sicut possunt Episcopi erga suos subditos; constat ex potestate spiritali, quam in illos habent, & ex concessione Eugenii IV. Cisterciensibus facta, per Bullam, quæ incipit. *Et si quaslibet*; quam refert Casarub. in comp. privil. V. dispensatio n. 27. & ibi loquitur non solum de Nevitiis, sed etiam de Donatis, oblatiis, seu Tertiariis; & de omnibus votis, etiam peregrinationis Romanæ, Hierosolymitanæ, & compostellanæ, voto Religionis dumtaxat excepto; ita Navar. cap. 12. n. 65. Sanchez in Summ. lib. 4. cap. 43. Joan. de la Cruz in Epist. lib. 1. dub. 20. cons. 3. R. der. tom. 1. q. 25. art. 8.

16. Vota Subditorum juramento firmata, & juramenta promissoria facta in honorem Dei, quæ quidem sunt quasi quædam Vota, à dictis Prælatiis irritari, commutari, ac dispensari possunt, ut cum multis do-

cent Lezana tom. 1. cap. 18. n. 33. Suarez lib. 6. de Voto, cap. 14. d. n. 14. nam Votum juramento firmatum non est distinctæ speciei, votum enim est principale, juramentum verò accessorium, cum igitur Prælati per privilegia possint tollere votum, quod est principale, à fortiori poterunt tollere juramentum, quod est accessorium. Idem dicendum est de juramenti facti in favorem tertii in his rebus, in quibus Religiosi sunt subiecti Prælati, de quibus subditi disponere nequeunt; in rebus autem de quibus validè, & licitè disponere possunt, communis sententia affirmat, non cadere super illis irritationem, nec commutationem, nec dispensationem in præjudicium alterius.

17. Dispensatio, & commutatio Voti non valent, quando Prælati dicunt subdito: *Dispense tecum in omnibus votis simplicibus, quæ emisisti, vel commuto omnia tua Vota in alia pietatis opera; non præcognoscendo, quantum sint illa Vota*; nam dispensatio, & commutatio requirunt ambæ cognitionem Voti, ad hoc, ut utraque & præcipuè dispensatio cum causa fiat, sine qua erit invalida; si enim Voti cognitio deficit, necessariò causæ cognitio deficiet. Secus verò dicendum si Prælati dicat: *Irrito omnia Vota tua, quæ irritare possunt*; tunc valida est hujusmodi irritatio absque cognitione Votorum, quia ad irritandum Vota, non requiritur causa, ac proinde Voti cognitio non requiritur; excepto Voto, quod ipse Prælati confirmavit, vel de ipsius licentia emissum est, juxta supradicta n. 6. ita cum communi Suarez tom. 2.

de

de Relig. lib. 6. de Voto cap. 16. n. 14.

18. Quamvis Subditus possit suum Votum simplex in evidenter melius commutare absque autoritate Prælati, & sine causa, nisi à jure prohibeatur; id tamen non potest facere commutando Votum in æquale, quia mutatio hujusmodi absque licentia, & causa non habet rationem virtutis, & honestatis; & multo magis requiritur causa, & autoritas Prælati, immo & privilegium ad commutandum Votum in minus æquale: constat ex cap. Pervenit. 2. de jurejur. & docent Corduba in Summ. q. 49. Suarez de Voto cap. 19. n. 3. & alii.

19. Quando Votum à Prælato, vel à vovente subdito commutatum, est in melius, post commutationem factam non potest vovens sua sponte ad Votum antiquum redire; quia illa commutatio habet vim novi Voti, poterit tamen, si commutatio facta, fuit in æquale, & à fortiori, si in minus æquale; ita ut manente primo Voto possit ad illud redire; nisi commutationi deliberatè renuntiaverit, quia in tali casu illa uti non poterit: ita Suarez cit. cap. 20. n. 1. & 4. & alii.

20. Prælati dubitans de potestate dispensandi, potest adhibitis diligentia, & consilio, cum subdito dispensare; nam potestas dispensandi est amplè interpretanda, ut latè probat Sanchez lib. 8. de Matrim. disp. 2. Si verò dubitet de vera, & iusta causa dispensandi, & tamen absque examine ejusdem temerè dispense, mortaliter peccat, cum sit negligens in materia gravi, dispensatus autem manet tutus in conscientia; quod si mora-

lem diligentiam adhibeat, & adhuc maneat dubius, poterit sine peccato dispensare, deponendo dubium, in quo credendum est, Ecclesiam piam Matrem id concedere: prout docent Sylvest. v. dispensatio. q. 14. n. 20. in fine. Clavis Reg. lib. 4. cap. 2. n. 25. Sà v. Votum n. 20.

21. Dispensatio, & commutatio Votorum debent fieri à Prælato verbis clari, & verè significantibus quod facere intendit, nulla tamen in hoc est forma præscripta, sed arbitrio prudentis relinquitur, & verbis in significatione propria, & Communi acceptis: Verba autem clariora sunt hæc: Si causa exposita est vera, dispenso tecum in hoc voto &c. vel immuto hoc votum in hac, vel illa operarietatis &c.

22. Possunt præterea Generales, causa iusta interveniente, dispensare suos subditos in Ecclesiæ præceptis, in quibus possunt Episcopi suos; videlicet in jejuniis Ecclesiasticis, vel Regulæ; in divino officio; in servitio Chori; ut in die festo laborent, & similibus; prout constat ex multis Summorum Pontificum privilegiis, & precipue Eugenii V. Sixti V. Julii II. & S. Pii V. Bulla, quæ incipit: Romani Pontificis circumspectis: apud Confectionem fol. 226. in qua extendit concessionem factam Episcopis à Tridentino Sess. 24. cap. 6. ad Prælatos Ordinis Prædicatorum, & consequenter ad Prælatos aliorum Ordinum, qui in privilegiis communicant; Episcopi enim ex vi dictæ concessionis possunt dispensare suos subditos in præceptis Ecclesiæ, instanti necessitate, nisi à Papa prohibean-

tur,

tur, ergo similiter possunt Prælati Regulares in illis casibus, qui frequenter accidunt, ut cum D. Thom. S. Anton. Bonac. & alii docet Suarez tom. 4. de Relig. lib. 2. cap. 12. n. 14. & 17.

23. Dicti Prælati dispensare possunt in observantiis, & obligationibus ipsius Religionis, quæ non sunt substantialia Religioni, v. g. in præceptis non sub mortali obligatoriis, & in aliis, quæ in Regula seu Statutis continentur, ratio est, quia sicut Episcopus dispensare potest cum Clerico sæculari in obligationibus ad statum Clerici pertinentibus, ita cum proportionem Prælati Regulares possunt cum subditis in propria eorum Regula dispensare, alioquin non esset sufficienter provitum Regularibus in iis quæ frequenter accidunt, peiorisque essent conditionis Clericis sæcularibus, qui ab Episcopis eas dispensationes, quæ ad suum statum pertinent, consequuntur, ita D. Thom. 2. 2. q. 47. art. 3. Roder. tom. 1. q. 26. art. 1. Sylvest. v. dispensatio q. 14. & alii. Ad dispensandum tamen in omnibus supradictis requiritur semper causa vera, & iusta, de qua vide supra n. 3 & consule D. D.

24. Denique Generales habent potestatem deputandi Subditos Confessarios ab Ordinario approbatos, ut ad petendum debitum conjugale possint dispensare cum Conjugibus, qui post contractum Matrimonium in celum commiserunt usque ad 2,

gradum Consanguinitatis, vel affinitatis inclusive, tam ex cognatione spiritali, quam carnali proveniente, & cum illis, qui post emissum Castitatis Votum, Matrimonium absque dispensatione contraxerunt, vel post contractum Matrimonium, Castitatem voverunt, huiusmodi autem facultas, mortuo, vel amoto ab officio concedente, non expirat, idque constat ex privilegiis Martini V. Julii II. S. Pii V. ut referunt Lezana tom. 1. cap. 19. n. 25. Bordon. tom. 1. resol. 6. n. 23. Roderic. tom. 1. q. 63. art. 2. & alii communiter. Nec obstat dicere, quod dictæ concessiones sunt viæ vocis oracula à Summ. Pontificibus revocata, nam per Bullam Gregorii XV. incip. *Romanus Pontifex in specula*: Oraculorum revocatoria, minimè revocantur concessiones viæ vocis oraculo factæ, quæ ante eam suum effectum sortita fuerunt, prout in eadem Bulla in calce §. 1. dicitur: *in his, quæ non sunt sortita effectum, senore præsentium revocamus*, ergo per argumentum à contrario sensu, ea quæ effectum sunt sortita, non sunt revocata, exceptio enim, firmat regulam in contrarium, & cum præfatæ concessiones ante dictam revocationem jam suum effectum essent sortitæ, ut docent cit. D. D. & praxis quotidiana, proculdubio possunt Generales, necnon Provinciales dictam facultatem Subditis Confessariis concedere.



## TRACTATUS III.

## De Privilegiis in particulari.

## CAP. I.

*De munere, & potestate in genere Prælatorum  
Provincialium.*

1.  RELATI Provinciales cum sint præfecti suarum Provinciarum, habentes in illis supremam jurisdictionem,

& potestatem juxta Regulas, & Constitutiones uniuscujusque Ordinis; idcirco eorum autoritas ad exequendum munus, & officium suum plenissima est, & omnino eadem in suis Provinciis, sicut illa Generalis in toto Ordine, cum aliqua tamen limitatione, & restrictione, in quibusdam, quæ ipsi a jure, vel ex vi Constitutionum interdictæ sunt; hæc sententia est communis omnium Doctorum, asserentium posse Prælatos Provinciales in suis Provinciis, quidquid possunt Episcopi in suis Diocessibus: ita Suarez de Relig. tom. 4. tract. 1. cap. 3. Belasius v. Provincialis, n. 1. Miranda tom. 2. q. 16. art. 5. & alii communiter.

2. Sicut Caput Religionis est Generalis, ita caput Provinciæ est Provincialis, sine quo nullum potest congregari Capitulum provinciale, nihilque sine eo determinari potest; ut

tradunt Miranda tom. 2. q. 29. art. 1. & Bordon. tom. 2. resol. 88. n. 14. In quocumque, suæ Provinciæ Conventu residentiam suam constituere potest, & cum Superioribus localibus concurrere ad negotia, non solum totius Provinciæ in genere, sed etiam in specie singulorum Conventuum; unde potest in sua Provincia, in qualibet electione, & in quolibet actu legitimo, etiam professionis, suffragium præbere, quia Provincialis est pars, immò caput cujuslibet Conventus, ideoque à jure hujusmodi autoritas, ac jurisdictio eidem competit: ita cum Peyrino, & Portello docet Bordon. tom. 1. resol. 26. n. 65. & 79. & tom. 2. resol. 88. n. 14. nisi aliud obstat.

3. Provincialibus incumbit regulariter convocare de triennio in triennium Capitulum provinciale, eo tempore, quo in statutis cujuslibet Religionis sancitum est, nisi propter rerum, & temporum circumstantias aliter disponere oporteat; ut docet Pellizar. tract. 9. cap. 8. n. 93. Advertendum tamen, quod in aliquibus Religionibus Provinciales nequeunt absque Generalis licentia Ca-

O pi.

pitulum provinciale convocare, idque in Ordine Minorum tam Observantium; quam Reformatorum per Constitutiones generales ita cautum est.

4. Quemadmodum Generales in toto Ordine habent potestatem tam dominativam, quam jurisdictionis, ita similiter Provinciales, sive per electionem, sive per nominationem fiant, habent potestatem tam dominativam; quam jurisdictionis, sive directivæ, sive coercitivæ, sive voluntariæ, sive contentiosæ, sive absolutivæ, sive dispensativæ ( de quibus infra tractabitur ) super omnes Provinciarum respectivè suarum subditos, hujusmodi tamen potestas, etsi sit suprema, & ordinaria, à Generalibus regulariter dependet, ut docet Suarez tom. 4. de Relig. tract. 8. lib. 2. cap. 13. n. 13.

5. Præfata Provincialium jurisdictionis, seu potestas est Ordinaria, non delegata, quia ipsi sunt Ordinarii Pastores Provinciarum, & Religiosorum in eis existentium; & licet non sit tam ampla, sicut illa, quæ in Generalibus reperitur, cum ista ab illa in multis sit limitabilis, & Generalium potestas ad plura, & graviora extendatur; ad omnia tamen extenditur, quæ illis ad gubernandas Provincias necessaria sunt, & quæ eisdem jure communi, vel speciali non sunt prohibita, vel Generalibus reservata, ita, ut quod illis non est prohibitum, vel alteris reservatum, censetur concessum: prout docent Suarez t. m. 4. de Relig. tract. 8. lib. 2. cap. 14. n. 14. & 15. Bordon. tom. 2. resolut. 66. n. 6.

6. Prælati Provinciales, præsertim in Ordine Minorum tam Observantium, quam Reformatorum, durante Syndicatione, possunt facere illa omnia, quæ statuta Ordinis prohibent Provincialium Visitatoribus, ut sunt, recipere Novitios, Confessarios instituere, dare licentiam ad Ordines suscipiendos, & reliqua, quæ prædictis interduntur; quia cum hæc sint Provinciis necessaria, eo ipso, quod Visitatoribus interdicta manent, videntur proinde Provincialibus concessa, alias non esset sufficienter bono communi Provinciarum provisum: ut notat Portell. v. Provincialis n. 3.

7. Durante Syndicatione possunt Provinciales exercere ut plurimum jurisdictionem voluntariam cum subditis, præcipuè in spiritualibus; v. g. absolvere eos à peccatis, & censuris reservatis in foro conscientiæ, dispensare in votis, irregularitatibus, & similibus; quia per exercitium hujusmodi jurisdictionis voluntariæ non fit injuria visitatoribus, neque officium visitandi impeditur. Dixi, ut plurimum, quia si aliqua ad jurisdictionem voluntariam spectantia, officium Visitatorum impediunt, aut perturbant, ut est v. g. transferre subditum de uno ad alium Conventum, ita ut non possit visitationi interesse, hæc proculdubio, & similia facere non possunt, cum per ea Officium Visitatorum impediatur. Neque possunt in ulla causa tempore Visitacionis jurisdictionem contentiosam exercere, quia tunc omnes causæ Visitatoribus sunt commissæ, possunt tamen in Capitulo, vel in alio loco publico apo-

lla.

statas absolvere, id enim fit sine processu, & sine Visitatorum injuria, de cætero unusquisque suas Constitutiones, vel consuetudines consulat: vide Sanchez lib. 3. de re Matrim. disp. 8. §. 19.

## C A P. II.

### De potestate directiva Prælatorum Provincialium.

**P** Rælati Provinciales nequeunt absque Capitulo provinciali pro suis respective Provinciis statuta perpetua facere; ratio est, quia cum impositio legis sit res gravissima, Idcirco requiritur consensus communitatis, cui imponitur: unde hujusmodi potestas de jure communi Capitulo provinciali dumtaxat convenit; ut tenent Lezana tom. 2. cap. 12. n. 18. Pellizar. tract. 9. cap. 8. n. 96. De jure autem speciali videnda sunt uniuscujusque Religionis statuta; in nostra Seraphica solum Capitulum generale pro toto Ordine, & provinciale pro tota Provincia possunt Leges, & Statuta condere; loquendo de Statutis, quæ omnes semper obligant, non de præceptis, quæ possunt Superiores pro tempore imponere, & quæ, ipsiis amotis, & decentibus cessant: ita Santor. Const. cap. 12. stat. 12. q. 2. Sylvest. v. Religio 6. q. 6. Sanchez Roder. tom. 1. q. 68. art. 1.

2. Nequit Provincialis de jure communi, nisi detur speciale Statutum in contrarium, suos Definidores convocare eorumque consilio, & consensu leges aliquas, & Constitutiones condere, bonum commune concernentes, quidquid nonnulli improbabiler asserant, nam ut dictum est; id solum competit Provinciali in Ca-

pitulo, & non extra: Neque potest etiam cum suo Capitulo Statutum condere adjecta pœna infamæ contra transgressores, cum id neque Generalis, neque Capitulum generale facere possint: prout docet Bordon. tom. 2. resol. 58. n. 8. & alii.

3. Quoad vim directivam, quatenus necesse est, ut caput corpori conformetur, tenetur Provincialis leges, & præcepta à seipso lata observare, ut docent communiter D. D. ratio est, quia sicut jus naturæ dicitur ut inferior Superiori obediat, ita etiam dicitur, ut Superior inferiori conformetur, turpis enim est pars, præsertim caput, si discordet ab aliis partibus: secus autem dicendum, quoad vim coactivam, id est quoad pœnam, nisi quatenus à Generali puniri potest, si eas non observare deprehendatur: ita cum Roder. & Suario docent Peyrinus de Prælato q. 1. cap. 8. Pellizar. tract. 9. cap. 3. & alii communiter.

4. Potest Provincialis suos subditos de uno ad alium Conventum transferre, prout melius judicaverit: advertendum tamen, non debere hujusmodi mutationes sine causa fieri, nam id videtur esse contra Charitatem, & contra bonum regimen Religionis: ut ait Lezana tom. 1. cap.

18. n. 91. immò si Provincialis inveniat aliquem subditum indiciatum de aliquo delicto in Conventu, vel extra commissio, quod tamen manifestum non est, nequit tuta conscientia illum à prædicto Conventu in alium transferre, seu alias quomodolibet punire, quando ob hujusmodi translationem, vel punitionem ejus fama periclitatur: ut docet Roder. tom. 2. q. 5. art. 2. ratio est, quia unusquisque sub mortali tenetur proximi bonam famam non lædere; quando autem Prælatus subditum de delicto indiciatum statim à Conventu removet, vel punit, proculdubio famam ipsius lædit, ac per consequens mortaliter peccat; debet propterea prius eum monere, & corrigere; & si opus fuerit, etiam punire, si sine famæ læsione id possit fieri: prout docent Peyrinus in *formular. lit. M. cap. 8. n. 2. Girag. p. 3. dub. 6. n. 66. & alii*.

5. Prælatus Provincialis non potest absque Papæ, vel Ordinarii licentia Monialem subditam de uno ad aliud Monasterium transferre causa inevitabilis necessitatis, fundandi, regendi, reformandi Monasterium instruendi Novitias, causa correctionis, vel evitandi alicujus valde evidenter, & gravis dispendii; quia obstat, Bulla S. Pii V., quæ incipit. *Decoris, & honestatis* -- apud Cherub. tom. 2. declarans causas, ob quas licitum est Monialibus à Clausura egredi absque licentia Papæ, & tres tantum exprimit; scilicet, si in Monasterio excitetur incendium, si aliqua Monialis sit lepra infecta, vel si adsit epidemiz morbus;

6. Possunt Provinciales Jurdicte dubia privilegiorum declarare, non servatis omnibus juris apicibus, qua declaratione facta, subditi ipsorum, sententiæ stare tenentur; nam id pertinet ad eorum officium, quod est, suorum subditorum Pastores, ac Doctores esse; ita Leo X. Prælati Ordinis Minorum concessit, qua concessione aliorum Ordinum Prælati per communicationem fruuntur; quapropter si privilegia, vel etiam constitutiones sint ambigua, non solum doctrinaliter, sed etiam judicialiter possunt à dictis Prælati interpretari; secus autem si sint clara, & Prælati velint illa perperam declarare; tunc enim subditi tali declarationi stare non tenentur: prout docent Peyrinus ad *Const. 3. Julii 11. n. 2. Tambur. de jur. Abb. tom. 1. disp. 16. quest. 6. n. 8. Lezana tom. 1. cap. 18. n. 56.*

7. Quamvis certum non sit, an de jure communi pertineat ad solos Generales, vel Provinciales Novitios ad habitum recipere; certum tamen est, quod id de jure speciali fere in omnibus Religiosis præcipue mendicantibus ad eosdem spectat, ut docet Peyrinus de *Prælati, quest. 3. cap. 1. n. 16.* Præterea dicti Prælati transientes per Conventum Novitiatu poterunt pro Novitiis suffragium ferre, dum id non ex colloca-tione, vel mora tracta in Conventu Novitiatu, vel ex notitia practica, quam de Novitiis habent, sed ex ratione officiorum eisdem competit. Possunt tamen peccare Generales, & Provinciales, si collato suffragio acceptent ad professionem Novitium,

eius conversationem experti non sunt, vel ex aliorum relatu non didicerunt; & ideo à Sacris Canonibus, & Ordinibus statuti consultum est, ut id ex Religiosorum consilio, & assensu faciant: ita Peyrin. tom. 2. q. 3. art. 1. §. 3. n. 116. Portell. tom. 1. casuum; p. 1. cas. 11. n. 2. Sanctior. Const. cap. 2. stat. 18. fol. 118.

8. Potest Provincialis in sua Provincia Confessarios perpetuos instituere, illisque licentiam concedere activam, & passivam absolventi à reservatis, nec non dispensandi ad petendum debitum cum conjugibus, qui post contractum Matrimonium incestum commiserunt usque ad 2. gradum consanguinitatis, vel affinitatis inclusive, tam ex cognatione spiritali, quam ex carnali proveniente: & cum illis, qui post emissum Castitatis votum, matrimonium absque dispensatione contraxerunt, vel post contractum Matrimonium Castitatem voverunt; quæ quidem facultates durant, donec à successore revocentur; cum gratiæ morte, vel amotione concedentis non expirent; & favores sint ampliandi, odia vero restringenda: ita Lezana tom. 1. cap. 19. n. 25. Bordonis tom. 1. resol. 6. n. 23. Candidus tom. 2. disp. 27. art. unic. dub. 9. Palas tom. 5. disp. 4. & alii communiter.

9. Provinciales in suis Provinciis possunt constituere unum, aut plures Religiosos subditos, probatos tamen, ac doctrina idoneos, nec non juramento fidelitatis adstrictos, in Notarios publicos pro intimandis mandatis, indultis, privilegiis, & concessionibus Apostolicis Ordini-

bus Regularibus largitis, quibuscunque personis, sive Ecclesiasticis, sive secularibus, etiam speciali nota dignis; pro causis quoque criminalibus suorum subditorum, ita ut illis tanta fides adhibeatur, quanta Notariis secularibus adhiberi debet; causæ enim Religiosorum non possunt coram Iudice seculari tractari, neque sine Notariis processari; ideo in hoc possunt facere cum suis subditis, quod possunt Episcopi cum suis: constat ex privilegiis Julii II. & præcipue S. Pii V. in Bulla, quam per extensum refert Rodericus tom. 3. q. 8. art. 1. & docens Lezana tom. 1. cap. 18. n. 91. Peyrinus de subdito, q. 1. cap. 3. §. 8. Portell. V. Notarius n. 1. & seqq.

10. Quamvis de jure communi possint Provinciales concedere suis subditis licentiam libros imprimendi; in Religionibus tamen, in quibus datur lex, seu statutum in contrarium; prout datur in Religione Minorum Observantium, & Reformatorum; præsertim in his Provinciis Cismontanis, nequeunt præfatam licentiam concedere, sed id ad solos Generales, vel commissarios Generales dumtaxat spectat, in Provinciis vero ultramontanis etiam ad Provinciales extenditur hujusmodi facultas; ut docet Sanctior. in Const. cap. 11. stat. 5. & Bordon tom. 2. resol. 58. n. 21. ex Decret. Trident. sess. 4. de impress. libror.

11. Licet de jure communi non solum Prælati Provincialibus; sed etiam localibus competat licentiam concedere suis subditis ad prædicandum Verbum Dei, ut patet ex Tridentino sess. 5. cap. 2. de reformat. ubi

bu.

hujusmodi facultas conceditur Regularium Superioribus; quorum nomine veniunt etiam Guardianus, & Prior; ut cum aliis notat Pelizarius *tracl. 8. cap. 4. n. 2.*; de jure tamen speciali dare prædictam licentiam ferè in omnibus Religionibus competit Provincialibus; & in nostra Seraphica patet ex Regula, & constitutionibus *cap. 9.* Advertit tamen Lezana, *tom. 1. cap. 20. n. 3.* peccare mortaliter Prælatos, qui subditos non idoneos prædicare permittunt; subditi quoque peccant, qui sine scientia ad tantum munus requisita prædicare præsumunt; Præterea sine benedictione ab Episcopo Diocesano petita, & obtenta, in Ecclesiis, quæ suorum Ordinum non sunt, prædicare non possunt; in Ecclesiis vero sui Ordinis, petita, licet non obtenta, ab Episcopo benedictione, prædicare valent; quod si Episcopus benedictionem, nedum non concesserit, sed etiam contradixerit, nec in prædictis quidem sui Ordinis Ecclesiis licebit Regularibus prædicare: prout constat ex Concil. Trident. *Sess. 25. cap. 2. de reform. & Sess. 24. cap. 4. & ex Const. Gregorii XV. incip. Inscrutabili: apud Cherub. tom. 3. & Clementis X. 10. Kal. Julij 1670. Const. incip. Superna Magni Patris familias.*

12. Potest Provincialis revocare omnes licentias, & facultates à suo antecessore concessas, nam Provincialis actualis non habet minorem auctoritatem, quam præeritus, cum autem hic revocare poterat, proculdubio ille id efficere potest; immo revocare potest facultates à Generali præterito concessas, si suo officio

præjudicent, quia per abdicationem; vel amotionem ab officio Generalatus, videtur, tales facultates à Prælato Provinciali dependentiam habere, quando illæ Provincialatus officio, vel subditis præjudiciales sunt: prout cum aliis docet Bordonus *tom. 2. res. fol. 88. n. 2.*

13. Nequeunt Provinciales ad instantiam quarumcunque personarum extra Ordinem ex silentium Religiosis subditis ullum officium, seu dignitatem conferre, vel pœnas remittere; prout Gregorius XIII. Clemens VIII. Paulus V. & Urbanus VIII. in suis Constitutionibus apud Cherub. *tom. 2. & 3.* sub pœna excommunicationis lutz sententia prohibuerunt Superioribus Ordinum Prædicatorum, Minorum, Carmelitarum, Eremitarum & Augustiniani, Minorum, cæterisque Superioribus Regularibus, Quinimmo quoscunque Religiosos subditos, qui contra decreta dictarum Constitutionum per conquestos favores, & suffragia aliquid sibi procuraverint, ad talia, & similia, & etiam majora, consequenda perpetuo inhabilis declararunt, sed de his vide quæ diximus supra, *cap. 2. de Privilegiis Prælatorum Generalium n. 10.*

14. Possunt Provinciales in Capitulo provinciali tollere, limitare, seu restringere suis subditis usum, quorumcunque privilegiorum Apostolicorum, nam ad id omnes ferè Religiones speciale habent privilegium: ita Leo X. concessit Generalibus Ordinis Minorum in Capitulo Generali, & Provincialibus in Capitulo Provinciali; ut habetur in supple-

plemento, & refertur in comp. privileg. V. Privilegia Fratrum §. 26. si millem concessionem habent Augustinenses per eundem Leonem X. & Cistercienses per Eugenium III. & Clementem IV. prout refertur in comp. privileg. Ordinis Cisterciensis V. privilegium §. 6. quo privilegio omnes aliæ Religiones, quæ in privilegiis communicant, fruuntur. Nequeunt tamen virtute dictarum concessionum tollere aliquid quod sit contra jus commune, vel usum Sacrorum Canonum; nam quæ de jure statuta sunt, habent vim obligandi ad culpam, vel pœnam juxta ipsius juris dispositionem, quæ obligatio à Prælati Regularibus tolli minime potest: ita commun. D. D. Miranda tom. 2. q. 43. art. 4.

15. Non possunt Provinciales dare licentiam subditis transeundi ad

laxiorem Ordinem; ut constat ex Tridentino sess. 25. de Regular. cap. 19. quia in hoc solus Papa dispensat; probabile tamen est, quod possint ex iusta, & legitima causa concedere, transiitum ad parem Religionem; ut docent Azor. tom. 1. lib. 12. cap. 14. q. 9. Roder. tom. 1. q. 52. art. 9. Sanchez in Decal. lib. 6. cap. 7. n. 65. qui inter alias causas assignant subventionem parentum in gravi necessitate, & persecutionem gravem in Religione; aliæque similes dari possunt judicio viri prudentis. Prælati autem Ordinis Minorum nequeunt dare hujusmodi licentiam transiendi ad parem: quod si ad strictiorem transiitum permittatur, id sit, quia jus commune ita disposuit, in cap. licet de Regular. quod est supra Regul. F. F. Minor. vide dicta cap. 6. n. 12. tract. 2.

## C A P. I I I.

### De potestate coercitiva Prælatorum Provincialium.

1. **H**abent Provinciales in suis Provinciis potestatem ad coercendos subditos per quascumque ecclesiasticas censuras, quæ alias possint iuste personis imponi; sicut enim omnis hæc potestas competit Episcopis, ita pariter competit Provincialibus, qui revera habent potestatem quasi episcopalem, nisi alias aliquo jure speciali illis limitetur. Dixi, quæ possint personis imponi, ut excluderem interdictum locale, quod non potest à Provincialibus, immò neque à Generalibus im-

poni, quia ipsorum jurisdictio potius in personas, quam in locum cadit; interdictum vero locale, cum comprehendat totum locum, redundat quodammodo in personas ipsius Prælati Regularibus non subditas: ita Suarez tom. 4. de Relig. tract. 8. lib. 1. cap. 9. n. 4. & de censuris disp. 36. sect. 1. Navarrus cap. 2. n. 168. Bissaus V. interdictum 4. n. 1. & alii.

2. Potest Provincialis in aliena Provincia existens subditum suum delinquentem punire, & contra eundem contentiosam jurisdictionem

exerc-

re creere: ut contra nonnullos tenent Roder. & Diana, quos refert, & tenentur Bordonus *m. 2. resol. 78 n. 33.* rat o est, quia Provincialis est iudex suorum subditorum simpliciter, & ind penderet a loco, ergo ubique pot: rit suam jurisdictionem exercere: poterit etiam Provincialis in sua Provincia exiens punire subditum suum, qui in aliena Provincia deliquit, si ei ab alterius Provincie Prælo remittatur, ut illum puniat; ut docet Portell. *tom. 1. casuum, casu 19. n. 1.*

3. Si Episcopus deprehendens Religiosum in aliquo delicto scandaloso, de eo formet processum cum testibus, & utrumque ad Provincialem remittat, ut delinquentem puniat juxta dispositionem Tridentini *sess. 25. cap. 14. de Regular.* non tenetur Provincialis novum processum formare, sed inspecto solo processu facto, & misso ab Episcopo, potest talem Religiosum punire: ratio est, quia ex declaratione S. Congr. Concil. quam refert Marilius *ad dictum cap. 14* sufficit, quod Episcopus, prout tenetur, remittat Religiosum extra claustra delinquentem suo Prælo, & processum simul cum testibus: hujusmodi enim processus fuit factus à iudice competente, nam licet Episcopus non sit absolute Iudex Regularium, est tamen Iudex secundum quid, si ipsi extra claustra delinquant: ut patet ex dicta declaratione S. Congr. & docent Portellus *tom. 1. casuum, casu 19. n. 2.* Pellizar. *raff. 8. cap. 6. n. 11* Advertendum tamen, nunquam Provincialem tene-ri iurum subditum, punire, cum solo

processu ab Episcopo formato prout cum Peyrino notavit Pellizar. *supra.*

4. Potest Provincialis prævenire negotia Superioris localis; ratio est, quia Provincialis in quolibet suæ Provincie Conventu habet eminenter totam Superioris localis potestatem; ut tenent Peyrinus *de Prælo quæst. 3. cap. 1. § 3. n. 116.* Bordonus *tom. 2. res. l. 67. n. 16* attamen non est conveniens, nisi urgens causa interveniat, ut Prælati Superior in negotiis Prælatorum inferiorum se immisceat.

5. Nequit Provincialis sine iusta causa Superiorem localem ab officio privare, *ex cap. Monachi, de stat. Monach.* ubi habetur: *Superiores locales, cum in Ecclesiis Conventualibus per electionem Capitulorum suorum canonice fuerint instituti, nisi pro manifesta, & rationabili causa non mutantur, ut videlicet, si fuerint dilapidatores, si incontinenter vixerint, aut tale quid egerint, pro quo amovendi merito videantur, aut si etiam pro necessitate maioris officii de consilio fratrum fuerint transferendi:* Ratio autem est; quia nemo sine culpa privandus est jure suo, nisi ad sit iusta causa; Superiores enim sic electi, & confirmati jus habent acquisitum in suo officio, ergo eo jure privandi non sunt ad Provincialis libitum, talis enim privatio, seu amotio ab officio est graviter illicita, non solum contra Charitatem, sed etiam contra Justitiam: ita cum communiter tenent Lezana *tom. 2. cap. 13. n. 56.* Bordon. *tom. 2. resol. 58. n. 53.*

6. Non potest Provincialis Religiosum subditum ab obedientia sui Superioris localis absolute eximere, id



id enim solum Sedi Apostolicæ, ex cap. *Frater noster* 16 q. 1. & Ordinum Generalibus reservatum est, juxta sententiam Suarez tom. 4. de Relig. tract. 8. lib. 2. cap. 2. & Santorii Comment. in Const. cap. 12. stat. 12. in aliquo tamen casu particulari, jussu interveniente causa potest id facere, non dispensando in substantia Voti Obedientiæ, sed dumtaxat in accidentariis, cum in hoc non sequatur Religionis confusio, nec iniuria Superioris localis; prout docet Peyrinus in formul. lit. E cap. 31. n. 3.

7. Potest Provincialis iussu interveniente causa ad se advocare causas pendentes coram Superioribus localibus suorum subditorum, nam omne jus inferioris juri superioris subiacitur, hic enim potest de illo disponere, immo præcipere, ne illo utatur, id tamen debet intelligi, nisi in aliqua Religione sit aliqua Constitutio in contrarium, quia si detur lex, quod Prælati Superior non se immisceat in jurisdictione Prælatorum inferiorum, vel non adsit causa iusta, tunc nullo modo poterit causas pendentes ad se advocare, & si advocet, mortaliter peccat, & talis advocatio est nulla; ratio est, quia licet Prælati Superior habeat Prælatos inferiores sibi subordinatos, hoc non est ita intelligendum, ut possint de eorum jurisdictione ad libitum disponere, sed tantum secundum exigentiam rationis, & in Ordine ad bonum commune; ergo si sine causa id faciant, privando Prælatos inferiores jure suo, peccant graviter contra Justitiam, limites suæ potestatis excedendo: prout cum Suarez, Lezana, & aliis docent

Bordonus tom. 2. resol. 66. n. 36. & resol. 88. n. 4. 8. & 9. Pasqualig. decis. 61. 62. & 63.

8. Nisi à Regula, vel Constitutionibus prohibeatur, potest Provincialis delegare aliquam causam civilem extra Religionem alicui personæ Ecclesiasticæ Sæculari, vel Regulari; ratio est, quia de jure communi jurisdictionis ordinaria, qualis est illa Provincialis, etiam personæ non subditæ delegabilis est, ex cap. Sap. 28. & ex cap. in Archiepiscopatu, 4. Raptor. ergo nihil prohibet, quod possit delegari. Causam autem criminalem delegare extra Religionem non potest, quia id solum Generali reservatur, ut docet Bordonus tom. 2. resol. 58. n. 61. Advertendum tamen, quod si pars resistat, habens rationabilem causam recusandi judicium extranei, delegatio hujusmodi evanesceat; nisi alias ex ea delegatione speciale bonum commune toti Religioni resultet.

9. Ex quacumque causa legitima, materiam Confessionum concernente, potest Provincialis suspendere Confessarios subditos, qui de ejusdem licentia facultatem audiendi Sæcularium Confessiones ab Episcopo obtinuerunt; nam præfati Confessarii per approbationem Episcopi à subjectione, & correctione suorum Superiorum exempti non sunt, prout cum Roderico, Miranda, & aliis, quos refert, & sequitur Peyrinus, de subdito quest. 1. cap. 21. §. 1. dist. 3. immo potest præcipere sub mortali, ne subditi fidelium Confessiones excipiant, excepto tamen tempore Jubilæi, in quo, & occasione cujus Regu-

lares à fidelibus in Confessarios eliguntur, tunc enim nequit Provincialis gratiam Summi Pontificis limitare, seu coarctare: ita cum aliis Vidal *de penit. inquis.* 6. n. 86.

10. Potest Provincialis cum causa, vel sine illa validè, & licitè revocare omnes licentias audiendi Confessiones Fratrum, & Monialium, subditarum à suo Antecessore Religiosis concessas, idque pro majori suæ conscientię quiete efficere valet; ut cum comm. D.D. tenent Sanctius *in selectis. disp.* 48. n. 26. Diana p. 4. *tract.* 4. *resol.* 200. *Frances.* in *Pastoral. Regul.* p. 2. q. 20. n. 19. Bordon. *tom.* 1. *resol.* 4. n. 13. si verò loquamur de approbatione absoluta facta, ab ipsomet Provinciali, majus est dubium, affirmant aliqui, ratio eorum est, quia approbatio ex natura sua, præcipuè inter Regulares propter Votum obedientię, non est immutabilis, seu irrevocabilis, idque Superiorum judicio debet relinqui, quod est probabilius; ut docent Hurtado *de penit. disp.* 10. *difficul.* 19. Bordon. *tom.* 2. *resol.* 36. n. 1. & alii. Probabile tamen est, quod non possit Provincialis hujusmodi facultatem revocare; ratio est, tum quia per approbationem fuit ab approbato jus acquisitum, quod sine justa causa revocari non debet, tum quia, quod semel placuit, non potest amplius sine cau-

sa displicere, ex *Regul. jur. in 6.* ut latè probant Fragolus *tom.* 1. p. 1. *lib.* 3. *cap.* 5. n. 42. *Portellus indub. Regular. v. Confess.* approbatio n. 1. *Frances cit.* p. 2. q. 20. n. 42. & alii.

11. Nequit Provincialis, immò neque Generalis procedere contra suos subditos de hæresi suspectos, nec in aliis casibus ad Tribunal S. Inquisitionis pertinentibus, ut patet ex Constit. Pauli V. aliorumque Summorum Pontificum, in quibus revocantur omnia privilegia quoad hoc Regularibus concessa, immò sub pœnis gravibus præcipitur, ut Prælati, & subditi Religiosos de hæresi suspectos ad præfatum S. Inquisitionis Tribunal statim deferant: legantur Decreta Apostolica:

12. Neque potest Generalis, vel Provincialis gravare Religiosos subditos recurrentes ad dictum S. Inquisitionis officium pro quocumque negotio, vel pro quocumque exc. usu per ipsos commissio intra quinquennium à die recursus, nisi dependenter à Congregatione generali S. Officii, ut patet ex Decreto S. Pii V. quod refert. Diana p. 4. *inter Decreta, & Constitutiones Pontificum.* Per hoc tamen non tollitur, quod Prælati Regulares possint ipsos Religiosos ob alia delicta punire: ut bene advertit Pellizarius *tract.* 9. *cap.* 6. n. 23.



## C A P. I V.

*De potestate, quam habent Superiores Provinciales reservandi peccata suorum subditorum.*

1. CUM Prælati Provinciales, ut pluries dictum est, & habetur expressum in jure, jurisdictionem quasi Episcopalem habeant, deinde atque Concilium Tridentinum sess. 14. can. 11. hæreticum esse negare, Episcopos posse tam in foro interiori, quam in exteriori casus sibi reservare, idcirco idem, saltem à paritate rationis, de Prælati supradictis dicendum est; propterea in Generalibus nostri Ordinis Constitutionibus cap. 7. §. 2. de casibus reservatis n. 2. jubetur, ut si quis contrarium temere ausus fuerit affirmare, tanquam errorum seminator ab audiendis Confessionibus perpetuo suspensus sit, & gravissime puniatur, consulto tamen prius S. Inquisitionis tribunali, & ejus expectato mandato Præfati igitur Prælati Regulares, non solum jure communi supradicta potestate reservandi casus utuntur, & gaudent, verum etiam ex peculiaribus privilegiis, quæ in id ipsum omnes fere Religiones habent, aut directe sibi concessis, vel quibus per generale communicationis privilegium perfruuntur; Prælati Ordinis Minorum habent speciale privilegium Alexandri VI. quod habetur in Monum. Ord. 2. impress. fol. 56. & in supplem. fol. 3. concess. 2. circa quod privilegium comprehendens etiam Guardianos, advertendum est, in

Capitulo Generali Assisii anno 1526. celebrato, statutum autoritate Apostolica fuisse factum, in quo ordinatur, ut nullus Guardianus possit sibi aliquem casum reservare, sed solus Minister Provincialis id poterit; idque etiam manifeste patet ex constitutionibus Generalibus Ordinis, & ex statutis reformatis cap. 7.

2. Possunt Provinciales sibi reservare casus suorum subditorum: non tamen Novitorum, qui revera in casus Religioni reservados non incidunt, atque adeo ab eisdem, sine suorum Prælatorum licentia, à suo ordinario confessario absolvi possunt: hæc doctrina est multum consona juri: nam antequam prædicti Novitii professionem emittant, nullomodo dici potest, quod sint vere, & proprie Religiosi, nisi in favorabilibus; ergo non possunt, ut ceteri Religiosi professi, censuris ligari, & casibus reservatis constringi, cum sint odiosa, pro quo facit cap. Religiosos, de sent. excommun. in 6. & id quod dicit communiter D. D. & præsertim Joann. Andr. & gloss. in cap. benef. de Regular. in 6. Neque casibus Episcopo reservatis ligantur, cum non sint subditi ipsius, solum enim casibus Papalibus esse possunt obnoxii: à quibus tamen, sicut ceteri saculares, ab habentibus facultatem possunt absolvi.

P 2

3. Ad

3. Ad hoc, ut præfati Provinciales possint sibi casus reservare, nonnullæ conditiones requiruntur, 1. ut peccata sint mortalia, nam Ecclesia nunquam interiores actus, nec peccata venialia reservare consuevit; 2. ut sint actus externi, & completi; 3. ut observetur decretum Clementis VIII. anno 1593. editum, in quo decernitur, ut nemo ex Regularium Superioribus peccatorum absolutiones sibi reservet, exceptis iis, quæ in præfato decreto continentur; videlicet; *Veneficia; incantationes; sortilegia; Apostasia à Religione; nocturna, & furtiva à Monasterio egressio* &c. prout habetur in Bullario Romæ Laertii Cherubini tom. 4. post const. 26. *Urbani VIII.* pag. 273. de quibus infra in facultatibus Confessariorum Regularium redibit sermo. Adjungit præterea idem Pontifex, quod si aliquod peccatum grave pro Religionis conservatione, aut pro conscientiarum puritate reservandum videbitur, id non aliter fiat, quam Generalis Capituli in toto Ordine, & Provincialis in Provincia, matura discussione, & consensu. Notandum tamen, Pontificem non annullare, nec revocare per præfatum decretum casus antiquos servatos in Religionibus per statuta generalia in Capitulis Generalibus facta: *Miranda tom. 2. q. 34.*

4. Casibus reservatis ad præscriptum Clementis VIII. possunt Provinciales etiam excommunicationem latæ sententiæ adnectere, illamque sibi reservare, quiaqui potest in principale, potest pariter in accessorium, cum de jure communi valeat

Provinciales sibi absolutionem excommunicationis ab ipsis latæ reservare; in mo juxta sententiam probabiliorum possunt censuras aliorum peccatorum sibi reservare; nam decretum Clementinum non loquitur de reservatione censurarum, sed dumtaxat, & expresse loquitur de reservatione culparum, ut patet ibi: *Nemo ex Regularium Superioribus peccatorum absolutionem sibi reservet, exceptis iis &c.* ergo per præfatum decretum non fuit limitata potestas Provincialium ferendi censuras, illasque sibi reservandi; prout docent Suarez tom. 4. in p. 3. disp. 29. sect. 3. n. 13. Tambur. de jure Abb. tom. 2. disp. 13. Corioli. de casib. refer. p. 1. sect. 1. art. 6. & alii, & pro nostro Ordine Minorum constat ex statutis Generalibus Barchinonensibus à S. Sede approbatis cap. 6. § de casib. refer. in Orbe Seraph. tom. 3. pag. 663. col. 2. in fine; ubi habetur: *Declaramus etiam, Generalem, & Provinciales per se solos absque consensu Capituli posse sibi reservare quaslibet censuras, & ejusmodi reservationem esse validam, & tenere; cum decretum Clementis VIII. tantum loquatur de peccatis, quæ longe distant à Censuris.*

5. Quamvis nonnulli asserunt, quod in reservatione casuum à Clemente VIII. excommunicatorum tenentur Provinciales discussionem, & consensum Capituli Provincialis expectare, sicut in aliis non expressis tenentur; verius tamen, & probabilius est, non teneri; quia cum talis dispositio Clementina maxime exorbitet à jure communi, hæc potestas

tem Prælati Regularibus concedente, idcirco non amplianda, sed restringenda est; sententia enim affirmativa non est consona tenori Bullæ, nec motivo Pontificis, qui formam illam discretis verbis ad casus non enumeratos restringit; & jure merito, quia hi soli sunt determinandi, ac propterea discussione opus habent, quam Pontifex exigit à Capitulo, quia in eo præsumitur major prudentia, casus autem in dicta Bulla expressi jam sunt à Pontifice determinati, nec potest Prælati Regularis eos ampliari; nam id esset reservationem facere ultra terminos præscriptos; ut bene notant Cardinalis de Lugo disp. 10. de pœnit. n. 42. *Lezana tom. 1. cap. 18. n. 19. Portellus V. Casus reservati n. 12.* Possunt etiam Provinciales extendere reservationem ad Moniales sibi subjectas; non servata forma Clementis VIII. prout docet Pellizarius cap. 10. de Monial. n. 46.

6. Non licet Provincialibus confessiones subditorum audire, nisi quando peccatum aliquod reservatum admiserint, aut ipsimet sponte, vel proprio motu id ab ipsis petierint; ideoque debent in singulis domibus duos, tres, aut plures Confessarios pro subditorum numero majori, vel minori deputare, qui sint docti, prudentes, & charitate præditi, & quibus reservatorum absolutio committatur; possunt præterea iidem Provinciales quibusdam peccatis, etiam non reservatis, graves determinare pœnitentias, à Confessariis imponendas, quæ subditos ab hujusmodi perpetrandis cohibere possint: ex eod. Decret.

7. Non possunt Provinciales negare facultatem in reservata Confessario petenti, immo debent se ostendere faciles, & benignos in concedenda hujusmodi facultate, ob multa pericula, atque inconvenientia, quæ ex contrario facto possunt exoriri; unde peccant mortaliter dicti Prælati se exhibentes difficiles, & sine causa prædictam auctoritatem negantes, præsertim si intelligant, quod ex negatione ejusdem suorum subditorum animæ grave aliquod dispendium patiantur, & multo magis, si Confessarius testaretur, pœnitentem esse in periculo omittendi Confessionem. Quando autem timeri rationabiliter potest damnum, ipsius pœnitentis, qui ob facilitatem absolutionis non emendabitur, vel timetur damnum boni publici, vel tertii, ut esset gravis infamia Communitatis, aut facilitas peccandi in aliis, qui casuum reservatorum legem non curarent, tunc Provinciales non debent esse faciles, & remissi præfatam auctoritatem cuilibet absque delectu, & discrimine de facili committendo, nam id esset auctoritatem, quam acceperunt in edificationem, convertere in excidium, & destructionem, ut docent Miranda tom. 2. q. 34. art. 9. Sotus in 4. sent. distinct. 18. q. 2. art. 5. & constat ex cit. Bull. Clement. Si vero præfati Superiores Confessario petenti facultatem denegaverint, poterit nihilominus Confessarius pro illa vice pœnitentem absolvere; ut constat ex decret. Clement. supracit. & refert Naldus V. Religiosus n. 44 immo toties absolvere poterit, quoties Superiores

res irrationabiliter facultatem negaverint; hæc tamen doctrina solum procedit, ubi non adsunt pœnitentiarum, nam si adsint, cessat ratio istius dispositionis: ita cum multis Dicastillo *disp.* 11. *dub.* 20. n. 339. Gobat. in *Theol. exper. tr.* 7. *cap.* 20. pag. 478. n. 705. Præpos. apud Dian. p. 9. tr. 3. *resol.* 15.

8. Non possunt Provinciales ex quovis impedimento, vel causa audire sola peccata reservata, & ab iis sacramentaliter absolvere, & pro aliis non reservatis pœnitentem ad inferiorem remittere, nam vel debent integre omnia peccata audire, & ab eisdem pœnitentem absolvere, aut tollere reservationem, vel suam auctoritatem alteri Confessario committere, qui simul à reservatis, & non reservatis eundem absolvat; opinio enim contraria est omnino improbabilis; ratio est, quia integritas Confessionis est de jure divino, in quo dicti Prælati minime dispensare possunt, quæ quidem extra casum urgentis necessitatis celebrandi, vel communicandi ad vitandum scandalum; aut infamiam, vel in periculo mortis &c. obligat sub mortali tam pœnitentem, ut utraque confiteatur, quam Superiorem, ut utraque audiat: ita Delugo *disp.* 20. *de penit.* n. 77. Coton. *lib.* 2. *controv.* 7. *cap.* 5. q. 9. n. 162. Miranda *tom.* 2. q. 34. *art.* 12. & alii commun.

9. Poterant Generales ante præfatum decretum Clementis VIII. facultatem reservandi casus à Provincialibus ex iusta causa auferre, seu limitare; modo autem cum modus reservandi, & casus reservabiles in eo

decreto limitati sint, atque adeo non possit abusus intervenire, idcirco non apparet amplius iusta causa hanc facultatem vel de novo limitandi, vel auferendi; quia illa nunc jure ordinario Provincialibus competit; prout docent Miranda *tom.* 2. q. 16. *art.* 6. Bordon. *tom.* 1. *resol.* 37. n. 36. & 37. solum igitur poterunt Generales auferre, vel limitare facultatem, præveniendo, nempe reservando aliquos casus sibi, alios vero Provincialibus; id enim permittit subordinario: ut docet Cotonius *lib.* 4. *controv.* 10. n. 8.

10. Nequeunt Provinciales ejectos à Religione in perpetuum absolvere, nisi eo modo, & in casibus, à quibus possunt alios sæculares absolvere; cum nullam super eos jurisdictionem habeant, quæ quidem per ejectionem ad Ordinarios locorum translata est; & ob eandem rationem non possunt absolvere Moniales ejusdem Ordinis, subjectas tamen Ordinario. Possunt tamen absolvere Religiosos factos Episcopos virtute privilegiorum Ordinis, si illi quoad hoc eis subiciantur, quia, etsi sint Episcopi, gaudet privilegiis favorabilibus Religionis, quæ ipsorum Religiosorum assumptorum commodum concernunt absque Religionis gravamine, idque convenit, ut cum eis permanent favores, & gratiæ, prout sunt indulgentiæ, absolutiones, ac dispensationes passivæ &c. ita docent Portellus *V. eicere ab Ordine*, & cum aliis Pellizar. *tom.* 2. *tracl.* 9. *cap.* 3. n. 218.

11. Possunt Provinciales eligere etiam extra Ordinem in Confessorium

rium quemcunque Sacerdotem idoneum, quamvis non approbatum, sive Sæcularem, sive Regularem propriæ, vel alterius Religionis, à quo possunt absolvi, & respectivè dispensari à reservatis, censuris, pœnis, inhabilitationibus, privationibus, irregularitatibus, votis &c. à quibus ipsimet Prælati possunt suos subditos absolvere, & dispensare; prout constat ex cap. *Final. de penit. & rem. ss. peccat. & ex Concil. Trident. sess. 23. cap. 15. de reformat.* ubi in hoc quoad Prælatos Regulares nihil innovatur; cum approbatio Ordinarii, de qua loquitur, requiratur

tantum ad audiendas Sæcularium, Confessiones, non vero Regularium; ut docent communiter D. D. Suarez tom. 4. de Relig. & in 3. p. disp. 27. sect. 2. n. 9 Peyrinus, & Lessana tom. 1. cap. 18. n. 81. & alii, habent enim in prædicta auctoritatem activam, passivam, & commissivam in ordine ad subditos, immo possunt illam delegare subdito cum facultate, ut is possit etiam eandem subdelegare, dummodo delegatus non subdeleget nomine proprio, sed nomine Prælati delegantis; ut docet Sanchez de matrim. lib. 3. disp. 31. n. 6.

## C A P. V.

### *De potestate quam habent Provinciales, absolvendi suos Subditos à Censuris etiam reservatis.*

**P**rælati Provinciales de jure communi, & ex privilegiis independentè à voluntate aliorum quorumcumque Prælatorum possunt absolvere omnes suos subditos utriusque Sexus, necnon Novitios, non solum ab omnibus Censuris, à quibus possunt Episcopi subditos suos vigore Concilii Tridentini sess. 24. de Reformat. cap. liceat; sed etiam ab aliis gravioribus, etiam Sedi Apostolicæ reservatis, aliquibus exceptis, prout infra suis in locis explicabitur; idque constat ex pluribus Summorum Pontificum privilegiis, quælatè in Superioribus relata sunt, & in inferioribus referuntur: habent enim dicti Prælati Provinciales jurisdictionem

quasi Episcopalem in suis Provinciis, ut sæpius dictum est; illamque non tantum ex privilegio, verum etiam jure communi aliis delegare possunt; ut docent commun. D. D. immo exercere eandem valent in territorio alieno, in eo subditos suos excommunicando; ex quo enim jurisdictione in alterius Territorio conceditur, usum etiam jurisdictionis eisdem concessum dicendum est: honestas tamen requirit, ut hujusmodi jurisdictione in suis dumtaxat locis utantur, prout advertit Roder. tom. 2. q. 59. art. 1.

2. Licet de jure sine causæ cognitione censuræ Ecclesiasticæ non ferantur, festisque diebus causæ cognitioni

sci non possint, ac propterea in eisdem excommunicari nequeat, ut constat ex *Cap. Sacr. de Sentent. excomm. lib. 6.* attamen Prælati Provinciales possunt etiam die feriato subditum, rebellem excommunicare, & proponere excommunicationem generalem contra aliquid prohibitum facientes; nam in his, & similibus casibus, in quibus nulla causæ cognitio requiritur, nec Divinus Cultus impeditur, possunt hujusmodi excommunicationes à Provincialibus ipso facto fulminari: ita docent Ugol. *de Censur. Eccles. tabul. 1. cap. 27. §. 2. Roder. tom. 2. q. 59. art. 2.*

3. Cum aliquem Religiosum propter apostasiam vel aliud delictum in Capitulo, vel in Communitate, Provinciales excommunicant, non tenentur sententiam in scriptis proferre, prout in jure sub pœna suspensionis proferentibus præcipitur; quod quidè privilegium nostro Ordini Minorum à Leone X. fuit concessum; ut habetur in *supplem. fol. 93. concess. 291.* nec obstat quædam Constitutio Tolentina *cap. 6. de correct. delinq. tit. de pan. excomm.* in qua ordinatur omnibus Ordinis Prælati, nec per modum ordinationis, vel statuti ad præcavenda delicta sententiam excommunicationis, nisi in scriptis, inferant, alias excommunicatio sic lata, declaratur nulla; nam talis ordinatio non comprehendit excommunicationem à Prælati latam per modum præcepti, ut quando aliquibus fratribus particularibus præcipiunt, ne certas domos sæcularium, vel Cellas Religiosorum ingrediantur, non enim Ponufex concessit universali-

ter, ut nullam sententiam excommunicationis possint Prælati sine scriptis proferre, sed tantum illam, quæ per modum præcepti contra aliquem particularem delinquentem proferatur, ut patet ex verbis ipsius: ita *Roder. tom. 2. q. 59. art. 3.*

4. Prælati Provinciales possunt absolvere suos subditos ab excommunicatione Canonis: *Si quis suadente.* ut constat ex dispositione juris communis: *cap. Monachi, cap. illorum §. Quis Clausuales, cap. Canonica end. tit. de sentent. excomm. junct. Gloss. in cap. Relig. de sent. excomm. in 6 v. habemus;* nec obstat, quod textus loquatur cum restrictione de enormi percussione, nam per privilegia Apostolica Religionibus concessa, nullatenus quoad hoc Provincialium jurisdictionis restricta manet; quocunque enim modo Regulares se se, etiam enormiter, percutientes, à præfatis Prælati possunt absolvi; prout Clemens IV. Bulla incip. *Virtute conspiciuos*, Sixtus IV. Bulla incip. *Regimini*, *Mare magnum nuncupata*; apud Cherub. *tom. 1. Bull. Rom.* alique Summi Pontifices Ordinibus Prædicatorum, Minorum, Eremitarum S. Augustini, & Carmelitarum concesserunt; ideoque juxta dispositiones prædictorum Pontificum Provinciales Prælati, qui proculdubio jurisdictione quasi Episcopali fruuntur, possunt à percussione, quantumvis enormi, subditos percussores absolvere; privilegia enim recensita à Sede Apostolica non sunt revocata: ita tenent Tambur. *de jur. Abb. tom. 2. disp. 14. q. 10. n. 6. Lexana tom. 1. cap. 18. n. 30. Layman. lib. 4. tract. 9 cap. 7. n. 10 & alii.*

4. Pro-



3. Provinciales habent potestatem absolvendi suos subditos Clericum sæcularem percutientes, qui quidem cum sint ab Episcopis jurisdictione exempti, ipsorum Prælati subbiciuntur. etenim fere omnes Religiosorum Prælati habent privilegium absolvendi suos subditos, etiam ob enormem percussionem, ut ex præcedenti resolutione constat; nec sunt audiendi qui asserunt, huiusmodi delinquentes debere, vel saltem posse ab Episcopo absolvi, quando injuria, vel percussio enormis non est, nam id intelligendum est dumtaxat de non exemptis, non vero de exemptis, qui proculdubio sive intra, sive extra claustra percusserint, à proprio Prælato, privilegium habente, absolvendi sunt: prout habetur in comp. privileg. V. absolutio ordin. quoad Fratres §. 7. & seqq. & expresse hoc tradit Roder. tom. 1. q. 20. art. 12. ubi præter concessionem Innocentii IV. adducit privilegium à Clemente IV. concessum, non tantum Generalibus, & Provincialibus, sed etiam Superioribus localibus: Possunt nihilominus ab Episcopo absolvi de licentia Prælati Regularis, vel eo absente, aut injustè absolutio-nem negante; ut docet Sanchez in sum. tom. 1. lib. 4. cap. 39. Coton. lib. 2. contr. 7. cap. 6. n. 192.

6. Regularis percutiens alterius Ordinis Regularem potest à proprio Provinciali absolvi, præsentem tamen Prælato Religiosi percussu, ut injuriam, & offensam condonet, ac pœnam in satisfactionem definiat, sicut colligitur ex cap. cum illorum, §. Si vero claustrales, de sent. excom.

ubi Hostiensis, & Abbas asserunt, debere satisfactionem sic intelligi, quod Prælati illius, qui percussit; juramentum recipiet, & absolviet, & saltem semel percutiet, ut servetur forma consuetæ: Prælati vero percussu ipsum percussorem verberabit, quia eidem satisfieri debet de injuria suo subdito irrogata: Monasterium vero percussoris satisfacere pro percussore non tenetur, nam delictum personæ in detrimentum Monasterii redundare non debet: arg. cap. cum venerabilis. §. intelleximus, de exceptionibus: & notat Diana p. 9. tract. 4. resol. 10. §. sed quid. Si vero discordent Prælati in imponenda pœna, eligatur arbiter, qui cum ipsis judicium ferat: prout docent Palaeus tom. 6. disp. 3. punct. 23. §. 4. n. 9. Diana ut supra, Cotonius lib. 2. contr. 7. cap. 6. n. 195. liberum etiam est uni ex dictis Prælati vicem suam alteri committere, ut notat Sayrus lib. 3. cap. 28. n. 11.

7. Moniales quoque ab Ordinariis jurisdictione exemptæ se invicem percutientes, etiam si percussio sit enormis, à Superioribus Provincialibus, quibus subjactæ sunt, vel ab aliis de eorum commissione, absolvuntur: nam privilegia Regularibus concessa, Monialibus subditis communicantur: ut docet Pignatelli tom. 7. consult. 80. n. 4. & expresse Sixtus IV. in Bulla aurea id indulget; & pro Monialibus S. Claræ repetit Leo X. const. incip. Cum sicut, & Gregorius XIII. const. incip. Ex benigna sedis, & Sixtus V. const. incip. Etsi Mendicantium, confirmarunt hujusmodi privilegia F. F. Minorum de obser-

Q

van-

vantia, & Monialium S. Claræ, ac tertii Ordinis S. Francisci, etiam per modum communicationis, & extensionis inter se, & cum aliis Ordinibus: prout in Bull. Rom. Cherub. tom. 1. & 2. videre licet.

8. Novitii pariter per dictos Prælatos, ratione Religionis, & juxta privilegia Ordinibus concessa, prout in Mari magno eorundem respectivè, beneficium absolutionis ab excommunicatione propter enormem percussione in anno probationis incurfa, recipiunt: cum debito tamen, ut sic absoluti, à Religione, non emissâ professione, retrocedentes, teneantur se præsentare illi, qui alias de jure in sæculo eos absolvendi facultatem habebat, non ut absolvantur, cum jam sint absoluti, sed ne iterum eadem censura innotentur, ob inobedientiam non se præsentandi: ut constat *ex cap. Eos, qui de sent. excommun. in 6. lib. 5. tit. 11. & docent Sylvest. V. absolutio 3. n. 9. Sorbus V. Novitius tit. de Novit. absol.* Idcirco Novitii sic absoluti ad sæculum revertentes moneantur, ut se præsentent, nam privantur privilegio, qui eo abutuntur. Illi vero, qui ante Novitiatum in Canonem inciderunt, à dictis Prælatibus absolvi non possunt, sed mitti debent ad quos spectat, vel ab eis facultatem obtinere, ut notat Sorbus *loc. cit.*, & *V. absolutio extraordin. quoad Fratres d. n. 13. vers. quoad 4. 3. est sciendum*; & est ad præscriptum decreti S. Congreg. Episcop. & Regul. sub Clemente VIII. anno 1601. editi: ut docet Mattheuc. *Official. quoad excommun. Canon. n. 68.*

9. Possunt Prælati Provinciales suos subditos absolvere a Censuris à jure, vel ab homine, non solum Generaliter, sed etiam nominatim in genere, vel in specie quomodolibet latis, & promulgatis; immo etiam si præfati subditi declarati, ac denunciati fuerint per legatos, aut Judices Apostolicos, vel ab Episcopis, etiam in casibus sibi specialiter à Papa commissis, dictas Censuras incurrisse; servatis tamen tribus conditionibus: 1. quod absolvendus antea à contumacia recedat; 2. ut satisfactionem exhibeat, vel offerat, aut præmittat, prout potuerit: & tandem ut Judicem, à quo excommunicatus est, saltem reddat certum de obedientia ei, & Ecclesiæ redditam, & de absolutione obtenta: idquæ constat ex privilegiis Clementis IV. Sixti IV. Leonis X. Martini V. & præcipue Eugenii IV. Bulla incip. *Injunctum nobis.* apud Cherub. tom. 1. & Pauli III. in indulto Societati Jesu concessio: consistit. incip. *licet debitum*: apud eund. Cherub. tom. 1. ubi habentur hæc verba: *d. quibusvis excommunicationis, suspensionis, & interdicti, aliisque Ecclesiasticis, vel Sacularibus sententiis, censuris, & penis à jure, vel ab homine, in genere, vel in specie, quomodolibet latis, promulgatis, & promulgandis*; quæ quidem privilegia per viam communicationis ad omnes Ordines Regulares extenduntur: ut docent Suarez tom. 4. de Relig. lib. 2. c. p. 25. Roder. tom. 1. q. 80. art. 6. Miranda tom. 1. q. 75. art. 21. & alii permulti.

10. Provinciales virtute privilegiorum possunt absolvere personas utriusque

utriusque sexus sibi subiectas ab excommunicatione contracta ob procuratum, & secutum abortum factus animati, etiamsi de huiusmodi crimine dictæ personæ in foro exteriori convictæ fuerint; nec obstat quod Sixtus V. quantum ad hoc ea privilegia revocaverit, nec quod Gregorius XIV. ejus Successor in sua moderatoria Constitutione non revalidaverit; quia post ipsos Clemens VIII. Paulus V. & Urbanus VIII. nostra, alique Regularium privilegia motu proprio, ex certa scientia, & de potestatis plenitudine confirmantur; ut dictum est in 1. tract. cap. 4. & 6. confirmatio enim cum præfatis clausulis facta invalidum, & revocatum revalidat, necnon vin. novæ concessionis habet: ex cap. 1. de transact. cap. quoties, de passis, & est comm. D. B. sent.

11. Possunt quoque prædicti toties, quoties suos subditos absolvere, nedum à simonia in collatione Beneficii, Officii, Prælaturæ, & ingressu Religionis commissæ, verum etiam ab excommunicatione, & suspensione ex simoniaca promotione ad Ordines contracta, quia licet Sixtus V. in sua Bulla contra Simoniacos in Ordine, & male promotos omnia Regularium privilegia quoad absolutionem huiusmodi revocaverit, & Clemens VIII. dictas Sixti V. pœnas intactas reliquerit; postea tamen idem Clemens anno subsequenti 1597. const. incip. *Ratio Pastoralis Officii*, apud Cherub. tom. 3. alique Summi Pontifices, ut dictum est, Regularium privilegia cum clausulis suprà relatis confirmantur, ac innovantur, cum igitur ante dictam revocationem pos-

sent præfati Prælati Regulares à prædictis casibus suis subditos absolvere, ex concessione Sixti IV. in suo Mari Magno; ubi habentur hæc verba: *In reliquis vero omnibus, etiam simoniae pravitate qualitercunque irretitis, posse per illos, quibus inibi conceditur, absolutionis, & dispensationis Beneficium impartiri*; sequitur, quod etiam nunc post dictorum Summorum Pontificum confirmationem eadem auctoritate gaudent, & fruuntur: prout docent Portell. v. *Prælati ad absolvendum* n. 29. Suarez tom. 1. de Relig. lib. 4. cap. 61. d. n. 4. & de Cens. disp. 31. sess. 5. n. 40. Hieron. Roder. in comp. res. l. 3. n. 7. & alii.

12. Pari modo possunt Provinciales absolvere Hospites ejusdem Ordinis à prædictis censuris in foro conscientie, etiamsi fuerint nominatim denunciati, & declarati illas censuras incurrisse, servatis tamen illis conditionibus, de quibus supra n. 9. constat primò ex privilegio Clementis IV. quod habetur in *Monum. Ord. concess.* 318. & 319. ubi sic loquitur Pontifex: *Necnon fratribus aliis ejusdem Ordinis ad eos declinantibus undecunque, absolutione, & dispensatione indigentibus*; quæ absolutio non est differenda, ne propter dilationem, periculum immincat animarum; constat secundo à simili ex quadam declaratione Concilii Trident. ad cap. 6. sess. 24. de reformat. apud Barbosam in collecti. n. 30. & docent Suarez tom. 4. de Relig. lib. 2. cap. 23. Mari: n. d. 3. Joseph de authoris. Provinciali n. 7. qui illam potestatem extendunt ad quasque Censuras, non solum in Religione, sed etiam in saculo contractas.

13. Possunt similiter Provinciales suos subditos absolvere à censuris in contemptu clavis in incurris, quando scilicet ipsi nolunt se submittere potestati Ecclesiæ, putantes illam in suis præceptis esse intollerabilem, injuriam, duram, & indiscretam: juxta doctrinam D. Thom. 22. q. 186. art. 9. ad 3. credunt tamen penes Ecclesiam residere potestatem ligandi, atque solvendi à CHRISTO Domino datam: constat ex privilegio Clementis IV. supra relato, sed pro foro conscientiarum tantum, ut docent Roder. tom. 1. q. 20. art. 15. Portell. v. *Prelatus ad absolvendum* n. 31. *Lexana* tom. 5. in *Mari Magno Carmelitarum* n. 570.

14. Probabile quoque est, quod possint dicti Prælati absolvere suos subditos ex confidentia privilegiorum peccantes; id tamen intelligendum est, quando scilicet dispendium animarum immineret, & non aliter, & tunc notificando ipsis pœnitentibus, quod talis facultas eis amplius non valebit ad alia de cætero committenda ex ipsius facultatis confidentia; prout bene notat Roder. tom. 1. q. 29. art. 16. referens privilegia Clementis IV. Bonifacii IX. & Eugenii IV. & admonens Prælatos Regulares, ne faciles sint ad absolvendos subditos ex privilegiorum confidentia peccantes, nisi ex negatione hujusmodi absolutionis periculum Animarum timeatur: tunc peccat quis ex confidentia privilegiorum, quando ex confidentia facultatum absolvendi, & dispensandi à Summis Pontificibus Regularibus concessarum movetur ad committendum id, ad quod alias non moyere-

tur; ita ut videndo sibi facile remedium per tales facultates adesse, sicut adest ad alia peccata non reservata, certo non curet magis illa cavere, ac si reservata non fuissent.

15. Prælati Provinciales absolvere possunt in foro conscientiarum suos subditos à suspensione à Divinis, si hæc procedat à delicto occulto ad forum contentiosum non deducto juxta indultum Episcopis concessum à Trident. sess. 24. cap. 6. de reformat. quod quidem dictis Prælatibus communicatur per S. Pium V. in Bulla incip. *Romani Pontificis circumspecta*: apud Cherub. tom. 2. immò eos possunt etiam absolvere in foro exteriori, quando dicta suspensio non est perpetua, & licet sit perpetua, dummodò non sit Summo Pontifici reservata prout evidenter deducitur ex Cap. *Nuper, de sent. excom.* quia non intelligitur ex natura sua propter delictum prohibitum, sed propter solam contumaciam, à qua cum Episcopi possint absolvere suos subditos, consequenter possunt Prælati Regulares suos absolvere ita Roder. tom. 1. q. 20. art. 14. & alii.

16. Possunt etiam Provinciales absolvere Prælatos inferiores, ceterosque subditos suos à censuris, aliisque pœnis Papæ reservatis, eo quod præsumptuose admiserint Mulieres intra Claustra Conventuum, seu Monasteriorum, sive prætextu licentiarum contra Sancti Pii V. Constit. incip. *Regularium personarum*; relata à Roder. tom. 1. q. 48 art. 1. sive ad malum finem, nempe, venerum, quemadmodum idem S. Pontifex declaravit in alia Constit. incip. *Deces Romanum Pontificem*, quæ est 6. apud Con-

Confectum fol. mihi 2. 8. ab excommunicatione quoque Papæ reservata incursa à subditis utriusque sexus violentibus Clausuram Monialium, sive per ingressum, sive per egressum, etiam ad malum finem, juxta Decretum Clementis VIII. anno 1601. editum; necnon ab aliis excommunicationibus, & suspensionibus Papæ reservatis extra Bullam Cœnz absolvere suos subditos, & absolvi facere valent; prout manifestè constat ex pluribus Apostolicis privilegiis, præsertim ex recensita Bulla Clementis IV. quæ incipit: *Virtute Conspicuos*, inserta in Mari Magno Sixti IV. apud Cherub. tom. 1. Bull. Rom.

17. Potestatem quoque habent Provinciales absolvendi suos subditos utriusque sexus; etiam Novitios, sed quoad istos cum conditionibus supra relatis n. 8. non solum à præfatis censuris, sed etiam ab illis in Bulla Cœnz contentis, dummodo hæc sint occultæ; exceptis tamen quinque, videlicet: *Hæresi, Schismate, falsificatione litterarum Apostolicarum; deporatione armorum ad infideles; & conspiratione facta contra Papam*; quintus tamen casus pro Prælati Ordinis Minorum Oblervantium, & Retormatorum non manet reservatus, ut constat ex Constitutionibus Generalibus utrorumque cap. 7. habent enim dicti Prælati hujusmodi potestatem ex vi sui muneris, nedum jure Concilii Tridentini sess. 24. de re format. cap. liceat; verum etiam virtute plurium privilegiorum, non solum activè, sed etiam passivè, & commissivè; idque constat ex præcitata Constitutione Clementis IV. & ex alia S. Pii V. quæ

incipit: *Romani Pontificis circumspecta*; item ex alia ejusdem, quæ est 129. & incipit: *Dum ad Congregationem*: apud Cherub. tom. 2. & apud Confectum fol. 226. Nec obstat dicere, quod S. Congregatio jussu Urbani VIII. anno 1628. declaravit, Regulares in vim suorum privilegiorum absolvere non posse à casibus in Bulla Cœnz contentis: quia tam prædicta, quam similes aliz declarationes Congregationis præfate debent intelligi respectu sæcularium, non autem Regularium, si eorum delicta sint occulta; nam in odiosis non comprehenduntur Regulares Prælati erga suos subditos; nisi in specie hi exprimantur: ut docent communiter D. D. & præcipuè Peyrinus tom. 1. §. 3. ad addit. ad Constit. Sixti IV. n. 30. & 37. Roder. tom. 1. q. 61. n. 9. Bordon. tom. 1. q. 10. resol. 2. Cortolan. de casib. reserv. p. 1. §. 1. art. 2. vide etiam quæ dicta sunt suprà tract. 1. cap. 6. n. 18. & infra n. 21.

18. Sub hæresi excepta in præcedenti resolutione non videtur comprehensa excommunicatio lata contra scienter legentes, retinentes, imprimentes, & defendentes Hæreticorum libros, hæresim continentes, vel de Religione tractantes, si hujusmodi delinquentes in aliquam hæresim formalem lapsi non fuerint, cum in tali casu non possint reverè dici hæretici; sed solum de hæresi suspecti; prout cum communi docet Diana p. 6. tract. 6. res. 1. §. 5. quapropter licet hujusmodi excommunicatio contra prædictos lata, sit Sedi Apostolicæ reservata, ab eadem tamen Provinciales Prælati suos subditos

tus utriusque sexus, ac Novitios absolvere valent, sicut valent absolvere eosdem de hæresi dumtaxat suspectos: ut docent *comm. D.D.*

19. Possunt pariter Provinciales absolvere ab illis quinque casibus, supra n. 17. exceptis; nempe: ab hæresi; schismate; falsificatione litterarum Apostolicarum, deportatione armorum ad infideles, & conspiratione facta contra Papam; illos suos subditos utriusque sexus, ac Novitios, qui propter aliquod legitimum impedimentum perpetuum, vel diuturnum Sedem Apostolicam adire nequeunt; nam quoties non patet aditus ad Summum Pontificem, vel ejus legatum, aut delegatum, nisi cum magna difficultate, & mora, potest poenitens ab inferiore absolvi, cum onere tamen comparandi coram Pontifice, vel legato personaliter, aut saltem per litteras, cessante impedimento: ut dicitur in *cap. Eos, qui de sent. excomm. in 6*; aliter reservatio, quæ pro bono Charitatis introducta est, contra Charitatem vergeret, & potestas retinendi peccata data, ut loquitur Apostolus, in ædificationem, esset in destructionem: hinc, quemadmodum ab Episcopis absolvi possunt ipsorum subditi, qui prædicto impedimento perpetuo, vel diuturno gravis ætatis, infirmitatis, paupertatis, aut alio simili physico, vel morali laborant, propter quod iter agere non valent; ita similiter Prælatus Regularis respectu suorum subditorum eadem facultate gaudent; alioquin Regulares pejoris conditionis essent Sæcularibus, quod certe noluit S. Pius V. qui ob illud

inconveniens relatum in sua Bulla; quæ incipit: *Romani Pontificis circumspicienda*: apud Cherub. tom. 2. & Confess. fol. 226. concessit Prælati Regularibus eandem potestatem, quam Episcopi in suos subditos habent.

20. Probabilis est etiam opinio, quod Provinciales possint in foro conscientie suos subditos utriusque sexus, etiam Novitios ab hæresi oculis absolvere, ut tenent plures D.D. & constat ex variis Apostolicis privilegiis, præcipue ex illo Societati Jesu à Gregorio XIII. concessio, quo Generali ejusdem indulgetur, ut à dicta hæresi oculis subditos suos absolvere possit, etiam si in eandem hi fuerint relapsi; prout habetur in *comp. privileg. dictæ Societ. V. absolutio*, §. 7. & refert Suarez tom. 4. de Relig. tract. 1. lib. 2. cap. 21. n. 2. qui docet pariter, Gregorium IX. & Adrianum VI. F.F. Minoribus idem privilegium concessisse; & refert Bassæus V. Abbas n. 8. aliudque privilegium ab Alexandro VI. Prælati Ordinis Minorum concessum refertur à Casarub. in *comp. privileg. V. absolutio Ordinis*, quoad Fratres §. 18. & Filliuccius tom. 1. tract. 8. cap. 10. n. 265. asserit, ita anno 1617. fuisse in S. Pœnitentiaria responsum, quibus adherent Peyrinus tom. 1. in concil. 4. Sess. IV. §. 5. n. 20. Fragosus tom. 2. lib. 11. disp. 24. n. 151. Palanus tom. 1. tract. 4. disp. 3. part. 3. §. 3. n. 1. Rodericus tom. 1. q. 20. art. 10. & alii. Nec dictis videtur oblatum decretum Urbani VIII. die 17. Novembris 1628. editum, in quo ea hæresis excipitur, nam ultraquam, quod

quod ibi restringitur facultas solum quoad Sæculares, non autem quoad Regulares, ut clare ex decreti verbis deducitur, & clarius infra in seq. resol. demonstrabitur; cæteri Romani Pontifices id non limitaverunt, neque quoad forum animæ revocarunt.

21. Privilegia quoad absolutiones Prælati Regularibus concessa, per Bullam Cœnæ, aut alia decreta posteriora minime revocantur, vel restringuntur, nisi quoad Casus publicos in eadem Bulla contentos, à suis subditis incursos (*exceptis s. supra n. 16. recensitis*) & quoad nullos Monialium subditarum; bene tamen quoad omnes tam publicos, quam occultos Sæcularium; ratio est, quia Summi Pontifices quoad Sacramentum pœnitentiæ volunt, quod Regulares à Prælati suis debeant, ne huc, illucque pro absolutione ire cogantur, quod est Religioni incommodum, & ipsis Religiosis valde perniciosum, ut dictum est *trakt. 1. de revocat. privil. cap. 6. n. 18.*, revocatio igitur quæ habetur in Bulla Cœnæ intelligi debet pro Sæcularibus dumtaxat, qui scilicet faciunt corpus fidelium: cum Religiosi sint pauci respectu eorum, & organa, quibus Pontifices ad illorum purificationem, & illuminationem utuntur, unde non videntur eos casus reservare, seu privilegia eorum revocare, præsertim, quia id sæpius iidem Pontifices sive concesserunt, sive declararunt: & Bulla Sixti V. & Clementis VIII. in suis derogatoriis appoluerunt hanc clausulam: *Nisi in eis, id est privilegiis, etiam casus præsentibus litteris expressè comprehen-*

*dantur*: Eadem interpretatio decretis S. Congregationis adhiberi potest ob easdem rationes, nempe ut reservatio, seu prohibitio cadat in Regulares, non ut pœnitentes, sed ut Confessarios, & in ordine ad Sæculares, quod de suis decretis declarasse Clementem VIII. & S. Congregationem, factum verbo cum ipso, testis est Peregrinus in *compen. p. 1. V. absolutio in schol. §. 1.* & tam de his, quam de declaratione Urbani VIII. colligitur ex eo, quod utraque loquuntur de casibus Bullæ Cœnæ, & de reservatis Episcopo eodem modo, ac tenore, unde cum de his non possint intelligi quoad Regulares, utpote qui reservationi Episcoporum subiecti non sunt, ita neque de illis, prout docent Bordonus *tom. 1. resol. 1. n. 17. Pelizar. tract. 8. cap. 2. sect. 1. Peyrinus tom. 1. privil. Minim. in const. 4. Sixti II. §. 5. n. 10. Cas. saing. tr. 3. cap. 3. prop. 2. & 3. Snares tom. 4. de Relig. lib. 2. cap. 21. n. 10. & alii*, Præterea Bulla Cœnæ prohibet tantum, ne quis prætextu privilegiorum à Censuris in illa contentis præsumat absolvere: prætextus autem est velamen, quo quis se moveri simulat ad aliquid agendum, ergo non excludit illud, quod efficitur legitima facultate interveniente, quæ in dictis casibus proculdubio intervenit, cum Regulares habeant vera privilegia nullatenus revocata.

22. Prælati Provinciales possunt dictas concessionem extra Sacramentalem Confessionem erga personas subditas utriusque sexus, Novitios; Tertiarios, Donatos, seu oblatos exercere, nam huiusmodi facultates

absolute eisdem sunt concessæ absque ulla restrictione, ergo cum ab illa præscindat, possunt revera illas absolute exercere: cum privilegium Principis sit ample interpretandum ut docent Roder. tom. 1. q. 17. art. 6. Diana 4. p. Miscellan. resol. 8. Portell. V. Prælatus ad absolvendum n. 27. immo possunt easdem aliis delegare, quia habent respectu earum jurisdictionem Ordinariam, ut constat ex usu illarum facultatum, & ex privilegiis Sixti IV. in favorem Minorum, Pauli III. in favorem Societatis Jesu, Gregorii XIII. & aliorum Summorum Pontificum; hujusmodi tamen delegatio exequi semper debet à delegato in actu Sacramentalis Confessionis, nisi in casu, quo absolutio detur pro foro externo tantum: Sanchez lib. 2. de matr. disp. 40. n. 14. Suarez tom. 4. de Relig. lib. 2. Joan. de la Cruz lib. 1. cap. 6. dub. 8. Lezana tom. 1. cap. 18. n. 46. & alii.

23. Possunt etiam dicti Prælati de jure communi sibi tum intra, tum

extra Retigionem Confessarium licet non approbatum, idoneum tamen eligere, qui eisdem à præfatis Censuris absolvat: ut constat ex cap. Ne pro dilatione, de penit. & remiss. peccat. ubi habetur: Ne pro dilatione penitentis periculum immineat animarum, permittimus Episcopis, & aliis Superioribus, nec non minoribus Prælatis exemptis, ut etiam præter sui Superioris licentiam prævidum, & discretum sibi possint eligere Confessorem, quæ quidem facultas talis est; ut quocumque statuto, & diplomate, Pontificio non possit auferri, etiam cum clausula: non obstantibus quibuscumque privilegiis; nisi dicti juris communis expressa derogatio fiat, quia hoc privilegium est in corpore juris insertum, & ex consequenti est jus commune, quod non revocatur; nisi ut dictum est, ita sentiunt Layman lib. 6. cap. 6. n. 4. Fagundes de præcep. lib. 7. cap. 2. n. 15. Barbosa, Felinus, & alii apud Viñam de dub. Regular. tract. 2. resol. 1. & 2.

## C A P. VI.

### *De potestate dispensativa in genere, quam habent Provinciales erga suos subditos.*

2. **P**otestas dispensativa in genere est facultas eximendi subditos ab obligatione legis, vel in toto, vel in parte; quæ quidem sicut & Generalibus, ita & Provincialibus, non solum jure communi, & ex officio, sed etiam ex pluribus privilegiis competit; natura autem dispensationis talis est, ut eam cogni-

tio causæ præcedere debeat, sine qua Prælati omnes, excepto Summo Pontifice, in materia gravi juris communis, aut præceptorum dispensantes, mortaliter peccant, & sic dispensati tali dispensatione, utpote nulla, & invalida, uti nullatenus possunt: prout docent Navarr. in Manual. cap. 12. n. 76. Capstan. in sum.



*Summ. V. dispensatio, Suarez de legib. lib. 6. cap. 18. n. 9. Miranda tom. 2. q. 30. art. 4. & alii.*

2. Ad legitime dispensandum duo copulative requiruntur: nempe autoritas in dispensante, & iusta causa in dispensando, quia cum Prælati non sit dominus potestatis spiritualis, sed dispensator dumtaxat in ædificationem, & non in destructionem; idcirco non ad libitum, sed prudenter cum causa rationabili potest ea uti; ut docet D. Thom. 2. 2. q. 88. art. 12. ad 2. Causæ autem dispensandi possunt esse septem, videlicet: tempus; utilitas publica, & interdum privata petentis; qualitas, meritum, & scientia personæ; necessitas; pietas; eventus rei, qui facit, ut aliquando jus non sit utile; scandalum multitudinis, & infamia supplicantis; de his, & aliis causis agit Sylvest. *V. Dispensatio* q. 1. n. 3. De iure tamen communi quatuor sunt, scilicet: Charitas christiana; urgens necessitas; debita obedientia; & Reipublicæ utilitas; sed cum una generali regula minime comprehendendi possint, ideo in particularibus casibus iudicio viri prudentis sunt pendenda; ita Roder. tom. 1. q. 13. art. 15.

3. Potestas Prælatorum Provincialium ad dispensandum cum suis subditis utriusque sexus, Novitiis, & Tertiariis, seu Donatis collegialiter viventibus eadem jure ordinario omnino est, sicut illa, quæ Episcopi erga suos subditos gaudent: non tantum ex concessione Tridentini sess. 24. de reformat. cap. liceat: sed etiam ex variis privilegiis, quæ late con-

gerit Bordonus tom. 1. resol. 10. n. 4. præsertim ex Bulla S. Pii V. quæ incipit. *Romani Pontificis circumspecta*: & ex alia ejusdem incip. *Dum ad Congregationem Cassinensem*, apud Cherub. tom. 2. immo in multis ampliozem esse asserunt communiter D. D.; alias Regularium status, qui ab Episcoporum jurisdictione exemptus est, peioris conditionis esset quam Sæcularium, si Prælati illorum hujusmodi potestate non fruerentur.

4. Possunt Provinciales dispensare cum subditis in omnibus observantiis Regularibus, causa iusta interveniente, dummodo per statuta id non prohibeatur; nulli enim reperitur prohibitio generalis arceam dictos Prælatos, ne valeant in præfatis observantiis dispensare, seu declarare hoc, vel illud, hic, & nunc non obligare, cum id pro bono Regularium regimine frequenter necessarium sit, & aperte ex jure canonico deducitur: cap. cum ad Monasterium, de stat. Monach. In tribus tamen votis essentialibus status Religiosi, & in aliquibus specialibus, quæ in nonnullis Religionibus sunt, quale est votum Minimorum de non comedendis carnibus, votum Trinitariorum de redimendis captivis &c. quæ quidem vota sunt hujusmodi Religionibus essentialia, dispensare nullatenus possunt: hancque veritatem probat pro utraque assertione Concilium Tridentinum sess. 25. de Regular. cap. 1. in quo dicitur: *Superiores non possunt, quæ ad substantiam regularis vite pertinent, relaxare*; igitur cum exceptio firmet regulam in contrarium, secundum mentem Con-

R

ci.

cilii possunt à Prælati dispensari ea, quæ regularis vitæ substantiam non attingunt: si vero talis facultas per Ordinis statuta limitata fuerit, tunc nisi in levioribus, & frequentioribus uti illa non possunt: ut docent *Lezana tom. 1. cap. 18. n. 54. Suarez de Relig. tom. 4. tract. 8. lib. 2. cap. 12. Roder. tom. 1. q. 26. art. 1. & alii.*

5. Cum inferiores nequeant in legibus Superiorum dispensare, idcirco Provinciales de jure communi relaxare non valent pœnas ab eodem jure pro aliquibus delictis, suis subditis impositas: poterunt tamen id facere virtute privilegiorum, quæ sæpè, ut infra dicitur, hujusmodi facultatem eisdem tribuunt, prout cum aliis docet *Sanchez lib. 6. confil. cap. 1. dub. 21. n. 10.*

6. Cum Provinciales Prælati habeant jurisdictionem quasi Episcopalem, idcirco sicut Episcopi ex concessione Tridentini *sess. 24. cap. 26. de reform.* possunt etiam præfati dispensare cum suis subditis in foro conscientie tantum in pœnis omnibus, & inhabilitatibus ad officia, & dignitates, ac privationibus officiorum, vocis activæ, & passivæ ab eisdem ob quælibet delicta contractis, etiam si hujusmodi pœnæ sint Papæ reservatæ, dummodo sint occultæ: ut constat ex Bulla 10. Sancti Pii V. incip. *Romani Pontificis*: apud consuetum fol. 126. & ex 129. ejusdem, incip. *Dum ad Congregationem Cassinensem*, apud Cherub. tom. 2. Neque requiritur, ut nonnulli asserunt, quod subditi inhabiles, & privati ante rehabilitationem, seu dictarum pœnarum dispensationem condi-

gnam pœnitentiam peragant; si alias à Prælati prudentia præditi, & regimini Religionis, vel Monasterii utiles judicentur: ita *Lezana tom. 1. cap. 18. n. 46. Suarez tom. 4. de Relig. lib. 2. tract. 8. cap. 12 n. 9. Sanchez in Decal. lib. 6. cap. 15. n. 18.* Adverte tamen, quod id non procedit in pœnitentiis à S. Pœnitentia impositis iis, qui ad eam pro hujusmodi, vel similibus dispensationibus recurrunt: pœnitentiæ enim à dicto sacro Tribunali taxatæ debent à pœnitentibus fideliter impleri, nec possunt Superiores Regulares easdem relaxare, neque minuire, cum per Judicis sententiam sint impositæ: idem dicendum de pœnit. impositis à S. Officio.

7. Absolutiones à Censuris; pœnisque peccatorum, & dispensationes super irregularitatibus, quæ à Provincialibus, aut Visitationibus communiter in visitationibus solent dari, profunt utique Religiosis in foro conscientie, nedum pro solis censuris, & irregularitatibus dubiis, oblitis, & ignoranter incurris, verum etiam pro certis, & sibi notis, occultis tamen, nam ad præfatas revera se extendunt autoritas, & privilegia Prælatorum, alias hujusmodi concessiones Apostolicæ v. n. æ, inutilis, & frustraneæ essent: verba enim illa, quibus in dictis, & similibus casibus utuntur Prælati, scilicet: *absolvo vos, vel dispenso vobiscum*: suum effectum proculdubio sortiantur: quia cum sint favorabilia, non sunt restringenda, sed potius amplianda, ita tenent *Lezana tom. 1. cap. 18. n. 93. Peyrinus tom. 2 q. 2. cap.*

cap. 3. n. 9. & 46. Roder. tom. 1. q. 20. art. 26. Sanctior. comment. in consil. cap. 2. stat. 14. fol. 99. Coronius lib. 2. contr. 7. cap. 6. & alii.

8. Licet Generales residere possint ubicumque voluerint, prout necessitas exegerit in suis propriis districtis; Ministri tamen Provinciales sine eorum licentia; juxta facultatem à Tridentino concessam *sess. 23. cap. 8. de reformat.* & sine justa causa ultra duos, vel tres menses sive continuos, sive interpolatos à suis Provinciis ab esse non possunt, & tunc cum conditionibus relatis supra cap. 6. de privilegiis Prælat. General. n. 11. ratio est, quia residentia personalis est de jure divino, ad quam, cum eodem jure teneantur Superiores etiam locales, scilicet Priores, Guardiani, Rectores, alique consimiles Prælati, juxta decretum supradicti Concilii Tridentini; idcirco Provinciales cum Superioribus localibus dispensare super ea non possunt, nisi cum causa, & conditionibus supra recensitis; vide Sanctorum de Melis comment. in stat. Ord. Minor. cap. 8. stat. 66. fol. 532. Roder. tom. 1. q. 22. art. 5. Miranda tom. 2. q. 9. art. 2.

9. Nequit Provincialis in foro externo cognoscere de injustitia dispensationis à suo antecessore subdito sine causa concessæ; solus enim Generalis punire potest tam dispensantem, quam dispensatum, qui hujusmodi invalida dispensatione usus est, si evidenter de defectu dispensationis constat; prout docet Suarez tom. 4. de Relig. tract. 8. lib. 2. cap. 3. n. 293.

10. Possunt Provinciales non solum dispensare cum causa in omnibus præceptis à Superioribus localibus subditis impositis, nisi aliter per Religionis statuta cautum sit, sed etiam minuire pœnas jure Ordinis taxatas pro delicto, de quo ipsi cognosceant; possunt; omnis enim Judex, qui potest de causa cognoscere; potest etiam ex causa pœnam alterare, & commutare: ut cum communi docet Sanctior, in exam. penal. distrib. cap. 2. de pœnis in genere, q. 5. vers. unum adnotaverim: Pellizar. tract. 9. cap. 3. n. 162.

11. Quando Provincialis confert aliquam Prælaturam, vel officium subdito inhabili ob aliquod canonicum impedimentum Provinciali notum, censetur saltem in foro conscientie cum illo dispensare, talis enim Prælaturæ, vel officii collatio est virtualis dispensatio, immo hujusmodi dispensatio etiam pro foro externo potest prodesse, si pro eo foro probari possit, justam causam dispensandi, aliaque requisita adfuisse: ut cum Suarior, & Roderico docet Lezana tom. 1. cap. 18. n. 63. Miranda tom. 2. q. 2. art. 14.

12. Possunt denique Provinciales secum dispensare in omnibus, in quibus possunt cum suis subditis dispensare, nisi jure speciali Religionis id prohibeatur, nam actus jurisdictionis gratiosæ, qualis est hic, cum juri nulli repugnet, exerceri in se ipsum potest: ita Sanchez lib. 3. de matrim. disp. 19. n. 7. Bordon. tom. 1. resol. 10. & alii.

## C A P. VII.

*De potestate, quam habent Provinciales,  
dispensandi cum suis Subditis super  
irregularitatibus, aliisque penis  
Canonicis.*

1. Irregularitas est Canonicum impedimentum, seu moralis inhabilitas Ordines suscipiendi, vel susceptos exercendi, ex solo jure proveniens: quæ quidem moraliter loquendo, non potest propriè dici censura, nam hæc tollitur absolutione, illa verò dispensatione, & licet aliquando imponatur per modum pœnæ, non ideo colligitur, quod sit censura: ut constat ex cap. *querenti* 20. de verb. signif. ubi hæc quæstio ab Innocentio III. expressè definitur. Dividitur in eam, quæ oritur ex defectu, & in eam, quæ oritur ex delicto; utraque tamen in varias species subdividitur. Notandum vero, 1. quod nulla irregularitas incurritur, nisi in casibus à jure expressis, 2. quod in actibus, per quos irregularitas incurritur, datur parvitas materiæ: 3. quod ad incurrendam irregularitatem tam ex defectu, quam ex delicto, non requiritur scientia juris, quia, ut dictum est, non est pœna, sed impedimentum, seu inhabilitas; 4. in dubio sive juris, sive facti nemo censendus est irregularis in aliis casibus præter homicidium; 5. irregularitas non incurritur ex delicto, nisi per actum, externum consummatum, & Mortalem: ita summ. D.D.

2. Irregularitas ex defectu dividitur in octo species, 1. est ex defectu Animæ; 2. ex defectu Corporis; 3. ex defectu Natalium; 4. ex defectu Etatis; 5. ex defectu Sacramenti; 6. ex infamia juris; 7. ex defectu Lenitatis; 8. ex defectu libertatis. Irregularitas ex delicto dividitur in sex species; 1. est ex iteratione Baptismi, 2. ex violatione Censuræ, 3. ex indebita Ordinum susceptione; 4. ex indebito Ordinum exercitio, 5. ex Hæresi, & Infamia ob notoria crimina; 6. ex mutilatione, vel homicidio, etiam indirectè tantum voluntario, de quibus omnibus consule D.D.

3. Prælati Provinciales habent privilegia ad dispensandum cum suis subditis in omnibus irregularitatibus, in utroque foro, ex delicto provenientibus, exceptis homicidio voluntario, bigamia, & mutilatione membrorum, quæ quidem facultas etiam ad Novitios extenditur: ut constat ex Monumentis Nostris Ordinis Minorum 1. *impress. fol. 64: & 2. impress. fol. 58. concess. 252 & fol. 240. concess. 57. & refertur in comp. privileg. dispensatio §. 12. & 13. præterquam quod hæc conclusio constat ex verbis expressis Bullarum Sixti IV. & Clementis IV. docet etiam illam P. An-*

tonius de Corduba in annotationibus ad dictum compendium v. *dispensatio* §. 24. Adversandum tamen, quod in dictis concessionibus datur expressè facultas ad dispensandum etiam cum Fratribus hospitibus, quod est maxima animadversione dignum, non enim semper fit, aut ubique conceditur in privilegiis, quod Prælati unius Provinciæ, vel Conventus dispensare possint cum Fratribus alterius Provinciæ, vel Conventus, nam omnes facultates, quæ ad dispensandum, communiter reperiuntur concessæ, dicunt, ut Prælati dispensare possint cum Fratribus sibi subditis, non verò cum hospitibus, qui prout ipsorum subditi non sunt; prout habetur in Bulla Pauli III. incip. *Lices debittum*, apud Cherub. tom. 1. & in Magno Minorum, quod incipit: *Regimini Universalis Ecclesiæ*, apud eundem Cherub. tom. 1. Unusquisque tamen consulat suæ Religionis Statuta; Minorum Observantium, & Reformatorum ex indulto Apostolico concedunt Generalibus, Provincialibus, eorumque Vicariis facultatem dispensandi super irregularitatibus præfatis, exceptis tantum illis, quæ ex homicidio voluntario, & bigamia proveniunt, vide Tract. 2. cap. 7 n. 3.

4. Quamvis de jure communi, & secuso privilegio, nullus præter Summum Pontificem possit dispensare super irregularitate ex defectu natalium proveniente, Prælati tamen Provinciales cum suis subditis illegitimè natis dispensare valent, nedum quoad Ordines suscipiendos, cum per professionem in Religione approbata hujusmodi irregularitas tollatur,

verum etiam quoad honores, gradus, Officia, & Dignitates (Generalatui semper excepto, ex Const. Innocentii XII. super facultatibus Majoris Pœnitentiarum) dummodo illos dignos judicaverint: prout constat ex Bulla Sixti IV. incip. *Regimini Universalis Ecclesiæ*, & Julii II. incip. *Virum conspicuum*; apud Cherub. tom. 1. ubi conceditur Generalibus, Provincialibus; eorumque Vicariis prædictæ facultas dispensandi cum illegitimè natis ex adulterio, sacrilegio, incestu, aut ex quovis alio illicito concubitu; & licet eadem facultas postea à Sixto V. eis sublata fuerit per Bullam, quæ incipit: *cum de omnibus Ecclesiasticis*, quamque Gregorius XIV. postmodum ad terminos juris reduxerit, ordinando tamen, ut hujusmodi dispensatio in Capitulo generali, vel provinciali fieret, anno verò 1591. idem Pontifex Const. incip. *Exponi Nobis*: Religiosis Societatis Jesu, & Const. incip. *Illius, qui pro gregis*, apud Cherub. tom. 2. Religiosis Infirmis ministrantibus absolutè, & absque ulla limitatione dictam facultatem concessit, qua per communicationem aliæ etiam Religiones fruuntur. Hoc tamen privilegio nos Religiosi Sancti Francisci Strictioris Observantiæ non utimur, sed servamus dictam Sixti V. Constitutionem, ut constat ex nostris Statutis cap. 1. editis, & acceptatis à Patribus vocalibus Reformatis in Capitulo generali 1639. & in Congreg. generali 1642. Romæ celebratis.

5. Super irregularitatibus ex alio quo enormi corporis, vel etiam animi vitio, & defectu procedentibus,

ex

ex quibus oriri scandalum posset, nequeunt Provinciales dispensare, scilicet cum subditis amentibus, Furiosis, Epylepticis, Lunaticis, Energumenis, enormiter Leprosis, Abilemiis deformiter Gibbosis, notabiliter Claudis, cum pede ligneo ambulantibus, digito pollice carentibus, morbo gallico laborantibus, manus tremulas habentibus, ita ut sit effusio nis periculum, cum omnino illiteratis, & similibus, quando durat tales defectus, hi enim nec congruè, nec decentè Altaris ministerio possunt deservire, neque cum Sodomitis notoriis, neque cum damnatis ad Triremes, postquam revertuntur, cum sint infames infamia juris, adeoque irregulares, idque propter scandalum, quod ex eo possunt oriri, quandoquidem à Triremibus ad Altare non datur regressus: ita *Lozana, tom. 1. cap. ib. n. 32. Tambur. de jure Abbat. tom. 3. disp. 15. part. 4. n. 3. Candid. tom. 2. disp. 24. art. 61. dub. 7.* Cum aliis tamen corpore vitiatis, dummodò non sit notabilis indecentia, vel corporis defectus non sit essentialis, vel grave scandalum non oriatur, dispensare valent, ut constat ex privilegiis relatis Sirti IV. in suo Mari magno, & Julii II. Bulla 26. incip. *Virtute conspicuos*; quæ habetur in Bullar. Emmanuel Roder. aliisque pluribus, & docent Bordon. tom. 1. resol. 11. n. 10. Diana part. 4. tract. 2. resol. 73 & alii.

6. Nequeunt Provinciales dispensare cum subditis, ut ipsi ad sacros Ordines promoveantur absque ætate legitima, de jure communi, innovato per Tridentinum, ad id requisita,

prout habetur expressè in *Clement general. de ætat. & qualit. & in dicto Tridentino sess. 23. de reformat. cap. 11. & 12.* ubi omnia privilegia ad hoc concessa revocantur, etiam pro foro conscientie, ut constat ex *prop. 36.* inter damnatas ab Alexandro VII. vide supra tract. 1. cap. 4. n. 13. Nihilominus tamen possunt dicti Prælati absolvere à suspensione; quæ suscipiendo Ordines ante ætatem legitimam, contrahitur; idque constat ex privilegiis Pii II. Bulla incip. *Cum ex Sacrorum*, & S. Pii V. Bulla incip. *Romani Pontificis circumspecta*: apud Cherub. & Confessum in collect. litter. Apostolic. fol. 226. hæc enim privilegia per Tridentinum non manent revocata, cum idem dumtaxat revocet ea, quæ concedebant, ut Regulares ante ætatem ibi assignatam ordinari possent, non verò ea, in quibus conceditur Prælati supradictis facultas suos subditos à dicta, aliisque suspensionibus absolvendi, ut docent Portell. v. *Ordin. suspensi* 14. Berdon. tom. 1. resol. 11. n. 26. Roder. tom. 1. q. 20. art. 14 & alii.

7. Quamvis dicti Prælati cum subditis bigamis bigamia vera, vel interpretativa dispensare non valeant, ut ad Sacros Ordines promoveantur, in bigamia verò similitudinaria tantum, quando quis scilicet post votum solemne Castitatis Matrimonium contraxit, & consummavit, bene possunt dispensare; ut constat ex cap. 1. *Qui Clerici, & Voventes*, ubi id etiam docent Panormitanus, & Præpositus, quos refert Navarrus in *Manuali cap. 27. n. 197.* & alii communiter; & ex Bulla S. Pii V. su-

supra relata ; non prohibentur tamen bigami, quicumque illi sint , Religio- nem ingredi, & professionem emit- tere , cum id nullo jure prohibitum, reperatur : ita Roder. tom. 1. q. 24. art. 2. Miranda tom. 2. q. 8. art. 2. concl. 3. Barbof. allegat. 49. n. 30. In casu tamen occulto, & ad virandum sca- dalum , probabile videtur , quod Provinciales dispensare possint cum subditis super irregularitate ex biga- mia vera, vel interpretativa orta, sed in foro conscientie tantum, ex privilegio Martini V. quod refert Joann. de la Cruz lib. 1. de stat. Relig. cap. 6. concl. 3.

8. Non possunt Provinciales cum subditis dispensare super irregulari- tatibus ortis ex infamia juris sive an- te, sive post ingressum Religionis, de quibus vide supra Tract. 2. cap. 7. n. 8. solus enim Papa in his dispensat, prout docet Navarrus in Manuali cap. 27. n. 204. quam conclusionem, probat ex cap. Infames cum q. ff. de regul. jur. in 6. super irregularitate, tamen, quæ oritur ex infamia facti, scilicet ex crimine aliquo gravi noto- rio, purgatâ iam per poenitentiam, & vitæ emendationem, dispensare va- lent ; nam res omnis per quascumque causas nascitur, per easdem dissolvitur, ex cap. 1. de regul. jur. cap. tes- tam. de testibus, & cap. Demino, di- stinct. 30. & docet Navarrus cap. 25. n. 75. & 76. R. der. tom. 1. q. 24. art. 6. Portell. v. dispensare n. 6.

9. Possunt Episcopi ad Sacros Or- dines promovere Regulares parum- litteratos, qui per litteras testimo- niales suorum Provincialium osten- dunt, se esse examinatos, & sufficien-

ter instructos, nec circa hanc rem, debent Episcopi scrupulis premi, tu- te enim eosdem deponere possunt, remittendo hujusmodi causam ad proprios ipsorum Prælatos, eorum- dem onerando conscientias ; nam, cum Tridentinum sess. 23. cap. 12. de reformat. non præcipiat, ut pers- ip- sos examinent Ordinandos, quin ve- rò possint id munus aliis committe- re, non est cur magis credant testi- monio examinatoris Clerici de Reli- giosorum sufficientia testificantis, quam litteris Regularium Prælatorum eadem de re fidem facientibus ; ade- st præterea privilegium post Tridenti- num Societati Jesu à Gregorio XIII. concessum, per Bullam incip. Pium, & mile : apud Cherub. tom. 2. & quamvis hujusmodi privilegii com- municatio cæteris Regularibus ab eo- dem Pontifice prohibeatur ; post ip- sum tamen alii posteriores Pontifices omnia privilegia confirmarunt, eo- rumque inter illos communicatio- nem absque limitatione concesserunt ; prout dictum est supra tract. 1. cap. 8. n. 8.

10. Cum Neophytis recenter bap- tizatis possunt Provinciales dispen- sare, ut ad Sacros Ordines promo- veantur post tempus ab eisdem Præla- tis assignandum, quod, ut Navarrus in Manual. cap. 27. n. 205 ex cap. si- cut Neophytus dist. 48. insinuare vi- detur, sufficit spatium decem, vel quindecim annorum plus, minusve, prout major, vel minor spes de eo- rum profectu habeatur ; & cum jura determinatum tempus non præscri- bent, possunt idcirco dicti Prælati ad officia, & Prælaturas Ordinis cum, præ,

præfatis dispensare, seu potius declarare, post dilationem temporis assignati irregularitatem cessasse: prout docent Filliuccius *tract. 19. cap. 7. q. 1. Suarez tom. 5. disp. 43. sect. 3. n. 5. Tolemus lib. 1. cap. 19. Reginald. lib. 30. n. 49.* Secus dicendum de filiis hæreticorum pertinacium, qui usque ad secundam generationem per viam masculi, nam inclusive, & usque ad primam per fæmineam censentur irregulares, & inhabiles ad ordines, officia, beneficia, & Prelaturas: ex cap. *Quicumque hæretici, & cap. statum de hæreticis in 6.*; id tamen intelligendum est concurrentibus duabus sequentibus conditionibus; prima, quod filii nati sint postquam eorum parentes in hæresim inciderunt, nam si antea nati sint, nec unquam parentum erroribus adhæserunt, non censentur irregulares; secunda; quod eorum parentes mortui sint in delicto hæresis: ut habetur in *supra cit. cap. & docent Navarrus consil. 27. de hæres. Sanchez lib. 2. cap. 27. n. 14. Vgolin. de irregul. cap. 36. §. 2. n. 6. Sayrus lib. 6. cap. 10. n. 4. & alii.*

11. Quamvis super irregularitate ex defectu lenitatis proveniente de jure communi solus Papa dispense, ex privilegiis tamen apostolicis possunt etiam Provinciales cum suis subditis dispensare, prout constat ex Bullis supra n. 3. recensitis, idcirco dicti Prælati cum his, qui in sæculo judicando, aut justitiam ministerialiter exequendo, ad mortem, vel membrorum mutilationem aliquem damnarunt, propter quod, effectu secuto, irregularitatem ex defectu lenitatis contraxerunt, dispensare

valent: idem pariter dicendum de occisione, vel mutilatione in bello iusto, & similibus; hujusmodi enim occisiones, seu mutilationes nec iniuste, nec illicitæ sunt: ita docent Cajetanus in *sum. P. irregularitas, Navarrus in Manual. cap. 27. n. 240. Rider. tom. 1. q. 24. ar. 8. Candidus tom. 2. disquisit. 24. art. 61. dub. 19. Bordon. tom. 1. resol. 13. n. 14. & alii communiter.*

12. Pessunt Provinciales cum suis subditis dispensare super irregularitate proveniente ex homicidio casuali, vel facto causa defensionis propriæ moderamen inculpæ tutelæ passim excedente, non solum pro foro conscientię, sed etiam in foro externo, sive hujusmodi homicidium sit occultum, sive sit publicum; prout constat ex Bulla Eugenii IV. incip. *Cum Monasteriorum*; Sixti IV. Bulla incip. *Regimi Universalis Ecclesiæ*; & Julii II. Bulla incip. *Virtute conspicuos*; quæ habentur in Bullario Emanuel. Roder. Homicidium autem casuale, de quo loquimur, est illud, quod non est directe, & per se volitum, sed indirecte, & per accidens, ut quando quis dans operam rei illicitæ non ex intentione hominem occidit, vel dans operam rei licitæ debitam diligentiam non adhibuit, ex quo genere homicidii licet oriatur irregularitas, non tamen est illa, quæ per Tridentinum *sess. 24. cap. liceat de reformat. excipitur*, ibi enim excepta intelligitur dumtaxat illa, quæ ex homicidio voluntario directe volito procedit, non autem ex casuali; ita docent Barbosa de off. & potest. Episcop. part.



2. allegat. 36. n. 47. *Bordon. tom. 1. resol. 13. q. 4. n. 15. Diana part. 4. traß. 2. de irregul. resol. 72. in fine. Avila de cens. part. 7. disp. 6. sect. 5. dub. 2. concl. 2. & alii.*

13. Non possunt Provinciales dispensare cum suis subditis super irregularitate ex homicidio voluntario, quantumvis occulto, proveniente, sive in iudicio nulla ratione probari possit, sed neque in notitiam hominis venire; huiusmodi enim irregularitas proculdubio est Summo Pontifici reservata; non autem Episcopis, ut nonnulli falso docuerunt, nam privilegia ante Tridentinum Regularibus ad id concessa, ab eodem, & à Pio IV. per Bullam, quæ incipit: *In Principis Apostolorum Sede*, in fine ejusdem Tridentini posita, revocata manent; ideoque licet Prælati Regulares eandem, quam Episcopi facultatem habeant dispensandi super omni irregularitate ex delicto occulto proveniente, ut constat ex privilegiis supra relatis, & ex præfato Tridentino; attamen cum ibi *sess. 24. de reform. cap. liceat*, pio Episcopis excipiatur ea, quæ ex homicidio voluntario occulto provenit, sive huiusmodi homicidium sit omnino occultum, sive sit occultum dumtaxat in ordine ad iudicium, nam lex Tridentini id non distinguit, ideoque asserendum est, pro Prælati Regularibus eandem pariter exceptam manere: ita fere *comm. D. D. & praxis Curia Romana* vide etiam quæ diximus *traß. 1. cap. 4. n. 13.*

14. Super irregularitate proveniente ex mutilatione occulta, & non deducta ad forum contentiosum

utique possunt Provinciales cum suis subditis dispensare, nam licet solus Papa olim super eadem dispensare, poterat, prout habetur in *fore cap. 1. de Clericis pugnans. in duel. & tradunt communiter D. D.*; postea tamen per Tridentinum *sess. 24. cap. 6. de reform.* illa sublata fuit, facultatem huiusmodi Episcopis tribuendo; cum ibidem solum excipiat irregularitas, quæ ex homicidio voluntario oritur, vel quæ ad forum contentiosum deducta est; propterea sicut Episcopi ex Tridentino facultatem habent dispensandi in præfata irregularitate, ita pariter Prælati Provinciales eadem facultate fiuntur; cum, ut sæpius dictum est, hi revera jurisdictionem quasi Episcopalem habeant, & per consequens possunt in suos subditos, quicquid Episcopi valent in suos, non tantum virtute præfati Concilii, verum etiam ex privilegio S. Pit V. Bulla incip. *Romani Pontificis circumscripta*; supra memorata: & docent *Roder. tom. 1. q. 24. art. 10. Diana part. 4. traß. 2. resol. 71. Portellus V. dispensare n. 7. Barbosa part. 2. allegat. 39. n. 49. & alii.*

15. Cum subdito irregulari, qui factus animati ab ortum procuravit, vel auxilium, aut consilium dedit, effectus secuto, minime possunt Provinciales dispensare; cum per Sixtum V. Bulla incip. *Effrenatam*, omnia privilegia ad id concessa revocata sint: & licet postmodum Gregorius XIV. Sixtinam constitutionem moderaverit per Bullam, quæ incipit: *Sedes Apostolica pia Mater*; apud Cherub. tom. 2. locorum Ordinarius,

S

Præ-

Prælatisque Regularibus facultatem tribuens absolvendi subditos ab excommunicatione ob huiusmodi delictum contracta: super irregularitate tamen ab eisdem incurſa, nullam facultatem dispensandi præfatis concessit: vide *cap. 7. tract. 2. n. 15.*

16. Possunt Provinciales cum subditis dispensare super irregularitate ex delicto occultæ hæresis, nunquam tamen publicæ, orta, huiusmodi enim facultatem ex nullo Canone, vel constitutione Apostolica apparet fuisse revocatam; idcirco sicut Episcopi, ut pluries dictum est, possunt cum suis subditis dispensare super omni irregularitate ex delicto occulto proveniente, excepta ea, quæ oritur ex homicidio voluntario, ita similiter dicti Prælati Regulares cum suis dispensare valent; prout constat ex *Trident. loc. cit. & ex privileg. supra relat.*

17. Super irregularitate proveniente ex delicto occulto indebitæ susceptionis, vel executionis Ordinum, a subditis suspensis, excommunicatis, vel ante legitimam ætatem, absque licentia, per saltum, furtive, aut ab Episcopo suspenso ordinatis, contracta, possunt Provinciales dispensare in foro conscientie tantum, idque constat ex *Trident. loc. cit. & ex Bulla S. Pii V. relata supra*; nec obstat quod Sixtus V. in sua Bulla incip. *Santum, & salutare*; apud Cherub. *tom. 2.* revocaverit privilegia Regularium ad absolvendos subditos sic male promotos, quia post ipsum Clemens VIII. Paulus V. & Urbanus VIII. motu proprio, & ex certa scientia præfata privilegia con-

firmarunt, & innovarunt cum illa clausula, *dummodo decretis S. Concilii Tridentini non adversentur*; cum autem constet ex eodem Tridentino *sess. 23. de reformat. cap. 12.* ea privilegia dictis decretis non adversari, idcirco tenendum est tanquam certum, Prælatos Provinciales prædicta facultate gaudere, non solum ad dispensandum in dicta irregularitate, sed etiam in illa, quæ ex baptismi iteratione contrahitur, dummodo ea sit occulta: ut docent Peyrinus *tom. 1. de privileg. in consil. Julii II. §. 16. n. 31. Lezana in Summ. p. 1. cap. 14. n. 21. Dian. p. 3. tract. 2. de dub. regul. resol. 85. Roder. in comp. V. dispensatio, §. 12. & alii.*

18. Quamvis Prælati Provinciales quoad absolutiones, ac dispensationes eandem potestatem habeant in Novitios, quam in professos, ut constat ex Marimagno Sixti IV. quod incipit: *Regimini Universalis Ecclesiæ*: apud Cherub. *tom. 1.*; ea tamen non nisi duabus concurrentibus conditionibus exercenda est; 1. quod Novitii propositum proficendi revera habeant; 2. quod si jam absoluti, & dispensati ante professionem ad sæculum redeant, teneantur comparere coram eo, qui alias de jure eisdem absolvere, & dispensare poterat; idcirco monendi sunt, ut se præsentent, ne iterum ob inobedientiam innodentur: ex *cap. Eos, qui de sent. excomm. in 6. & ita docent Roder. tom. 1. q. 24. art. 15. Sorbus V. Novitius, Sylvester, & alii.*

19. Nequeunt Provinciales deputare simplices confararios, etiam ab Ordinario approbatos; ad apertum.

rien.

riendas Sacræ Pœnitentiariæ litteras obſignatas, & directas Doctõribus in Theologia, vel jure Canonico, ſub quibus pariter comprehenduntur Lectores Theologiæ tum ſpeculativæ, tum moraliſ, per examen tamen juxta cujuſque Ordiniſ ſtatuta approbati, tamenſi officio lectoriſ actũ non fungantur; niſi hujusmodi deputatio eiſdem Provincialibus à ſiſ Generalibus expreſſè concedatur; prout conſtat ex privilegio à Gregorio XIII. Generali Societatiſ Jeſu conceſſo per Bullam, quæ incipit: *Exponi nobiſ*; relata in compendio ejuſdem Societatiſ *V. Confefſariuſ* § 3. quo privilegio cæteri Ordinum Regularium Generales per communicationem fruuntur; ſecus quicquid Provinciales egerint circa hoc, erit irritum, & inane ob authoritatiſ defectum; ita docent Roder. tom. 1. q. 63. art. 8. *Joan de la Cruz lib. 2. cap. 6. dub. 9. concluſ. 4. Paſqualig. tom. 2. deciſ. 414. n. 2. & alii communiter*. Generales vero, vel alii Prælati ab eiſ delegati tenentur hoc negotium viriſ litteratiſ, ac prudentibuſ committere, ut dictum eſt ſupra traſt. 2. cap. 2. de privil. Generalium n. 13.

20. Singuliſ anniſ feria 2. poſt primam Dominicam Quadrageſimæ poſſunt Provinciales in foro conſcientiæ cum ſiſ ſubdiſ diſpenſare ſuper quacunq; irregularitate, etiam ex bigamia vera, vel interpretati-  
va, ac mutilatione membrorum proveniente; nunquam tamen ex homicidio voluntario, & illicito, quomodocunq; occulto, neque in procedentibuſ ex defectibuſ à Tri-

dentino exceptiſ, cum omnia privilegia eiſdem adverſantia, ab eodem maneant revocata, ut ſupra ſæpiuſ dictum eſt; hoc privilegio gaudent dicti Prælati ex conceſſione Pauli III. in Bulla, quæ incipit: *Exponi nobiſ*; quam per extenſum refert Emmanuel Roder. in ſuo Bullario fol. 817. & licet hujusmodi conceſſio fuerit directè facta Generali, Abbatibuſ, Prioribuſ, & Præſidentibuſ Congregationiſ S. Benediſti Hiſpaniarum, aliorum tamen Ordinum Prælati eadem utique per communicationem gaudent. Adverte, quod in dicta Bulla quavis excipiantur caſuſ Bullæ Cœnæ, non propterea omneſ excepti intelliguntur, ſed illi quique dumtaxat enumerati ſupra cap. 5. n. 16. vide cap. 7. n. 19. traſt. 2.

21. Poſſunt Provinciales præſati omnibuſ facultatibuſ uti cum ſiſ ſubdiſ extra Sacramentum pœnitentiæ, extra territorium, immo & cum abſentibuſ, cum diſpenſatio ad juriſdictionem contentioſam non pertineat; prout docent Porrelluſ *V. diſpenſare in addit. n. 10. Sanchez lib. 3. de matrim. diſput. 19. n. 7. & ſeqq.*; fruuntur præterea authoritate acti-  
va, paſſiva, & commiſſiva ad diſpenſandum; Commiſſio tamen ſeu delegatio debet ſemper a delegato fieri in actũ Sacramentaliſ Confeſſioniſ: ita Lezana tom. 1. Cap. 18. n. 46. *Miranda tom. 2. q. 19. art. 7. Suarez de Relig. tom. 4. traſt. 8. lib. 2. cap. 12. n. 9. Roder. & alii*, referentſ privilegium Julii II. in Mari magno Miniorum; poſſunt denique in prædictiſ ſecum diſpenſare, cum non ſint deterioriſ conditioniſ, quam ſubdi-

ti, nec exercere huiusmodi jurisdictionem erga seipsum ulli juri repugnet; hæc enim nec contentiosa, neque Sacramentalis est, sed solum postulat directionem ex prudenti ju-

dicio ad perpendendam dispensationis causæ iustitiam: ita Sanchez *supra Bardon. tom. 1. resol. 10. Cardidus tom. 2. disp. 24. art. 59. dub. 7. Bellæsius P. dispensare n. 12. & alii.*

## C A P. VIII.

### *De facultate, quam habent Provinciales, irritandi, commutandi, & dispensandi Vota suorum Subditorum.*

**P**RO hujus Capitis intelligentia, & ut paretur via ad ea, quæ in sequentibus resolutionibus sunt dicenda, oportet in primis breviter præmittere, quod quinque modis tolli potest cujuslibet obligatio Voti: 1. per interpretationem, quando scilicet per epicheijam, quæ est juxta legis interpretatio, evidenter constat Votum non obligare: 2. per irrationem, quando Prælati, sive Superior, qui habet supra Voventem, potestatem dominativam, illud irritat, obligationemque sui subditi tollit: 3. per commutationem, quando non simpliciter, & absolute Votum, emissum dispensatur, sed in aliud opus bonum æquale, sive melius mutatur: 4. per dispensationem, quando juxta existentem causam Superior dispensat, eximendo subditum a Voti obligatione: 5. per cessationem, quando Votum est emissum ad aliquod determinatum tempus: quo completo, statim illius obligatio extinguitur: ita commun. D.D.

1. Inter irrationem, commutationem, & dispensationem latissi-

imum est discrimen, nam irritatio nullam causam requirit, sed mera voluntas illius, qui ad irritandum facultate, & potestate pollet, sufficit; cum facultas irritandi exerceatur per actum dominii, non vero jurisdictionis, prout intervenit in facultate commutandi, ac dispensandi; commutatio Voti in æquale causam aliquam requirit, licet minorem, quam dispensatio, si vero fiat in melius, tunc nulla requiritur causa; dispensatio autem, si sine iusta causa fiat, invalida erit, quia per illam omnino votum tollitur, ipsiusque obligatio relaxatur; causæ autem iustæ ad dispensandum sunt v. g. imperfectio actus, vel levitas, ac facilitas ad votendum, debilitas in vovente, vel difficultas notabilis in observatione Voti, necessitas ejusdem, bonum Ecclesiæ, utilitas communis, vel privata, & similes ad dispensandum, etiam si sint dubiæ, sufficiunt prout docent Sanchez in *summ. lib. 4. cap. 46. n. 2. Suarez tom. 1. de Relig. lib. 6. cap. 26. n. 6. Sylvest. v. dispensatio q. 14. n. 20. in fine.*

3. Fa-

3. Facultas præterea commutandi Vota differt à facultate dispensandi in hoc, quod quando à jure concessa est ad commutandum, ad dispensandum etiam extenditur; quando verò ea provenit ex privilegio, facultatem non tribuit ad dispensandum: at è contrario: eo ipso, quod per privilegium concedatur facultas dispensandi aliquod Votum, etiam ad idem commutandum eadem extenditur: ita Suarez de *Relig. lib. 6. de Voto cap. 12. n. 10. Sanchez lib. 4. Moral. cap. 49. n. 28. & alii.*

4. Possunt Provinciales jure ordinario, liberè, & absque ulla causa Vota simplicia suorum Subditorum irritare, ita D. D. communiter cum D. Thom. 2. 2. q. 88. art. 8. docente, quod nullus, qui alterius subditi potestati, potest validè votum emittere in illis, in quibus ipsi subiacitur, absque ejus consensu, & voluntate, quod si contrarium fiat, potest qui ejusmodi habet potestatem dominativam, tale votum irritare, nullumque reddere, quod expresse tenent Innocent. in cap. *Scriptura de Voto*. Possunt præterea Vota interna irritare, ne videlicet emittantur cum obligatione peccati, quæ semel irritata amplius non convalescunt; nequeunt tamen irritare Vota à Subditis emissâ transeundi ad strictiorem Religionem, secluso privilegio, ut constat ex Cap. *Non solum de Regul. in 6.* in quo datur libertas ad strictiorem, petita prius, licet non obtenta, à Superioribus licentia; prout cum communi docet Lessius *lib. 2. de just. & jur. cap. 40. n. 74. dub. 13.*

5. Habent Provinciales potesta-

tem inhibendi subditis, ne absque ipsorum licentia Votum aliquod emittant, cum per hoc non intendant bonum perfectius impedire, sed velint dumtaxat, ut id debitè fiat; si autem subditi inhibitione Prælati postposita, in materia sibi licita voveant, tenentur implere, nam Prælati prohibitio votum non annullat, cum multa prohibita fiant, quæ tamen facta tenent; Prælati verò Vota à Subditis sic emissâ irritare, vel suspendere potest; ut docent Suarez *tom. 2. de Relig. lib. 3. cap. 6. n. 25. Sanchez de Matrim. lib. 9. disp. 43. n. 10.*

6. Vota de Superiorum licentia à Subditis emissâ, vel ab eis confirmata, irritari sine causa minime possunt, si verò sine causa à Prælati irritentur: subditi liberi manent ab obligatione Voti, quia hujusmodi irritatio est valida, quamvis illicita, atque adeo dicti Prælati mortaliter peccant; ut docet Roder. *tom. 4. summ. cap. 136. n. 14.* Possunt tamen Successores irritare Vota Subditorum emissâ de prædecessorum licentia, cum hæc minime tollat potestatem Successorum dominativam, quam ipsi ad irritandum habent, idque sine causa efficere valent, si absque eorum licentia Vota fuerunt emissâ; aut non confirmata; possunt quoque Subditi sine ulla causa licitè Voti irrationem à suis Prælati petere, utuntur enim jure suo, nam sicut non peccant Prælati sine causa irritantes, ita neque Subditi absque ea irrationem petentes. Possunt præterea Superiores Prælati irritare Vota ab inferioribus Prælati confirmata, cum potestas major ab inferiori nec restringi, nec impediri ne-

nequeat ; ita *D. D. commun.*

7. Possunt Provinciales irritare, Vota à Subditis emissâ tempore subjectionis animo illa implendi tempore libertatis, v. g. extra Conventum, vel extra Religionem : ratio est, quia hujusmodi Vota cadunt sub Dominio Prælatis, qui supra Subditum semper habet plenam potestatem ad irritandum Vota, ita scilicet ut ea irritata, pro futuro tempore amplius non convalescant, cum omnem vim ligandi amittant ; quod etiam procedit in dubio, an tempore subjectionis, aut libertatis Vota fuerint emissâ : prout cum communi tenent *Ledesma tom. 2. traët. 19. cap. 7. dub. ult. Sanchez apud Dian. p. 9. traët. 8. resol. 15.*

8. Vota Subditorum, qui ad aliquam Dignitatem extra Ordinem, sunt assumpti, vel à Religione in perpetuum ejecti nullatenus possunt à Provincialibus irritari, hi enim potestate dominativa carent in Subditos, qui extra eorum jurisdictionem jam sunt positi ; si vero ad Religionem reversi fuerint subditi ejecti, tunc ipsorum Vota irritari poterunt, quia iterum potestati dominativæ manent subiecti ; Vota tamen Religiosi ad Cardinalatum, vel Episcopatum assumpti, qui postmodum dignitate se abdicavit, & ad Ordinem rediit, nec irritari, nec dispensari à Prælati Regularibus possunt, nam is à potestate prælatorum dominativa manet perpetuo exemptus : est *comm. D. D. sent.*

9. Quartum Votum de redimendis Captivis, de abstinence à carnibus &c. simul cum tribus solemnibus à aliquibus Regularibus emissum, &

à Summo Pontifice approbatum, per præfatos Prælatos irritari non potest ; nam hujusmodi Votum eadem, fere Solemnitate, qua alia tria, emittitur, & acceptatur, atque adeo pro Voto solemniter haberi debet. Possunt tamen à Prælati irritari Vota à Subditis emissâ de vitandis peccatis contra præcepta Decalogi, vel Ecclesiæ, vel Regule, de exequendis consiliis Evangelicis, excepto semper Voto assumendi strictiorem Religionem ; ratio est, quia voluntas subditorum in suscipiendis novis obligationibus debet esse perfecte dependens à mera voluntate Prælatorum, qui quidem irritando prædicta, & similia Vota tollunt dumtaxat majorem obligationem, quam subditi de illis servandis sibi imposuerunt ; prout docent Palaeus de *Voto disp. 2. part. 8. n. 2. Fagnan. in 2. præcep. Decal. lib. 2. cap. 34. Bordon. tom. 1. resol. 14. n. 2. Lezana tom. 1. cap. 18. n. 34. & alii.*

10. Nequeunt dicti Prælati irritare Novitiorum Vota, sive in sæculo, sive in anno probationis emissâ, cum hi potestati illorum dominativæ nondum sint subiecti, nisi Prælati, vel Magistris consentientibus Vota emiserint, tunc enim utrique ea irritare poterunt. Quando autem emissâ Vota sunt personalia impediencia Religionis obsequia, possunt à Prælati suspendi, & ita suspensa, non obligant ; si vero vota non impediunt, aut sint realia, v. g. de elargiendâ elemosyna de propria substantia, suspendi minimè possunt, quia Prælati super his potestate dominativa carent. In professione tamen omnia

vota Novitiorum expirant: prout docent commun. D.D. cum D. Thom. 2. 2. q. 88. art. 2. ad 1. *Suarez de Relig. tom. 2. lib. 6. de voto cap. 7. n. 11. Navar. in Manual. cap. 12. n. 65. & alii.*

11. Potest irritatio, vel commutatio, aut dispensatio fieri à Prælati extra Confessionem Sacramentalem, nam privilegia ad illam non restringunt, ubi enim lex non restringit, nec nos restringere debemus, excipiuntur tamen peculiare casus concernentes facultates, seu litteras Sacre Pœnitentiariæ, aliquæ expresse requirentes executionem in foro Pœnitentiali. Possunt præterea dicti Prælati hujusmodi facultatem aliis delegare: ita Sanchez lib. 4. *Decal. cap. 43. d. n. 16. & cap. 39. n. 12. & lib. 8. de matrim. disp. 34. n. 29. Suarez tom. 2. de Relig. tract. de voto. & alii.*

12. Prælati Provinciales, qui revera habent potestatem quasi Episcopalem, omnia subditorum vota simplicia commutare, ac dispensare valent; etiam ad Religionem strictiorem transiendi, dummodò iusta causa interveniat, cum hujusmodi Votum non sit simpliciter Religionis, sed strictioris dumeat: ut cum Navarro, & Soto docet Sanchez lib. 4. *Moral. cap. 42. n. 2. & licet non possint Vota peregrinationis Romanæ, Hierosolymitanæ, & Compostellanæ commutare, vel dispensare, nisi in casibus, in quibus Episcopi cum suis subditis id facere possunt, nihilominus ea irritare valent, aut ex causa suspendere, negando subditis licentiam peregrinandi; etenim irritandi,*

& dispensandi potestas est inter se distincta, nec una alteram impedit; prout tenent Miranda tom. 2. q. 32. art. 1. conclus. 3. *Portell. v. Voti dispensatio n. 42. Suarez tom. 2. de Relig. lib. 6. de Voto cap. 10. n. 17. & alii.*

13. Non requiritur, ut opera, in quæ Vota commutantur, sint omnino, & mathematicè æqualia, cum sufficiat æqualitas viri prudentis iudicio, seclusa tamen fraude, & ignorantia culpabili, præsertim si virtute privilegii commutatio fiat. In dispensatione vero, si dubitetur de causa iusta, tunc conscientie securitati consulitur, si aliquod leve onus iungatur, sicut in Pontificiis dispensationibus sæpissimè fit, idcirco tutius semper est partim uti dispensatione, & partim commutatione, cum difficilius sit cognoscere, an interveniat iusta causa ad dispensandum, quam ad commutandum, nam ad dispensandum requiritur semper major causa, quam ad commutandum, ut dictum est n. 2. in utroque enim prudentia requiritur: ita Sylvest. v. *votum 4. q. 8. Suarez lib. 6. de Voto cap. 12. n. 6. Azor. tom. 1. lib. 11. cap. 11. q. 4. Sanchez lib. 8. de Matrim. disp. 7. & alii.*

14. Omnia vota Novitiorum, Oblatorum, & Tertiariorum possunt à dictis Prælati dispensari, vel commutari; prout constat cum ex potestate spiritali, quam in illos habent, tum etiam ex privilegio Eugenij IV. Cisterciensibus elargito, per Bullam, quæ incipit. *Esse quaslibet*; re-latam à Casarub. in compendio privi. *V. dispensatio n. 27. quo per com-*  
mu-

municationem omnes alii Regulares fruuntur, & præterea idem extenditur ad vota peregrinationis Romanæ Hierosolymitanæ, & Compostellanæ, voto Religionis dumtaxat excepto; notandum tamen, quod ibi solum loquitur de Oblatis, Donatis, seu Tertiariis contra Ensilibus sub cura, & obedientia Prælato in Regularium dependentibus: ut docent Navarr. cap. 12. n. 65. Sanchez in summ. lib. 4. cap. 43. la Cruz in Epist. lib. 1. dub. 20. conclus. 3. Roder. tom. 1. q. 25. art. 8.

15. Possunt Provinciales irritare, commutare, ac dispensare vota suorum subditorum juramento firmata, nec non juramenta promissoria in honorem Dei facta, quæ revera sunt quasi quædam vota; non enim sunt distinctæ speciei; & sicut per privilegia possunt tollere votum, quod est principale, à fortiori poterunt tollere juramentum, quod est accessorium; idem dic de juramentis in favorem tertii factis de rebus, de quibus subditi nequeunt disponere; secus autem de quibus disponere valide, ac licite possunt, nam super illis irritatio, aut commutatio, vel dispensatio locum non habent in alterius præjudicium: prout cum communi affirmant Lezana tom. 1. cap. 18. n. 53. Suarez lib. 6. de voto. Cap. 14. n. 14.

16. Cum in commutatione, & præcipue in dispensatione votorum requiratur cognitio causæ, ad hoc ut utraque valide, ac licite fiat, idcirco oportet, ut Superior dispensans, seu commutans subditorum vota; præcognoscat quænam illa sint, nam

si deficiat voti cognitio, necessario deficiet cognitio causæ ad commutandum, vel dispensandum requisitæ; quapropter non sufficit, si Prælatus dicat subdito: *Dispense tecum in omnibus votis simpliciter que emisisti; vel commuto omnia tua vota in alia pietatis opera*; ignorans quænam sint illa vota. Secus autem dicendum in votorum irritatione, in qua non requiritur voti cognitio, cum ad irritandum vota non requiratur causa, sine qua potest Prælatus dicere subdito: *Irrito omnia vota tua, que emisisti. & que irritare præsum*; excipitur tamen votum ab ipso Prælato confirmatum, vel de ipsius licentia emissum, juxta supradicta n. 6. ita cum comm. Suarez tom. 2. de Relig. lib. 6. de voto. Cap. 15. n. 14.

17. Quando pro exoneratione conscientie subditi sufficit votum, commutare, illud nequit à Prælato dispensari, nisi in casu, quo subditus plura emisisset vota, pluribusque obligationibus ligatus existeret, quibus rectè satisfacere minimè possit, ac proinde probabiliter timeat ruinam ipsius: ita Roder. in summ. p. 2. cap. 100. n. 4. Suarez lib. 6. de voto cap. 17. n. 18.

18. Potest subditus absque auctoritate Prælati commutare votum suum in evidenter melius, & tunc potest id fieri sine ulla causa; excipe, nisi à Summo Pontifice prohibeatur, quemadmodum aliquando ab eodem prohibetur transitus à laxiori ad strictiorem Religionem absque Prælati licentia; commutare tamen votum in æquale non potest subditus sine causa, ac Prælati licentia; alias non ha-



habebit rationem virtutis, & honestatis hujusmodi commutatio; & multo magis requiritur causa, & licentia Prælati, immò & privilegium ad commutandum votum in minus æquale; ut constat ex cap. *Pervenit. de jurejur. & docent Corduba in Sum. q. 49. Suarez de voto cap. 19. n. 3. & alii.*

19. Cum potestas dispensandi sit ample interpretanda, ut late probat Sanchez lib. 8. de matrim. disp. 2. idcirco quando Prælatus de hujusmodi potestate dubitat, potest dispensare cum subdito, adhibitis prius diligentia, & consilio; quando vero dubium circa veram, & justam causam dispensandi versatur, tunc mortaliter Prælatus peccat, cum absque examine ejusdem temere dispensat, dispensatus tamen manet tutus in conscientia; quod si moralem diligentiam adhibeat, & adhuc maneat dubius, poterit licite dispensare, deponendo dubium, in quo credendum est, Ecclesiam piam matrem id concedere; ita Sylvest. V. Dispensatio q. 14. n. 20. in fine. Clavis Regia lib. 4. cap. 2. n. 25. Sæ V. votum n. 20. & alii.

20. Quamvis ad dispensandum, vel commutandum vota non præferantur certa verba, id tamen fieri semper debet à Prælatis verbis clare significantibus, quod agere intendunt; verba autem in significatione propria, & communi accepta sunt hæc: si causa exposita vera est, seu si vera sunt exposita: dispensato tecum in hoc, vel illo voto; vel commuo hoc, illud votum à te emissum in hæc, aut illa opera pietatis &c.

21. Possunt Provinciales de jure communi, & ex privilegiis dispensare in omnibus præceptis Ecclesiasticis, in quibus possunt Episcopi cum suis subditis, iusta interveniente causa; ut in jejuniis, in divino officio, in servitio Chori, ut in die fastolaborent, & similibus, idque constat ex privilegiis Eugenii IV. Sixti IV. Julii II. & præcipue S. Pii V. Bulla incip. *Romani Pontificis circumspecta*; apud Cherub. tom. 2. in qua concessio facta Episcopis à Trident. sess. 24. cap. 6. extenditur ad Prælatos Ordinis Prædicatorum, & per communicationem etiam ad aliorum Ordinum Prælatos; cum enim Episcopi ex vi dictæ concessionis possint instante necessitate subditos suos in præfatis dispensare, consequenter poterunt Prælati Regulares cum suis eadem facultate uti: ita docent Suarez tom. 4. de Relig. lib. 2. cap. 12. n. 14. & 17. Lexana tom. 1. cap. 18. n. 55. Bordonus tom. 1. resol. 10. n. 6. & resol. 18. n. 7. Fragos. part. 2. lib. 11. disp. 24. §. 7. & 15. & alii: vide etiam supra cap. 6 n. 4.

22. Possunt Provinciales deputare subditos Confessarios ab Ordinario approbatos, ut ad petendum licite debitum conjugale possint dispensare cum conjugibus, qui post contractum matrimonium incellum commiserunt usque ad 2. gradum consanguinitatis, vel affinitatis inclusive, tam ex cognatione spirituali, quam ex carnali proveniente, & cum illis, qui post emissum votum castitatis matrimonium absque dispensatione contraxerunt, vel post contractum matrimonium casti-

tatem voverunt, eo modo, quod dictum est supra traët. 2. cap. 8. n. 24. in Generalium facultatibus; idque constat ex pluribus privilegiis relatis à Lezana tom. 1. cap. 19. n. 25. Bordon. tom. 1. resol. 6. n. 23. Roder. Tambur. Diana, & alii communiter, & hujusmodi facultas non expirat mortuo, vel amoro Provinciali ab officio, & licet nonnulli asserant, prædictum Provincialis deputationem non requiri, contrarium est verius, ut constat ex concessione

S. Pii V. quam refert Roder. tom. 1. q. 63. art. 1. & 2. Anacletus Rein-festuel traët. 6. dist. 3. q. 4. n. 48. Adverte, quod etiam si dictæ concessiones fuissent vivæ vocis oraculo factæ, sicut est Hæc S. Pii V. attamen, quia ante revocationem oraculorum erant jam effectum suum sortitæ, idcirco nullo modo revocatæ remanent, prout constat ex Bulla Gregorii XV. oraculorum revocatoria, incip. *Romanus Pontifex: in calce* §. 1.

## TRACTATUS IV.

### De Privilegiis Superiorum Localium.

#### C A P. I.

##### *De potestate in genere. & directiva Superiorum Localium.*

1. UOD Superiores Locales, nempe Priores, Guardiani, Rectores, & consimiles, sint veri Prælati, jam dictum est supra traët. 2. Cap. 1. n. 1. & seqq. & est communis D.D. opinio; hi enim habent curam Animarum cum potestate, & jurisdictione Ordinaria in utroque foro erga subditos, quæ quidem dimanat ex proprio officio, & beneficio Legis, vel ex indulto Apostolico eis in perpetuum concessio, aut ab electione multorum in Domino le-

gitimè Congregatorum; quæ proculdubio jus, ac potestatem habent eligendi Superiorem, à quæ regantur, & cui pariter obedire teneantur; utroque enim modo fit, & attenditur Ordinaria potestas, quæ ad constituendum verum Prælatum sufficiens, ac necessaria est; prout constat ex cap. *Decernimus de Jud. & Glos. v. Ecclesie Præl. cap. final. de penit. & remiss. & docent Suarez tom. 4. de Relig. traët. 1. lib. 2. cap. 2. Pryrinus tom. 2. de Prælat. q. 1. cap. 4. §. 4. n. 72 Rodericus in compend. resol. 114 n. 12. & alii communiter sine controversia.*

2. Habeant Prælati locales tantam  
in

in suis Conventibus potestatem, quantum habent Provinciales in suis Provinciis, & Generalis in universo Ordine, nisi eisdem hujusmodi potestas limitata fuerit; prout legitur in comp. privil. V. Guardianus, & tenent Corduba q. 4. in cap. 8. regn. la Minor. Sylvest. V. Prælati 5. 2. Roder. tom. 1. q. 12. art. 6. Miranda tom. 2. q. 19. art. 1.; quæ quidem non solum est dominativa, sed etiam directiva, coactiva, absolutiva, dispensativa, & quasi Episcopalis, & licet sit minor intensivè, & extensivè, quam illa, quæ in Prælati Provincialibus reperitur, tanta tamen, quanta pro gubernatione, seu directione suorum Monasteriorum, vel conventuum necessaria est, nisi in aliquibus expresse prohibitionem habeant à Prælati majoribus, quibus subiiciuntur, vel à Generalibus constitutionibus, quibus subordinantur; ita Suarez tom. 3. de Relig. lib. 2. cap. 18 n. 6. & seqq. Bussæus V. Prælati n. 2. Bordon. tom. 2. resolut. 66. n. 6. & alii commun.

3. Quamvis Prælati Conventuales, seu Locales per se soli de jure communi nequeant condere leges perpetuas, immo neque de sui Capituli, seu discretorii consensu, ut docent comm. D. D.; possunt tamen ex iusta causa subditis suis præcepta imponere, ipsosque excommunicare sive in communi, sive in particulari durante tempore officii; ut docet Lezana tom. 1. cap. 18. n. 22. & 90.; & quod in nostro Ordine Minorum idipsum possunt facere Guardiani, constat ex Capitulo Generali Salmanticensi anno 1553. celebrato sub

Julio III. relato à Gubernatis in Orbe Seraph. tom. 3. fol. 323. in fine cap. 7. per hæc verba: *Degmatizantes etiam, quod Ordinis Prælati, in quorum numero censendi sunt Guardiani, non possint ligare subditos censuris Ecclesiasticis, eosque excommunicare, actibus legitimis sint privi: peccant tamen graviter Superiores excommunicationem ferentes, non servata juris forma, scilicet quod præcedat trina monitio &c.* prout dictum est supra tract. 3. cap. 5. n. 2. & 3. & tract. 2. cap. 5. n. 2. & 3. excommunicatio vero valida erit dummodo præcedat aliqua monitio; ut tenent Lezana tom. 1. cap. 18. n. 22. Suarez tom. 5. in 3. part. disp. 3. sect. 13; Suspendere tamen, vel interdicere, subditos non est eis concessum, quia id Prælati majoribus dumtaxat competit.

4. Peccant mortaliter dicti Prælati, si sine gravi causa imponant subditis præcepta sub mortali obligatione, abutuntur enim potestate eis data non in destructionem, & perniciem, sed in ædificationem subditorum suorum; non sint igitur faciles in illis imponendis etiam pro materia gravi, neque frequenter, cum sic magis contemnuntur, quam tormidentur; ita Badius V. Prælati n. 12. Girag. p. 3. dub. 50. n. 300.

5. Nequeunt Prælati actus pure internos subditis præcipere, bene tamen mixte internes, nam tunc actus interni per accedens cum externis imperantur, neque possunt suis præceptis subditos obligare, ut se exponant probabili vitæ periculo, materiæ præceptæ per se non anne-

10; quando autem hujusmodi periculum annexum est, ut tempore pestis, tunc deficientibus Parochis, aliisque Clericis, qui bono Spirituali fidelium peste laborantium occurrant tenentur Prælati Ordinum Mendicantium mittere Subditos ad loca Diocesis peste infecta; ut fidelibus in Spiritualibus Succurrant; prout cum D. Thom. & aliis docent Delbene tom. 2. cap. 19. dub. 3. sect. 2. n. 52. Bassani V. Prælatus n. 5. 6. & 13. Pellæar. tract. 5. cap. 12. n. 30.

6. Præceptum Superioris Localis impositum subdito per verba ambigüe imperativa non obligat sub mortali, nisi eo modo, quo obligant Regula, vel Religionis statuta, aut etiam consuetudines: quod si Prælatus aliud intendat, debet id expresse notificare; ut ait Peyrinus de subdito q. 1. cap. 5. §. 4. dist. 1. Quando autem inter Superiorem, & subditum varietas opinionum versatur, probabilior est, subditum teneri obedire, suam opinionem probabilem relinquendo, ac probabilem Superioris sequendo, quia tenetur obedire, quoties potest sine peccato, ut in tali casu supponimus, cum superior habeat jus præcipiendi quod licitum, & honestum, est: ita Salas in 1. 2. tract. 8. disp. unica, sect. 8. n. 6. Thom. Hurtado tract. 3. cap. 5. n. 193. Dian. & alii.

7. Non potest Superior Localis subdito imponere præceptum, ex quo possit oriri scandalum, neque in tali casu tenetur ei subditus obedire, ut docet Peyrinus de subdito q. 1. cap. 7. potest tamen suo præcepto, immo & censuris subditum obligare, etiam

cum juramento, ut detegat quidquid scit, vel credit probabiliter ab aliis Religiosis committi contra regulam, vel statuta Ordinis, aut leges Ecclesiasticas, cum in hoc limites sue jurisdictionis non excedat; prout cum Roderico docet Tambur. de jur. Abb. tom. 2. disp. 21. q. 3. n. 1.

8. Cum Superiores Conventusales habeant jus applicandi omnia subditorum sacrificia, ut oneribus, & obligationibus Monasterii, seu Conventus satisfacere valeant, idcirco si subditi renuant sine justa causa celebrare, vel sacrificia juxta eorum intentionem applicare, possunt subditis, etiam sub pœna excommunicationis, non tamen reservatæ, præcipere ut quotidie ad intentionem ipsorum Superiorum celebrent; id enim quod præcipitur est de re licita, & justa, bonum commune Religionis concernens: ita cum aliis Hurtado tract. 2. cap. 2. resol. 3. n. 26.

9. Nequeunt præfati Superiores licentiam concedere ingrediendi clausuram Monialium Regularibus subjectarum, nisi hujusmodi facultas à Generalibus, vel Provincialibus eisdem fuerit commissæ, locales enim talem auctoritatem à jure non habent, cum Superiores Monialium, non sint, soli igitur Generales, vel Provinciales, aut alii, quibus committere voluerint, licentiam concedere valent, qui in Moniales sibi subjectas, eandem auctoritatem, ac potestatem sicut in fratres exercent, visitando, corrigendo, ligando, atque solvendo; ut bene notat Sanctiorus Commens. in stat. Ord. Min. cap. 11. stat. 7. fol. 596. q. 1. in fine.

ne. Confessarius cap. 6. de Monast. Monial. non ingred. fol. mibi 452.

10. Non possunt Conventuales Superiores per se soli procedere, vel disponere de rebus, quæ de jure ad Monasterium, seu Conventum pertinent, nisi prius Capituli consensus accedat; ut constat ex cap. *Quod quibusdam*. Secus quicquid gestum fuerit invalidam erit, & absque loci præjudicio. Possunt tamen, immo debent de superfluis Monasterii elemosynas pauperibus largiri; etsi superflua non sint, possunt moderatas facere judicio viri prudentis: consule D.D. qui de re tractant, præsertim Vazquez *opusc. de elemosyna* Cap. 4. n. 11. Roder. Peyrin. & alios.

11. Possunt dicti Superiores applicare aliis, præcipuè benefactoribus opera bona suorum subditorum, etiam ipsis renitentibus, idque non solum ex privilegio, verum etiam de jure communi; quia habent dominium super voluntates suorum subditorum ratione voti obedientiæ ab eisdem emissi, & per consequens possunt quibus voluerint eorum opera meritoria applicare: ut docent D. Thom. in 4. dist. 20. q. 1. art. 1. *Corduba in quæst. Regul. lib. 5. Bassens V. suffrag. n. 1. & alii*.

12. De jure Communi habent Prælati locales potestatem instituendi Confessarios pro suis dumtaxat subditis, nam erga eosdem jurisdictione quasi Episcopali fruuntur, etiam pro foro externo, ut dictum est; & docent Suarez tom. 4. de Relig. tract. 8. lib. 2. cap. 15. n. 4. *Boradons tom. 1. resol. 4. n. 15. Pelizar.*

tract. 8. cap. 2. n. 30. Ex jure tamen speciali ferè in omnibus Religionibus hujusmodi institutio, seu approbatio solum ad Generales, vel Provinciales spectat, unusquisque igitur consulat suæ Religionis statuta, & Regulas tam quoad instituendum confessarios pro Regularibus, quam etiam ad præsentandum eosdem locorum Ordinariis pro confessionibus Sæcularium; in Ord. F. F. Prædicat. & Minor. nequit talis præsentatio vel institutio fieri, nisi à Generalibus, vel Provincialibus, ut constat ex Clement. *Dudum de sepult. lib. 3. tit. 7. §. statuimus*.

13. Possunt Superiores Locales pro suis respectivè Conventibus conservatores eligere absque Generalium, vel Provincialium licentia, nam constitutio Gregorii XV. quæ incipit: *Santissimus Dominus noster*; apud Cherub. tom. 3. modum in conservatorum electione tradens, non specificat personam Regularem, quæ possit, & debeat conservatorem eligere, sed loquitur indefinite, *Regulares*; videnda tamen sunt uniuscujusque Ordinis statuta, & privilegia; Apud Minor. Observ. & Reform. videtur restricta ad Provinciales, privative quoad Guardianos ex constitut. General. Ord. cap. 12. §. 21. ubi Provincialibus præcipitur, ut infra spatium sex mensium pro unoquoque loco conservatores nominent, & eligant; ex qua locutione universali, pro unoquoque loco, deducitur, excludi Superiores Locales; ut bene notat Mattheuc. *Official. quoad Conservas. n. 15.*

14. Possunt dicti Prælati Con-

ven-

ventuales creare Notarios Religio-  
sos subditos pro intimandis manda-  
tis, privilegiis, concessionibus, &  
indultis Apostolicis concessis Ordini-  
bus Regularibus, tam personis Ec-  
clesiasticis, quam Sæcularibus, etiam  
speciali nota dignis; necnon pro  
causis suorum subditorum Criminalibus, ita ut illis tanta fides adhiberi  
debeat, quanta Notariis Sæcularibus:

ut constat ex Bulla Sancti Pii V quam  
per extensum refert Roder. tom. 3.  
q. 8. art. 1. & Cherub. tom. 2. pag.  
336. ubi contradicentibus apponun-  
tur pænz; Religiosi tamen crean-  
di in Notarios debent esse idonei,  
nec non juramento fidelitatis adstri-  
cti: ita Portellus *V. Notarius* n. 1. &  
*seqq. Lezana tom. 1. cap. 18. n. 95.*  
*Peyrinus de subdito, q. 1. cap. 3. §. 8.*

## C A P. I I.

### De potestate coercitiva Superiorum Localium.

**D**E jure communi, & ratione  
jurisdictionis Ecclesiasticæ  
omnes Superiores locales habent in  
suis respectivè Conventibus, seu Mo-  
nasteriis perfectam, & quasi Episco-  
palem potestatem coercitivam, tam  
pro foro interno, quam pro externo,  
ita ut possint subditos suos ligare,  
Censuris, corrigere, & punire, ut  
patet ex usu, & privilegiis omnium  
Religionum exemptarum. De jure  
tamen speciali, id est secundum Le-  
ges, & Constitutiones uniuscujusque  
Religionis, immo & limitationes Su-  
periorum majorum hujusmodi coer-  
citiva potestas valde restricta, & li-  
mitata manet: ita Suarez tom. 4. de  
Relig. tract. 8. lib. 2. cap. 9. n. 3. Le-  
zana tom. 1. cap. 18. n. 2. & alii com-  
muniter.

2. Prælati Conventuales, seu Lo-  
cales existentes in suo Conventu pos-  
sunt de jure communi exercere juris-  
dictionem coercitivam, & conten-  
tiosam extra illum contra subditos in  
alieno Conventu existentes, præce-

ptis, & Censuris eos ligando; ut cum  
Roder. & Bonac probabilius docent  
Bordon. tom. 2. resol. 78. n. 53. *Del-  
bene tom. 2. cap. 12. dub. 1. sect. 1. n.*  
*21. & innuit Trid. sess. 25. cap. 14.*  
ratio est, quia dicti Prælati sunt suo-  
rum Subditorum Judices simpliciter,  
& independentes à loco, ergo ubi-  
cumque Subditi deliquerint, possunt  
puniri, & pænas infl. ctas incurrere;  
dixi de jure communi; quia si in ali-  
quibus Religionibus denter regulæ,  
seu Statuta in contrarium, illa viden-  
da sunt; & observanda, hæc enim  
nequeunt certa regula definiri, cum  
ab humanis Legibus pendeant, quæ  
quotidiè juxta diversa tempora va-  
riantur.

3. Potestas Superiorum Localium  
supra suos Subditos Apostatas, & fu-  
gitivos est tanta, ut ubicumque exi-  
stant, etiam extra Territorium. pos-  
sint eos realiter capere, victosque  
in suos respectivè Conventus addu-  
cere, invocato ad hoc, si opus fue-  
rit, brachii Sæcularis auxilio, quod  
qui-

quidem Judices sæculares prælatos tenentur, immo ad id cogi possunt per Judices Conservatores; ut patet ex pluribus privilegiis, præcipuè ex illo à S. Pio V. concessò, quod per extensum refert Lezana tom. 1. cap. 6. n. 6. aliisque relatis à Roder. tom. 1. q. 30. art. 6. ex quibus manifestè colligitur, dictos Prælatos non solum suos Subditos Apostatas, & fugitivos capere, inquirere, & cogere posse, ut ad Ordinem redeant, sed etiam omnes alios sui Ordinis Apostatas, & fugitivos, ubicumque eos sine licentia in scriptis invenerint: ita constat ex usu, & Constitutionibus nostræ, & aliarum Religionum, & tenet Roder. cit. loc. Peyrinus tom. 1. privil. ad Const. 1. Julii II. n. 97. Pelizar. tract. 8. Cap. 8. n. 36. Fraet Minor perpendat Ordinis Statuta. Cap. 2.

4. In illis casibus, in quibus Superiores locales ex privilegio, usu, consuetudine, vel statuto possunt contra suos Subditos procedere, nequeunt à Superioribus Provincialibus impediri, ne procedant contra ipsos ulque ad sententiam diffinitivam exclusivè, vel interlocutoriam, habentem vim diffinitivæ, cujus gravamen per appellationem reparari nequeat; sed neque invitis Superioribus localibus possunt Provinciales ad se advocare causas coram illis moras, nisi ob gravem, & justam causam à lege permissam; quæ conclusio probatur à simili ex Trident. sess. 24. cap. 2. de reformat. & ex nostris statutis generalibus Barchionensibus Toleti reformatis tit. de Officiis; ubi præcipitur Prælati Superioribus, ne se contur-

bent ad invicem in suorum munerum, seu officiorum executione, sed potius Superiores inferiores Prælatos adjuvent, illos in officiis, & causis non impediendo, neque se in illis ingerendo, sic enim ad vitanda plura inconvenientia postulat suavis Religionis gubernatio: ita Portell. v. Prælati potestas. n. 8. in addit.

5. Possunt de jure communi, & ob gravia delicta Superiores locales carcerare subditos suos, vel in domo disciplinæ detinere, ne fugam arripiant; & interim Superiorem Provinciale mone, ut quid agendum sit, ab eodem decernatur. De jure tamen speciali, videnda sunt uniuscujusque Ordinis Statuta; Guardiani Ordinis Minorum tenenter servare cautelas in ejusdem Constitutionibus positas apud Sanctorem de Melphi comment. in stat. cap. 1. stat. 4. §. 18. & 19. & cavere debent à nimia facilitate puniendi hujusmodi poena, quæ revera gravissima est, & excepto casu inobedientiæ contumacis non debet infligi absque processu saltem informativo; nec sufficit sola suspitio, aut præsumptio delicti, sed requiritur notorietas facti, quæ omnes juris solemnitates excludit: ita cum Sanct. loc. cit. Bordon. tom. 2. resol. 58.

6. Animadvertere summopere debent Superiores Locales, se esse suorum Subditorum Patres, non Dominos, atque adeo debere tanquam Patres adhibere salutarem, & paternam correctionem, vel punitionem in filios. Non sint igitur turbulentii, auxilii, nimis zelotipi, aut nimis suspiciosi, & vigiles, ut advertit S. Benedictus in sua Règula cap. 64. loquens

quens de Superiore Monasterii; neque exploratores instituant, ut facta Subditorum observent, ac deferant, inde enim odia, & dissensiones oriri solent, quinimmo Charitas dictat, Superiores debere nonnunquam aliqua Subditorum leviora peccata dissimulare, ut postmodum, cum opus sit correctione, aut punitione, hæc in Subditorum majus bonum spirituale cedant, sit propierea eorum vigilantia prudens in morum inquisitione, ne regulas Charitatis, ac discretionis excedant: ita cum aliis Raggius *part. 3. dub. 13. n. 100.*

7. Quando Superiores Conventuales probabiliter suspicari possunt de nimia familiaritate, vel inhonesto consortio alicujus subditi extra Conventum, non solum possunt, verum etiam tenentur adjungere ei socium fidelem, qui actiones ipsius exactè observet, & ab eodem in Conventum reverso quid rei actum sit diligenter perquirant, prout habetur in *Const. 60. Clementis VIII. de reform. Regular. incip. Nullus omnino*; apud Cherub. *tom. 3.* idque vigilantia pastoralis exposulat, ut medela correctionis, & interdum punitionis aggro tempestivè adhibeatur, atque scandalum vitetur, quod si adhibita morali diligentia delictum probari non possit, tunc dicti Superiores debent ab ulteriori inquisitione desistere, & Subditum suaviter monere, ut cautè, & religiosè deinceps procedat, ita cum aliis Raggius *part. 3. dub. 7. n. 72. & 73. Pasqualig. tom. 2. decis. 461. n. 78.*

8. Nequeunt Superiores Conventuales subditos suos privare offi-

ciis, seu ministeriis, quæ exercent; ob solam suspicionem, vel indicium de aliquo delicto ab eisdem commissio, quando ex tali privatione periclitari potest subditorum fama, quam unusquisque tenetur non lædere; nam licet dicti Prælati absolute possint Sacrifam, Janitorem, Quæstorem, & similes à suis muneribus amovere, concurrentibus tamen suspitione, indicio, vel inquisitione de delicto, id nullatenus facere possunt, nec debent, cum ita daretur intelligi, subditos à suis muneribus amoveri intuitu delicti nondum probati, quod profecto esset eorumdem famam denigrare: ita cum multis Pasqualig. *tom. 2. decis. 461. Raggius part. 3. dub. 6. n. 66 & 67.*

9. Delicta subditorum occulta, Superioribus Localibus revelata ut patribus, nequeunt sine gravi culpa ab eisdem revelari, aut puniri, vel juridica interrogatione scrutari, sed tantum possunt ut patres monere, ac suaviter corrigere filios, ut si delinquentes fuerint, curent de cætero à reincidentia se præcavere, verumtamen quando hujusmodi correctio non prodest, vel cum agitur de re gravissima, aut de promovendo aliquem, ad Prælaturam, officium, vel beneficium, tunc non solum possunt, verum etiam tenentur dicti Superiores subditorum crimina Prælati majoribus manifestare, ut de remedio provideant, bonum enim commune particulari præferendum est; limita, nisi ea delicta sint jam verè emendata, vel nisi alia via damno communi obviari possit: Priusquam verò ad prædicta procedant, debent Superiores præfati



ti animos delatorum investigare, ne forte odio, vel invidia ducti falsa crimina innocentibus imponant; in casu tamen quo non pater naliter, sed judicialiter crimina revelata fuerint, debent interrogare delatores, an pramiserint correctionem fraternam, nec debent in hoc esse nimis faciles ad credendum, nisi delatores sint personarum fide dignarum, de quarum veritate dubitari minimè possit, præsertim si denunciati non sint religiosi moribus præditi, quos in tali casu poterunt Superiores secretè corripere, etiam coram duobus, vel tribus testibus, si opus fuerit, eos terrendo, aut sub excommunicatione præcipiendo, ut delicta emendent, & scandala vitent; si autem denunciati sint personarum graves, & vitæ probatæ, nequaquam admittenda est denuntiatio à quocumque contra eos facta, nam sæpè nonnulli aliqua passione perciti in innocentis depressionem conspirant; idcirco in prædictis pederentim procedendum est: ita Bassus *V. denuntiatio n. 3. & V. correctio n. 3. Regius p. 3. dub. 6. n. 68. & 74. & dub. 47 n. 282. Peyrinus de subdito q. 1. cap. 16. & alii.*

10. Si litterarum aliquarum sine authore, aut ficto nomine contra subditos mittantur ad Superiores præfatos, non possunt hi judicialiter adversus eos procedere, immò neque paternaliter in secreto corrigere, vel monere, ut sibi caveant, sed omninò debent hujusmodi litteras vel lacera- re, aut comburere, nullamque fidem eisdem præbere, tales enim litterarum nullum judicium contra denunciatos faciunt; & quilibet processus super

eisdem formatus nullus est ipso jure; prout habetur in *cap. Inquis. §. 3. dub. 1. & docent Roder. tom. 2. q. 6. art. 10. Peyrin. in formul. litter. P. cap. 17. secus dicendum, si litterarum sint subscriptarum, & non fictarum, tunc enim debent Superiores procedere ut supra dictum est; semper tamen habentes præ oculis Doctrinam D. Thom. 2. 2. q. 6. art. 4. ad 3. scilicet, ut judicium in omnibus suspendant, & in mitiorem partem facta subditorum interpretentur, donec juridice probentur.*

11. Superiores Locales etiam in illis Ordinibus, in quibus per statuta specialia non prohibentur Confessarios instituere, vel suspendere, non possunt punire subditos suos ab Ordinario approbatos, Confessiones secularium tempore Jubilæi, aut virtutis Bullarum Cruciarum contra eorum voluntatem audientes; ratio est, quia pena supponit culpam, subditi in tali casu audientes Confessiones secularium ex delegatione Summi Pontificis, qui est omnium Religionum Supremus Prælatus, nullam culpam committunt contra obedientiam Prælatis debitam, tunc enim possunt prohibito obedire, & licitè non obedire. Neque possunt impedire, ut subditi utantur dispensatione, aut licentia aliqua, quam, insciis Prælatis, à Sede Apostolica impetrarunt, si alias ad hujusmodi gratia, seu dispensatione utendum, sint idonei, & habiles; nam impediens autoritative executionem litterarum Apostolicarum incurrunt Censuras Bullarum Cœnæ Canon. 13. & 14. ita cum Diana docet Vidal, de penis. inquis. 6. n. 72. & tit. de

de Censuris Inquisit. 2. n. 7. qui etiam eodem titulo n. 31. cum communi docet, non posse Superiores prædictos revocare sine iusta causa licentias, vel dispensationes ab eisdem iusta de causa subditis concessas, quia re non mutata, & necessitate durante abutuntur potestate, eas revocando.

12 Si in aliquo Conventu inveniuntur plures ex subditis; qui aliquod delictum commiserunt, non debent Superiores illius omnes punire, sed sufficit ad aliorum exemplum,

ut puniant aliquos, vel aliquem, qui, ponderatis circumstantiis, fuerunt causa magis principalis delicti commissi; sic enim ex una parte delictum non manet impunitum, & ex altera melius consulitur paci, & tranquillitati, quæ non parum læderetur, si omnes, & singuli punirentur: cavere tamen Superiores debent, ne sint personarum acceptores: ita Nald. v. delictum. n. 1. Pellizar. tract. 7. cap. 1. n. 27. & alii.

## C A P. III.

### De potestate, quam habent Superiores Locales, circa casus reservatos.

1. CUM ex decisis in Superioribus resolutionibus conflet; Prælatos Regulares exemptos habere jurisdictionem quasi Episcopalem, ac Prælatorum nomine venire etiam Superiores Conventuales, seu locales; idcirco asserendum est, hos proculdubio tam de jure communi, quam ex privilegiis Alexandri VI. ut habetur in Monum. Ord. in 2. impress. fol. 56. conclus. 66. & in supplement. fol. 3. necnon Clementis VIII. ut habetur in Bull. Rom. Cherub. tom. 4. post const. 26. Urbani VIII. pag. 273. col. 2. posse in suis respective Conventibus, seu Monasteriis sibi reservare Casus, ex illis tantum, quos idem Clemens in suo decreto limitavit, & referuntur infra ratio est, tum quia hujusmodi Prælati exercere valent in suos subditos ea, quæ & Episcopi in suos exercent, sed hi

possunt sibi casus reservare, ergo etiam illi; tum quia deputare Confessarios pro suis subditis ad Prælatos locales pertinet de jure communi, ut dictum est supra cap. 1. n. 12. ergo pariter reservare casus ex numeratis in Clementino decreto: dixi de jure communi, nam de jure speciali videnda, & servanda sunt uniuscujusque Ordinis statuta, limitationes, & restrictiones; regulariter enim hujusmodi potestas Generalibus, ac Provincialibus dumtaxat competit. Pro Guardianis autem Ordinis Minorum in Capitulo Generali Assisi celebrato anno 1526. factum fuit autoritate Apostolica sequens statutum: *Ordinatur, & mandatur autoritate Apostolica, & totius Capituli Generalis, quod nullus Guardianus possit sibi aliquem casum reservare, sed solum Minister Provincialis id poterit: ex quo*

quo manifeste patet, dictum Alexandri VI. privilegium quoad Guardianos in suo vigore amplius non permanere, & jus commune per jus speciale Religionis esse restrictum, non solum quoad potestatem casus reservandi, sed etiam quoad facultatem ab illis absolvendi, ut constat ex statutis Generalibus cap. 7. nisi ea facultas eisdem committatur, prout regulariter committitur.

2. In illis Ordinibus, in quibus Prælati locales habent potestatem reservandi sibi casus, sive de jure communi, sive ex privilegiis, non possunt casus pro Novitiis sibi reservare, cum hi perfectè Religiosi non sint, nisi in favorabilibus, ac propterea nequeunt, ut cæteri Religiosi professi, censuris ligari, & casibus reservatis constringi, cum sint odiosi; ex cap. Religios. de sentent. excomm. in 6. immo neque casibus Episcopo reservatis ligantur, cum non sint subditi ipsius; sed dumtaxat in casus Papales incidere possunt, à quibus tamen, sicut cæteri Sæculares, ab habentibus facultatem possunt absolvi: *ita comm. D. D.*

3. Ut peccata reservari possint, requiritur 1. ut sint mortalia, nam venialia non consuevit Ecclesia reservare; 2. ut sint actus externi, & completi, cum de internis Ecclesia non judicet; 3. ut observetur decretum Clementis VIII. quod habetur in Bullar. Rom. Cherub. tom. 4. post const. 26. Urbani VIII. in quo decernitur, ut nemo ex Regularium Superioribus peccatorum absolutiones sibi reservet, exceptis iis, quæ in eodem decreto continentur; quod si

aliquod peccatum grave pro Religionis conservatione, vel conscientie puritate reservandum videbitur, id non aliter fiat, quam Generalis Capituli in toto Ordine, vel Provincialis in Provinciâ matura discussione, & consensu.

4. Peccata reservabilia in dicto Decreto Clementino contenta, sunt undecim, nempe 1. *Veneficia, lincationes, forislegia*; 2. *Apostasia à Religione, sive habitu dimisso, sive retento, quando eo pervenit, ut extra septa Monasterii, seu Conventus fiat egressio*; 3. *Nocturna, & furtiva à Monasterio, seu Conventu egressio, etiam non animo apostatandi facta*; 4. *Proprietas contra votum paupertatis, quæ sit peccatum mortale*; 5. *Inramentum falsum in judicio regulari, seu legitimo*; 6. *Procuratio, auxilium, seu consilium ad abortum faciendum post animatum satum, etiam effici non secuto*; 7. *Falsificatio manus, aut sigilli officialium Monasterii, aut Conventus*; 8. *Furtum de rebus Monasterii, seu Conventus, in ea quantitate, quæ sit peccatum mortale*; 9. *Lapsus carnis voluntarius, opere consummatus*; 10. *Occhio, aut vulneratio, seu gravis percussio cujusunque personæ*; 11. *Malitiosum impedimentum, aut retardatio, aut aperitio litterarum à Superioribus ad inferiores, & ab inferioribus ad Superiores. Qui omnes infra Tract. 6. explicabuntur.*

5. Superioribus Localibus sive habentibus, sive non habentibus potestatem reservandi peccata, non licet Confessiones subditorum audire nisi quando peccatum aliquod reservatum admiserint, aut ipsimet sponte,

te, vel proprio motu id ab ipsis petierint, ideoque Superiores habentes potestatem instituendi Confessarios pro suis subditis, & per consequens reservandi peccata, ut supra, debent in suis domibus duos, tres, vel plures Confessarios pro subdito- rum numero majori, vel minori de- putare, qui sint docti, prudentes, & charitate præditi, & quibus reser- vatorum absolutio committatur; possunt præterea præfati Superiores quibusdam peccatis, etiam non reser- vatis, graves determinare pœnitentias, à Confessariis imponendas, quæ subditos ab eisdem perpetrandis cohibere possint; caveant tamen di- ligenter, ne ea notitia, quam de aliorum peccatis in Confessione ha- buerunt, ad exteriorem gubernationem utantur: *ex eod. decret.*

6. Quamvis in aliquo Ordine per speciale statutum cautum sit, prout in nostro Seraphico *cap. 7. statu- tum* cautum est, quod Generales, & Provinciales tantum autoritate Or- dinaria possint à reservatis absolve- re, & alii, quibus ipsi facultatem commiserint, nihilominus tamen Guardiani, Priores, ceterique Su- periores Locales carentes dicta au- thoritate ordinaria in reservata, si fuerint deputati Pœnitentarii pro suis respective Conventibus, seu Monasteriis, prout regulariter de- putantur, poterunt proculdubio uti ea facultate absolventi à reservatis, non solum activè, sed etiam commis- sive, quando casus reservatus parti- cularis occurrerit toties quoties, sci- licet, concedendo Confessario sub- dito non habenti facultatem absol-

vendi à reservatis, ut pro illa vice suam pœnitentem absolvat, idque patet ex decreto Clementis VIII. & ex alio Visitationis Apostolicæ, quod refert *Orb. Seraph. tom. 4. pag. 166. & Official. Curie quoad Tract. Regul. cap. 38.* in quo dicitur, quod Supe- riores Locales præfati ad hoc ut pos- sint concedere dictam facultatem ab- solvendi à reservato aliquo particu- lari (nam generaliter nullatenus il- lam concedere valent) sufficit, quod habeant autoritatem delegatam, videlicet quando simul Superiores, ac Pœnitentarii eliguntur; & quia non debent esse deterio- ris condi- tionis quam subditi, gaudent propte- rea autoritate passiva, nempe quod à reservato aliquo particulari toties quoties per Confessarium, vel Sa- cerdotem ab ipsis electum absolvi possint.

7. Possunt Superiores locales li- centiam concedere suis subditis con- sistendi sua peccata alterius Ordinis Religioso, idoneo tamen, quan- vis non approbato, & hujusmodi licen- tia debet esse expressa, nam tacita, seu interpretativa non sufficit, nisi pro itinerantibus, ut mox dicitur, seclusa tamen Constitutione, seu sta- tuto Religionis in Contrarium; ratio est, quia dicti Superiores habent su- per suos subditos potestatem jurisdi- ctionis ordinariam, maxime in Sa- cramentorum administratione, hæc autem potestas ordinaria est delega- bilis quibuscumque extraneis indis- ferenter, ut constat *ex cap. his, qui- bus ex offic. 20. de offic. Jud. Ord. & cap. omnis utriusque sex. de pœnit. & remiss.* atque adeo sicut ipsimet pos-  
sunt

sunt extra Religionem Conf. Ssarium, etiam non approbatum, eligere, ita pariter possunt suis subditis similem licentiam concedere, nam Tridentinum sess. 23. cap. 15. approbationem Episcopi in Confessario exigit solum relate ad Sæculares, non vero ad Regulares; Prælati enim locales, cum sint proprii suorum subditorum Sacerdotes, eosdem, velut oves proprias, cui voluerint pasci, alias idoneo, committere valent. Si autem Confessarius electus fuerit ex approbato ab Ordinario loci, poterit uti cum eligente eisdem facultatibus, quibus uti potest cum Sæcularibus, tam quoad absolutiones, quam quoad dispensationes, quia in tali casu cum Regularibus potest se gerere sicut cum Sæcularibus; si vero licentia non fuerit expressa ad constitendum peccatum aliquod reservatum, vel fuerit limitata per Ordinis statuta, aut per præfatos Superiores, nempe, ut subditi non possint extra Ordinem hoc, vel illud peccatum confiteri, tunc Confessarius electus tenebitur se continere intra limites concessionis, interrogando pœnitentem, an, & quomodo licentiam constitendi obtinuerit: ita Bordon. tom. 1. resol. 2. q. 11. n. 23. & resol. 24. q. 3. n. 6. Pellizar. tom. 2. tract. 8. cap. 1. § 11. q. 2. n. 3. Lexana tom. 1. cap. 18. n. 27. Diana p. 3. tract. 2. de dub. Regul. resol. 2. Juan. de la Cruz de stat. Relig. lib. 2. cap. 6. dub. 11. conclus. 1. Suarez de Relig. tom. 4. lib. 10. cap. 5. n. 3. & alii commun. Fratribus Minoribus expresse per constitutiones Apostolicas prohibetur confiteri extra Ordinem, præterquam in ne-

cessitatis articulo, & tunc de licentia Superioris expressa; prout constat ex stat. General. Ord. cap. 7. § 1. n. 4. pro itinerantibus vide infra tract. 6. cap. 1. Pœnitentiariis autem D. Pape omnes Regulares cujuscumque Ordinis absque suorum Superiorum licentia confiteri possunt, non obstantibus constitutionibus quibuscumque in contrarium.

8. Superiores Locales tenentur regulariter non negare facultatem absolvendi à reservatis Confessario petenti, quinimmo in ea concedenda debent se ostendere faciles, & benignos, necnon fideles dispensatores potestatis sibi commissæ, ob gravia, multaque pericula animarum, quæ ex irrationabili negatione exoriri possunt; quapropter Superiores, qui sine iusta causa hujusmodi facultatem delegare rennuunt, mortaliter peccant, maxime si ex tali negatione animæ subditorum grave dispendium subire cogantur, & à fortiori si id Confessarius testaretur; dixi regulariter, nam in quibusdam casibus possunt iuste Superiores dictam facultatem denegare, nempe, ob bonum proximi, ut si peccatum sit tale, ut in perniciem vergat aliorum, vel si sit tale, ut nemo, excepto Superiore, sciat ei remedium adhibere; aut ob bonum ipsius pœnitentis, qui ex facilitate absolutionis occasionem sumit perseverandi in peccato, vel si timeretur probabiliter gravis infamia communitatis, aut facilitas peccandi in aliis, qui legem reservationis minimè curarent: in his enim, & similibus casibus non tenentur licentiam concedere, quandoquidem

Su.

Superiores plus debent bono communi, quam particulari providere: prout docent de Lugo de *Sacr. Pœnit. disp.* 20. n. 41. *Candidus tom.* 2. *disp.* 24. *art.* 68. & *S. Faust. de casib. reserv. lib.* 8. q. 15. & alii: constat etiam ex cit. de *r. Clement.*

9. In casu, quo præfati Superiores recusent dictam facultatem concedere; possunt Confessarii licite pro illa vice, etiam facultate non obtenta, Religiosos pœnitentes ab aliquo reservato absolvere, absque onere se præsentandi, quia auctoritate Papæ in tali casu absolvunt, ut habetur expresse in calce dictæ Constitutionis Clementinæ, approbatæ, & innovatæ ab Urbano VIII. post ejus const. 26. *tom.* 4. *Bull. Chærub.* immò toties absolvere possunt, quoties eisdem irrationabiliter facultas denegatur; hæc tamen doctrina solum videtur procedere in domibus, in quibus non adsunt Pœnitentarii deputati, vel nolunt absolvere, nam si adsint, & absolvere velint, cessat ratio illius dispositionis: ita cum multis Dicastillo *disp.* 11. *dub.* 20. n. 339. *Gobat. in Theol. experim. traët.* 7. *cas.* 20. *pæg.* 478. n. 705. *Præpos. apud Dian. p.* 9. *tr.* 3. *ref.* 15.

10. Non possunt Superiores Locales, etiam interveniente causa urgente, absolvere sola reservata, & pro cæteris pœnitentem ad inferiorem remittere, cum Confessionis integritas sit de jure divino, in quo minimè dispensare valent, quæquidem integritas, excepto casu necessitatis celebrandi, vel communicandi ad vitandum scandalum, aut infamiam sub mortali obligat tam pœni-

tentem, ut utraque confiteatur, quam Superiorem, ut utraque audiat; vel si nolit audire, tollat reservationem, aut alteri Confessario facultatem concedat; opinio enim contraria est omnino improbabilis; ita docent de Lugo *disp.* 20. de *pœnit.* n. 77. *Costen. lib.* 2. *controv.* 7. *cap.* 5. q. 9. n. 162. *Miranda tom.* 2. q. 34. *art.* 12. & alii *comm.*

11. Possunt Prælati Locales ubique excipere Confessiones suorum subditorum virtute Ordinariæ potestatis, dum reperiuntur in aliena Provincia, vel Conventu: nam pœnitentia est de jurisdictione voluntaria, ac proinde in cap. *Omnis de pœnit. & remiss.* de loco nihil exprimitur quoad Regulares, ergo potest intra, vel extra territorium exerceri, quia in his, quæ sine strepitu iudicii fiunt, nullius territorium læditur, *argum. cap. ultim. de offic. legat.* Non possunt tamen absolvere à reservatis in aliena Provincia, per quam transeunt, si in sua Provincia reservati non sint, nisi à Superiore loci licentiam obtineant: cum reservatio afficiat directè Confessarium, & indirectè pœnitentem; ita *comm. D. D.*

12. Possunt præterea Superiores Locales independentè ab aliis non solum in proprio Conventu, sed etiam extra Ordinem sibi eligere in Confessarium quemlibet Sacerdotem idoneum, licet non approbatum, sive sæcularem, sive Regularem propriæ, vel aliterius Religionis, à quo possunt absolvi, & respectivè dispensari ab illis excessibus, à quibus ipsimet Prælati Locales suos subditos absolvere, & dispensare valent, idque con-

constat ex cap. *Final. de panis. & remiss.* peccat: ubi dicitur; quod Episcopi, & alii Superiores, necnon minores Prælati exempti absque sui Superioris licentia, providum, & discretum Virum possint sibi in Confessarium eligere. inter Prælatos enim exemptos numerantur Generales, Provinciales, Visitatores, Superiores Locales, Commissarii, & Procuratores Curiarum Rominarum: & ita docent S. Anton. p. 3. tit. 17. cap. 2. §. 3. Sylvest. v. Confessor 1. n. 8. Nagnus in 3. p. tom. 2. q. 8. art. 5. Rodericus tom. 1. q. 10. art. 28. Diana p. 3. tract. 2. de dub. regul. ref. 1. Sd v. Confessor n. 1. Suarez tom. 4. in 3. p. D. Thom. disp. 27. sect. 2. n. 9. Miranda tom. 2. q. 33 art. 6. & alii permulsi: Nec requiritur, quod talis Confessarius sit ex approbatus, quia id textus non dicit, sed approbatur per ipsam electionem, alias non esset differentia inter Prælatum, & subditum, sed neque Tridentinum sess. 23 cap. 15. de reform. in hoc quoad Prælatos Regulares aliquid innovavit, cum approbatio Ordinarii: de qua ibi loquitur, requiratur tantum ad audiendas Confessiones secularium, non vero Regularium, ut cum comm. D. Da docent Coriolan. p. 1. sect. 1. art. 21. n. 4. 5. 6. Prynus tom. 1. privileg. in Const. 4. Sixtili. Lezana tom. 1. cap. 18. n. 81. quæ iuris communis concessio dictis Prælati à Summo Pontifice facta neque per statutum, neque per consuetudinem, neque per Prælatos majores tolli unquam potest, nisi ad hoc à S. Sede facultatem obtineant; statuta Ordinis Minorum prædicta auctoritate edita, minimè hujusmodi privilegium seu

concessionem à Guardianis abstulerunt, prout docet Corduba in addit. ad comp. privileg. fol. 76. & 77. Idem dicendum est de Vicariis, seu Præsidentibus absolute Conventum regentibus in absentia, vel morte Guardianorum aliorumque Superiorum Localium, quia tunc sunt veri Prælati. Notandum tamen 1. quod licet Guardiani Ordinis Minorum sint deputati Pœnitentarii pro suis respective Conventibus, prout regulariter deputantur: ac propterea habeant potestatem, non solum activam, sed etiam passivam absolventi à reservatis, ut ex jure, & privilegiis constat, cum non debeant esse deterioris conditionis quam subditi, & alias possint per alios sibi applicare, quod aliis administrant; id tamen intelligendum est solum de reservatis occultis; nam pro publicis, seu notoriis ad Ministros Provinciales recurrere tenentur, ut patet ex Regula, & Constit. Ord. cap. 7. §. 2. n. 3. & ex Stat. general. Barchinon. anno 1621. editis, & à S. Sede approbatis cap. 6. §. de casib. reserv. prout refertur in Orb. Seraph. tom. 3. pag. 663. col. 2. ubi Guardianis tribuitur facultas activa, passiva, & commissiva absolventi subditos, & hospites à reservatis occultis dumtaxat; Vicariis quoque, ac Præsidentibus ut supra, eadem facultas activa, & passiva, non tamen commissiva conceditur. Notandum 2. prædictum privilegium non habere locum tempore Jubilæi, ad quod lucrandum dicti Prælati tenentur confiteri non secundum dispositionem dicti cap. *Final. de panis. & remiss.* sed juxta diploma Summi Pontificis nem.

p. Confessario ex approbatis ut docent citat. D. D. Vid. infra tract. 6. cap. 1. n. 23. Notandum 3. quod in Nostro Ordine Min. tam Observant. quam Reformat. nequeunt dicti Superiores

eligere Confessarium triginta sex annos non excedentem, prout habetur in statutis tam Generalibus, quam Reformatis cap. 7.

## C A P. IV.

### *De potestate, quam habent Superiores Conventuales, seu Locales absolvendi suos Subditos à Censuris etiam reservatis.*

1. **O**Mnes Superiores Locales Ordinum Regularium ex Apostolicis privilegiis, vel per viam commutationis in eisdem, tanta circa suos subditos autoritate, ac potestate fruuntur, quanta Generalis in toto Ordine, & Provinciales in suis Provinciis gaudent, & utantur; nisi in aliquibus per specialia statuta eorum jurisdictio limitata fuerit; hæc assertio constat ex pluribus indultis à S. Sede Prælati Regularibus concessis, prout in Monum. Ord. & in comp. privilegiorum, v. *Prælati*, & v. *Guardiani*, referuntur, nec non in aliis titulis, quibus autoritas ad absolvendum, & dispensandum conceditur dictis Religionum Prælati, sub quorum nomine proculdubio veniunt, non solum Generales, & Provinciales verum etiam Superiores Locales, quales sunt Priors, Guardiani, Rectores, & consimiles, juxta declarationes Clementis IV. & Sixti IV. Ordinisque Constitutionum, ut dictum est supra; constat etiam assertio prædicta ex concessione Julii II. per quam omnia privilegia, & indulta

Apostolica concessa Ordini Prædicatorum, spectantia ad Piores Conventuum dicti Ordinis, extenduntur etiam ad Guardianos Conventuum, Ordinis Minorum; ut habetur in comp. privil. v. *Guardianus* n. 5. & in *supplem. fol. 3. concess. 222.* hæc enim privilegia Superioribus Localibus Ordinis Prædicatorum concessa, ita ampla sunt, ut eorum autoritas Priorum Provincialium autoritati æquetur, ut constat ex Mari Magno ejusdem Ordinis, & ex aliis indultis Apostolicis, in quibus virtute communicationis Guardiani, alique Superiores Locales participant, quorum quidem potestas ordinaria est, & non delegata, cum eam non immediate ab homine, sed ex beneficio legis habuerint; ut constat ex cap. cum ab Eccles. de Offic. Jud. Ord. & in rubr. de offic. deleg. & tenent comm. D. D.

2. Præterea S. Pius V. in Bulla, quæ incipit: *Romani Pontificis circumspecta*; apud Confectum in collect. litter. Apostol. fol. 226. & apud Cherub. tom. 2. Superioribus Localibus Ordinis Prædicatorum expresse concess-



cessit easdem facultates absolviendi, & dispensandi suos subditos, quas Episcopi vigore Tridentini Sess. 24. cap. 26. habent erga suos; per hæc verba: *Et insuper, quia Sacrum Oecumenicum Generale Tridentinum Concilium concessit Episcopis, ut absolvere possint in foro animæ, seu conscientia ab omnibus peccatis, & dispensare in irregularitatibus, prout sess. 24. cap. 26. habetur; idcirco ne Priores Conventuales, seu Locales, & Superiores Prælati dicti totius Ordinis ubilibet in hac parte deterius conditionis quam Clerici, aut Seculares existant; eisdem, ut ipsi per se ipsos idem omnino possint in Fratres, & Sensionales dicti Ordinis sibi subditos, quod possunt Episcopi in Clericos, & Laicos sibi subiectos, tam quoad absolviendi, & dispensandi huiusmodi, quam alias quasvisque facultates eadem auctoritate, & tenere, etiam perpetuo concedimus, & indulgemus, ac etiam declaramus.* Quo quidem amplo privilegio omnes alii Prælati Locales Ordinum Regularium per viam communicationis, ut pluries in Superioribus dictum est, fruuntur, & gaudent.

3. Nec obstat dicere, Bullam Cœnæ derogare facultati à Tridentino Episcopis concessæ absolviendi ab omnibus peccatis occultis in eadem Bulla contentis, aliisque Sedi Apostolicæ reservatis, atque adeo revocatum manere privilegium S. Pii V. Superioribus Localibus ad instar concessum, ut supra, absolviendi suos subditos à præfatis excessibus; nam licet probabilius sit, derogare, ea tamen derogatio solum comprehen-

dit Episcopos respectu Sæcularium, sive delicta eorum sint publica, sive sint occulta, minimè vero Prælatos Locales respectu suorum subditorum, si eorum delicta sint occulta, à quibus per dictam S. Pii Constitutionem possunt proculdubio huiusmodi Superiores absolvere; ultraquamquod privilegium concessum ad instar non censetur revocatum, sublato, vel revocato exemplari, quia licet sit relativum secundum quid, est profecto absolutum in re; virtus enim, & efficacia privilegii nullo modo est in externa relatione posita, sed in voluntate concedentis, cui placuit rescriptum suum alteri præxistenti similare; ac proinde, revocato probabilius per Bullam Cœnæ privilegio præfato à Tridentino Episcopis concessio, nullatenus manet revocatum privilegium à S. Pio dictis Superioribus ad instar concessum, sicut extincto aliquo Ordine, non manent extinctæ privilegia aliorum Ordinum, quibus ad instar illius Ordinis extincti fuerunt concessa, cum huiusmodi privilegia ab exemplari sublato minimè dependant, quin potius fiunt iis illis propria, quibus sunt concessa, ut dicantur stare per se primo absque alterius dependentia: prout docent Baldus in L. omnia q. 2. C. de Episc. & Cler. Panormit. in cap. ult. ne clerici, vel Monachi, Roder. tom. 1. q. 9. ars 9. Tambur. de jur. Abbat. tom. 1. disp. 17. q. 5. n. 2. & alii. Secus autem dicendum, si Princeps dependenter privilegium concedat, exprimendo, quod, sublato, vel revocato exemplari, censetur pariter revocatum

privilegium ad instar concessum, quod quidem S. Pius in sua constitutione, non expressit; immo idem S. Pontifex in alia sua constitutione, quæ incipit: *Dum ad Congregationem Cassinensem*, apud Cherub. tom. 2. absque ulla relatione, aut dependentia absolute concessit Superioribus Monasteriorum, aliisque Prælatibus ejusdem Congregationis amplissimam facultatem absolvendi ab omnibus excessibus Sedi Apostolicæ reservatis, etiam in Bulla Cœnæ contentis, & dispensandi ab irregularitatibus, exceptisquæ ibi excipiuntur, in quibus facultatibus Prælati Locales aliorum Ordinum proculdubio participant: vide etiam quæ diximus tracl. 1. cap. 6. n. 18 de revoc. privil.

4. Quoad Guardianos Ordinis Minorum tam Observantium, quam Reformatorum est valde notandum, quod licet in statutis generalibus cap. 7. habeatur, posse Generales, & Provinciales, eorumque Vicarios, ac Custodes in suis Custodiis ex Apostolica concessione Summorum Pontificum, Clementis IV. Sixti IV. & Julii II. absolvere fratres sibi commissos ab excommunicationibus omnibus, etiam in Bulla Cœnæ contentis, exceptis quatuor ibidem relatis, & dispensare super quacumque irregularitate, excepta ea, quæ ex homicidio voluntario, & bigamia oritur, inde tamen non inferitur, prædictos Guardianos erga suos subditos simili potestate carere, ratio est, quia hujusmodi concessio taxativa non est, neque ita restricta ad solos Generales, & Provinciales, ut non possit etiam ad Superiores Locales extendi, nam sicut illi ex indulto prælatorum Pontificum,

dicta potestate gaudent, ita pariter isti eadem fruuntur ex privilegio S. Pii V. in Bulla, quæ incipit: *Romani Pontificis circumspecta*; relata 2. Confectio in collect. Litter. Apostolic. fol. 226. & in alia ejusdem, quæ incipit: *Dum ad Congregationem Cassinensem*, apud Cherub tom. 2. Bull. Rom. in utraque enim Superiores Conventuum expresse nominantur; ob eandem profectò rationem, qua memorati Pontifices eam facultatem Generalibus, & Provincialibus concesserunt, S. Pius V. similem Superioribus Localibus etiam per viam communicationis concessit, scilicet, ut Regulares subditi à suis respectivè Prælatibus immediatè dependeant, ne huc, illucque pro absolutionis, vel dispensationis beneficio ire cogantur, quod & Religiosis incommodum, & ipsis Religiosis perniciosum est. Igitur quamvis Generales, & Provinciales cum suis respectivè Capitulis possint Prælatibus inferioribus, ac subditis usum privilegiorum tollere, vel restringere, id tamen debet fieri expressis verbis, videlicet, cum clausula hujusmodi usum limitante, aut restringente, vel annullante; prout habetur v. g. in dicto cap. 7. Statutorum generalium Ordinis; quod à casibus reservatis nemo absolvere, quemquam præsumat, nisi à Generali, vel Provinciali absolvendi facultatem obtineat; ubi manifestè patet, eam facultatem ad solos Generales, & Provinciales esse restrictam, privatè quoad alios. Cum autem in casu nostro minimè reperiat dictio negativa, quæ possit deduci, usum dictæ facultatis; seu concessionis Apo-

stol.

stolice ad solos Prælatos majores restrictum esse, privative quoad inferiores, idcirco tenendum est tanquam certum, ad istos quoque debere extendi, quibus S. Pius V. post recensitos Pontifices idem indultum, largitus fuit; Præterquam quod summus in favorabilibus, quæ profecto amplianda sunt, non restringenda.

5. Præterea est etiam notandum, quod quamvis Sixtus IV. in sua Bulla aurea nuncupata, in qua amplissimum privilegium absolvendi, & dispensandi Ordini Prædicatorum concedit, ad solos Generales, eorumque Vicarios, & alios dicti Ordinis, quibus ipsi voluerint, facultatem restrinxerint; idem tamen Pontifex die 28. Maij 1481. Pontificatus sui X. hujusmodi restrictionem revocavit, & ad terminos concessionum juxta Maremagnum Prædicatorum reduxit, prout refert *Confectus in collect. litter. Apostol. post præfatam Bullam fol. 74.* ubi non solum Generales, & Provinciales, sed etiam Superiores Locales expresse nominantur, atque adeo possunt hi facere quoad absolutiones, & dispensationes in suis Conventibus quicquid possunt Generales in toto Ordine, & Provinciales in suis Provinciis, nisi per speciale statutum, hujusmodi facultas eisdem restricta, vel sublata fuerit. Verba Bullæ revocatoriz sunt hæc: *Sixtus Episcopus, & Dilectis Filiis Prioribus Conventuum Ordinis Prædicatorum salutem, & Apostolicam benedictionem. Quoniam Ordinis vestri fratres pro eorum absolutionibus, & dispensationibus obtinendis ad Magistrum Generalem, juxta restrictionem Bulla aurea ire te-*

*neantur, volentes eorum commoditati, & quieti in hoc consulere, vobis, & cuilibet vestrum facultatem, & potestatem concedimus absolvendi, & dispensandi cum fratribus ipsis, sicut alias ex privilegio, quod dicitur Maremagnum, facere poteratis, antequam talis Bulla aurea emanasset. Quod quidem privilegium ad Guardianos Ordinis Minorum, & ad omnes alios Superiores Locales propter communicationem extenditur.*

6. Ex dictis in præcedentibus manifestè colligitur, posse Superiores Locales absolvere suos subditos, Tertiarios quoque commensales, seu collegialiter viventes ab excommunicatione Canonis: *Si quis suadente etiamsi percussio sit enormis, & est illa, quæ non solum mutilationem, sed etiam occisionem includit: ut constat ex cap. Monachi, cap. illorum §. qui si Clausuales, cap. Relig. de sent. excomm. in 6. v. habemus: & ex privilegiis Clementis IV. const. incip. Virtute conspicuos, & Sixti IV. const. incip. Regimini Universalis Ecclesie, Maremagnum nuncupata: apud Cherub. tom. 1. Bull. Rom. Ordinibus Prædicatorum, Minorum, Eremitarum S. Augustini, & Carmelitarum concessis, quibus inspectis, Regulares se se, etiam enormiter, percutientes, possunt a Prælati localibus absolvi, non obstante restrictione juris communis, cum hæc per recensitas Constitutiones sublata sit; nisi hujusmodi potestas per statuta regularia à S. Sede approbata Superioribus Localibus limitata sit, vel sublata: In statutis Generalibus nostri Ordinis cap. 7. §. 5. decernitur; quod ab*

excommunicatione contracta ob violentam manuum injectionem possint Guardianus, vel eo absente pro diem naturalem, Vicarius absolvere, si Ministri Provincialis presentia intradendum haberi non possit; Quod de percussione atroci, vel subditi in Prælatum, nunquam intelligendum est: excipitur tamen articulus mortis, in quo, etiamsi percussio sit atrox, & publica, vel subditi in Prælatum potest poenitens absolvi cum onere, comparendi coram Provinciali, si convaluerit, quando ille, vel ipsius delegatus commodè haberi non possint; in articulo etiam necessitatis celebrandi, aut communicandi ad vitandum scandalum, vel infamiam absolvi potest infra dictum tempus, in casu tamen occulto, & cum onere, ut supra. In statutis verò nostris reformatis cap. 7. nulla reperitur limitatio pro casibus reservatis occultis. Pro publicis ad Min. Provinciales est recurrendum: ex Regula cap. 7.

7. Possunt Prælati locales à præfata excommunicatione suos subditos absolvere, etiamsi Clericum sæcularem percuferint, quia cum sint ab Episcopi jurisdictione exempti, atque adeo suis Prælati dumtaxat subiecti, idcirco non ab Episcopo, ut nonnulli docent, sed ab eisdem Prælati facultatem habentibus debent absolvi, sive intra, sive extra Claustra leviter, aut graviter manus violentas injecerint; prout constat ex privilegiis Innocentii IV. & Clementis IV. non solum Prælati majoribus, sed etiam inferioribus concessis, & relatis in comp. privil. v. absolutio Ord. quoad Fratres in adnot. ad §. 7. & ex-

pressè tradit Roder. tom. 1. q. 20. art. 12. De licentia tamen Prælati Regularis, vel eo absente, aut injustè absolutionem negante, potest Episcopus Religiosos exemptos à præfata excommunicatione absolvere; ut docet Sanchez in Summ. tom. 1. lib. 4. cap. 39. Coton. lib. 2. Controv. 7. cap. 6. n. 192.

8. Habent pariter Superiores prædicti potestatem absolvendi subditum percutientem alterius Ordinis Religiosum; requiritur tamen ad condonationem injuriæ, & definitionem pœnæ, ut Superior Religiosi percussus præsens sit, ad hoc, ut percussorem verberet, & ita pro illata injuria sibi satisfaciatur; Superior autem, percussoris, priusquam illum absolvat, debet ab eodem juramentum recipere de non committendo amplius hujusmodi excessum, & semel saltem illum percutere, ut servetur forma consuetæ; nec ad aliam satisfactionem tenetur percussoris Monasterium seu Conventus, nam delictum personale non redundat in detrimentum locale, *en cap. cum venerabilis §. intelleximus de except. & notat Diana p. 9 tract. 4. resol. 30. §. sed quid.* Quod si in imponenda pœna Superiores non concordent, eligendus est arbiter, qui simul judicium ferat: ut docet Palus tom. 6. disp. 3. punct. 23. §. 4. n. 9. Diana us supra, Coton. lib. 2. controuv. 7. cap. 6. n. 195. potest tamen unus ex dictis Prælati vicem suam alteri committere, ut notat Sayrus lib. 3. cap. 28. n. 11. Si verò Regularis unius Conventus percutiat Regularem alterius, absolutio spectat ad Provincialem; si hic absit; vel

no-

nolit, ad Superiorem Localem percussoris, sed de consensu Superioris Religiosi percussus: ut colligitur ex cap. *Cum illorum de sent. excomm. & tenent Bordon. tom. 1. resol. 28. n. 47. & Diana p. 9. tract. 4. resol. 50.* Moniales tamen se se invicem percussiones, ab eo Prælati, cui immediate subsumt, debent absolvi.

9. Si in Monasterio, seu Conventu sint duo tantum Sacerdotes, unus Superior, & alius subditus, se seque invicem percussiones, licet de jure ordinario unus nequeat alium absolvere, cum ambo sint eadem excommunicatione ligati; in casu tamen necessitatis potest excommunicatus alium excommunicatum absolvere, tum quia necessitas non habet legem, tum etiam quia si in tali casu potest dari absolutio à peccatis, à fortiori potest dari ab excommunicatione: ut docet Suarez de Relig. tom. 4. lib. 2. tract. de his que possunt Prælati. Veriorem tamen cenfeo sententiam asserentem, quod possit Prælati dare facultatem subdito absolvere ipsum extra Sacramentum à censura; ipse vero à censura. & peccatis subditum absolvere. & vicissim à peccatis Sacramentaliter per illum absolvi: ita Bordon. tom. 1. resol. 28. n. 57. Diana p. 9. tract. 4. resol. 52.

10. Novitii quoque per superiores Locales absolvuntur ab excommunicatione ob enormem percussione in anno Novitiatus incurta, ut constet ex privilegiis in Mari magno Ordinibus Regularibus respectivè concessis; cum debito tamen, ut si ante professionem à Religione discedant, debeant se præsentare coram illo,

qui alias de jure in saeculo eos absolvere poterat, non ad effectum obtinendi absolutionem, cum revera sint jam absoluti, sed ne in eandem censuram reincidant, ob inobedientiam non se præsentandi: ex cap. *Eos, qui de sent. excomm. in 6. lib. 5. tit. 11. & tenent Sylvest. V. absolutio 5. n. 9. Sorbus V. Novitius tit. de Novit. absolut. idcirco sic absoluti, & ad saeculum revertentes moneantur, ut se præsentent, ne iterum eadem censura innodentur. Illi autem, qui ante Novitiatum præfatam censuram erant incurssi, nequeunt à Prælati Regularibus absolvi, sed mitti debent ad quos de jure spectat, aut ab eis facultatem obtinere; ut bene notat Mattheuccius Official. quoad absol. excomm. canon. n. 62.*

11. Habent Superiores Locales potestatem absolvendi suos subditos nominatim denuntiatis, vel declaratos excommunicatos à Legatis, vel Judicibus Apostolicis, aut ab Episcopis, etiam in casibus sibi specialiter à Papa commissis; dummodo serventur conditiones sequentes: 1. ut absolvendus recedat ante absolutionem à contumacia; 2. ut prius satisfaciat, vel si non possit, satisfactionem serio promittat; 3. ut Judicem, qui censuram tulit, de obedientia ei, & Ecclesie præstita, ac de obtenta absolutione certum reddat; idque constet ex pluribus Apostolicis privilegiis; præsertim Eug. III. IV. const. incip. *Injunctum nobis*, apud Cherub. tom. 1. & Pauli III. in indulto Societati Jesu concessio, per Const. incip. *Licet debitum*; apud eundem Cherub. tom. 1. & tenent Suarez tom. 4. de Religio-

gione lib. 2. cap. 25. Roder. tom. 1. q. 20. art. 6. Miranda tom. 1. q. 75. art. 21. Quibus privilegiis omnes Ordines Regulares per communicationem fruuntur. Advertendum tamen, quod dicti Superiores non possunt præfatos excommunicatos absolvere, si à Prælati majoribus, vel ab Ordinis revocatis prohibitionem habuerint.

12. Possunt Prælati Locales absolvere, etiam pro foro externo, subditos, qui ob procuratum, secutumque abortum fætus animati, excommunicationem contraxerunt; nam licet per Sixtum V. privilegium hujusmodi revocatum fuerit, & per Gregorium XIV. ejus successorem in sua moderatoria constitutione non revalidatum; post ipsos tamen Clemens VIII. Paulus V. & Urbanus VIII. motu proprio, ex certa scientia, & de potestatis plenitudine omnia Regularium privilegia confirmarunt, & innovarunt, prout diximus tract. 1. cap. 4. & 6.; confirmatio enim cum præfatis clausulis facta, invalidum, & revocatum revalidat, nec non vim novæ concessionis habet: ex cap. 1. de transact. cap. Quoties, de pælis, & est comm. D. D. sint.

13. Possunt etiam prædicti Superiores absolvere subditos suos à simonia in collatione Beneficii, vel Officii seu Prælaturæ, & ingressu Religionis commissi, idque toties quoties; ut docet Rodericus tom. 1. q. 20. art. 13.; & quamvis ibidem asserat, præfatos non posse absolvere à simonia in receptione Ordinis Sacri commissi, cum Sixtus V. in sua Bulla contra Clericos male promo-

tos facultatem absolvendi revocaverit, & Clemens VIII. ejus successor hujusmodi revocationem in suo robore reliquerit; salvo tamen meliori iudicio, his non obstantibus, tenendum est, posse absolvere: ratio est, quia juxta communem D. D. sententiam, quando Pontifex successor cum clausulis relatis supra Regularium privilegia confirmat, eadem pariter revalidat, etiam si per suos antecessores essent revocata, sed Paulus V. & Urbanus VIII. aliisque successoribus post Sixtum, & Clementem præfata privilegia cum dictis clausulis confirmarunt, & innovarunt; ut dictum est tract. 1. cap. 4. & 6. ergo revalidatis privilegiis, per Sixtum V. revocatis, possunt proculdubio Superiores Locales, etiam à præfata censura suos subditos absolvere: ita Suarez de leg. lib. 8. cap. 19. n. 4. Rosell. V. absolutio n. 23. & alii commun. ex Mari magno Sixti IV.

14. Hospites quoque Religiosi possunt per prædictos Superiores à præfatis censuris in foro conscientiarum absolvi, etiam si fuerint declarati, aut denunciati excommunicati, servatis tamen conditionibus, ut supra n. 11. prout constat ex concessione Clementis IV. apud Monum. Ord. concess. 318. & 319. ubi habetur: Necnon Fratribus aliis ejusdem Ordinis ad eos declinantibus undecunque, absolutione, & dispensatione indigentibus; constat etiam à simili ex quadam declaratione Tridentini ad cap. 6. sess. 24. de reform. apud Barbosam in collect. n. 50., & docet Suarez tom. 4. de Relig. lib. 2. cap. 25. Villalob. p. 1. Summa tract. 1. diffinit. 64. n. 2. qui il-

illam facultatem extendunt ad quascunque censuras in Religione, vel in seculo contractas, & Sedi Apostolicæ non reservatas.

15. A censuris pariter in contemptum clavium à subditis incursum possunt dicti Superiores absolvere, nam privilegium Clementis IV. S. Pii V. & alia privilegia superius allegata absolute, & sine ulla limitatione hujusmodi facultatem eisdem concedunt. Peccare in contemptum clavium, & Ecclesiæ est, cum quis renuit se submittere Ecclesiæ potestati, putans illam esse injustam, indiscretam, & intollerabilem, sed credens penes ipsam residere potestatem clavium; scus autem quando quis movetur ex odio, ira, & passione, credit tamen Ecclesiam esse justam, discretam, & tollerabilem, à Spiritu Sancto rectam, & ejus potestatem à Deo collatam, nam tunc non dicitur in contemptum clavium peccare, sed ex dicta causa particulari, etiam si sepe sæpius propter eandem causam eademmet peccata committat: ita D. Thom. 2. 2. q. 186. art. 9. ad 3. Roder. tom. 1. q. 20. art. 15. Sylvester V. Contemptus n. 1. & 2. Lezana tom. 5. in Mari magno Carmelitarum, n. 570. & alii.

16. Possunt probabiliter dicti Prælati absolvere suos subditos, qui ex confidentia privilegiorum aliquod peccatum commiserunt, si ex negatione absolutionis periculum animarum imminet, notificando ipsis penitentibus, quod hujusmodi facultas eis amplius non proderit ad alia, cum dicta confidentia forte committenda; ut, notat Roder. tom.

1. q. 20. art. 16. referens privilegia Clementis IV. Bonifacii IX. & Eugenii IV. & admonens Superiores Regulares, ne virtute dictorum privilegiorum se ostendant faciles ad absolvendum ab his excessibus, quæ cum confidentia ipsorum à subditis committuntur, nisi periculum spirituale timeatur. Tunc dicitur quis peccare in confidentiam privilegiorum, quando ex concessione facultatum, Apostolicarum movetur ad committendum id, ad quod alias minimè moveretur; ita ut videndo sibi facile remedium per tales facultates adesse, sicut adest ad alia peccata non reservata, certe non curet magis illa cavere, ac si reservata non essent.

17. Suspendio à divinis, ex delicto occulto à subditis incursum, potest à Superioribus Localibus absolvi, sed in foro conscientie tantum, ut constat ex Bulla S. Pii V. quæ incipit. *Romani Pontificis circumspecta*: apud Cherub. tom. 2. immo potest etiam absolvi pro foro externo, si suspensio non sit Papæ reservata: prout evidenter colligitur ex cap. *Nuper*, de sent. excomm. cum illa non insignatur ex natura sua ob delictum prohibitum, sed propter solam contumaciam, à qua sicut Episcopi possunt suos subditos absolvere, possunt pariter præfati Superiores absolvere suos: ita Roder. tom. 1. q. 2. art. 14. & alii.

18. Possunt Prælati Locales absolvere suos subditos à suspensione à Divinis, aliisque censuris, & poenis Papæ reservatis, ab eisdem occulte contractis, eo quod intra clausuram conventuum mulieres ad malum non

veni

nem, vel prætextu licentiarum admittere, seu introducere præsumperint contra S. Pii V. constitutionem incip. *Regularium personarum*: relatum à Roder. tom. 1. q. 48 art. 1 & d. Cherub. tom. 2. Bull. Rom., cum declaratoria Gregorii XIII.; ab excommunicatione quoque Papæ reservata, occulta tamen, incursa à subditis utriusque sexus violentibus clausuram Monialium, sive per ingressum, sive per egressum, etiam ad finem venerem, juxta decretum Clementis VIII. anno 1601. editum, necnon ab aliis censuris Papalibus extra Bullam Cœnz suos subditos absolvere, & absolvi facere valent; & hoc ex vi privilegii Clementis IV. in Bulla, quæ incipit. *Virtute conspicuos*; inserta in Mari magno Sixti IV. apud Cherub. tom. 1. aliorumque à Summis Pontificibus concessorum, de quibus supra.

19. Habent etiam potestatem Superiores Locales absolvendi suos subditos, etiam Novitios, sed quoad istos cum conditionibus relatis supra n. 10. Tertiarios quoque communiales, non solum à præfatis censuris, sed etiam à contentis in Bulla Cœnz, dummodo hæ sint occultæ; exceptis tamen quinque, videlicet: *Hæresi*; *Schismate*; *falsificatione Litterarum Apostolicarum*; *deportatione armorum ad infideles*; & *conspiratione facta contra Papam*: quintus tamen casus pro Prælati Ordinis Minorum observ. & Reformat. non manet reservatus, ut constat ex *const. general. cap. 7.* gaudent enim dicti Superiores præfata potestate activa, passiva, & commissiva ex vi sui muneris, tum

ex concessione Tridentini *sess. 24. de reform. cap. liceat*; tum etiam ex citatis privilegiis Clementis & Sixti IV. & S. Pii V. Nec obstat, quod S. Congregatio jussu Urbani VIII. anno 1628. declaraverit; non posse Regulares in vim suorum privilegiorum à casibus in dicta Bulla contentis absolvere, quia tam prædicta, quam consimiles declarationes Congregationis præfatæ semper debent intelligi respectu Sæcularium, non vero Regularium, si eorum delicta sint occulta; nam in odiosis non comprehenduntur Regulares Prælati erga suos subditos, nisi in specie exprimantur; ut cum communi docent Peyrinus tom. 1. & 3. ad addit. ad *const. Sixti IV. n. 30. & 37. Roder. tom. 1. q. 61. art. 9 Bordon. tom. 1. q. 10. resol. 2.* vide etiam supra tract. 1. cap. 6. n. 18. & infra n. 23.

20. Sub hæresi excepta in præcedenti resolutione non videtur comprehensa excommunicatio lata contra scienter legentes, retinentes, & imprimentes hæreticorum libros, hæresim continentes, vel de Religione tractantes, si hujusmodi delinquentes in aliquam hæresim formalem lapsi non fuerint, cum in tali casu nequeant vera dici hæretici, sed solum de hæresi suspecti, prout cum communi docet Diana p. 6. tract. 6. resol. 35. quapropter licet hujusmodi excommunicatio, contra prædictos lata, sit Sedi Apostolicæ reservata, ab eadem tamen Superiores Locales absolvere suos subditos valent, sicut possunt absolvere eosdem de hæresi dumtaxat suspectos: ut docent *comm. D. D.*



21. Possunt etiam Superiores Locales absolvere ab illis quinque casibus, supra n. 19. exceptis, subditos suos, qui ob aliquod impedimentum perpetuum, vel diuturnum, Sedem Apostolicam adire non valent, nam quoties non patet aditus ad Summum Pontificem, vel ejus legatum, aut delegatum, nisi cum magna difficultate, & mora, potest poenitens ab inferiore absolvi, cum onere tamen comparandi coram Pontifice, vel legato, aut delegato personaliter, aut saltem per litteras, cessante impedimento: ut dicitur in cap. *Eos, qui de sent. excom. in 6.* aliter reservato, quæ pro bono charitatis introducta est contra charitatem vergeret, & potestas retinendi peccata, data, ut loquitur Apostolus, in adificationem, esset in destructionem: *ita commun. D. D.*

22. Si queris, an per Bullam Censuræ revocentur, vel restringantur privilegia quoad absolutiones præfatas; resp. minimè revocari, aut restringi, nisi quoad casus publicos in eadem Bulla contentos; *exceptis quinque supra recensitis*; non vero quoad occultos à Regularibus incur sos: bene tamen quoad omnes tam publicos, quam occultos Sæcularium: vide quæ dicta sunt supra *tract. 2. cap. 3. n. 21. de privil. Provin.*

23. Potestas Superiorum Localium absolvere suos subditos à censuris præfatis potest extra Sacramentalem Confessionem ab eisdem exerceri; ratio est, quia privilegia quoad hoc à Summis Pontificibus Prælatis Regularibus absolute, & sine ulla restrictione sunt concessa: & ita docent

Roder. *tom. 1. q. 17. c. 20. art. 7. Portell. V. Prælati potestas ad absol. n. 27. Diana p. 4. miscellan. resol. 8. & alii apud ipsum*: immo potest aliis delegari à præfatis Superioribus, qui quidem respectu dictorum privilegiorum habent jurisdictionem ordinariam; prout constat ex Mari magno Sixti IV. in favorem Prælatorum etiam Localium Ord. Prædicatorum, & Minorum; ut docent Suarez *tom. 4. de Relig. lib. 2. Lezana tom. 1. cap. 18. n. 46. Sanchez lib. 2. de matrim. disp. 40. n. 14.* & quamvis idem Sixtus IV. in sua Bulla aurea nuncupata, in qua amplissimum privilegium absolvendi, & dispensandi Ordinibus Prædicatorum, & Minorum concedit, ad solos Generales, & eorum Vicarios, aliosque dictorum Ordinum, quibus ipsi facultatem commiserint, restrinxerit; postea tamen die 28. Maji 1481. Pontificatus sui anno X. hujusmodi restrictionem revocavit, & ad terminos concessionum juxta prædictum Mari magnum reduxit: prout refert Confessius in *collect. litter. Apostol. post præfatam Bullam auream fol. 74.* ubi non solum Generales, & Provinciales, sed etiam Superiores Locales expresse nominantur, atque adeo possunt isti facere quoad absolutiones, & dispensationes in suis Conveniibus quicquid possunt Generales in toto Ordine, & Provinciales in suis Provinciis, nisi per speciale statutum hujusmodi facultas eisdem restricta, vel sublata fuerit. Advertendum tamen, quod ille, qui habet auctoritatem delegatam, tenetur in actu Sacramentalis Confessionis eam

Y

exerc-

exercere, quando absolutio censura- autem si detur pro foro dumtaxat  
rum datur pro foro interno; secus externo.

## C A P. V.

*De potestate dispensativa in genere, quam  
habent Superiores Locales respectu  
suorum Subditorum.*

1. **P**otestas Ordinaria dispensandi cum suis subditis competit Superioribus Localibus, tum jure communi ex cap. *Cum ad Monasterium de stat. Monachor. cap. Qualis tunc 4. dist. 23.* tum etiam ex pluribus privilegiis Summorum Pontificum Bonifacii IX. Gregorii XI. Sixti IV. in suo Marimagno, & S. Pii V. Bulla, quæ incipit: *Romani Pontificis circumspecta*: apud Cherub. tom. 2. hujusmodi autem potestas nihil aliud est, quam facultas eximendi subditos ab obligatione Legis sive in toto, sive in parte, natura tamen dispensationis talis est, ut ea sine cognitione causæ fieri nequeat; nam Prælati omnes, excepto Summo Pontifice, in materia gravi juris communis, vel præceptorum sine causa dispensantes, mortaliter peccant, & impetrantes hujusmodi dispensationem, eadem, uti minimè possunt, cum nulla, & invalida sit, prout docent Navarrus in *Manual. cap. 12. n. 76. Casetan. in summ. v. dispensatio Suarez de leg. lib. 6. cap. 18. n. 9. Miranda tom. 2. quest. 46. art. 3. & alii.*

2. Plures dantur causæ ad legitime dispensandum, videlicet: tempus; utilitas publica, vel privata pe-

tentis dispensationem; qualitas personæ, meriti, scientiæ; necessitas, pietas; eventus rei, qui facit, ut jus aliquando non sit utile, scandalum, multitudinis, vel infamia supplicantis: prout docent Angelus, & Sylvest. v. *dispensatio*, Peyrinus de subdito tom. 1. q. 1. cap. 12. Roder. tom. 1. q. 22. art. 5. Quatuor tamen ponuntur in jure communi cap. *Necessaria*, & cap. *Quod pro remedio*: nempe Charitas, urgens necessitas, debita obedientia, & Reipublicæ utilitas; sed cum una generali regula minimè comprehendendi possint, idcirco in particularibus casibus Viri prudentis judicio sunt perpendendæ, ut bene notat cit. Roder.

3. Potestas Superiorum Localium ad dispensandum cum suis subditis, Novitiis, ac Tertiariis, seu Donatis collegialiter viventibus extenditur proculdubio ad omnes casus, in quibus Episcopi cum suis subditis dispensare possunt, tum ex jure communi, tum ex Tridentino sess. 24. cap. 6. liceat. Tum etiam ex privilegiis plurium Summorum Pontificum, præsertim S. Pii V. Conit. incip. *Romani Pontificis circumspecta*: & Conit. ejusdem incip. *Quæ ad Congregationem Cassi-*

*Cassien.* apud Cherub. tom. 2. immo in multis ampliorem esse, asserunt communiter D. D. secus Regularium status, qui ab Episcoporum jurisdictione exemptus est, peioris conditionis esset, quam secularium, si Prælati Regulares hujusmodi potestate non fruerentur, sicut innuit prædictus S. Pius V. in sua Bulla.

4. Licet Superiores Locales possint cum suis subditis dispensare in observantiis Regularibus levioribus, & frequentioribus, pro quibus recurrere ad Superiores majores difficillimum foret; ut cum aliis docet Lezana tom. 1. cap. 18. n. 54. in observantiis tamen substantialibus, v. g. in votis specialibus, quæ in aliquibus Religionibus emittuntur, vel in præceptis ad mortale obligantibus; aut in legibus, seu statutis, quæ in Religione pro gravioribus habentur, etiam si ad culpam non obligent, dispensare non valent; exceptis casibus in quibus Regularia statuta hujusmodi licentiam eisdem concedunt, interveniente aliqua urgente necessitate: ita Suarez tom. 4. de Relig. tract. 8. lib. 2. cap. 12. Roder. tom. 1. q. 26. art. 1. qui hanc assertionem probant ex Tridentino sess. 25. de Regular. cap. 1. ubi dicitur: *Superiores non possunt, quæ ad substantiam regularis vitæ pertinent, relaxare*; igitur cum exceptio firmet regulam in contrarium, juxta mentem Tridentini possunt à Prælatibus dispensari ea, quæ regularis vitæ substantiam non attingunt.

5. Non possunt dicti Superiores dispensare cum suis subditis in pœnis Canonice, & inhabilitatibus ad officia, & dignitates, ac privationibus

officiorum vocis activæ, & passivæ ab eisdem contractis ob delicta in Bullis Apostolicis contenta, vel in iis, quæ à Superioribus sunt inflicta: nulli enim id Superioribus Localibus reperitur concessum, sed solis Generalibus, & Provincialibus hujusmodi facultas competit: prout docet Roder. tom. 1. q. 24. art. 17.

6. Inhabilitas ad officia, & dignitates est pœna, quæ prohibet, & obligat illum, qui caret officio, vel prælatura, ut in posterum, etiam sponte oblata, non acceptet; nam si acceptat mortaliter peccat, & officii, vel prælaturæ collatio est nulla, nisi id faciat ad vitandum scandalum, vel infamiam. Privatio vocis activæ, & passivæ est ad ferenda, & consequenda suffragia, ita, ut privatus, nec eligere, nec eligi ad quodcumque officium Ordinis possit, potest tamen ad Sacros Ordines promoveri, illosque exercere, sicut & prædicare, legere, Confessiones, etiam Monialium, audire, suffragia in receptione, & professione Novitiorum ferre, & eorundem Magister esse. Privatio actuum legitimorum est inhabilitatio ad omnia Ordinis officia, quæ cum dignitate, & superioritate conjuncta sunt, ut Ministeriatus, & Commissariatus generalis, Provincialiatus, Distinctoriatus, Guardianatus, & similia; potest tamen sic privatus Sacras Ordinum functiones exercere, & ad Sacros Ordines promoveri, prædicationes quoque, & lectiones exercere; sed non Confessiones, saltem secularium, audire; bene tamen Monialium Confessariorum potest institui, ac Magister Novitiorum esse, & pro

eis ad professionem admittendis suffragia ferre. Privatio Officiorum Ordinis est inhabilitatio, non solum ad omnia prædicta, sed etiam ad Confessionis, prædicationis, lectionis, Paternitatis, & visitationis munera obunda; poterit tamen Sacros Ordines recipere, ac sacras eorum functiones exercere, qui sic privatus fuerit. Hæ sunt pœnæ, quæ in Ordine Minorum fratribus deliquentibus imponuntur, ex stat. general. cap. 7. § 6. d. n. 1. & seqq.

7. De jure communi, & ex privilegiis possunt Superiores Locales ex juxta causa dispensare cum suis subditis in præceptis Ecclesiasticis, in quibus possunt Episcopi cum suis, ut in jejuniis, in Divino officio, in servitio Chori, ut in die festo laborent, & similibus; prout constat ex Concessionibus Eugenii IV. Sixti IV. Julii II. & præcipuè S. Pii V. in Bulla, quæ incipit: *Romani Pontificis circumspecta*: apud Cherub. tom. 2. in qua privilegium concessum Episcopis à Tridentino sess. 24. cap. 6. extenditur ad Superiores etiam Locales Ordinis Prædicatorum, & per communicationem ad aliorum quoque Ordinum Superiores; ita Suarez tom. 4. de Relig. lib. 2. cap. 12. n. 14. & 17. Lexina tom. 1. cap. 18. num. 55. Bordon. tom. 1. resol. 10. n. 6. & alii.

8. Superiores Locales non possunt dispensare cum subditis, ut ad strictiorem Ordinem transire valeant; nam quamvis in cap. *Licet de Regular. indistinctè* dicatur, quod licentia transeundi ad arctiorem petenda sit à Prælati Religionis, quo nomine veniunt etiam Superiores Locales, hu-

jusmodi tamen facultatem, *seclusis specialibus statutis*, solum competere Generalibus; vel Provincialibus, decent communiter D. D. si enim Prælati Localibus mutare Religiosos de uno ad alium Conventum non competit, multo minus eisdem competit dare licentiam de una ad aliam Religionem transeundi: ita cum multis Peyrinus de subdito q. 1. cap. 24.

9. Quamvis de jure communi, & *seclusis specialibus statutis*, possint Superiores Locales, juxta interveniente causa, dispensare cum subditis in pœnis jure Religionis impositis & non reservatis; nunquam tamen id facere possunt in pœnis ab homine inflictis; nisi detur urgentissima causa, & defectus recursus ad Superiores majores: ut docet Pell'zar. tract. 9. cap. 3. n. 185. Dixi *seclusis specialibus statutis*, nam in nostro Minorum Ordine nullus Prælatus inferior pœnas à Prælati majoribus impositas alterare, vel remittere valet, sub eisdem & gravioribus pœnis Superioris arbitrio, prout constat ex stat. general. cap. 7. § 6. n. 77.

10. Possunt dicti Superiores uti erga se ipsos omnibus facultatibus, & dispensationibus, quibus uti possunt erga subditos suos, nisi contrarium in aliqua Religione specialiter statutum sit; cum deterioris conditionis non sint, nec exercere hujusmodi jurisdictionem erga se ipsos ulli juri repugnet; hæc enim nec contentiosa, nec sacramentalis est, sed solum postulatur directionem ex prudenti judicio ad perpendendam dispensationis causæ iustitiam: ita Delbene tom. 2. cap. 15. dub. 7. scilicet. 8. n. 36. Bordon. tom.

tom. 1. resol. 10. Candidus tom. 2. disp. 24. art. 59. dub. 7. Bellasius v. dispensare n. 12. & alii.

## C A P. V I.

*De potestate, quam habent Superiores Locales, dispensandi cum suis subditis super irregularitatibus, aliisque penis Canonicis.*

1. **I**rregularitas est impedimentum Canonicum impediens Ordinum susceptionem, & susceptorum executionem, ex solo jure proveniens; quæ quidem, ut nonnulli docent, non potest dici censura, nam hæc tollitur absolutione, illa vero dispensatione, & licet interdum imponatur per modum pœnæ, non ideo colligitur, quod sit censura: ut constet ex cap. *quarenti* 20. de verbor. signis. ubi hæc quæstio ab Innocentio III. expresse definitur. Notandum tamen 1. quod nulla irregularitas incurritur, nisi in casibus à jure expressis; 2. quod in actibus, per quos potest incurri, datur parvitas materiæ; 3. quod ad incurrendam irregularitatem sive ex defectu, sive ex delicto, non requiritur scientia juris; cum, ut dictum est, ea non sit pœna, sed impedimentum, seu inhabilitas; 4. in dubio juris, vel facti nemo censendus est irregularis in aliis casibus, præter homicidium; 5. irregularitas ex delicto non incurritur, nisi per actum externum consummatum, & mortalem; ut docent *comm. D. D.*

2. Irregularitas dividitur in eam, quæ oritur ex defectu; & in eam, quæ oritur ex delicto; utraque

tamen in varias species subdividitur; species irregularitatis ortæ ex defectu, sunt octo, 1. est ex defectu animæ, 2. ex defectu corporis; 3. ex defectu natalium; 4. ex defectu ætatis; 5. ex defectu Sacramenti; 6. ex infamia juris; 7. ex defectu lenitatis; 8. ex defectu libertatis. Species irregularitatis ex delicto provenientis, sunt sex; 1. est ex iteratione baptismi; 2. ex violatione censuræ; 3. ex indebita Ordinum susceptione; 4. ex indebito Ordinum exercitio; 5. ex hæresi, & infamia ob notoria crimina; 6. ex mutilatione, vel homicidio, etiam indirecte tantum voluntario, de quibus omnibus consule D. D.

3. Possunt Superiores Locales dispensare subditos suos, hospites etiam, ac Novitios in utroque foro super omni irregularitate, præsertim ex delicto proveniente, excepta ea, quæ ex homicidio voluntario, bigamia, & mutilatione membrorum oritur; prout infra clarius explicabitur: idque constat ex variis Summorum Pontificum privilegiis, Julii II. in suo Marimagno pro Minimis, Sixti IV. in suo pariter Mari magno pro Prædicatoribus, & Minoribus apud

apud Cherub. tom. 1. Pauli III. in Bulla quæ incipit: *Licet debitum*, relata in comp. privil. Societatis Jesu; & S. Pii V. in Bulla incip. *Romani Pontificis circumspecta*; relata supra; in quibus omnibus eadem facultas, quæ Generalibus, ac Provincialibus tribuitur, Superioribus etiam Localibus expresse conceditur; unusquisque tamen perpendat, an per sui Ordinis statuta hujusmodi facultas restricta, vel limitata sit, videat præterea quæ diximus cap. 5. hujus tractatus d. n. 1. & seqq. ubi objectionibus abunde satisfacimus. Vide tract. 2. cap. 7. n. 3.

4. Habent etiam dicti Superiores facultatem dispensandi cum subditis super irregularitate ex defectu natalium proveniente, ut non solum Sacros Ordines possint suscipere, sed etiam ad Prælaturas, & dignitates (Generalatu semper excepto) promoveri: prout constat ex citato Mari magno Sixti IV. incip. *Regimini Universalis Ecclesie*; & ex Bulla Julii II. incip. *Virtute conspicuos*; ubi conceditur non solum Generalibus, & Provincialibus, verum etiam Superioribus Localibus præfata potestas dispensandi cum subditis illegitime natis ex quovis illicito concubitu; & quamvis postea revocata fuerit à Sixto V. per Bullam incip. *Cum de omnibus Ecclesiasticis*, eamque Gregorius XIV. modificaverit, ordinando tamen, quod non nisi in Capitulo Generali, vel Provinciali hujusmodi dispensatio fieret; anno vero 1591. idem Gregorius const. incip. *Exponi Nobis*; Religioni Societatis Jesu; & const. incip. *Illius, qui pro gregis*:

apud Cherub. tom. 2. Religioni Ministrantium infirmis absolute, & absque ulla limitatione dictam facultatem concessit, qua concessione gaudent proculdubio per communicationem ceteri Ordines Regulares: ea tamen non utuntur Religiosi strictioris observantiæ S. Francisci, sed servant dictam Sixti V. Constitutionem; prout ordinatur in eorum statutis cap. 2.

5. Non possunt Prælati Locales dispensare cum subditis aliquo enormi corporis, vel etiam animi vitio, morbo, & defectu laborantibus, ex quo oriri possit scandalum, neque cum infamibus infamia juris, Sodomitis notoriis, damnatis ad trirèmes, postquam sunt reversi, cum *à trirēibus ad Altare non detur regressus*; hi enim sunt casus specialissimi, quos Papa sibi specialiter reservat, & super quibus vix ipse dispensat: neque in dubio de irregularitate ex animi, vel corporis vitio proveniente habent potestatem judicandi, nam id ad locorum Ordinarios dumtaxat pertinet: ita Lezana tom. 1. cap. 16. n. 32. Tambur. de jur. Abb. tom. 3. disp. 15. p. 4. n. 3. Candidus tom. 2. disquis. 24. art. 61. dub. 7. Navarrus cap. 18. n. 200. & alii.

6. Licet Superiores Locales dispensare non valeant cum subditis in bigamia vera, & interpretativa: quæ quidem in privilegiis apostolicis semper invenitur excepta, ac Summo Pontifici reservata, nedum quoad Ordines Sacros, verum etiam quoad minores suscipiendos; prout colligitur ex Tridentino sess. 23. cap. 17. ad finem; & expresse declaravit S. Car. di-

dinalium Congregatio apud Garziam p. 7. cap. 6. n. 5. cum bigamis tamen bigamia tantum similitudinaria, quando scilicet post votum solemne castitatis matrimonium contraxerunt, & consummarunt, dispensare proculdubio possunt; ut docent communiter D D. ex cap. 1. qui Clerici, vel voventes; ubi conclusionem firmiter Panorm. t. Cardinal. & Præpositus, quos refert Navarrus in Manual. cap. 27. n. 197. in fine, qui omnes tenent, posse Episcopos, ac Prælatos Regulares in dicta irregularitate dispensare, quia nullibi de ea facta est reservatio.

7. Cum subditis infamia juris maculatis, ut cum convictis de crimine nefando, vel aliis, de quibus supra tract. 1. cap. 7. n. 8. sive ante, sive post ingressum Religionis, non possunt dicti Superiores dispensare: nam ut habetur in cap. Infames, ubi Gloss. de reg. jur. in 6 Solus Papa in præfatis dispensat; & ita docent communiter Jurisperiti, prout latissime probat Navarrus in suo Manuali cap. 27. n. 248. Cum subditis tamen irregularibus ex infamia facti, quæ oritur ex crimine gravi notorio, postquam purgata est per penitentiam, & vitæ emendationem, bene possunt Superiores Locales dispensare; ex cap. Dominus dist. 50. & cap. Euphemium 2. q. 3. cum Gloss. & docent Navar. cap. 25. n. 75. & 76. Miranda tom. 2. q. 8. art. 5. & alii.

8. Possunt Prælati Locales dispensare suos subditos in irregularitate ex defectu lenitatis proveniente, ut constat ex privilegiis Apostolicis supra recensitis Clementis IV. Sixti

IV. Julii II. & S. Pii V. in quibus solum excipitur irregularitas ex homicidio voluntario, vel bigamia, aut mutilatione membrorum contracta; nam id quod dicitur de homicidio voluntario, non est intelligendum de quocunque homicidio, sed de homicidio voluntario injusto, & illicito, non vero de illo, quod iuste à Judice, ejusque ministris fit, propter quod, effectu secuto, irregularitas ex defectu lenitatis contrahitur; idem dico de occisione in bello iusto, vel mutilatione membrorum iuste facta, cum hujusmodi actiones nullo modo sint illicitæ: juxta doctrinam Cajetani in summ. V. irregularitas: Navar. in Manual. cap. 27. n. 240. Roder. tom. 1. q. 24. art. 8. Candid. tom. 2. dist. 24. art. 61. dub. 19. Bord. tom. 1. resol. 13. n. 14. & aliorum commun.

9. Possunt pari modo Superiores Locales dispensare suos subditos in foro conscientie in irregularitate proveniente ex homicidio casuali, vel facto in iustam defensionem cum aliquo excessu prout constat ex Constitutionibus Eugenii IV. Cum Monasteriorum: Sixti IV. Regimini Universalis Ecclesie, Julii II. Virtutes Conspicuos: apud Cherub. tom. 1. & Rodericum in Bullar. necnon S. Pii V. Romani Pontificis circumspecta item ejusdem: Dum ad Congregationem Cassinensem: apud eundem Cherub. tom. 2. In quibus prædicti Pontifices concedunt nedum Generalibus, ac Provincialibus, verum etiam Superioribus localibus, etiam per viam Communicationis, ut possint cum subditis super omni irregularitate, excepta ea, quæ ex homicidio voluntario,

tario, bigamia, & mutilatione membrorum procedit, homicidium autem, quod excipitur in dictis Constitutionibus; & in Tridentino *sess. 14. cap. 7. & sess. 24. cap. 6.* est illud, quod per insidias, & ex proposito fit, cum expressa voluntate occidendi; at casuale non est per se, & directe volitum, sed indirecte, & per accidens, ut cum quis dans operam rei illicitæ, non ex intentione hominem occidit, vel etiam dans operam rei licitæ, debitam diligentiam non adhibuit: ita Barbosa *de offic. & potest. Ep. p. 2. alleg. 39. n. 47. Bordon. tom. 1. resol. 13. q. 4. n. 15. Avila de cens. p. 7. disp. 6. sess. 5. dub. 2. concl. 2. & alii.* Nunquam tamen possunt dispensare super irregularitate ex homicidio voluntario injusto, quantumvis occulto, contracta; rationes vide supra *tract. 1. cap. 7. n. 13.* neque super illa, quæ contrahitur à subdito, qui abortum fetus animati procurat, vel auxilium, aut consilium dat, effectus secuto; prout diximus cit. *tract. & cap. n. 15.*

10. Habent etiam Superiores præfati facultatem dispensandi cum suis subditis super irregularitate ex mutilatione membrorum contracta; dummodo sit occulta, & non deducta ad forum contentiosum; prout clare deducitur ex privilegiis Apostolicis supra recensitis; præsertim Sixti IV. & S. Pii V. & ex Tridentino *sess. 24. cap. 6. de reform.* ubi solum prohibetur facultas dispensandi in irregularitate, quæ ex homicidio voluntario injusto, quomodocunque, occulto, oritur; exceptio enim firmat regulam in contrarium, & in

odiosis non sit extensio: ita Roder. *tom. 1. q. 24. art. 10. Diana p. 4. tract. 2. resol. 71. Portell. V. dispensare n. 7. & alii.*

11. Cum subditis irregularibus ex delicto hæresis occultæ, nunquam tamen publicæ, valent Superiores Locales dispensare, cum hujusmodi facultas nullibi appareat revocata; propterea sicut Episcopi id possunt cum subditis, ita pariter Superiores Regulares cum suis, ex concessione Sixti IV. in Marimagno Prædicatorum: & S. Pii V. in Bulla incip. *Romani Pontificis circumspecta*: apud Cherub. *tom. 1. & 2.* in favorem, etiam Prædicatorem edita, ubi Priorum Conventuum expresse nominantur, & per communicationem ceteri aliorum Ordinum Regularium Superiores Locales, seu Conventuales eodem privilegio proculdubio fruuntur: ita *commun. D. D.*

12. Possunt Superiores Locales dispensare super irregularitate proveniente, ex delicto occulto indebitæ susceptionis, vel executionis Ordinum, à subditis suspensis, excommunicatis, vel ante legitimam aetatem, absque licentia, per saltum, ab Episcopo suspensio, vel alio aliquo modo illicito ordinatis, contracta, ut constat ex Marimagno Sixti IV. & ex Bullis S. Pii V. relatis supra, & quamvis Sixtus V. in sua Constitutione incip. *Sanctum, & salutare*: apud Cherub. *tom. 2.* hujusmodi privilegia revocaverit, post ipsum tamen Clemens VIII. Paulus V. & Urbanus VIII. motu proprio, & ex certa scientia eadem confirmarunt, & innovarunt cum illa clausula; *dummodo*  
Ds-



Decretis S. Concilii Tridentini non ad-  
versentur; cum autem ex eodẽm Tri-  
dentino sess. 23. de reformat. cap. 12.  
constat, ea privilegia dictis Decretis  
non adversari, idcirco asserendum  
est, Superiores Locales dispensare  
posse in præfata irregularitate, nec-  
non in ea, quæ ex Baptismi iteratio-  
ne contrahitur, dummodò sit occul-  
ta: ita Peyrinus tom. 1. de privil. in  
Const. Julii II. §. 16. n. 31. Lezana in  
summ. p. 1. cap. 14. n. 21. Diana p. 3.  
traçt. 2. resol. 85. de dub. Regul. Ro-  
der. in comp. v. dispensatio n. 12. &  
alii. Notandum tamen, quod licet  
dñi Prælati dispensare possint cum  
ordinatis ante ætatem legitimam, vel  
per saltum, non propterea concede-  
re possunt, ut ante ætatem comple-  
tam, vel ante Ordinem non susce-  
ptum, susceptum exercere valeant,  
quia in hac parte revocata sunt privi-  
legia per Tridentinum sess. 23. cap.  
12 & constat ex cap. Unico, de Cleri-  
co per saltum promot.

13. FERIA 2. post primam Domi-  
nicam Quadragesimæ possunt Supe-  
riores Locales absolvere, & dispen-  
sare subditos utriusque Sexus, No-  
vitios, Oblatos, Donatos, & Ter-  
tarios intra Claustra sub obedientia  
videntes ab omnibus irregularitati-  
bus occultis, etiam ex bigamia vera,  
& interpretativa, ac mutilatione  
membrorum procedentibus, non ta-

men ex homicidio voluntario illicito  
quomodocumque occulto, neque in  
provenientibus ex defectibus, qui à  
Tridentino excipiuntur; cum omnia  
privilegia, quæ eidem Concilio ad-  
versantur, ab eodem maneat revo-  
cata: gaudent dicti Superiores hoc  
privilegio per communicationem ex  
concessione Pauli III. in Bulla incip.  
Exponi nobis: in favorem Abbatum,  
& Priorum S. Benedicti Vallisoleti  
edita, & habetur in Bullario Emma-  
nuelis Roderici fol. 817. per exten-  
sum relata supra traçt. 2. cap. 7. n. 19.  
ibi videatur, ne eadem sæpè repeta-  
mus,

14. Postremò possunt Superiores  
Locales uti dicta facultate activè,  
passivè, & commissivè, ut constat ex  
Marimagno Sixti IV. pro Prædicato-  
ribus, & Julii II. pro Minimis, im-  
mò & extra Sacramentum pœniten-  
tiæ, & erga se ipsos, cum id nulli ju-  
ri repugnet, neque ulla limitatio in  
præfatis Bullis Pontificiis circa hoc  
reperiatur prout docet Sanchez lib. 3.  
de Matrim. disp. 19. n. 7. & seqq. Can-  
didus tom. 2. disp. 24. art. 59. dub. 7.  
Bellafius v. dispensare n. 12. Roder.  
& alii. Delegatio verò, seu commis-  
sio exequi semper debet à Delegato  
in actũ Sacramentalis Confessionis,  
ut docent Lezana tom. 1. cap. 18. n.  
46. Miranda tom. 2. q. 19. art. 7. Sua-  
rez, & alii communiter.



## C A P. VII.

*De facultate, quam habent Superiores Locales,  
irritandi, commutandi, & dispensandi Vota  
suorum Subditorum.*

1. **D**ilucidatis iis, quæ ad facultates Prælatorum Localium spectant in ordine ad tollendas Censuras, & irregularitates; oportet nunc de potestate, quam iidem habent, ad irritandum, commutandum, ac dispensandum suorum subditorum Vota necessarium pertractare; sed in primis sciendum, quod quinque modis tolli potest obligatio Voti; 1. per cessationem, quando scilicet Votum emittitur ad aliquod tempus determinatum, quo completo, statim Votum cessat, vel quando materia Voti, quæ prius erat legitima, sit postea illegitima, impossibilis, mala, majoris boni impeditiva, inutilis &c. 2. per interpretationem, quando quis ob aliquam iustam causam evidenter scit, se ad Voti obligationem non teneri; 3. per irritationem, quando Prælati habent potestatem dominativam supra voventem, illud irritat, tollitque obligationem; 4. per commutationem, quando non simpliciter, & absolute Votum emissum dispensatur, sed in aliud melius, vel æquale opus bonum mutatur; 5. per dispensationem, quando ab habente potestatem sit totalis condonatio obligationis Voti; *iuxta interveniente causa; ita comm. D.D.*

2. Advertendum; magnum dif-

crimen inter irritationem, commutationem, dispensationemque intercedere, nam irritatio non aliam requirit causam, quam meram voluntatem illius, qui ad irritandum potestate pollet, *ex cap. Puella, 20. q. 2. cap. Manifestum, 33. q. 5. & ex comm. D.D.* Dispensatio verò requirit causam iustam, & rationabilem, qua existente, potest ab eo, qui habet facultatem dispensandi, Votum omnino tolli, ipsiusque obligatio relaxari, quin loco Voti emissi aliud opus voventi iungatur. Quod aliter in commutatione contingit, nam commutatio exigit, ut opus, in quod Votum est commutandum, sit melius, aut saltem æque bonum; cum hac tamen differentia, quod commutatio in melius nullam causam requirit, sed solum ex mera voluntate commutantis sit, commutatio verò in æquale bonum requirit aliquam causam, sed minorem, quam dispensatio, quæ quidem si sine causa iusta, & rationabili fiat, invalida erit, cum hæc sit absoluta condonatio obligationis Voti, nomine Dei facta ita *commun. D.D.* causæ autem iustæ ad dispensandum referuntur *supra tract. 2. cap. 8. n. 2. ibi videatur.*

3. Præterea potestas commutandi vota differt à potestate dispensandi

di in hoc, quod cum à jure ad commutandum conceditur, etiam ad dispensandum extenditur, quando vero illa ex privilegio provenit, facultatem ad dispensandum minimè tribuit; at vice versa, quando per privilegium concessa est facultas ad dispensandum, eadem extenditur etiam ad commutandum: ita cum comm. docent Suarez de Relig. lib. 6. de voto cap. 12. n. 10. Sanchez lib. 4. Moral. cap. 49. n. 28.

4. Superiores Locales possunt pro suo beneplacito, & libera voluntate, absque ulla causa, omnia suorum subditorum vota simplicia irritare; prout cum communi docet D. Thom. 2. 2. q. 88. art. 8. ratio est, quia Religiosi perfectè, & in omnibus, suis Superioribus subiiciuntur; ita ut ex communi sensu, & usu Ecclesie, ac juris interpretatione, hæc conditio eorum votis censetur annexa ( nisi Superior contradixerit ) excipitur tamen votum ingrediendi religionem arctiorem; cum enim huac transitum, etiam nolente Superiore, jura permittant, idcirco Religiosi in hoc manent exempti, petita tamen prius, licet non obtenta, à suis Superioribus licentia; ut constat ex cap. Non solum de Regular. in 6. & docent Lessius lib. 1. de just. & jur. cap. 40. n. 74. dub. 13. & alii communiter.

5. Potest Prælatus Localis prohibere subdito, ne absque sua licentia votum aliquod emitat, idque non est prohibere bonum perfectius, sed velle, ut regulari modo fiat; si verò, non obstante Prælati prohibitione, subditus in materia sibi licita voteat,

votum tenet, quia illa simpliciter prohibito Prælati illud minime annullat, multa enim prohibita sunt, quæ tamen facta valent; potest nihilominus hujusmodi votum à Prælo irritari, vel suspendi; prout docet Suarez tom. 2. de Relig. lib. 3. de voto. Cap. 6. n. 25. Sanchez de matrim. lib. 9. disp. 43. n. 10.

6. Non potest Superior Localis sine causa irritare votum delictentia ipsius à Subdito emissum, vel ab ipso approbatum; ratio est, quia jam consensum dedit, & qui vovit, in hoc facto, sui juris per hujusmodi consensum factus est, & potestas irritandi per datum consensum limitationem accepit; si vero sine causa irritet, peccat mortaliter, irritatio tamen valida erit; occurrente tamen causa rationabili, irritare illud potest, nam sicut libere dedit consensum, sic sibi reservasse censetur, ut toties quoties causa occurreret, posset consensum revocare prout docet Roder. in Summ. cap. 136. n. 14. eodemque capite n. 9. ait; posse Prælaturam successorem irritare vota à subdito emissà de licentia antecessoris, cum per hujusmodi licentiam minimè tollatur potestas illius dominativa, quam ad irritandum habet; potest etiam subditus sine causa licite voti irritationem à suo Prælo petere, utitur enim jure suo; ita comm. D. D. votum tamen subditi confirmatum à Prælo majiori nequit irritari ab inferiori.

7. Potest Prælatus Localis irritare votum, quod subditus emisit animo illud implendi, cum fuerit liber; v. g. pro tempore, quo extra Con-

ventum, vel extra Ordinem fuerit; ratio est, quia huiusmodi votum, etiam de presenti cadit sub dominio Prælati, qui quidem supra subditum habet semper plenam potestatem ad irritandum; ita taliter ut sic irritatum, pro futuro tempore amplius non convalescat, cum omnem vim ligandi amittat; quod etiam procedit in dubio, an tempore subiectionis, aut libertatis votum fuerit emissum; prout cum communi docet Ledesma tom. 2. tract. 19. cap. 7. dub. ult. Sanchez apud Dianam p. 9. tract. 8. resol. 15.

8. Vota à subditis emissà de exequendo aliquo consilio evangelico, ut de elemosyna elargienda, de pariendo, & de orando pro inimicis, de non violandis præceptis Decalogi, vel Ecclesiæ, aut Regulæ, & similibus, possunt à Superioribus locatibus irritari; nam huiusmodi irritatio non esset dispensatio in prædictis, cum per eam solum intendant Superiores præfati tollere à subditis maiorem obligationem, quam ipsi de illis servandis sibi imposuerunt: ita Palaeus de voto disp. 2. p. 8. n. 2. Fagundes in 2. præcep. Decal. lib. 2. cap. 34. Bordon. tom. 1. resol. 14. n. 2. Lenzana tom. 1. cap. 18. n. 54. & alii.

9. Non habent dicti Superiores potestatem irritandi Novitiorum vota, sive in sæculo, sive in Religione ab eisdem emissà; ratio est, quia nondum perfectæ sunt subditi, nisi consensus ipsorum, vel etiam Magistrorum accedat, tunc enim & Prælati, & Magistri poterunt ea irritare; suspendere quoque possunt vota Novitiorum personalia, quæ impediunt

Religionis obsequia, & sic suspensà, non obligabunt; donec per professionem extinguantur; si vero non impediant, vel sint realia: v. g. de distribuenda elemosinà de propriis bonis, aut quid simile, suspendi nullatenus, possunt, nam Prælati super iis dominativam non habent potestatem; vota tamen omnia à Novitiis in anno probationis emissà, et si à Superioribus sint suspensà, reviviscunt, si non profiteantur: ita cum D. Thom. 2. 2. q. 88. art. 2. ad 1. docent commun. D. D.

10. Potestas irritandi, commutandi, ac dispensandi, qua Superiores Locales fruuntur, potest etiam extra pœnitentiæ Sacramentum ab eisdem exerceri, cum privilegia ad id concessa, non sint restrictiva; ubi enim lex non restringit, nec nos restringere debemus; prout cum multis tenent Sanchez lib. 4. Decal. cap. 43. n. 16. & lib. 8. de matrim. disp. 34. n. 29. Suarez tom. 2. de Relig. tract. de voto. In commutationibus tamen, vel dispensationibus virtute litterarum Apostolicarum, aut Sacræ Pœnitentiariæ faciendis, præmittenda præcudubio est confessio Sacramentalis, qua peracta, executio facultatis immediate est facienda, nam in dictis litteris apponitur clausula: *Audita Confessione, & non aliter, nec alio modo*; Potest præterea dicta facultas aliis delegari: ut docent cit. D. D. sed à delegato id faciendum est in actu Sacram. Confessionis, ut dictum est in cap. præced. n. 14.

11. De iure communi, & ex potestate spiritali, quam Superiores Locales in suos subditos habent, possunt

sunt eorum omnia vota simplicia ex iusta causa commutare, & dispensare; ut cum communi docent Suarez tom. 2. de Relig. tract. de voto lib. 6. cap. 10. n. 14. 15. & 16. Navarrus in Manual. cap. 12. n. 25. excepto voto transeundi ad strictiorem, super quo dispensare non valent, ut dictum est supra tract. 4. cap. 6. n. 8. & licet vota peregrinationis Romanæ, Hierosolymitanæ, & Compostellanæ nequeant à præfatis Superioribus commutari, vel dispensari, nisi in casibus, in quibus Episcopi id facere possunt cum suis subditis; irritari nihilominus possunt, aut ex causa suspensionis, negando subditis licentiam peregrinandi, cum potestas irritandi, & dispensandi sit inter se distincta, & una non impediatur ab alia: ita Miranda tom. 2. q. 32. art. 1. conclus. 3. Portell. V. voti dispensatio n. 42. Suarez tom. 2. de Relig. lib. 6. de voto cap. 10. n. 17. & alii.

12. Prælati dubius de iusta causa ad dispensandum in votis, potest ad securitatem aliquod onus facile injungere, non enim cogitur absque onere dispensare, quandoquidem in dispensationibus Pontificiis id sæpissime fit, quamobrem tutius erit partim uti dispensatione, & partem commutatione, cum difficilius sit cognoscere, an subsit iusta causa ad dispensandum, quæ semper requiritur major, quam ad commutandum: ita Azor. tom. 1. lib. 12. q. 4. Sanchez de matrim. lib. 8. disp. 7. & alii.

13. Possunt Superiores Locales dispensare in Novitiorum votis omnibus, in quibus possunt Episcopi erga suos subditos, idque constat ex

potestate spirituali, quam in illos habent, & ex concessione Eugenii IV. per Bullam incip. *Etsi quaslibet*, Cisterciensibus facta, quæ habetur in compend. privil. Mendic. V. *Dispensatio* 5. 27. ubi Abbates, Priores, sive Superiores Monasteriorum expresse nominantur, & per communicationem alii cæterorum Ordinum Prælati Locales eodem gaudent privilegio, quod quidem loquitur non solum de Novitiis, sed etiam de Donatis, Oblatis, seu Tertiariis collegialiter viventibus; & de omnibus votis, etiam Sedi Apostolicæ reservatis, Voto Religionis dumtaxat excepto: ita Navarrus in Manual. cap. 12. n. 65. Sanchez in summ. lib. 4. cap. 43. Joan. de la Cruz in Epist. lib. 1. dub. 20. conclus. 3. & alii.

14. Subditorum vota juramento firmata, & juramenta promissoria in honorem Dei facta, quæ quidem sunt quasi quædam vota, à Superioribus præfatis irritari, commutari, ac dispensari possunt, nam hujusmodi vota jurata non sunt distinctæ speciei, ergo qui potest tollere votum, quod est principale, potest à fortiori tollere juramentum, quod est accessorium; ut cum multis docent Lezana tom. 1. cap. 18. n. 53. Suarez lib. 6. de voto cap. 14. d. n. 14. Idem dicendum est de juramentis factis in favorem tertii in iis rebus, in quibus Religiosi sunt subiecti Prælati, de quibus disponere non valent; in rebus vero, de quibus valide, & licite disponere possunt, non cadit irritatio, nec commutatio, nec dispensatio in alterius præjudicium: ita comm. D. D.

15. Non possunt præfati Superiores

res

res absque voti cognitione illud commutare, vel dispensare, dicendo v. g. *Dispenso tecum in omnibus votis simplicibus & te emissis, vel commuto omnia vota tua simplicia in alia pietatis opera*; non interrogando prius, quænam sint illa vota, ad hoc, ut commutatio, & præcipue dispensatio cum vera causa fiat, sine qua erit invalida, & illicita; cum deficiente voti cognitione, necessario causæ cognitio deficiat; possunt tamen sine voti cognitione, atque adeo sine causa, vota irritare: dicendo: *Irrito omnia vota tua, quæ irritare possum*; cum ad huiusmodi irrationem faciendam causa minime requiratur, prout dictum est supra n. 3. exceptis votis, quod ab eisdem Prælati sunt confirmata, aut de eorumdem licentia emissæ, juxta dicta superius n. 6.; ut cum communi tenet Suarez tom. 2. de Relig. lib. 6. de voto cap. 16. n. 14.

16. Si pro quiete, & exoneratione conscientie subditi sufficiat votum commutare, non poterit à Prælato illud dispensari, nisi in casu, quo subditi plura emisserint vota, pluribusque obligationibus ligatus existat, quibus rectè satisfacere minime possit, ac proinde probabiliter timeat ruinam ipsius: ita Suarez lib. 6. de voto cap. 17. n. 18. Roder. in summ. p. 2. cap. 100. n. 4.

17. Potest subditus sine causa, & absque autoritate Prælati commutare suum votum in evidenter melius, nisi à Sede Apostolica prohibeatur, quemadmodum ab eadem prohibetur transitus à laxiori ad strictiorem Religionem absque Prælati

licentia; commutare tamen votum in æquale non potest subditus sine causa, & Prælati licentia, alias non habebit rationem virtutis, & honestatis huiusmodi commutatio, & multo magis requiritur causa, & licentia, immo & privilegium ad commutandum votum in minus æquale; ut constat ex cap. *Pervenit, de jur. jur. & docent Corduba in summ. q. 49. Suarez de voto cap. 19. num. 3. & alii.*

18. Cum potestas dispensandi sit ample interpretanda, ut late probat Sanchez lib. 8. de matrim. disp. 2. idcirco quando Prælatus dubitat de huiusmodi potestate, adhibitis prius diligentia, & consilio, potest cum subdito dispensare; quando vero veritas dubium circa veram, & justam causam dispensandi, tunc si Prælatus absque examine temere dispensat, mortaliter peccat, dispensatus tamen manet tutus in conscientia; quod si moralem diligentiam adhibeat, & adhuc menet dubius, poterit sine peccato dispensare, deponendo dubium, in quo erendum est, Ecclesiam piam matrem id concedere; prout tenent Sylvest. V. dispensatio q. 14. n. 20. in fine, Clavis Reg. lib. 4. cap. 2. n. 25. Sd V. Votum n. 20. & alii.

19. Potestas commutandi, & dispensandi vota, non solum est activa, sed etiam passiva, & commissiva, debetque exerceri à dictis Prælati verbis clariis, & vere significantibus, quod facere intendunt; nulla tamen in hoc est forma præscripta, sed arbitrio prudentis relinquitur, & verbis in significatione propria, &


& communi acceptis; verba autem commuto hoc, vel illud votum a te clariora sunt hæc: Si causa exposita emissum in hæc, aut illa pietatis opera est vera, seu si vera sunt exposita, dispensa tecum in hoc, vel illo voto; vel

# TRACTATUS V.

## De aliis Privilegiis Prælatorum Regularium.

### C A P. I.

#### De potestate. quam habent Prælati Regulares circa Benedictiones, ac Consecrationes Rerum Ecclesiasticarum.

1.  M N E S Prælati Regulares; videlicet, Generales, Provinciales, Priores, Guardiani, & consimiles, eorumque Vicarii, seu Præsidentes, illis absentibus, ex amplissimis Sedis Apostolicæ privilegiis, possunt benedicere Ecclesias, Cœmeteria, Corporalia, & alia Ornamenta Ecclesiastica ad Divinum Cultum, & ad usus dumtaxat suos, in quibus Christum non intervenit, necnon Ecclesias, & Cœmeteria qualibet sanguinis, vel seminis effusione, seu alias quomodolibet pollutas, seu polluta, quoties opus fuerit, aqua per eosdem, in locis remotis, ubi Episcopus longe distat, videlicet per 40. milliaria, benedicta, autoritate Apostolica re-

conciliare valent, quod quidem privilegium ad usum etiam Monialium sub regimine Prælatorum Regularium existentium extenditur: prout constat ex Bulla Leonis X. quæ incipit: *Religionis honestas*, cum clausula Conciliorum generalium revocatoria, & ex Bullis Julii II. *Benedictinis*, ac Minimis concessis, ut habetur in Bullario Emmanuelis Roderici, & in comp. privil. Mendicantium §. 11. *benedicere*, & in comp. Societ. Jesu *ead. verbo*. & ita docet Roder. cit. tom. 1. q. 19. art. 2. Quo indulto omnes Ordines Regulares per communicationem fruuntur, restringitur tamen usus ipsius ad res Sacras, in quibus Sacra unctio non adhibetur, & pro servitio Monasteriorum, seu Conventuum, & Ecclesiarum, propriarum tantum, ex Decreto S. Rituum Congr. die 13. Martii 1632. edito, apud

apud Lezanam in *summ. qq. R. R. tom. 3. v. Altare n. 3. v. benedictio* n. 8. de quo etiam mentionem facit Novarius in *Lucerna Regular. v. benedicere*, & comp. Societ. Jesu *cod. verbo n. 3.*

2. Cum ex Pontificali Romano, jussu Clementis VIII. edito, sacrum Christma solum requiratur in consecratione Ecclesie, Altaris, Calicis, Patenæ, & Campanarum; idcirco dicti Prælati, quibus concessum est, quæcumque ad divinum cultum necessaria benedicere; poterunt proculdubio uti privilegio benedicendi Pixides, in quibus Sacri Christmatis unctio non exigitur: ex *Rubric. Pontif. Rom. de bened. vascul. pro conserv. SS. Euchar.*

3. Guardiani Ordinis Minorum possunt Corporalia benedicere, quia licet; ut refert Miranda *tom. 3. q. 40. art. 1. concl. 2.* id per Capitulum Generale, Meclinesse ad solos Provinciales fuerit restrictum; in Capitulo tamen Toletano Generali anno 1583. celebrato, ex approbatione Cæremonialis Religionis, ut ipse refert *art. 2.* conceditur ipsis talis facultas; idem docet Roder. *tom. 1. q. 19. art. 2.* ubi probè advertit, quod facultas benedicendi prædicta Corporalia, aliasque res sacras, ut supra, concessa Vicariis, seu Præfidentibus, non extenditur ad quoscumque, sed ad illos dumtaxat, qui præfunt Conventibus in Guardianorum absentia per spatium 14. horarum. Sic pariter facultate benedicendi præfata ornamenta Ecclesiastica gaudent simplices Sacerdotes, si tamen ad id per Capitulum Generale fuerint deputati; prout constat ex relata Const.

Leonis X. Domos vero Prælati Regulares, quibus cura animarum non ineft, in Hebdomada Sancta benedicere non possunt; ex decreto S. Congr. *sub die 2. Julii 1620. in una Bononien.*

4. Abbates Regulares possunt consecrare Calices, & benedicere pixides, & alia vasa Ecclesiastica, non solum ad usum suarum Ecclesiarum, sed etiam alienarum, recepto tamen prius sacro Christmate ab aliquo Catholico Episcopo; ex privilegio Innocenti VIII. anno 1489 Abbatibus Cisterciensibus concessio, & à Gregorio XIII. ac Paulo V. confirmato, aliisque Abbatibus communicato, ut habetur in comp. privilegiorum eorundem *17. Communicatio* §. 1. 2. & 3. & docent Barbosa de potestate Episcopi p. 2. *allegat. 26 n. 36. Miranda tom. 2. q. 40. art. 4. Portell. v. Abbas n. 3.* Dixi, Abbates Regulares, nam Sæculares, etiam si Mitra, & baculi pastoralis usum habeant, non possunt absque Sedis Apostolicæ privilegio se ingerere in illis benedictionibus, in quibus unctio Sacra requiritur; ex decreto S. Congr. die 10 Novembris anno 1614. edito; prout refert Naldus in *summa v. Abbas n. 4.*

5. Possunt etiam Abbates Regulares campanas ad usum proprii, & alterius loci consecrare, ut docet communis praxis, & consuetudo; idemque dicendum de Altaribus portatilibus, de corporalibus, de vestibus Sacris, & cæteris rebus Sacris; cum id nullibi interdictum reperiat; & licet privilegium de campanis, consecrandis, non concedatur expref



expresse in Bulla præfata Innocentii VIII. hoc tamen colligitur ex privilegiis Urbani II. & Pauli III. quæ referuntur ab Afcancio Tamburino de jure *Abbatum* tom. 7. disp. 23. q. 13. & Renato Chopin. lib. 1. tit. 2. n. 18.

6. Prælati Mendicantium, aliorumque Ordinum Regularium, qui non sunt Abbates, non communicant, neque communicare possunt in privilegiis plura consecrandi, in quibus usus Pontificalium requiritur, quo dicti Prælati non Abbates carent; in iis enim, & similibus non fit communicatio, prout docent Miranda tom. 2. q. 40. art. 4. Hieron. Roder. in comp. alter. Roder. resol. 13. n. 3.

7. Ubi Episcopus Diæcesanus ter requisitus à Regularibus Prælatibus cum debita reverentia, & instantia eorum Ecclesias, Altaria, Calices, Campanas, & alia similia consecrare recusaverit sine causa legitima, poterunt in tali casu ab alieno Episcopo prædicta petere, atque recipere juxta concessionem Leonis X. in Concilio Lateranensi factam, quæ habetur in *supplem.* fol. 26. concess. 69. & refertur in comp. privil. V. *Benedicere* §. 16. idem concessit Sixtus IV. Carmelitæ, ut constat ex eodem compendio §. 6. quod quidem privilegium non adversatur decretis Concilii Tridentini sess. 6. de reform. cap. 5. cum concessio in prædicto Lateranensi Concilio facta, sit multum conformis ad jus commune, & ad id quod habetur in cap. 1. de supplenda neglig. Prælat. ubi Alexander III. in quodam simili proposito statuit; ut si Episcopus tertio cum humilitate, & reverentia requisitus, Abbates Regu-

lares benedicere renuat, liceat eisdem Abbatibus proprios Monachos benedicere, & alia, quæ ad officium hujusmodi pertinent, exercere, donec ipsi Episcopi suam duritiam recogitent, & Abbates benedicere non recusent; Idem dicendum est, quando talem consecrationem noluerit Episcopus Diæcesanus gratis exhibere: ex concessione Sixti IV. in comp. privil. V. *Benedicere* §. 5.

8. Non solum Prælati Regulares, sed etiam subditi missi ad terras remotissimas infidelium ad fidem Christi prædicandam possunt ibidem Ecclesias, Hôspitalia, & alia pia loca sine alicujus præjudicio erigere; vestesque Sacerdotales, Pallas, Corporalia, Calices & cæmeteria (si Episcopus non adsit) benedicere, & profanatas Ecclesias reconciliare; ex concessione Gregorii XIII. quæ habetur in Bullario Emmanuelis Roderici fol. 807. n. 36. & 37. & Pauli III. in Bull. 8. d. n. 26. usque ad 40. in favorem Societatis Jesu facta, quo privilegio ceteri Regulares nec communicationem fruuntur, si in terris remotissimis pro conversione infidelium existant; Id vero quod in dicta concessione ponitur (si Episcopus non adsit) solum est intelligendum pro consecratione Calicis, quem Prælati Mendicantium consecrare non potest, necnon pro benedictione Corporalium à Sacerdote non Prælato facienda; nam Prælatus non indiget licentia Episcopi ad Corporalia benedicenda, sicut indiget pro Calice consecrando, si Episcopus absens non sit; quo tamen absente, illum tum Prælatus, tum Sacerdos

subditus in dictis regionibus consecrare poterunt; poterit pariter prefatus Sacerdos ibidem corporalia benedicere deficiente Episcopo, non

vero si ille possit adiri: ita Portell. V. Benedicere n. 3. Cand. tract. X. de sacrif. Missa cap. 22. resol. 11.

## C A P. I I.

### *De potestate, quam habent Praelati Regulares mittendi suos subditos ad Ordines suscipiendos.*

1. **P**raelati Regulares Generales, & Provinciales (nam quoad Locales videnda sunt uniuscujusque Ordinis statuta, eorumque restrictiones, limitationes, vel facultates) possunt suis subditis Regularibus concedere litteras dimissorias ad effectum suscipiendi Ordines ab Episcopo, in cujus Diocesi sunt Conventus, seu Monasteria, vel etiam à quolibet alio, eo modo, quo mox dicitur, absque dimissoriis Episcopi Diocesani; idque constat ex pluribus privilegiis à Benedicto IX. Innocentio III. & Eugenio IV. in Bulla incip. *Et si quaslibet*, apud Cherub. tom. 1. Monachi S. Benedicti concessis; eandem quoque facultatem Ordini Minorum Alexander IV. concessit in Bulla, quæ incipit: *Convenit ut Sacer.* & successively Alexander VI. Leo X. & Paulus III. hujusmodi privilegium aliis Ordinibus Regularibus elargiti sunt, ut videre poterit Lector in comp. privil. Mendicant. V. Ordines §. 11. in comp. privil. Cisterc. §. 2. & in comp. Societ. Jesu §. 1. eod. tit.

2. Prefata facultas adhuc viget, etiam post Concilium Tridentinum,

ubi sess. 23. cap. 8. statuitur: *Neminem posse ordinari, nisi à proprio Episcopo*; nam Clemens VIII. eam concessit Congregationi S. Benedicti Vallisoletanæ, apud Steph. Quarant. V. *Ordo prope finem*; & constat ex declaratione S. Cong. ejusdem Concilii ad omnes Regulares extensa: prout sequitur: *De mandato SS. D. N. Clementis divina providentia Papa III.* tenore presentium mandatur omnibus, & singulis quorumcumque Regularium Superioribus, ut de cetero observent, & observari faciant ea; quæ in Decreto S. Congr. Concilii Trident. continentur, cujus tenor est talis: *Congregatio Concilii censuit, Superiores Regulares posse suo subdito, itidem Regulari, qui prædictis qualitatibus requisitis, ordines suscipere voluerit, litteras dimissorias concedere, ad Episcopum tamen Diocesenum, nempe illius Monasterii, in cujus familia ab iis, ad quos pertinet, is Regularis positus fuerit: & si Diocesanus abfuerit, vel non esset habiturus ordinationes, ad quemcumque alium Episcopum, dummodo tamen ab eo Episcopo, qui ordines contulerit, examinetur quoad doctrinam,*

nam, & dum ipsi Regulares non destituerint de industria concessionem dimissionum in id tempus, quo Episcopus Diocesanus, vel absuturus, vel nullas habiturus esset ordinationes, vel Sedes Episcopalis vacaret. Verum cum ad superioribus Regularibus, Episcopo Diocesano absente, vel ordinationes non habente, littera dimissionum dantur, in eis, utique hujusmodi causam absentia Diocesani Episcopi, vel ordinationum ab eo non habendarum, exprimendam esse. Quod si Regulares ordinandi morentur in Monasterio nullius Diocesis, hujusmodi dimissiones concedendas esse ad Episcopum viciniorum, in eoque procedere omnia, quae de Episcopo Diocesano superius praescripta sunt. Quod qui non fecerint, officii, & dignitatis, seu administrationis, ac votis activa, & passiva privationis, ac alias arbitrio SS. D. N. Papae reservatas penas incurrunt. In quorum c. Dat. Romae die 15. Martii 1596. Decretum referunt Mattheus. official. quoad Ordines n. 2. & Barbosa p. 2. de officio & potestate Episcopi allegat. 7. n. 18.

3. Conclusio praedicta colligitur etiam ex eodem Tridentino sess. 23. de reformatione cap. 8. ubi cum dicit, quod: nullus etiam cujuscunque generalis, aut specialis rescripti, vel privilegii praetextu ordinetur, etiam statutis temporibus, nisi ejus probitas, ac mores Ordinarii sui testimonio commendentur, intelligendum est de Generalibus, Provincialibus, aliisque Praeclatis Regularibus, cum negari non possit, eosdem esse suorum subditorum Ordinarios, qui de ipsorum probitate, vita, & moribus attestari possunt:

non vero Episcopi Diocesani, qui nec Regularium Ordinarii sunt, nec de illorum vita, & moribus testimonium ferre queunt: ita Miranda tom. 1. q. 39. art. 3. Barbosa de potestate Episcopi. p. 2. allegat. 7. n. 31. Diana de dubiis Regularium tract. 2. resolut. 6. & alii.

4. Ex delegata potestate ab Apostolica Sede emanata possunt Abbates Ordinum Monachalium suis subditis dumtaxat Regularibus Ordines minores cum prima tonsura conferre, dummodo tamen sint Sacerdotes, & jus habeant mitram, & baculum deferendi; ex cap. cum contingat de aetate & qualitate & cap. Abbas de privilegiis in 6. possuntque viciniorum Antistitem rogare, qui praedictos Ordines suis subditis Regularibus conferat, licentia alterius minime requisita: prout dictum est n. 2.

5. Abbates praedicti cujuscunque Congregationis habentes etiam jura Episcopalia, vel quasi Episcopalia, usumque Mitrae, & baculi, & benedicendi, non possunt primam tonsuram, nec alios minores ordines, nisi suis subditis Regularibus conferre, non autem Regularibus alterius Congregationis, Ordinis, vel Instituti, etiam si habeant litteras dimissionas suorum Superiorum Regularium, & consensum Ordinarium, intra quorum Diocesis fines ipsi Regulares ordinandi existunt, & multo minus personis Saecularibus, etiam subiectis dictis Abbatibus, vel habentibus litteras dimissionas suorum Ordinarium: ut constat ex Tridentino sess. 23. cap. 10. de reformatione per quam decisionem cessant quaestiones,

& difficultates de Abbatibus exemptis, invitatis ab aliis Abbatibus pariter exemptis, an possent ordinare Monachos alterius Monasterii non sibi subiectos, ac Novitios, quod quidem facere olim erat eis concessum: ex cap. *Abbatibus de privil. in 6.* sed quod novissime sit revocatum non est amplius disputationi locus: prout patet ex declaratione S. Congr. ejusdem Concilii die 23. Novembris 1641. facta: ut refert Lezana in suo consulto 22. n. 26. §. 3. & docet Miranda tom. 1. q. 28. art. 9. concl. 2. Donat. tom. 4. tract. 3. q. 35. n. 9.

6. Possunt Abbates etiam non benedicti exercere munus conferendi tonsuram, ordinesque minores subditis suis cumtaxat Regularibus; ex privilegiis Eugenii IV. ac Julii II. Congregationibus Cassinen. Cisterciens. & Montis Oliveti concessis; ubi habetur, quod licet munus benedictionis eisdem Abbatibus non impendatur, omnibus tamen, & singulis honoribus, præminentis, prærogativis, juribus, & insigniis, Abbatibus benedictis competentibus fungi possint; prout refert Miranda tom. 1. q. 28. art. 9. conclus. 3.

7. Dispensare in interstitiis non pertinet ad Prælatos Regulares, sed ad Episcopum ordinantem, ut colligitur ex Tridentino sess. 23. cap. 11. ubi postquam dixit, quod per temporum interstitia Ordines conferantur, subdit. *Nisi aliud Episcopo magis expedire videbitur*; & infra cap. 13. ejusdem sessionis loquendo de Diaconatu, ait: *Nisi necessitas, aut Ecclesie utilitas iudicio Episcopi aliud exposcat*; præterea S. Congregatio ejus,

dem Concilii, ut refert Tamburinus de jur. Abbat. tom. 2. disp. 2. q. 25. ad tollendam omnem dubitationem declaravit: *Superiores Regulares non posse dispensare super interstitiis Regularium ordinandorum, sed id pertinere ad Episcopum ordinantem, qui tamen quoad causam dispensandi iudicium suum formare debet ex attestatione Superiorum Regularium*; & ita docent Bellarm. in observ. doct. ad cap. 11. Trident. sess. 23. Passarellus in comp. privil. fol. 22. Miranda tom. 1. q. 38. art. 7. Sorb. in comp. privil. mendicant. V. Ordines Sacri Idcirco Prælati Regulares mittentes subditos ad Ordines suscipiendos, in litteris dimissoriis, si indigeant, debent D. Episcopum ordinantem rogare, ut super interstitiis dignetur dispensare ob suæ Ecclesiæ necessitatem, & utilitatem, utpote, quia Sacerdotibus indigent, ad hoc, ut Ecclesiæ deserviant, & oneribus Missarum satisfaciant.

7. Prælati Regulares possunt dispensare cum suis subditis Regularibus, ut extra tempora à jure stabilita Sacros Ordines suscipere valeant, dummodo id fiat tribus Dominicis, vel festis continuis, aut interpollatis: ex privilegiis Eugenii IV. pro Benedictinis, & Alexandri VI. pro Ordine S. Hieronymi; ut habetur in comp. privil. mendic. V. Ordines Sacri §. 9. & 11. quibus per communicationem omnes alie Religiones fruuntur; nec id est revocatum per Tridentinum sess. 23. cap. 8. nec per constitutionem Sixti V. contra male promotos, quæ incipit: *Sanctum*, & *Salutare*; apud Cherub. tom. 2. quia po:

postea ad tollendum omne dubium, id de novo concessit Societati Jesu Gregorius XIII. apud Bullarium Cherub. tom. 2. quod ad omnes communicantes extenditur, & præcipue ad fratres Minores, quorum privilegia ex certa scientia, & de potestatis plenitudine confirmavit, ac de novo concessit Clemens VIII. nec non Paulus V. per suam Bullam datam Romæ Kalendis Decembris 1609. etiam per viam communicationis, quæ confirmatio ex certa scientia habet vim innovandi concessionem, & indulta à S. Sede revocata; sed de hoc non est amplius nec disputationi, nec dubitationi locus, cum novissime Benedictus Papa XIII. in Concilio Provinciali Romano, corrente Anno Sancto 1725. in Sacrosancta Lateranensi Basilica celebrato, præfata privilegia subsistere declaraverit, cap. 2. fol. 26.

8. Abbates, alique Prælati inferiores habentes territorium exemptum, cum potestate visitandi, ac Synodum Congregandi, possunt concedere litteras dimissorias ad Episcopum viciniorem Clericis Sæcularibus, eisdem pleno jure subiectis, non obstante Tridentino, quia cum hi nulli Episcopo sint subditi, non est aliud, à quo petere possunt; & ita declaravit S. Congregatio in favorem Carthusianorum apud Barbosam in

collecta, Bullar. V. Abbas n. 4. & docent Tambur. de jur. Abbat. tom. 2. disp. 2. q. 26. n. 1. Diana p. 3. tract. 2. resol. 95. & p. 4. tract. 4. resol. 143. in fine.

9. Postremo advertendum est, pœnas appositæ in Decreto S. Congregationis relato supra n. 2. esse tantum comminatorias, & non incurri ipso facto; illa vero tria, quæ Prælati Regularibus in eo Decreto interdicuntur, nempe: mittere subditum ad Episcopum alienum: Illum transferre de familia ex una in aliam Diocesim in hunc finem: & differre ordinationem illius in tempus absentie proprii Episcopi, vel vacationis ab ordinationibus: esse singula prohibita sub mortali, & sub pœnis prædictis tenent Dianap. 9. tract. 8. resol. 58. & Peyrinus de Prælato q. 3. cap. 7. n. 5. quia in omnibus est materia gravis, & præjudicatur proprio Episcopo; nisi excuset bona fides, aut nimius examinatorum rigor; sed Bordonus tom. 2. resol. 67. n. 39 censet, culpam mortalem, & pœnas locum habere tantum in primo casu, quia nullum præjudicium inferitur Episcopo ab exemptis, si alio mittantur sive de familia, sive ad recipiendos Ordines, quando ab ipso non conferuntur; an hæc opinio Bordonii sit probabilis, alii judicent.



## C A P. I I I.

De potestate Prælatorum Regularium circa  
Missarum reductionem.

1. **Q**uamvis non pauci D. D. inter quos Bonacina *tom. 1. de Sacram. disp. 4. q. ult. punct. 7. §. 2. n. 11.* & Barbosa *de offic. & potest. Episcop. alleg. 29. n. 5.* doceant privilegium Tridentini *sess. 25. cap. 4. de reform.* concessum Episcopis, & Generalibus Ordinum Regularium moderandi, seu reducendi Missarum numerum, non esse omnino extinctum per decreta de celebratione Missarum à S. Congreg. jussu Urbani VIII. anno 1625. edita, apud Cherub. *tom. 4.* (quibus absolute prohibetur facultas illas moderandi, seu reducendi absque Sedis Apostolicæ licentia) sed moderandi, & restrictum ad posse reducere Missarum, onera suscepta ante Tridentinum, secus autem post illud, aut imposita in limine foundationis alicujus Beneficii, vel Capellæ: Verumtamen, quia stylus curiæ Romanæ urget in contrarium, & quia præallegata Decreta S. Congr. retrahuntur, & extenduntur ad præterita onera, etiam imposita ante Tridentinum, ut eadem S. Congregatio multis in locis declaravit, & præcipue in *respons. ad 6. dub.* idecirco tenendum est, nulli prorsus sine speciali licentia præfatæ S. Congreg. licitum esse, hujusmodi onera moderari, seu reducere, sive ante, sive post Tridentinum sint sus-

scepta, ac proinde dictum Tridentini privilegium omnino extinctum remanere.

2. Facultas concessa uni Conventui Regulari pro Missarum reductione extendi non potest ad alios Conventus ejusdem, vel alterius Religionis, contra Dianam *p. 6. tract. 6. resol. 11.* & Marchinum *de sac. Ordin. p. 2. tract. 3. cap. 20.* referentes privilegium Urbani VIII. Conventui Minorum Genuæ concessum; quia Urbanus illud concessit per breve particulare, & brevia particularia aliis minime communicantur, ut alibi diximus, alioquin, cum frequentes hujusmodi concessiones ad petitionem hujus, vel illius Conventus emanent, quælibet illarum pro omnibus sufficeret, & sic recursus ad S. Sedem tolleretur, magnaque confusio sequeretur; hinc die 10. Novembris 1646. opus præfati Marchini suspendi fecit, & Diana opinionem suam retraxit *p. 10. tr. 16. resol. 67.* prout refert Lezana *tom. 5. p. 2. n. 78. fol. 967. & tr. 4. V. Missæ. 31.* Neque his obstat aliud privilegium ejusdem Urbani Minoribus Conventualibus concessum, quia id fuit eis datum per modum constitutionis, & constitutiones unius Religionis non extenduntur ad alias, neque communicantur, præterea lo-

qui.

quitur de reductione facienda in primo Capitulo Generali, & non alias; ergo si alia reductio post dictum Capitulum sit facienda, ad S. Sedem, proculdubio recurrendum est.

3. Superiores Regulares, diminutis notabiliter fructibus Capitalium pro Missis celebrandis legatorum, non possunt numerum illarum reducere, vel minuere; ratio est, quia S. Congr. in 1. dub. consulta, an quando ita tenue est legatum, ut non sit, qui velit onus illi injunctum subire, & si recurratur ad Pontificem, to-

tum, vel magna pars redditus in necessariis expensis consumenda sit possit per Episcopum loci, vel Prælatum Regularem reduci, ac minui? respondet, quod ab iis, ad quos pertinet ad S. Sedem pro moderatione recurrendum sit; ut docent Tambur. in opuscul. de Sacrific. Missæ lib. 3. Cap. 1. §. 2. n. 1. Lezana Prælat. Missæ n. 37. Diana p. 10. tr. 16. resol. 65. Vide constit. Innoc. XII. super celebrat. Missarum 23. Novembris 1697. editam apud Mattheuc. Offic. Curie cap. 10.

## C A P. I V.

### De potestate Prælatorum Regularium æconomica circa temporalia.

1. Prælati Regulares quantumvis privilegiati nequeunt absque licentia S. Cong. Concilii bona immobilia, & mobilia pretiosa Monasteriorum, seu Conventuum alienare, seu dominium rei directum, vel indirectum, utile, usumfructum, possessionem, aut jus in alterum transferre; etiam retento dominio directo; sub qua prohibitionem comprehenduntur donationes, venditiones, pignorationes, locationes, seu conductiones ultra triennium, impositiones censuum, receptiones pecuniarum ad cambium cum solutione lucri cessantis, vel damni emergentis, hypothecæ & infundationes, contractus emphyteutici, nisi in casibus à jure expressis, &c. prout habetur in Extravag. Pauli II. incip. *Ambi-*

*tiosa*; in qua sub pœna excommunicationis latæ sententiæ omnes prædicti contractus prohibentur; vide Bullam tom. 1. Bull. Cherub. pag. 329. Miranda in Silan. Prælat. tom. 2. qu. 35. art. 18. Barb. in collect. Bull. v. Domus Bonac. tract. de alienat. bon. Eccles. quest. unica punct. 2. n. 1. Roder. & alii.

2. Neque alienari possunt, ut dictum est, sine præfata licentia bona mobilia pretiosa, illa scilicet, quæ servando servari possunt, ut colligitur ex dicta Extravag. *Ambitiosa*, illa autem bona dicuntur servando servari posse, quæ per triennium durant, usu non consumuntur, vel fructificant, ut sunt vasa aurea, vel argentea, grex pecudum, armentum, boum &c. ut docent Bonac. de cons. disp.

disp. 3. quæst. 8. punct. 4. n. 4. & in tract. de alienat. bon. Eccles. disp. 2. quæst. unica punct. 2. n. 2. Barb. de potest. Episcopi alleg. 19. n. 39. Peyrinus tom. 1. privileg. in Const. Julii II. n. 10. & alii.

3. Prohibitum est pariter Regularibus Prelatis transferre bona unius Monasterii in aliud, loquendo de bonis immobilibus, aut mobilibus prætiis, quæ scilicet servando servari possunt, cum hujusmodi translatio sit quædam alienationis species, ut docet Bonac. de alienat. bon. Ecclesiast. disp. 2. q. unica punct. 2. n. 9. quare aliqua privilegia Religionum, quibus id permitti videtur, de quibus Roder. tom. 2. q. 135. art. 9. & Peyrinus tom. 1. privileg. Minim. in Const. 2. Julii II. n. 76. quoad ea bona transferenda manent revocata per Decretum S. Congr. Concil. quo revocantur omnia privilegia Regularium in ordine ad alienationes prædictorum faciendas. Lezana tom. 2. cap. 19. n. 56. Idem dicendum de permutationibus; commutationibus, præcaris, juri- bus, actionibus. Oratoriis, & Capellis Ecclesiæ, aliisque bonis immobilibus, & incorporabilibus, quæ in generali prohibitione comprehenduntur: ut docent Quaranta in Summ. Bullar. v. alienatio n. 15. Riccius in praxi for. Ecclesiast. decis. 64. Sylvester v. alienatio q. 10. Bonac. loc. cit. n. 13.

4. Alienari tamen possunt à Regularibus Prelatis absque S. Congr. licentia mobilia non prætiosa, v. g. vinum, oleum, frumentum, vestes tritæ & alia hujusmodi; necnon mobilia, etiam prætiosa, quæ tamen

servando servari non possunt, scilicet, quæ non durant triennio, &c. ut dictum est supra n. 2. prout colligitur ex dicta Extravag. Ambitiose, in qua expressè conceditur alienatio illorum; quæ servando servari non possunt, & docent Molina de contrariis disp. 465. n. 1. Riccius in praxi for. Ecclesiast. decis. 62. resol. 59. n. 2. Pecunia vero, quæ destinata est ad emptionem stabilium, censuum, vel mobilium prætiosorum, aut est fructifera, qualis est pecunia in montibus, vel censibus collocata, inter bona immobilia, vel mobilia prætiosa, quæ servando servari possunt, connumeratur, ac per consequens sine dicta licentia alienari non potest; ita Sylvest. Bonac. & Quaranta relati supra, quos poterit Lector consulere circa casus, qui in hac materia juxta Extravag. prædictam, & S. Congr. Decretum occurrere poterunt.

5. Non effugiunt poenas Extravagantis, & Decreti S. Congr. illi Prelati Regulares, qui res Monasteriorum, seu Conventuum alienant, vel contractum celebrant alienationis, dicentes id facere salvo Sedis Apostolicæ, aut S. Congr. consensu; ratio est, tum quia protestatio est contraria facto, tum quia quoties aliquid pertinet ad formam actus, debet actum ipsum præcedere, consensus autem Sedis Apostolicæ pertinet ad formam alienationis rerum Ecclesiasticarum; prout docent Quaranta in Summ. Bullar. v. alienatio n. 8. & Bonac. de alienation. bonor. Ecclesiast. disp. 2. q. unica punct. 4. n. 5. Peyrinus tom. 1. privileg. Minim. in Const. 9. Julii II. n. 14. Si tamen non tradatur

posse



possessio rei alienatæ, non incurrunt dictæ poenæ, quia tunc possessio manebit apud Monasterium, & illæ cui tradenda est talis rei solum habebit jus ad illam, & conditionatum, non autem absolutum, vel jus in re, donec consensus Sedis Apostolicæ habeatur.

6. Advertendum, quod licet jure communi ad alienationem rerum, Ecclesiasticarum requiratur juris solemnitas, quæ continet quatuor; scilicet, auctoritatem Prælati; tractatum circa alienationem faciendam, consensum Capituli, & subscriptionem singulorum, saltem per Notarium ut notat Quaranta, & Peyrinus *loc. cit.* Verumtamen, quia nonnullæ Religionis habent privilegia ad alienationes sine prædicta solemnitate, faciendas; qualiter Carmelitæ habent à Gregorio XIII. in Bulla, quæ incipit, *Ex incumbenti*, apud Cherub. *tom. 2.* facultatem illas faciendi, dummodò sint in commodum, & utilitatem Conventuum, accedente etiam consensu, & rati habitatione Generalis; insuper Religiosi Societatis Jesu alium etiam modum solemnitatis habent ab eodem Gregorio XIII. illis præscriptum, de quo Molina *de contr. disp. 458. §. quarta conclusio*; idcirco quelibet Religio juxta formam privilegiorum, quæ post Extravag. *Ambrosiæ*, à Sede Apostolica impetravit, potest prædictas alienationes facere, habita tamen licentia ejusdem S. Sedis, vel S. Congreg. nam Decretum præfatum solum revocat privilegia Regularium, quantum ad faciendum alienationes sine dicto consensu, non quantum ad alia, quæ ad illarum solemnitatem pertinent.

7. Non requiritur consensus S. Cong. in alienatione, quæ sit ex necessitate juris illam præcipientis, & propterea ea non egent Fratres Minores de corpore observantiz, dum per Syndicum Apostolicum alienant res, eis relictas, vel donatas, nam, id faciunt ex præscripto Regulæ, prout à S. Cong. Concilii fuit resolutum, & refert Nicol. *elucubrat. lib. 3. tit. 1. de alienat. rer. Ecclesiast. n. 20.* ubi idipsum tradit fuisse decisum favore P.P. Theatinorum. Advertat Lector, quod alii plures Casus ad hanc materiam pertinentes brevitatibus gratia hic omittuntur, propterea Consulere poterit DD. qui de ea fusi pertractant, præsertim Mattheus. *Official. quoad res Eccl. & Monaster. non alienandas cap. 45. per totum.*

8. Postremò advertendum est, quod Innocentius XI. in sua Constit. quæ incipit; *Alia*; die 16. Septembris 1683. edita confirmavit Decretum à S. Congr. Episcop. & Regular. sub die 4. Maji 1680. editum, circa suppellectilia Ecclesiastica à Fratribus Minoribus tam Observantibus, quam Reformatis, aliis non commodanda, nisi aliquibus servatis; ut infra: S. Congr. injungendum censuit, prout præsentis Decreti tenore jungit omnibus, & singulis dicti Ordinis Superioribus Provincialibus, localibus, eorumque subditis, sub pænâ privationis Officiorum Ordinis immediatè incurrenda, ne ullo unquam tempore, quavis occasione, vel prætextu, ad instantiam, & preces cujusvis indulgeant, aut consentiant suppellectiles, vasa, ornamenta, vestes, atque omnis generis res, spectantes aliquo modo ad eorum Ecclesias,

Capellas, Altaria, Oratoria, Sacristias, extra illa ad usum, vel Officium ceterorum distrabi, asportari, seu aliis ab ipsis Fratribus Minoribus commodari, quin prius accesseris consensus, sultem ultra quas partes totius Capituli

cujuslibet respectivè Conventus per secreta Suffragia, singulis vicibus præstandus, necnon d' Patre Ministro Provinciae authenticè confirmatus, & ita servari mandat.

## TRACTATUS VI.

### De Confessariis Regularibus erga Regulares.

#### C A P. I.

*De potestate, quam habent Confessarii Regulares, absolvendi Religiosos ejusdem Ordinis à peccatis, & Censuris.*



Confessarii Regulares pro Regularibus non indigent approbatione Episcoporum ad audiendas eorundem Confessiones, nam quoad hoc, Tridentinum non innovavit jus commune antiquum, Concilium enim sess. 23. cap. 15. de Reform. approbationem Ordinarii in Confessariis exigit solum relatè ad Sæculares, non verò ad Regulares, quorum institutio pertinet ad suos Prælatos habentes in utroque foro jurisdictionem quasi Episcopalem, quam utpotè Judices Ordinarii, aliis delegare possunt; ut cum communi docent Suarez tom. 4. de penit. disp. 28. sect. 1. n. 4. Miranda tom. 1. q.

45. art. 11. concl. 2. Vnde Generalis pro toto Ordine, Provincialis pro tota Provincia, & Superior Localis pro suo Conventu possunt Confessarios instituere; dummodò id propriis statutis non repugnet. Guardiani Ordinis Minorum Observantium, & Reformatorum id facere prohibentur per statuta cap. 7. §. 1. ubi dicitur: *Nulli liceat Fratrum Confessiones audire, neque ad istud munus idoneus reputetur, nisi à Generali, vel Provinciali prævio debito examine approbetur, & facultatem in scriptis obtineat.* De aliis autem qualitatibus, & requisitis; quibus Confessarii nostri Ordinis præditi esse debent, agitur ibidem per totum.

2. Legati Summi Pontificis sive à latere, ut sunt Cardinales; sive

sive Dativi, ut sunt Prælati, qui simpliciter in legationem mittuntur, possunt suam jurisdictionem in Regulares, & alios exemptos in sua dumtaxat Provincia exercere, atque adeo veluti Judices Ordinarii omnium Religiosorum Confessarios pro eisdem Religiosis instituere, & facultatem in reservata concedere; prout constat ex ipsorum litteris patentibus, & docent omnes Canonistæ, quibus inhærent Sylvest. v. Confessor 1. q. 1. Navarr. in cap. placuit de panit. dist. 6. n. 62. Sanchez de Matrim. tom. 1. disp. 28. & alii. Legati autem nati, qui prætextu suarum Ecclesiarum legatione funguntur, ut sunt nonnulli Archiepiscopi: præfata jurisdictione in Regulares carent: ita Abbas in cap. 1. de offic. leg. in v. universos. & cap. 1. de verb. signif. p. 1. tom. 3. resol. 17.

3. Quod dictum ampliat Suarez lib. 8. de legib. cap. 26. n. 10. ubi docet, posse Regulares uti tali facultate, etiam extra Provinciam Legati concedentis, eamque durare perpetuò, cum sit privilegium personale, quod afficit personam, eamque comitatur quocumque ierit, habeatque rationem gratiæ factæ; quæ non expirat, mortuo, vel amoto ab officio concedente; dummodo hujusmodi facultas fuerit concessa indefinitè, & tempore, quo dicti Regulares intra limites illius Provinciæ collocationem habebant: ex cap. quoad translationem de offic. leg. ubi Gloss. in v. reservata.

4. Confessarii Regulares approbati ut supra possunt Religiosos ejusdem Ordinis absolvere ab omni pec-

cato, & censura non reservatis, nam à reservatis nunquam possunt extra necessitatem absolvere, nisi à suis Prælati specialem habeant facultatem, vel delegatam in aliquo casu particulari, pro una, aut altera vice, vel delegatam ad universitatem casuum reservatorum, qualem habent Pœnitentarii Conventuum, seu Monasteriorum per statuta, vel per Superiores deputati juxta Decretum Clementis VIII. de casuum reservatione.

5. Præfati Regularium Confessarii, etiam si sint Pœnitentarii ordinarii, atque approbati ab Ordinariis locorum ad audiendas sæcularium Confessiones, non possunt Religiosos sui Ordinis absolvere à casibus Sedi Apostolicæ reservatis, neque in Vois, & multo minus in irregularitatibus dispensare virtute privilegii à Paulo III. Societati Jesu concessi, per Bullam, quæ incipit: Cum inter cunctas, relata per extensum à Casarub. in comp. privil. mendicant. fol. 545. ubi Confessariis præfate Societatis ampla tribuitur facultas absolventi quoscunque fideles, ad eos accedentes à quibuscumque casibus (exceptis in Bulla Cœnz contentis, dispensandi quoque seu potius commutandi Vota quoscunque per eos emissà (exceptis quinque Papæ reservatis) quia revera sententia affirmativa omni prorsus caret probabilitate, cum hujusmodi concessio facta fuerit in ordine ad Sæculares, non autem in Ordine ad Religiosos ejusdem Ordinis, ut ex textu apparet, & ex multis ostendit Suarez tom. 4. de Relig. lib. 9. tract. 10. cap. 2. n. 1. in fine, & do-

cent Roder. in addit. Summ. Moral. tom. 4. cap. 12. conclus. 2. & Portell. v. *Confessio erga fratres* n. 16. qui postquam opinionem negativam sustinet; subiungit: *proinde videat Confessor Regularis quid possit erga suos fratres, iuxta sua privilegia, vel statuta.* Dixi, *Religiosos sui Ordinis*, nam de aliis dicitur infra. Nonnulla alia privilegia à D. D. relata, quibus asserunt, posse Confessarios Regulares suos Confubditos in aliquibus anni festiuitatibus absolvere ab omnibus casibus Papæ reservatis, & dispensare super irregularitatibus (exceptis homicidio voluntario, Bigamia, & mutilatione membrorum) vel sunt revocata, vel dubia, vel saltem ad id faciendum requiritur expressa Prælatorum licentia, cum qua toties quoties absque alio privilegio possunt dicti Confessarii absolvere, & dispensare juxta delegationem, seu concessionem. Videas Portell. v. *Confessor erga fratres* d. n. 18. & seqq.

6. Possunt prædicti excipere Confessiones Religiosorum aliorum Ordinum, supposita expressa licentia suorum Prælatorum, & seclusa constitutione, seu statuto Ordinis in contrarium, nam Prælati Regulares oves proprias, cui voluerint Pastori, alias idoneo, possunt committere; si autem fuerint ab Ordinariis locorum approbati, poterunt cum præfatis aliorum Ordinum Religiosis uti eisdem facultatibus, quibus uti possunt cum secularibus tam quoad absolutiones, quam quoad dispensationes. Si vero licentia Prælatorum fuerit limitata, v. g. ut non possint subditi extra Ordinem absolvi à reservatis, vel

à censuris, aut dispensari ab irregularitatibus, in tali casu Confessarii electi tenentur se continere intra limites concessionis; quinimmo ad absolutionem, vel dispensationem obtinendam in casibus præfatis, necessaria est Superiorum licentia expressa, nam verba generalia non sufficiunt, cum in generali concessionem non veniant casus speciales: ex cap. *Si Episcopus, de penit. in 6.* & docent Navarrus in Manual. Cap. 27. n. 261. Roder. tom. 1. q. 20. art. 27. Suarez de Relig. tom. 4. lib. 10. cap. 5. n. 3. Donatus tom. 4. tract. 5. q. 10. Miranda tom. 2. q. 33. art. 6. concl. 2. Idcirco debent interrogare, an habuerint licentiam constituendi, & qualem.

7. Non possunt Prælati Regulares altringere subditos ad sibi constituendum, cum confessio inducta sit à Christo Domino libera ad utilitatem pœnitentum, & non ad eorum detrimentum; & licet olim de jure communi, & ex privilegiis tenebantur subditi constiteri suis Prælatis, tanquam propriis Sacerdotibus, vel aliis de ipsorum licentia, ut probat textus in cap. *Omnis de penit. & remiss. peccat.* postea tamen aliter sancitum fuit per constitutionem Clementis VIII. pro casuum reservatione anno 1593. editam; ubi dicitur: *Non liceat Superioribus Regularium Confessiones subditorum audire, nisi quando peccatum aliquod reservatum admiserint, aut ipsimet sponte, aut proprio motu id ab ipsis petierint.* Quod etiam S. Congregatio Concilii jussu Urbani VIII. anno 1624. approbavit, & innovavit, comprehen-

dens

dens omnes Superiores tam majores, quam minores, & præcipiens eis id sub mortali.

8. Confessarii Regulares non deputati Pœnitentiarii, si pro aliquo casu particulari reservato recusent Superiores sive Provinciales, sive Locales eisdem petentibus facultatem concedere, poterunt licite illa vice, etiam facultate non obtenta, Religiosos pœnitentes absolvere, absque onere se postea præsentandi; nam in tali casu autoritate Apostolica absolutionem impendunt: ut constat expresse ex dicta Constitutione Clementina de casuum reservatione: tom. 4. Bullar. Cherub. fol. 274. immò id toties licite possunt facere, quoties dicti Superiores irrationabiliter facultatem negant; secus autem, si rationabiliter; nam in quibusdam casibus, nempe ob bonum proximi, ut si peccatum sit tale, quod veigat in perniciem aliorum, vel ob bonum ipsius pœnitentis, ne ob facilitatem obtinendæ facultatis, occasionem accipiat perseverandi in peccato, vel etiam ad vitandam infamiam, aut grave damnum unitatis, possunt justè facultatem denegare; quandoquidem Superiores magis tenentur bono communi, quam particulari providere: ita Bonac. de pœnit. disp. 5. q. 7. p. 5. §. 2. n. 19. Candidus tom. 2. disp. 24. ars. 68. Lugo de pœnit. disp. 20. n. 41. Cutton. lib. 2. contrav. 7. cap. 5. n. 152. Diana p. 3. tract. 2. resol. 126. Gubut. tract. 7. pag. 478. n. 705.

9. Confessarium eligere, eique, ut libet, peccata confiteri, non possunt Regulares subditi absque licen-

tia sui Prælati, neque ex privilegio Bullæ cruciatæ, quæ quidem in hoc quoad Regulares per Romanos Pontifices S. Pium V. Gregorium XIII. Clementem VIII. & novissime Urbanum VIII. in Bulla incip. *In Specula militantis Ecclesia*: apud Cherub. tom. 4. pag. 438. in favorem omnium Prælatorum Regularium revocata fuit, qua revocatione visa à P. Diana, mutavit sententiam suam affirmativam, quam antea mordicus sustinebat in 3. p. tract. 2. de dub. regul. resol. 94. Neque in casu, quo subditus reperiatur in Conventu, ubi nullus sui Ordinis Sacerdos existat, aut non nisi aliquis male affectus, & suspectus de revelatione sigilli, quia tunc potest à Prælato licentiam petere, quod si Prælatus abût, & adiri nequeat, nec sit alius Sacerdos Ordinis approbatus, atque urgeat necessitas celebrandi, vel communicandi ad vitandum scandalum, vel infamiam, eliciat actum contritionis; & quam primum Confessario suo legitimo consiteatur juxta Trident. sess. 13. cap. 7.

10. Religiosi itinerantes, vel extra Conventum manentes possunt quibuscunque Confessariis Regularibus, aut Sæcularibus confiteri, de licentia tamen suorum Superiorum, etiam Localium, & dummodo desit eis copia Confessarii sui Ordinis secus invalide consentitur, exceptis necessitatis casibus, prout constat ex privilegiis Innocentii VII. constitut. incip. *Proventis*. apud confectum, fol. mibi 32. Sixti IV. const. incip. *Supplicari*: apud eundem confectum fol. 78. & in comp. privileg. Ord. Mi-

Minor. V. Absolutio ordinaria quasad fratres §. 35. sunt & alia huius generis privilegia, quæ referuntur à Roder. tom. 1. q. 62. art. 4. & 5. Miranda tom. 2. q. 33. art. 6. Peyrino tom. 1. de subdito q. 1. cap. 21. Bordon. p. 1. resol. 34. n. 2.

11. Præfata licentia non requiritur, quod sit expressa, sed abunde sufficit, si sit tacita, aut præsumpta, vel interpretativa; etenim Prælati concedens subdito facultatem itinerandi, censetur omnia illa concedere, sine quibus itineratio commode fieri nequit, sed subditus Religiosus non potest commode itinerare, vel extra Conventum manere absque electione Confessarii, cum debeat Sacramenta frequentare, ergo præsumendum est, huiusmodi facultatem illi concedi in licentia itinerandi, vel extra Conventum manendi; præterea, quia dicta privilegia nihil dicunt de licentia expressa, sed tantum requirunt licentiam, quæ sive sit tacita, sive expressa, licentia est, & ubi lex non distinguit, nec nos distinguere debemus: ita tenent S. Antonin. p. 3. tit. 24. cap. final. §. 1. Sylvest. V. Confessor 1. n. 10. q. 11. Sanchez lib. 4. Summ. cap. 39. n. 35. Miranda tom. 2. q. 33. art. 6. concl. 1. in fine Navarr. tom. 3. dist. 6. de penit. in cap. placuit n. 62.

12. Virtute tamen dictæ licentiæ à Præfatis generaliter factæ, non possunt itinerantes, vel extra Conventum manentes per Confessarios à se electos à reservatis absolvi; nisi id eisdem expresse fuerit concessum; ut constat ex cap. Si Episcopus de penit. in 6. ubi dicitur, quod casus reserva-

ti non veniunt in generali concessione, nisi in specie concedantur; & ex Juris regula 81. in 6. ubi habetur, quod in generali concessione non veniunt ea, quæ quis non esset verosimiliter in specie concessurus; cum rationabiliter possit præsumi, nullum Prælatum reperiri, qui suis subditis iter facientibus concedat facultatem confitendi reservata extra Religionem, & præsertim Præbyteris Sæcularibus, ex quo Religio possit infamari, & regularis disciplina contemni. Sed quia hæc de re non potest certa regula assignari, idcirco debent Prælati prudenter advertere, quod moraliter loquendo, non potest negari, quin necessarium sit, ut in hac parte consulatur Religiosis per plures dies itinerantibus, & Confessariis sui Ordinis indigentibus, nec non confitendi reservata, si opus fuerit, licentiam expressam petentibus; nam ex negatione gravia scandala, incommoda, ac detrimenta in animarum pernicient possent oriri; quamobrem non sint duri, nec difficiles Prælati in huiusmodi licentia concedenda; nec nimis faciles, si ponderatis circumstantiis prudenter prævideant, illam posse deservire plus ad destructionem, quam ad ædificationem: prout docent Longus p. 1. de casib. reserv. sect. 3. art. 5. in fine, Suarez tom. 4. de Relig. lib. 2. cap. 19. Donat. tom. 4. tr. 5. q. 20. n. 6. & 7. Hæc dicta sint de reservatorum confessione in ordine ad obtinendam absolutionem directam, nam pro indirecta, constituti in urgenti necessitate, non indigent præfata licentia.

13. Neque ex vi præfata licentia possunt itinerantes, vel extra Conventum manentes eligere in Confessarium simplicem Sacerdotem à nullo Superiore approbatum; ratio est primo, quia in omnibus præfatis privilegiis eligendi confessarium, habetur, ut eligendus sit idoneus; & discretus, nunquam vero censetur talis juxta regularia statuta, nisi sit à suo Superiore approbatus, nam cum Religiosus per votum obedientia factus sit juris alterius, bene sequitur, quod licet sit Sacerdos discretus, & idoneus, adhuc tamen sine sui Prælati licentia non potest, neque Regularium sui Ordinis, nec alterius, neque Sæcularium confessiones excipere. Secundo, quia in omni Religione bene ordinata reperitur statutum, quo Regulares prohibentur, sine licentia suorum Prælatorum, etiam Religiosorum sui Ordinis Confessiones Sacramentales audire. Tertio, quia mens Summorum Pontificum, concedentium prædicta privilegia itinerantibus eligendi Confessarium, nunquam fuit eximere eos quoad istum articulum à subordinatione, & obedientia suorum Prælatorum; ergo sicut per eadem privilegia nunquam itinerantibus fuit integrum, independentem à suis Prælatis, eligere sibi Confessarium, ita à pari, & confessarius electus in vim dictorum privilegiorum non poterit independentem à suo Prælato, se eligentis, confessiones excipere, cum utrobique eadem sit ratio, nempe voti obedientia, & ne proprio Prælato fiat injuria. Idem à fortiori dicendum est de Presbytero Sæculari, qui

sine approbatione sui Ordinarii prædictorum Confessiones audire non valet: hæc est sententia verior, & probabilior, quam, contra nonnullos, tuentur Miranda tom. 2. q. 33. art. 6. Conculf. 1. Peyrinus tom. 1. de subdito q. 1. cap. 21. vers. dico 6; Portell. V. Confessor erga Fratres n. 14. Pellizár. tom. 2. Manual. tract. 8. cap. 2. sect. 1. q. 8. n. 10. & q. 9. n. 11. Roder. tom. 1. q. 62. art. 4. & alii.

14. Duo Sacerdotes simplices Regulares iter facientes de licentia suorum Prælatorum habentium potestatem instituendi Confessarios, valide ad invicem possunt confiteri, & Laicus pariter cum socio Sacerdote simplici, si id propriis statutis non repugnet; hæc quoque conclusio procedit, etiamsi dicti itinerantes possint eligere extraneum approbatum Sæcularem, vel Regularem; ratio est, tum quia Prælati prædicti concedentes licentiam Sacerdotibus simplicibus ad itinerandum, concedunt eis omnia, quæ ad iter faciendum necessaria sunt, & præcipue quoad Sacramentum penitentia, juxta privilegia relata, cum concessio principali, concedatur etiam accessorium: tum quia eo ipso, quod Sacerdos socius itineris eligitur ab alio socio Sacerdote, vel Laico ad excipiendam ejus Confessionem, intelligitur pro ea vice approbatus virtute dictorum privilegiorum, & licentia insimul itinerandi: limita tamen, primo, quod non possint se invicem à reservatis absolvere, ut dictum est supra n. 12. limita secundo, id nequaquam procedere, ubi Confessarii

ap-

approbati ejusdem Ordinis commodè haberi possunt. Dixi, si id propriis statutis non repugnet; nam in nostro Minorum Ordine non habent Guardiani potestatem instituendi Confessarios, cum id per statuta cap. 7. eis prohibeatur, & ad Generalem, vel Provincialem dumtaxat spectet; idcirco Religiosi itinerantes cum sola licentia Guardianorum, vel aliorum Superiorum Localium non habentium auctoritatem confessarios instituendi, si voluerint confiteri, debent semper Sacerdotem approbatum eligere: ita Peyrinus tom. 1. de subdito, q. 1. cap. 21. Bordon. p. 1. resol. 34. q. 1. n. 4. Portell. V. Confessor erga fratres n. 14. Donat. tom. 4. tract. 5. q. 24. & alii.

15. Religiosus itinerans cum socio Confessario potest eidem confiteri in Monasteriis Ordinis, per quæ ambo transeunt, quamvis ibi diutius commorentur, & sint extra propriam Provinciam, dummodo ad eandem redituri sint; quia in tali casu non dicuntur vagari extra Diocesim suæ Religionis, cum Religio non claudatur certis terminis Localibus alicujus certæ Diocesis, & consequenter semper pertinent ad actuale subjectionem Prælatorum suæ Provinciæ, ad quam sunt redituri; ut docet Suarez tom. 4. de Relig. tract. 8. lib. 2. cap. 17. n. 2. Secus autem dicendum, si ad eam redituri non sint, cum in tali casu desinant esse itinerantes, & censeatur domicilium mutasse, & per consequens itinerantium privilegium amisisse, prout docet Donat. tom. 4. tract. 5. q. 25.

16. Itinerantes, & hospites Re-

gulares non possunt audire Confessiones Fratrum Conventus alterius Provinciæ, per quum transeunt, absque approbatione Generalis, vel Provincialis illius Provinciæ (salvis tamen statutis specialibus cujuscunque Religionis) etenim apud nos Fratres Minores id omnino servandum est, prout docet Corduba in cap. 7. Regule q. 2. punct. 3. Bordon. tom. 1. resol. 4. q. 1. n. 5. & ceteri stat ex statutis generalibus cap. 7. & ex commentariis Sacerdotii in dicta statuta eod. cap. q. 9. ubi dicitur; quod Confessarii approbati à Generali possunt audire Confessiones Fratrum in toto Ordine, approbati à Provinciali, sine restrictione ad locum, & personas, in tota Provincia, & non in aliena absque approbatione illius Provincialis.

17. Religiosi itinerantes, vel extra Conventum manentes possunt per Confessarios Conventuum alienæ Provinciæ, sed ejusdem Ordinis, ad quos declinant, absolvi à casibus reservatis in sua Provincia, si in aliena, per quam transeunt, reservati non sint, etenim præfati itinerantes debent judicari secundum leges loci, in quo morantur; ut constat ex Marimagno Sixti IV. incip. Regimini universalis Ecclesiæ; apud Cherub. tom. 1. & docet Suarez de panis. disp. 30. sect. 1. n. 4. contra vero, si accedant ad alienam Provinciam innodati aliquo casu in ea reservato, licet in propria hujusmodi casus reservatus non sit, non possunt absolvi nisi à Confessariis habentibus facultatem ordinariam, vel delegatam in re servata, nam reservatio afficit directè Con-



Confessarium, & indirecte poenitentem: ita cum communi Lezana p. 1. *Summ. cap. 19.*

18. Religiosi data opera itinerantes, eo sine præcise, ut extra Ordinem possint confiteri, non gaudent itinerantium privilegiis, eorumque confessio est invalida; tum quia fraus, & dolus nemini patrocinari debet: *cap. Sedes Apostolica, de rescriptis*: tum quia privilegia non sunt trahenda in consequentiam *cap. 8. de privil. & regul. 28. jur. in 6.* ergo privilegium concedum itinerantibus non extenditur ad vagantes præcise; tum demum, quia privilegia præfata conceduntur, modo Religiosi fraude non utantur, ut expresse dicit Leo X. apud Sorbum in comp. *privil. 1. absolutio ordinaria quoad Fratres 5. 23.*

19. Regulares, qui pro objecto primario intendunt exire e Provincia, vel Conventu ad prædicandum, vel ad aliud utile, & honestum negotium peragendum, licite possunt privilegiis itinerantium uti, cum sint vere itinerantes, dum actu sunt extra Provinciam, vel Conventum; ratio est, quia sicut valide eligunt Confessarium peccantes sub spe veniæ, & absolutionis obtinendæ, virtute Bullæ alicujus, vel Jubilæi, electionem Confessarii concedentis, ita à pari præfati Regulares differentes confessionem ad tempus ut supra, valide, & licite dictis privilegiis frui possunt; etenim in præfenti casu non interveniant fraus, & dolus, cum iter primario, & per se assumatur ab illis ad negotia honesta peragenda, secundario vero, & accesso-

rie arripiatur ad Confessarium eligendum: ita Navarrus *consil. 6. de conver. coniug. Bord. p. 1. consil. resol. 36. q. 21. n. 63. Donat. tom. 4. tract. 5. q. 41. Beja. p. 2. cas. 29. & alii.*

20. Fugitivi, & Apostatæ, nequeunt privilegio itinerantium uti; tum quia durante apostasia & fuga cunctis suæ Religionis privilegiis privantur; tum etiam quia electio Confessarii conceditur dumtaxat iter facientibus de licentia suorum Prælatorum, sed fugitivi, & Apostatæ vagantur Prælati suis invititis, ergo: limita vero, id non procedere in appellante, vel legitime recurrente ad Superiorem majorem, etiam invito inferiore, nam is potest Confessarium eligere, cum jam censeatur habere saltem præsumptam itinerandi licentiam ab eodem, ad quem recurrit; neque hæc conclusio repugnat Tridentino *sess. 25. cap. 4. de Regular.* nam quod ibi dicitur, debet intelligi de recurso illegitimo: ut docent Navarrus *comment. 2. de Regul. n. 61. Bordou. p. 1. resol. 34. q. 8. n. 16. Donat. tom. 4. tract. 5. q. 33. & alii.*

21. Tam Religiosi data opera itinerantes, vel extra Conventum manentes, quam apostatæ, & fugitivi, alique non gaudent itinerantium privilegio, ut dictum est, in necessitate postea constituti, vel celebrandi, vel communicandi ad vitandum scandalum, vel infamiam, possunt extra Religionem, vel Provinciam confiteri Confessariis Regularibus, aut Sæcularibus, cum necessitas faciat licitum, quod alias esset illi-

C c

illicitum: vide Portell. v. *Confessor erga Fratres* §. 12. circa quod. Vide supra n. 12. in fine.

22. Regulares subditi neque de licentia expressa sui Prælati possunt se subicere Episcopo loci, in quo degunt, ad hoc, ut ab eo absolvantur, vel dispensentur à casibus, censuris, vel impedimentis Sedi Apostolicæ reservatis, nisi in casu necessitatis, & deficientibus Prælati proprii Ordinis; ratio est, tum quia Prælati Regulares vel de jure communi, vel ex privilegiis possunt in suos subditos totum illud, quod Episcopi possunt in suos Clericos, ut constat ex supra relatis resolutionibus de potest. Præl. Regul. ergo inutile foret adire Episcopum pro absolutione, aut dispensatione à præfatis, quoad forum conscientie; dum quod quæritur intus habetur, frustra enim fit per plura, quod æquè benè potest fieri per pauciora; tum etiam quia Regulares sine licentia Papæ, cui immediatè subiciuntur, nequeunt privilegio suæ exemptionis renunciare in Religiosis præjudicium; ex cap. si Papa, de privil. in 6. & ex Clement. penult. de sint. ex comm. tum demum quia jus antiquum, & privilegia, quibus Episcopi poterant olim de licentia Prælatorum Regularium exercere jurisdictionem ordinariam, etiam strepitosam in Monasteriis, hodie non possunt amplius habere locum, ob tot privilegia posteriora à Sancta Sede Regularibus concessa, quibus universaliter, & omnino à potestate, & jurisdictione Episcoporum exempti reperiuntur; ita contra nonnullos tenet S. Antonin. p. 3. tit. 24. cap. ult. §. 1.

ver. & nota, Miranda tom. 2. q. 7. art. 2. conclus. 2. Suarez tom. 2. de Relig. lib. 6. cap. 11. n. 7. Portell. v. Episcopus in addit. n. 4. Hieronym. Roder. in comp. alter. Roder. resol. 3. n. 15. Donat. tom. 4. tract. 5. q. 11. & alii communiter.

23. Ad lucrandum Jubilæum non tenentur Regulares eligere Confessarium ab Episcopo loci approbatum, sed sufficit, quod, concurrentibus cæteris, eligant Confessarium sui Ordinis, à suo dumtaxat Superiore legitime admissum; nec nocent illa verba, quæ in Bulla Jubilæi exprimuntur, nempe, ut possint eligere Confessarium ab Ordinario approbatum; nam, sicut nomine Ordinarii, respectu Sæcularium, venit Episcopus loci, ita respectu Regularium, venit Prælatus Regularis; verba enim prædicta pro Regularibus apposita sunt cumulativè, & ampliativè in favorem ipsorum, non privativè: ita ut possint, si velint, peccata sua confiteri, vel Confessario à proprio Prælato, vel ab Ordinario loci approbato, quod eis vigore Jubilæi censetur indultum, idque in favorem animarum; ut probabilius docent Bordonius tom. 1. resol. 34. q. 18. n. 45. Bonac. de penit. disp. 5. q. 7. punct. 4. §. 1. n. 25. Boffius de Jubil. sect. 3. cas. 3. n. 10 Zimbellus v. Jubilæum n. 29. Diana p. 2. tract. 17. resol. 47. Advertendum tamen, quod quamvis Regulares possint tempore Jubilæi eligere Confessarium extra Ordinem ab Episcopo loci approbatum, adhuc tamen tenentur petere licentiam à suis Prælati, secus Jubilæum non lucrantur; quia sine tali licentia invalide consisten-

teatur; prout Gregorius XIII. expressè declaravit, ut refert Roder. tom. 1. q. 62. art. 4. vide supra n. 9.

24. Regulares omnes cujuscunque Religionis possunt absque licentia suorum Superiorum, immò invitis ipsius, liberè confiteri Pœnitentiariis D. Papæ, & etiam à reservatis in Religione ab eisdem absolvi, non obstantibus Constitutionibus, seu statutis quibuscunque in contrarium, ut constat ex facultatibus dictorum Pœnitentiariorum; Papa enim est Supremus omnium Regularium Prælatus, ideoque potest concedere, sicut de facto concedit, suis Pœnitentiariis hujusmodi auctoritatem.

25. In Monasteriis, seu Conventibus, ac Collegiis, ubi juxta regularia instituta vivitur, possunt tam Prælati Regulares, quam Confessarii eorundem Monasteriorum, seu Conventuum, & Collegiorum, etiam si ab Ordinario loci non sint approbati, audire Confessiones illorum Sæcularium, qui ibi verè sunt de familia, & continui commensales; non autem illorum, qui tantum ipsi deserviunt, & commensales non sunt; prout constat ex Bulla Clementis X. quæ incipit: *Superna Patris familias*; anno 1670. edita, apud Lantuseam tom. 6. Bull. Rom. neque sub tali concessione comprehendantur juvenes proximè Religionem ingressuri, ut docet Diana p. 3. tract. 2. resol. 46. sed ejus sententia post præfatam Clementinam corruit; idem dicendum de Milibus Sancti Jacobi, Alcantaræ, Calatravæ, & similibus, qui verè Religiosi non sunt contra Bordonum tom. 1. consil. resol. 36. q. 26. n. 70. & pa-

ri modo de infirmis in hospitalibus Fratrum S. Joannis de Deo, vulgò, *Bonfratelli*, degentibus, quos idem Bordon. resol. 36. q. 21. n. 63. falsò supponit esse de familia dictorum fratrum, quam opinionem communiter D.D. refellunt; nam omnes prædicti tenentur confiteri Confessariis ab Episcopo approbatis, & ita decusum esse à S. Congr. docet Sperellus p. 1. decis. 2. n. 123. *Barbosa allegat* 25. n. 46. *Aversa de Sacram. panii* q. 16. *Gavantus in Manual. Episcop.* c. Confessarius, n. 25. & 26. & alii. Novitii tamen sacro habitu jam induti, validè, & licitè possunt confiteri præfatis Confessariis præter deputatos ad eorum Confessiones audiendas, nam in favorabilibus Religiosi sunt: *est sent. comm.*

26. Confessarius Regularis, qui petit facultatem à Superiore absolvendi ab aliquo reservato, sive sub generali sermone verborum, v. g. dicendo, est quidam ex nostris, qui indiget vestra auctoritate, placet ne vobis illam mihi concedere, sive dicendo, rogo te, ut des mihi facultatem pro absolvenda una persona à reservatis, potest ex vi talis licentiae concessæ uti ea facultate pro se ipso nisi forte Confessarius sit moraliter certus, Superiorem intendere ei dare facultatem dumtaxat actam, tunc enim non posset cum tali certitudine morali, nisi imprudenter, & inutiliter operari; ita Bordon. p. 1. resol. 39. q. 24 n. 63. Diana p. 3. tract. 2. resol. 126. ex tract. 4. de Sacram. resol. 142. Villalob. tom. 1. tract. 9. diff. 64. n. 4 & alii, & patet ex *Stylo Sacra Pœnitentiariæ*.

27. Confessarius Regularis, qui petit facultatem à Prælati majoribus Generali, vel Provinciali absolvendi aliquem Religiosum à reservatis, poterit, obtenta licentia, illum absolvere, etiam à reservatis commissis post obtentam facultatem; nam petitio, & concessio tacite intelliguntur de similibus casibus, qui post dictam concessionem, bona fide, subiiciuntur clavis: prout docent Bonacina de legib. disp. 1. q. 3. p. 7. §. 1. n. 11. *Propositus in 3. p. q. 9. de reserv. dub. 3. n. 22. Diana p. 4. tract. 4. resol. 109. & alii*. Secus autem dicendum, si hujusmodi facultas obtenta fuit à Superioribus Localibus non habentibus à jure auctoritatem ordinariam in reservata, ut sunt Guardiani Ordinis Minorum, & similes juxta regularia statuta, qui cum non possint concedere facultatem generaliter absolvendi à reservatis, sed dumtaxat ab aliquo reservato particulari, idcirco non sufficit ea facultas semel obtenta, sed toties quoties petenda est.

28. Regulares, quibus verbo, vel scripto absolutè, & absque limitatione temporis vel loci concessa est à legitimis Superioribus facultas absolvendi ab omnibus, vel ab aliquibus reservatis in Ordine, ea uti possunt mortuis, vel amotis ab officio dictis Superioribus, cum gratia facta non exipret morte concedentis, nisi per Successorem revocetur. Secus autem dicendum de Pœnitentiariis pro Conventibus in tabella Capituli, vel Congregationis deputatis, juxta Decretum Clementis VIII. de casuum reservatione, nam auctoritas istorum durat pro tempore dumtaxat, quo in

dicta tabella adscripti sunt, & lecti; & solum in Conventu, ubi sunt de familia, cum non sit personalis, sed localis, scilicet per totum districtum Civitatis, vel loci; ubi Conventus situs est, per quem Guardianus suam jurisdictionem extendit; ita Sancto-  
*rus comment. in statut. Ord. Min. stat. 3. cap. 7. q. 2. pag. 517. & 18.*

29. Confessarii Pœnitentiarum Conventuum non solum possunt ab omnibus reservatis in Religione absolvere, sed etiam à censuris illis annexis, nisi id per statuta prohibeatur; ratio est tum quia favores sunt ampliandi, tum etiam, quia alias facultas illa foret inutilis, tum item, quia concessio principali, idest, casu, intelligitur concessum accessorium, idest, censura, tum tandem, quia talis est praxis Religionis; ut docent Suarez de cens. disp. 7. sect. 4. n. 13. Navarrus in summ. cap. 27. n. 261. Portell. V. casus reserv. n. 3. & est communis. Dixi, nisi id per statuta prohibeatur; nam cum per statuta generalia Ordinis nostri cap. 7. excommunicatio Canonis, Si quis suadente, sit reservata Provinciali, idcirco nedum præfati Pœnitentarii, verum etiam Guardiani ab ea absolvere prohibentur per hæc verba: *ab excommunicatione contracta ob violentam manuum injectionem possint Guardianus, vel eo absente per diem naturalem, Vicarius absolvere, si Ministri presentia intra triduum haberi non possit, quod de percussione atroci, vel subditi in Prælatum nunquam intelligendum esse decernimus*. Quod dictum est de Pœnitentiariis quoad absolutionem à casibus reservatis, &

cca.

cenfuris, intelligendum pariter est de Confessariis non Pœnitentiariis, qui quidem, obtemperata à Præfato facultate ad absolvendum ab aliquo casu reservato, possunt etiam absolvere à censura annexa; nisi aliter Præfatus se explicet, & nisi statutis repugnet. *Vide infra tract. 6. cap. 3. num. 5.*

30. Præfati Pœnitentarii Conventum, qui revera ad universitatem casuum reservatorum sunt delegati, possunt uti passively eadem auctoritate, quam habent ad absolvendos fratres à reservatis; ratio est; primo, quia sic instituti censentur quasi Ordinarii, idcirco possunt subdelegare in favorem ipsorum; secundo, quia æquum non est, illos sitire,

qui potum aliis elargiuntur; tertio, quia hujusmodi delegati non debent esse deterioris conditionis, quam cæteri consubditi, quos à reservatis possunt absolvere, ergo non solum activa, sed etiam auctoritate passiva, nunquam tamen commissiva, perfruuntur; ultimo, quia talem præsumitur esse voluntatem Prælatorum majorum, qui scientes hanc doctrinam, eam tolerando approbant; prout docent Cajetanus l. 2. q. 96. art. 5. in fine Grassius in append. ad lib. 1. cap. 7. n. 45. Pellizar. tom. 2. tract. 8. cap. 2. sect. 1. q. 20. n. 72. Peyrin. tom. 2. de privilegiis. q. 3. cap. 2. n. 27. not. 12. & alii. De Delegatis in aliquo casu particulari pro una vice tantum vide supra n. 26.

## C A P. I I.

### *Explicantur breviter undecim casus in Decreto Clementis VIII. enumerati.*

1. **C**asus comprehendit: *Veneficia, Incantationes, sortilegia*; per hæc tamen non veniunt omnia peccata mortalia superstitionis, sed illæ tantum species, quæ prædictis nominibus significantur; nempe *Veneficii* nomine veniunt vana quædam media, quibus quis intendit nocere proximo in persona, vel in rebus, & hoc subsidio dæmonis expresse, vel tacite invocati; ad hæc reducuntur omnia mala, quæ eodem subsidio hominibus inferuntur, ut dolores, infirmitates, passionibus

amoris, odii &c. arte dæmonis excitatæ tempestates, & similia. *Incantationis* nomine venit opus magicum, quo ope dæmonis fiunt mirabilia, apparet cælum horridum, procellis sonantibus; palatia amenissima, viridaria; item defertur solitudines, serpentes &c. Interdum incantatio est maleficium reddens aliquem stolidum, & insensatum. *Sortilegii* nomine veniunt sortes factæ ad oculum, vel futurum aliquod contingens divinandum; est autem triplex, scilicet, divinatorium, consulatorium, & di-

& divinatorum; sub eo tamen non comprehenduntur consultationes sagarum, neque astrologia judiciaria, neque Veneficia ad curandos morbos, ut volunt aliqui, quia hæc proprie, & in rigore non sunt Veneficia.

2. Casus est, *Apostasia d. Religione*; quæ juxta Pontificis Decretum debet intelligi in vero, & proprio apostata à Religione, & sic in Religioso illo, qui expresse, vel tacite professus deserit Religionem, quam professus est, sine transitu ad aliam, & cum animo non revertendi ad suam, de quo loquitur titulus de *apostatis*: ita Sanchez in Decal. lib. 6. cap. 8. n. 2. Navarr. notab. in consil. 1. de apost. Lezana de oblig. Regular. cap. 16. n. 12. & alii.

3. Casus est, *Nocturna, & furtiva d. Monasterio, seu Conventu egressio, etiam animo non apostatandi facta*; nocturna dicitur, quæ sit tempore, quod intercedit inter serotinum, & matutinum crepusculum exclusive; ut docet Bordon. tom. 1. resol. 43. n. 2. furtiva vero, quæ sit inscio Superiore, vel etiam eo vidente, sed non resistente; requiritur tamen quod sit secreta aliis aut cum effectu, vel in actu, licet deinde manifestetur; unde quomocunque Prælatus consentiat sive iuste, sive iniuste, non erit casus hic comprehensus: ita Bord. supra n. 3.

4. Casus est, *Proprietas contra votum paupertatis, quæ sit peccatum mortale*; per hanc intelligitur omnis actus juridicus acquirendi, vel alienandi, aut consummandi nomine proprio in materia notabili, abique li-

centia Superioris: minime vero expensio cum licentia etiam ad fines inhonestos, & usus Superfluos, nam etsi hoc peccatum sit contra paupertatem, non est tamen proprietas; includitur etiam furtum ex bonis Monasterii, non ratione detrimenti Monasterio illati, nam hic casus octavo loco scorsim positus est, sed quatenus est dispositio, seu actus domini exercitus sine licentia: circa quantitatem, quæ requiritur ad constituendum Religiosum proprietarium sub mortali reservato, variant Doctores; communior tamen opinio tenet, quod sufficiat quantitas trium Juliorum parum plus, vel minus, quæ regulariter sufficit ad constituendam materiam gravem in furtis.

5. Casus est, *Juramentum falsum in judicio regulari, seu legitimo*; tunc incurrit Religiosus hunc casum reservatum, quando juridice interrogatus falsum deponit in judicio Regulari, scilicet coram iudice, vel Prælato sui Ordinis: aut legitimo, ut Nuntio, Episcopo, vel ejus delegato, etiam Laico in casibus permissis; minime vero in privatis conventionibus, & arbitriis, nec in judiciis, in quibus via juris non servatur: ita Suarez tom. 4. de Relig. lib. 2. tr. 8. cap. 18. n. 7. Pellizar. tract. 6. cap. 1. n. 27.

6. Casus est, *Procuratio, auxilium, seu consilium ad abortum faciendum post animatum fatum, etiam effectum non secuto*; unde procurare est studiose, & voluntarie agere per se, vel per alium; aut consulendo, vel auxilium præbendo, ut abortus sequatur, etiam si non sequatur, dum-

mo-

modo factus sit animatus, nam si animatus non sit, etiam si animatus existimetur, non facit ad hunc casum; & quia D. D. communiter docent, marem die 40. animari, & feminam die 80. idcirco qui ante 40. diem abortum procuraverit, casum hunc reservatum non incurrit: Bord. cit. resol. 45. n. 7.

7. Casus est, *Falsificatio manus, aut sigilli Officialium Monasterii, aut Conventus*; ut falsificatio sit reservabilis requiritur, ut sit dolosa per subscriptionem, aut signaturam mendacem, factam ad imitationem manus, aut sigilli Officialium, quo nomine venit Superior Localis, quocunque nomine nuncupetur, & ejus Superiores, ut Generalis, & Provincialis, quia etiam isti sunt Officiales Conventus, quatenus Conventus est pars, & membrum Provinciæ, & Religionis. Item Ministri, ut procurator, Cellarius, Sacrista, alique habentes aliquam administrationem, & ut tales scribentes, & signantes. Falsificantes autem sigillum, hoc est, furto verum sigillum subripientes, & simile fabrefieri facientes, non comprehenduntur, donec re ipsa eo utantur, neque comprehenditur ille, qui bona fide litteras suas sigillo officiali signat, carens proprio, cum non peccet, saltem mortaliter; comprehenditur tamen qui falsificat manum impressam, si enim Prælatus subscriptionem typis formare solet, & subditus eam dolose imitatur, incidit in hunc casum; quia nihil refert qualem falsificet, dummodo falsificet manum, idest subscriptionem, quæ facit pu-

blice fidem: Suarez ubi supra n. 9.

8. Casus est, *Furtum de rebus Monasterii, seu Conventus in ea quantitate, quæ sit peccatum mortale*. Unde juxta decretum, furtum de rebus Sæcularium non est reservabile, nisi tamquam actus proprietatis, qualis esse desineret, si fieret de consensu Prælati; sub rebus Monasterii comprehenduntur etiam res ad usum Religiosorum particularium permixtæ; prout tenent Coriolan. p. 2. cas. 8. dub. 5. n. 13. Suarez ubi sup. n. 11. & Pellizar. ubi sup. n. 33. nam bona hujusmodi in omni rigore bona sunt Monasterii. Circa quantitatem requisitam ad reservationem, vide supra cas. 4.

9. Casus est, *Lapsus carnis voluntarius opere consummatus*; sub quo comprehenduntur omnes actus cujuscunque speciei luxuriæ perfectæ, & completæ, quales sunt fornicatio, stuprum, adulterium, incestus, Sacrilegium, pollutio, Sodomia, & bestialitas; immò comprehenditur pollutio peccaminosa ex cooperatione tantum mentali, absque ulla actione corporali, & ex aspectu libidinoso feminæ nudæ, vel etiam ex cogitatione turpi quomodocunque voluntarie orta, quia ipsa pollutio, quæ reservatur, externa est, mortifera, & voluntaria, ut supponimus, & opus consummatum. Secus si quis inciperet copulam, & eam non perficeret semen non effundens, vel turpia pateretur, non scilicet polluens: ut docent Bordon. tom. 1. resol. 48. n. 22. Suarez supra n. 2. & alii.

10. Casus est; *Ocissio, aut vulneratio, seu gravis percussio cuiuscunque*

*que persona* ; sub nomine gravis percussio-  
nis venit verberatio cum in-  
genti dolore absque sanguinis effusione,  
& sic distinguitur à vulneratio-  
ne ; præterea percussio potest esse  
gravis secundum se, ut est debilita-  
tio membri, cicatrice relicta, denti-  
fragium, depilatio in magna quanti-  
tate, truncatio digiti ; vel per acci-  
dens, ratione personæ, ut si sit Su-  
perior, vel in dignitate constituta,  
aut Sacris induta, vel in sacris con-  
stitutus ; item ratione loci, ut si fiat in  
Ecclesia, coram Superiore Locali  
vidente, vel majore visitante. Circa  
quæ notandum est, posse esse per-  
cussionem cum emissionem sanguinis,  
quæ non sit vulneratio, ut si pugno  
percutiantur nares, vel frangatur  
dens, idem non accidit sine effu-  
sione sanguinis ; idem dic, si pugno,  
vel baculo pars contundatur, & ex-  
corietur, sicque aliquid sanguinis  
prodeat, nam vulneratio proprie est,  
quæ sit armis pungentibus, vel scin-  
dentibus ; ob quod truncatio digiti,  
si gladio fiat, vulneratio, non per-  
cussio dicenda erit : Bordon. *supra*  
*resol. 49. n. 5.*

11. Casus est, *Malitiosum impedi-  
mentum, aut retardatio, aut aperi-  
tio litterarum à Superioribus ad infério-  
res, & ab inferioribus ad Superiores* ;  
Circa quæ requiritur omnis actio po-  
sitiva retardans litteras ; unde si quis  
cursorem inveniat velociorem, quo  
litteræ illæ præveniantur, non erit  
impedimentum, nec retardatio litte-  
rarum hic expressa. Item subditi tan-  
tùm ad Superiorem, & contra. Ubi  
notandum, nomine Superiorum non  
venire Protectorem, vel Legatum à

latere, aliumve hujusmodi, nam in  
proprietate Sermonis Superiores  
dumtaxat Regulares hic intelligun-  
tur ; neque erit casus reservatus, ape-  
rire litteras familiares ad Superiores  
miſſas continentes annuntiationem,  
Nativitatis Domini, vel negotia  
communia, sed quæ scribuntur, &  
rescribuntur tamquam Superiori, &  
à Superiore, spectantes nimirum ad  
regimen : Bordon. *super. resol. 50. n. 4*  
*Fagundes 2. præcep. Eccl. lib. 8.*  
*cap. 4. n. 35. Pelliz. cit. cap. 1. n. 39.*  
Advertat Frater Minor Sctioris  
Observantiæ, quod præter undecim  
casus præfatos, sunt & alii 4. refer-  
vati pro Provinciis reformatis in De-  
creto Clementis VIII. non contenti,  
videlicet.

1. *Inobedientia contumacia.* Scilicet  
quando Superior trina monitione  
præmissa tribus discretis temporibus  
per diem naturalem facta, præcipit  
subdito, ut obediat, & ipse obedire  
renuit, nec sufficit una tantum moni-  
tio pro tribus, se debent esse tres mo-  
nitiones distinctæ, ut interim respi-  
scere valeat.

2. *Qui in Religionis Detrimentum,  
& infamiam aliquid extra Religionem  
patefaciunt.* Ligantur hoc casu, qui  
divisiones inter Fratres, Prælatorum  
depositiones, vel privationes, &  
peccata in Ordine correctæ, vel cor-  
rigenda, dissensiones, & discordias,  
in detrimentum, & infamiam Ordinis,  
quoquo modo extra divulgave-  
rint. Vide Santorum de Melphi *com-  
ment. in stat. Ord. Cap. 7. stat. 5.*  
*pag. 514.*

3. *Falsò, & scienter quempiam  
accusantes, & infamantes.* Tres con-  
di-



ditiones requiruntur ad incurrendum hunc casum. 1. ut crimen impositum sit falsum, nam si est verum, quamvis sit occultum, non incurritur. 2. ut crimen imponatur cum animo laudendi graviter famam. 3. ut crimen sit ex illis, quæ poenis gravioribus puniri solent, prout sunt crimina hæresis, simoniæ, homicidii, &c.

4. *Libellos famosos facientes, fieri procurantes, inducentes, consulentes, proiicientes vel publicantes.* Libellus famosus est scriptura in contumeliam

alterius ædita, & cum casus se satis declaret, non est immorandum; solum adverto, non incurri sine effectui publicationis, etiamsi proiciatur, affigatur, & divulgari procuretur, si divulgatio ad aliorum notitiam non veniat, respicitur enim proximi infamatio, quæ non secuta, non est casus reservatus.

Pro Provinciis Regularis Observantiz sunt 19. casus reservati, de quibus fusè tractat Santorus cap. 7. stat. 5. pag. 321.

### C A P. I I I.

#### *De approbatione, quam à locorum Ordinariis debent habere Regulæ ad audiendas Sæcularium Confessiones.*

1. **Q**uamvis Sacerdotes in sua Ordinatione a peccatis absolventi potestatem accipiant. & Regulares ad audiendas Sæcularium Confessiones jurisdictionem ab Episcopis non obtineant, cum huiusmodi jurisdictio immediate a Sede Apostolica eisdem tribuatur per Clementinam: *Dudum de Sepulturis*; & per extravagantes Bonifacii VIII. *super Cathedralam*; & Joannis 22. *Frequentes* à Tridentino non revocatas, ut cum communi docent Navarrus in *Man. cap. 27. Roder. tom. 1. q. 59. artic. 1.* & 2. Nichilominus tamen idem Tridentinum sess. 23. cap. 15. *de reformat.* decernit; nullum, etiam Regularem, posse Confessiones Sæcularium, etiam Sacerdotum, audire, nec ad id idoneum reputari, nisi, aut Parochiale

beneficium, aut ab Episcopis per examen, si illis videbitur esse necessarium, aut aliis idoneis judicetur, & approbationem, quæ gratis detur, obtineat. privilegiis, & consuetudine quacunque, etiam immemorabili, non obstantibus. Unde clarè colligitur, non posse Regulares absque prævia Episcopi approbatione Sæcularium Confessiones audire. Quoad Confessiones aliorum Regularium audiendas, vide supra tract. 6. cap. 1. n. 6. & tract. 4. cap. 3. n. 7.

2. Post Tridentinum etiam Gregorius XV. Const. *Inferuabili*, & Urbanus VIII. Const. *Cum sicut accepimus*: revocarunt omnes facultates, & privilegia ad audiendas Sæcularium Confessiones Regularibus concessa, ita ut nullis, sive Superioribus, sive

D d

sub.

subditis, etiam Societatis Jesu, ad id sine dicta approbatione suffragari possint: prout habetur in Bullar. Cherub. tom. 4. Deinde Innocentius X. Constit. *cum sicuti* apud eundem Cherub. confirmavit Decretum Sacre Congreg. cui committebatur examen super Controversiis inter Episcopum Angelopolitanum, & Patres Societatis Jesu Provinciæ Mexicanæ ortis, ubi declaravit: *prædictos Religiosos nequaquam posse in Civitate Angelopolitana sine Episcopi approbatione Confessiones Sæcularium audire.*

3. Sub Decreto Tridentini, aliisque Apostolicis comprehenduntur Doctores, Lectores, & Magistri in Theologia, sive in jure Canonico, ut constat ex Bulla S. Pii V. incip. *Romani Pontificis*: apud Confectum fol. 228. ubi innovando Constitutionem Leonis X. incip. *Dum intra mentis arcana*: statuit, Decretum Tridentini de Approbatione Regularium ad audiendas Confessiones Sæcularium ab Episcopo facienda, observari debere ab omnibus Regularibus quoruncunque Ordinum, etiam Lectoribus, & in S. Theologia Magistris, etiam à Generalibus, vel Provincialibus expositis; & jure merito, tum quia non omnes Lectores, & Doctores sunt Docti; tum etiam quia multi in Theologia Scholastica eminent, in morali verò claudicant; nec obstat dicere, quod idem S. Pius in sua præcedenti Bulla incip. *Essi Mendicantium Ordines*; aliter declaravit; nam respondetur, quod Constitutio subsequens relata supra correxit priorem, quam etiam Gregorius XIII. ejus Successor per Bullam incip. *In tanta ne-*

*gotiorum mole*: proculdubio revocavit, & ad terminos ejusdem Tridentini reduxit; prout habetur in Bull. Cherub. tom. 2. ita docent Suarez tom. 4. in 3. p. D. Thom. disp. 28. sect. 4. *Lexana in Summ. cap. 19. n. 6. Donatus tom. 4. tract. 4. q. 3. & alii comm.*

4. Pari modo sub præfatis Decretis, & Constitutionibus comprehenduntur Generales, Provinciales, Priores, Guardiani, Rectores, cæterique Prælati Regulares, non habentes jurisdictionem Ordinariam in Sæculares; quia licet Tridentinum non exigit dictam approbationem ab habentibus Parochiale beneficium, adhuc tamen Prælati regularis non est beneficium Parochiale Sæcularium, quod postulat idem Tridentinum; deinde in citato loco Tridentini nulum reperitur discrimen inter Prælatos Regulares, & subditos, ergo utrique sub Decreto comprehenduntur, nam ubi lex non distinguit, nec nos distinguere debemus, præterea neque quoad hoc possunt dicti Prælati allegare exemptionis privilegia, nam illa omnia quæ Tridentino adversantur manent revocata, immò & damnata ab Alexandro VII. cum propositione 36. ita de Lugo de pœnit. disp. 21. sect. 1. n. 9. *Donatus & alii comm.*

5. Non sufficit, ut Regulares se præsentent Episcopo, sed requiritur ex Tridentino, ut ab eo approbationem obtineant, ita ut is, qui constituitur Regulari Episcopo præsentato, & ab eo non approbato, præcepto annuæ Confessionis minimè satisfaciat; prout decrevit Alexander VII. dampnans sequentem propositionem 13,

*Satisfacit præcepto annuæ Confessionis, qui constituitur Regulari, Episcopo presentato, sed ab eo injustè reprobato. Ex dictis, & ex Constitutione Clementis X. quæ incipit: Superna Patris familiaris: apud Lantuscum tom. 6. Bullar, manifestè patet, esse à Tridentino, aliisque Apostolicis Constitutionibus revocatam in hac parte Clementinam Dudum de Sepulturis: ubi Regularibus à suis Superioribus electis, & Episcopo presentatis, sed ab eo non approbatis, concedebatur, ut liberè, & licitè Sæcularium Confessiones audirent, & beneficium absolutionis eisdem impenderent.*

6. Neque peccata Venialia, vel Mortalia alias ritè confessa possunt Regulares sine dicta approbatione in Confessione audire, ut constat ex Decreto S. Congr. Concilii de Communionem quotidiana, jussu Innocentii XI. sub die 12. Februarii 1679. edito; ubi in fine dicitur: *Non permittant, ut Venialium Confessio fiat simplici Sacerdoti, non approbato ab Ordinario; si Parochi, aut Confessarii, etiam Regulares, aut quicumque alii Sacerdotes, etiam Societatis Jesu, secus egerint, sciant D. O. M. rationem reddituros esse, neque defuturam Episcoporum, & Ordinariorum justam, & rigorosam animadversionem in contrascentes, facultate ipsis Episcopis, & Ordinariis per hoc Decretum per Sedem Apostolicam attributa.* Nec obstat dicere, quod nemo tenetur venialia confiteri, nam eo ipso, quod illa, confiteantur, sunt materia apta ad Sacramentum Pœnitentiæ, & ad recipiendam formam absolutionis Sacramentalis, quæ protectò invalidè

profertur à Sacerdote, in quem ipse Ordinariam, aut delegatam jurisdictionem non habet; Regulares enim à Papa jurisdictionem accipiunt, sed supposita semper Episcopi approbatione, sive pro mortalibus, sive pro venialibus absolvendis: ita Felix Panorm. in exam. Confessar. tom. 1. p. 4. de Ministro Sacram. Pœnit. n. 3240. Donat. tom. 4. tract. 4. q. 4. & alii comm.

7. Regulares in una Diœcesi approbati, non possunt ex vi illius approbationis in alia Diœcesi Sæcularium Confessiones audire, si etiam in illa approbati non sint, tametsi pœnitentes sint subditi illius Episcopi, à quo approbationem obtinuerunt: ut constat ex cit. Constit. Clementis X. quæ incipit: *Superna.* In Diœcesi tamen, in qua sunt approbati, possunt omnium ex aliis Diœcesibus ad eam confluentium Sæcularium Confessiones audire, prout S. Congr. Concil. decrevit, teste Fagnano, *Cap. de pœnit. & remiss.* cum Regulares ex Clementina: *Dudum de sepult.* habeant jurisdictionem à Papa, quæ ad aliud territorium non est limitata, sed Orbis universus est sua Diœcesis, ex cap. *cuncta per Mundum*; & licet antecederet ad approbationem sit per Tridentinum suspensa, approbatione tamen accedente jurisdictionis hujusmodi suspensio tollitur: ut docent Laym. lib. 5. tract. 6. cap. 10. n. 19. *Constit. sum. Privil. Ord. Mend. tit. 17. cap. 4. & alii commun.*

8. Regulares, qui ad Confessiones audiendas idonei generaliter ab Ordinariis, eorumve examinatoribus reperti, & probati fuerint, ge-

neraliter quoque, & indistincte absolute aliqua limitatione temporis, certorum vel locorum, aut generis personarum, admitti debent in propria Diacesi; De cæteris verò, qui non adeo idonei reperientur, si petierint se admitti, arbitrio Ordinariorum relinquitur, ipsos cum limitata facultate, prout ipsis Ordinariis magis expedire videbitur, probare, & admittere: ut constat ex Bulla Gregorii XV. incip. *Inscrutabili*: apud Cherub. tom. 3. & ex alia Clementis X. quæ incipit: *Superna*: apud Lantuscam, tom. 6. Bullarii.

9. Si licentiæ generaliter, & absolute temporis limitatione concessæ, & delegatæ fuerint; per mortem, vel amotionem concedentis non, expirant, etiam si concedens decesserit, vel amotus fuerit priusquam quis Confessiones excipere inciperit; ut docent communiter D. D. quas Episcopus, qui eas concessit, revocare non potest: bene vero si eas concesserint, aut ipsius Generalis Vicarius, vel Episcopi prædecessores; ut constat ex cit. Bulla: *Superna* per hæc verba: *Regulares vero ad ejusmodi Confessiones audiendas prævio examine, simpliciter, & absque ulla temporis præfinitione ab ipsomet Episcopo, secus autem ab ejus Vicario, aut ab antecessoribus Episcopis, approbatos, non posse ab eodem, quisque approbavit, iterum examinari, aut ab eisdem confessionibus audiendis suspendi, seu licentias illis concessas revocare, nisi nova superveniente causa, quæ ipsas confessiones concernat; de qua tamen necesse non est, ut in actis constet, nec tam teneantur Episcopus ipsis Regu-*

*laribus significare, sed Sedi Apostolica dumtaxat, ubi eam sibi aperiri postulaverit. Accedente tamen rationabili causa, ut si Regulares cum scandalo, aut alias inhoneste vivant, vel aliquod delictum committant, per quod rationabili Episcopi judicio videantur à Confessionibus suspendendi, in quo ipsius Episcopi conscientiam Sedes Apostolica onerata esse vult, potest in tali casu Episcopus Regulares à semetipso approbatos suspendere, aut ab audiendis Confessionibus repellere: ubi etiam habetur, quod absque Sedis Apostolicæ judicio non possint ab Ordinariis omnes simul unius Conventus Confessarii, audiendi secularium confessiones, facultate privari.*

10. Episcopus successor potest Regulares in Diacesi ab antecessore approbatos, iterum examinare, & quos minus idoneos cognoverit reprobare; ut habetur in const. S. Pii V. incip. *Romani Pontificis*: apud Cherub. tom. 2. idem etiam decrevit Urbanus VIII. die 20. Augusti 1629. & colligitur pariter ex præcitata Clementina; frustra enim jus haberet examinandi, si non posset Prædecessoris sui concessionem revocare.

11. Possunt Capitulum Sede vacante, vel Vicarius Capitularis ex justa causa revocare facultates præstas post mortem Episcopi approbantis; tum quia Capitulum Sede vacante potest omnia exercere, quæ de jure communi pertinent ad jurisdictionem ordinariam Episcopi, exceptis nonnullis expresse à jure prohibitis, ut docet Barbosa p. 2. de offic. & potest. Episcopi alleg. 36. n. 9. ergo sicut Episcopus, ita pari modo capitulum

ex causa eas revocare potest; tum etiam, quia sicut Capitulum Sede vacante potest approbare, & exponere Confessarios per Vicarium à se electum, ut cum communi docet Barbosa in collect. ad cap. 15. Trident. sess. 23. n. 28 ita à pari poterit illos reprobare, & ab audientia Confessionum remove, cum hujusmodi actiones sint correlativæ; nec dictis obstat privilegium Prædicatoribus, ac Minoribus à Clemente IV. concedum, quod refert Rodericus tom. 1. Bullarii pag. 36. nam vel censetur revocatum per Tridentinum loc. cit. vel est intelligendum, quod id sine iusta causa facere non possit.

12. Ad audiendas etiam Confessiones eorum, qui de tertio Ordine vocantur, requiritur in Regularibus Ordinarii loci approbatio; ut constat ex decreto S. Congr. Episcop. & Regul. sub die 20. Decembris 1616. edito: tenoris sequentis: S. Congr. statuit, non posse Regulares audire Confessiones Sacramentales, sive Virorum, sive Mulierum tertii Ordinis, quæ de penitentia dicuntur, nisi ab Ordinario approbati fuerint ad Confessiones Sæcularium audiendas: ut refert Peyrinus de privileg. Regul. tom. 1. ad const. 4. Sixti IV. §. 7. n. 39. Pro audiendis autem Confessionibus illorum Sæcularium, vel oblatorum, aut Tertiariorum, qui vere sunt de familia, & continui commensales eorumdem Regularium, dicta approbatione non indigent, ut constat ex cit. const. Superna. Sed sufficit sola approbatio Prælati Regularis: vide n. 25. præced. cap.

13. Non possunt Regulares in-

vim Bullæ Cruciatæ electi, penitentes Sæculares in confessione audire, eosque absolvere, nisi sint approbati ab Ordinario loci, in quo penitentes degunt; cum Bulla cruciatæ Sanctæ nihil novi juris inducat, nullumque privilegium contineat quoad approbationem Confessariorum contra formam Tridentini, & Constitutionum Apostolicarum Pauli V. Urbani VIII. & Clementis X.; ut constat ex Bulla Innocentii XII. quæ incipit, cum sicut non sine gravi die 19 Aprilis 1700. edita, ubi etiam decessitur, quod neque ad hoc suffragari possit approbatio semel, vel pluries ab aliis Ordinariis aliorum locorum, & Diocesum obtenta, etiam si penitentes illorum Ordinariorum, qui Confessarios electos approbassent, subditi forent: Confessiones autem aliter factæ sint irritæ, & invalidæ, ac Confessarii ipso jure suspensi.

14. Confessarii Regulares, sive sint Penitentiarum D. Papæ, sive sint approbati ab Eminentissimo ejus Vicario, debent extra Urbem etiam approbari ab Episcopo loci, si velint Sæcularium Confessiones audire; ratio est, quia Tridentinum sess. 23. cap. 15. de reformat. loquitur generaliter, & absolute absque ulla limitatione; neque obstat dicere, quod Regulares communicant in privilegiis non solum aliorum Ordinum Regularium, sed etiam Congregationum Sæcularium, sed Præbyteri Congregationis Oratorii Urbis, ibidem approbati ad audiendas Confessiones, possunt ubique absque alia approbatione easdem excipere, ex privilegio Sixti V. confirmato per Gregorium XIII. in Bullæ

Bulla, quæ incipit. *Te et Rom. num Pontificem*: apud Quarantam in Summ. Bullar. f. l. 199. ergo similiter Regulares eadem facultate fruuntur: nam respondetur, quod hæc opinio utpote falsa communiter relicta, ultra quam quod dato. & non concessio, quod Regulares communicent in privilegiis Congregationum Sæcularium, adhuc tamen non possunt amplius uti privilegio Presbyteris Congregationis Oratorii concessio, cum sit abrogatum per Urbani VIII. in sua Constit. incip. *Cum sic ut accepimus*: apud Cherub. tom. 4. fol. 418. nec sunt audiendi Jos. Antonius Novarinus in 2. p. Bullar. n. 3. & nonnulli alii contententes, prædictum Presbyterorum Oratorii privilegium sub Bulla Urbani VIII. revocatoria non comprehendendi, nam per diametrum adversatur textui dictæ Bullæ, prout legenti manifeste patebit in §. 1. ejusdem, ac per consequens manet revocatum, ut contrarium Tridentini decretis.

15. Cum examen non sit de forma approbationis ut patet ex Tridentino *loc. cit.* idcirco potest Episcopus absque eo Regulares approbare; peccabit tamen graviter, si imprudenter, id est, sine justa causa, & recto iudicio illud omittat; ut docet Barbosa p. 2. de offic. & potest. Episcopi alleg. 32. n. 2. Neque scriptura est de forma dictæ approbationis, nam in Tridentino ubi supra id non dicitur, & cum lex non distinguat, nec nos distinguere debemus; nihilominus tamen ad omnem bonum finem melius est, eam in scriptis habere.

16. Quamvis ex privilegiis Apo-

stolicis, præsertim ex Bulla Clementis X. incip. *Superna*: concedatur Regularibus ab Ordinario approbatis facultas audiendi Confessiones quovis anni tempore, etiam Paschali, & quorumcumque fidelium, etiam infirmorum, absque ulla Parrochorum licentia, dummodo de Confessione infirmorum ab eisdem audita, Parochum illic verbo, vel scripto certiores reddant, sub pœna suspensionis ab audiendis Confessionibus, Romæ ipso facto incurrenda, donec iterum examinentur, nihilominus tamen sine eorum consensu, extra necessitatem, in eorum Ecclesiis Parochialibus à Confessionibus audiendis debent abstinere ad vitandas dissensiones.

17. Licentia audiendi Confessiones ab Episcopo concessa ad libitum, seu beneplacitum, non potest ab eodem sine justa causa revocari; ratio est, quia huiusmodi licentia concessa Regularibus non est proprie licentia, sed approbatio dumtaxat personæ, & quasi juxta sententia, seu declaratio, quod talis persona est idonea ad Confessiones audiendas, prout deducitur ex verbis Tridentini *sess. 23. cap. 15. de reformat.* unde postquam Episcopus judicaverit, Regulares esse idoneos Ministros Sacramenti Pœnitentiæ, statim Papa illis concedit facultatem ministrandi dictum Sacramentum; ut patet ex Clementina: *Dudum de sepulc.* sed sententia lata secundum regulas iustitiæ non potest revocari: *Quod enim semel placuit, amplius displicere non potest* prout habetur in cap. *Quod semel de regul. jur. in 6.* ergo dicta approbatio

fa-

facta, ut supponitur, modis debitis, licet sit ad libitum, seu beneplacitum, non potest ab Episcopo concedente sine magna causa revocari, vide supra n. 9.

18. Approbatio Regularium ad Confessiones audiendas ab Episcopis facienda est solum quoad litteraturam, quæ non est necesse, ut sit exacta, & consummata, neque requiritur, ut examinandi sint magni Theologi, aut Canonici, sed sufficienter periti; Super vita autem, & moribus examinandi non sunt, cum id ad Prælatos Regulares dumtaxat spectet, nam quamvis Tridentinum sess. 23. cap. 15. dicat, Regulares esse admitte-ndos per examen, de quibus tamen sit examen faciendum non dicit, unde relinquit antiquas Constitutiones Apostolicas in suo vigore, & præcipue Leonis X. Const. incip. *Dum in-menti s arcana*: apud Cherub. tom. 1. ubi §. 6. id expresse declaravit per hæc verba: *possintque illi per eosdem Episcopos super sufficienti litteratura, & aliqua saltem huiusmodi Sacramenti peritia dumtaxat examinari*.

19. Regularis Parochus ab Episcopo approbatus ad animarum curam Monasterio, seu Conventui annexam, si ab huiusmodi cura à suis Superioribus amoveatur, potest audire Confessiones Sæcularium absque nova approbatione ejusdem Episcopi, qui illum semel idoneum judicavit; ratio est, quia jam fuit approbatus simpliciter, & absolute, ut supponitur, ergo sicut diximus supra n. 9. propter amotionem ab officio, seu beneficio curato, non cessat fundamentum suæ potestatis, nisi nova

superveniat causa, quæ ipsas confessiones concernat; hæc est verior, & communior sententia, quam contra Bordonum docent Peyrinus tom. 3. privil. cap. 4. n. 22. in addit. ad const. velas. Leonis X. Riccius in 3. p. praxis resol. 192. n. 2. de Lugo disp. 21. de panis. sess. 1. Donat. tom. 4. tract. 4. q. 6.

20. Cardinales, Episcopi, alique Prælati exempti, Regularibus exceptis, non possunt sibi eligere in Confessarium Sacerdotem ab Ordinario non approbatum, quia licet ante Tridentinum ex cap. *Ne pro dilatione, de panis. & remiss.* poterant pro libito quemlibet Sacerdotem discretum absque approbatione eligere, hodie tamen prohibentur id facere, non servata forma Tridentini, cum privilegium per dictum cap. *ne pro dilatione*; eidem concessum, ab eodem Tridentino sess. 25. cap. 15. quoad electionem sine Ordinarii approbatione censeatur revocatum; & patet manifeste ex declaratione S. Congr. Cardinalium apud Dianam p. 8. tract. 1. resol. 85. & apud Bellarminum in dicto cap. *Trident.* inter declarationes Cardinalium in fine, ubi dicitur: *Cardinales non possunt sibi eligere Confessarios non approbatos, per hoc decretum; sicut nec Episcopi possunt secundum cap. final. de panis. & remiss. nec objectiones valent, quia Gregorius XIII. ita declaravit: hæc ibi.* Unde Episcopi possunt dumtaxat eligere Sacerdotem subditum, etiam extra Diocesim, eumque pro se approbare, sicuti approbare pro aliis subditis possunt: quod etiam locum habet in Cardinalibus, qui possunt

sunt eligere Sacerdotem Commensalem, cui tam ipsi Cardinales, quam eorum familiares confiteri possunt; ut habet praxis Romanæ Curie, Pontifice sciente, & non contradicente: ita docent la Crux *disp. 1. cap. 2. dub. 23. n. 20. Diana p. 8. tr. 1. resol. 85. Cetonius lib. 2. controuv. 7. cap. 4. q. 3. & alii.*

21. In Confessario Regulari ultra approbationem Episcopi requiritur etiam licentia sui Prælati, ad hoc, ut licite possit is Confessiones Sæcularium excipere: ratio est, quia Religiosus per votum obedientiæ non habet amplius velle, neque nolle; ut habetur in cap. *Si Religiosus de elect. in 6.* deinde quia in omnibus Religionibus bene ordinatis ita sancitum est; in nostro Ord. Seraphico patet ex Commentariis Sanctiorii *cap. 8. stat. 52.* quod adeo verum est, ut Regularis nec quidem a Venialibus, aut mortalibus alias rite confessis, licite, id est, sine peccato, absque sui Prælati licentia, absolvere possit; quinimmo, si non solum sine licentia Prælati verum etiam ipso contradicente, & prohibente, confessiones audire præsumat, peccabit graviter contra votum obedientiæ; quamvis regulariter loquendo, prædictæ Confessiones factæ Regulari ab ordinario approbato, absque licentia proprii Prælati, sint validæ: cum reperitur totum illud, quod requiritur ad valide Sacramentum pœnitentiæ admiristrandum; dixi, *regulariter loquendo*; nam si illa prohibitio, & suspensio à proprio Prælato facta, fuerit judicialis, manifesta, & notoria, non solum peccabit mortaliter Regularis

excipiendo confessiones, sed etiam earum absolutiones erunt nullæ, atque invalidæ; dum ex communi sententia notorie excommunicatus, vel suspensus, ac pro tali declaratus caret jurisdictione, & potestate ad proferendam sententiam validam: ita, Miranda *tom. 1. q. 45. concl. 3. Navar. in Manual. cap. 9. n. 6. quod probat per cap. ad probandam, de re iudicat Sylvest V. Confessor. 1. §. 15. n. 3. & alii.*

22. Confessarii Regulares semel approbati ab aliquo Catholico Episcopo non possunt in locis, per quæ transeunt, etiam si in illis non adsint Ordinarii, nec Parochi reclamant, fidelium Confessiones audire absque approbatione, & licentia Ordinarii loci, ubi reperiuntur, juxta Decretum Tridentini relatum supra; nec valet allegare privilegium Gregorij XIII. Societati Iesu concessum, relatum à Suarez in 3. p. D. Thom. *tom. 4. disp. 28. sect. 7. n. 13.* & quod per communicationem ad omnes alias Religiones extenditur; quia jam fuit revocatum, & extinctum per Constitutionem Urbani VIII. quæ incipit *Cum sicut accepimus*; relatum supra *n. 14* & per Const. Clementis X. incip. *Superna*; utpote contrarium Tridentini Decreto. Secus autem dicendum de Regularibus Confessariis itinerantibus per mare, nam ibi possunt proculdubio absque ullo privilegio confessiones navigantium audire,

23. Ordinarii Locorum peccant contra iustitiam, & sunt transgressores Concilii Tridentini, & constitutionum Apostolicarum, si Sacerdotibus dignis, & idoneis approbationem



nem sine iusta causa negent; nam, huiusmodi approbatio non est gratia, seu privilegium, quod ex libera ipsorum voluntate dependeat, sed solum est authentica declaratio, seu testificatio, personas habiles, & dignas esse ad confessiones audiendas, quod quidem testimonium Sacerdotibus præfatis iure debetur; & præcipuè Regularibus Ordinum Mendicantium à suis Prælatiis Episcopis præsentatis, quibus ex Apostolicis privilegiis competit fidelium quorumcumque Confessiones audire, ideoque ex Summi Pontificis voluntate, ac tacito mandato, si idonei, & habiles reperiantur, approbatio debetur: ut constat ex variis S. Cong. Decretis relatis supra, & docent comm. D.D.

24. Peccant mortaliter Examinatores, sicut Episcopi, si ex odio, ira, vel alia passione Sacerdotes habiles, & idoneos ad Confessiones audiendas non admittant; privant enim Ecclesiam bonis Ministris, eosque reprobandando contristant, ignominiam afficiunt, & in existimatione plurimum lædunt; & à fortiori peccant mortaliter, admittendo ad Confessiones personas non idoneas, immo ineptas, quæ favoribus externis ad id aspirant; peccant etiam mortaliter, si examinandos præmoneant de pun-

ctis, de quibus eos in examine interrogare volunt; cum ita infideliter; & fraudulentè officium sibi commissum exerceant; verum si alias examinandi essent evidenter idonei, & præ timore, vel naturali verecundia aspectu examinerum turbarentur, non videtur, eos peccare mortaliter; qui de materia proponenda in genere præmonerent; Peyrinus tom. 3. privileg. Regul. in addit. ad Const. Sixti 117. cap. 2. Riccius in praxi, p. 1. de c. 418. Garcia de benef. p. 9. cap. 2. n. 72. Ledesma p. 2. tr. 7. cap. 2. Cand. Berg. tr. 12. cap. 9. resol. 37. & alii.

25. Postremò advertendum, quod Confessarii Regulares curare summo pere debent, ut inoffenso decurrant pede libros Authorum, qui de examine, & approbatione ab Episcopis facienda pertractant, nam in diversis diversæ propositiones damnatæ, & contrariæ Apostolicis Constitutionibus reperiuntur, quæ si ad praxim deducerentur, Sacramentum Pœnitentiæ invalidè proculdubio ministraretur; oportet enim in omnibus Sedis Apostolicæ iudicio se submittere; cum plura privilegia antiqua quoad approbationem Regularibus concessa, per moderna Decreta Apostolica, & S. Congregationis, vel revocata, vel saltem limitata sint.



## C A P. I V.

*De Casibus reservatis, & an possint Confessarii  
Regulares ab eisdem absolvere poenitentes  
Sculares.*

1. **Q**uemadmodum omnis jurisdictione ad absolvenda peccata sacramentaliter, tam Ordinaria, quam delegata descendit à Summo Pontifice Christi Vicario, ut Ecclesiæ vinculum, & unitas per hanc dependentiam, & subordinationem conservetur; ita potest ab eo limitari, seu limitata concedi quoad hæc, vel illa peccata omnium Christianorum; & pari modo ab Episcopis, aliisque Prælati inferioribus, sive Secularibus, sive Regularibus quoad subditos suos; quod, tanquam de fide credendum, decisum est in Tridentino sess. 14. cap. 7. can. 11.

2. Summus Pontifex ordinariè nullum peccatum suo tribunali reservat, quod non habeat annexam censuram, ut patet evolventi Bullarium; propterea si Papa, vel ejus Poenitentarius aliquem absolvat à sola censura Bullæ Cœnæ, vel alia eidem reservata, inferior Confessarius deinde in conscientia foro absolvere poterit à peccato illo, cui talis censura erat annexa; similiter, si aliquis commisit peccatum aliquod v. g. in dicta Bulla contentum, sed ob ignorantiam non crassam seu supinam, vel affectatam à censura Papali excusatus fuit, ab inferiore absolvi poterit: ita  
*comm. D.D.*

3. Cum reservationis actus sit localis, & restrictus ad suam cujusque Episcopi Diocesim, ex Tridentino sess. 14. cap. de casuum reservat. Idcirco Confessarii Regulares existentes in Diocesi Prænestina poterunt absolvere poenitentes peccatis reservatis irretitos in Diocesi Tusculana, etiam si absolventi à reservatis facultatem non habeant, dummodo ea peccata reservata non sint in Diocesi Prænestina; & dummodo in fraudem reservationis poenitentes pro absolutione obtinenda ad alienam Diocesim non accedant; ratio est, quia reservatio non afficit directè poenitentem, sed Confessarium, ideo licet facultas absolventi à reservatis sit adempta Confessariis Diocesis Tusculanæ, non tamen est adempta Confessariis Diocesis Prænestinæ; constat ex Bulla Clementis X. incip. *Sapientia*.

4. Irretiti autem excommunicatione reservata in Diocesi Tusculana, si accedant ad Confessarium existentem in Diocesi Prænestina, non possunt ab eo absolvi, non solum quia persona censurata, ubicumque sit, cum eo impedimento reperitur, sed etiam quia Episcopus excommunicator, propter causam in suo foro captam jus semper habet in excommuni-

datum, privative quoad alios; prout docent Layman. in *Theol. moral. lib. 1. tract. 5. p. 1. cap. 2. n. 4. Mattheuc. official. quoad absol. d. reserv. n. 4.*

5. Confessarius Regularis; qui ab Episcopo obtinuit facultatem absolvendi ab aliquo peccato reservato, cui annexa est excommunicatio, potest etiam ab huiusmodi excommunicatione absolvere; ratio est, quia, uno concessu, ea omnia; sine quibus illud unum expleri non potest, intelliguntur concessa, sed sine absolutione ab excommunicatione non, potest Confessarius explere commisionem sibi factam absolvendi à peccato reservato, cum absolutio à censuris debeat precedere absolutionem à peccatis, ergo proculdubio absolvere potest à censura peccato reservato annexa; ita Bordonus *tom. 2. resol. 45. q. 13. & resol. 39. q. 22. & alii comm.*

6. Habita facultate ab Episcopo absolvendi ab omnibus casibus, & censuris sibi reservatis, poterit Confessarius absolvere etiam ab excommunicatione contracta propter abortum foetus animati, eff. tu secuto, quia licet Bulla Gregorii XIV. quæ incipit *Sedes Apostolica*, apud Cherub. *tom. 3. ordinet*, quod ad absolvendum à præfata excommunicatione, debeat Confessarius esse specialiter deputatus ab Ordinario; nihilominus tamen illa particula *specialiter* solum est adjecta ad indicandum, non posse Confessarium virtute alicujus privilegii absolvere, nisi ea facultatis concessio ad hanc etiam abortus censuram extendatur, non enim sufficit facultas absolvendi ab aliquo ca-

su particulari, ab hoc distincto, facultas vero absolvendi à omnibus peccatis, & censuris Episcopo reservatis, si distributive explicetur, proculdubio casum abortus specialiter comprehendit: ita Bonacina de *censuris tom. 3. disp. 2. q. 2. punct. 10. n. 15. & 16. Bassus V. Abortus n. 3. & alii*. Notandum vero, quod Romanæ dicta censura à quolibet Confessario Regulari ibi approbato potest absolvi, quia illam Gregorius XIV. reservavit solum Episcopis.

7. Regularis Confessarius, qui privilegium obtinuit à Sede Apostolica absolvendi ab omnibus censuris, & casibus reservatis; nec licite, nec valide potest absolvere à censuris in Bulla Cænz contentis, & à casibus Episcopo loci reservatis (de quibus mox redibit sermo) nisi de ipsis in concessione fiat expressa mentio; ratio est, tum quia verba generaliter prolata, generaliter accipienda sunt; cum ex *regul. 18 juris in 6. in generali concessione non veniant ea, quæ non esset quis verosimiliter in specie concessurus*; tum etiam quia Papa cum dictam facultatem concedit, etiam in Jubilæis, specialem de casibus prædictis mentionem facit, ad designandum, quod si non adderetur clausula illa particularis, nemo quantumvis privilegiatus ab illis absolvere posset; ut docet Navarrus in *Manual. cap. 27. de casib. reserv. n. 255. & constat expresse ex Decreto S. Congr. negotiis Episcoporum, & Regularium proposita, super absolutione à præfatis casibus edito, quod refert Stephan. Quaranta V. Casus reservati. Vide Bonac. tom. 3. disp. 2. q. 3. p. 10. fol. 170. E c 2 8. Re.*

8. Regulares ad audiendas Sæcularium Confessiones in aliqua Dicceſi approbati, virtute ſuorum privilegiorum, & non obtenta ad id ab Ordinario loci facultate, nequeunt abſolvere pœnitentes à caſibus ipſi Ordinario reſervatis; prout liquet ex tit. decr. & ex propoſitione 12. inter damnatas ab Alexandro VII. necnon ex conſtitutione Clementis X. quæ incipit. *Superna*; ubi dicitur: *Ex facultatibus per Mare magnum: aliave privilegia Regularibus enjuſcunque Crimini, Inſtituti, aut Societatis, etiam Jeſu, conceſſis, ſaltim eis non eſſe poteſtatem abſolvendi à caſibus ab Epifcopo ſibi reſervatis*; & quoad hæc ipſis minime ſuffragantur jam acceptorum privilegiorum conſirmationes, ut ibidem expreſſe dicitur. Poſſunt tamen abſolvere Sæculares ab illis caſibus, qui jure communi, vel conſuetudine Epifcopis ſunt reſervati, ſi in tabella caſuum reſervatorum non ſint adnotati, nam de adnotatis dumtaxat in tabella intelligendum eſt, ſublata eſſe Regularibus facultatem, ſeu privilegium ab eis abſolvendi, prout notavit Viva in expoſ. dictæ 12. propoſ.

9. Tam Regulares, quam Sæculares Confefſarii, qui abſque debita facultate à dictis caſibus reſervatis abſolvere præſumunt, ligantur pœna excommunicationis, privationis officiorum, Dignitatum, aut Beneficiorum, & ad quæcunque officia, Prælaturas, & Beneficia in poſterum obtinenda ipſo facto inhabilitantur, ſuper quibus à nemine, niſi à Romano Pontifice habilitatio, diſpenſatio, aut abſolutio, præterquam in mor-

tis articulo, poteſt impartiri; pœna autem imponitur præſumentibus, quod verbum requirit ſcientiam legis in abſolvente: ut conſtat eſt relatis Decretis Apoſtolicis, & S. Congreg.

10. Poſtquam Confefſarius advertit pœnitentem eſſe caſibus reſervatis irretitum, circa quos ipſe facultatem non habet, debet eum remittere ad ſuperiorem, vel ad habentem facultatem in reſervata, niſi forte ipſe Confefſarius ex caritate velit ab eodem ſuperiore facultatem petere, qua poſſit pœnitentem abſolvere, ut conſtat ex Tridentino ſeſſ. 14. cap. 7. ratio eſt, quia ad integritatem Confefſionis perinet, ut de omnibus mortalibus eadem fiat coram legitimo iudice, qualis ille tantum eſt, qui poteſtatem habet de integra cauſa cognoscendi, ut abſolutus ab eo rite pronuntietur; ut docent commun. D. D. Dixi, niſi Confefſarius ex Charitate velit petere facultatem, nam onus adeundi Superiorem non eſt gravamen Confefſario impoſitum, ſed pœnitenti, unde ſi non poſſit pœnitens adire ſuperiorem, non propterea obligabitur Confefſarius, quantumvis eo velit pœnitens uti.

11. In caſu urgentis neceſſitatis ad vitandum ſcandalum, vel infamiam, ſi Sacerdos ſacrificare debeat, vel Laicus communicare, & Superiorem diſtantiem, aut valde occupatum adire non poſſint, vel non adſit alius Confefſarius habens facultatem in reſervata, qui commode, & ſine nota adiri poſſit, tunc Confefſarius abſolvere poteſt pœnitentem directe à non reſervatis, & in-

dic-

directe à reservatis, Imposito onere pœnitenti præsentandi se Superiori, vel alteri habenti facultatem in reservata, ut ab eisdem quoque directe absolvatur; nisi ipse Confessarius malit, ut dictum est supra, petere à Superiore absolvendi licentiam, persona non nominata. Idem dicendum, quando pœnitens est innodatus aliqua censura quomodolibet reservata, etiam in Bulla Cœnæ contenta; nam quæcumque censura jure tantum positivo Ecclesiastico arcet à sumptione Eucharistiæ, & Pœnitentiæ, idcirco cessat ejus obligatio in casu impedimenti, vel magnæ necessitatis vitandi scandalum, vel servandi famam, quæ est de jure naturæ: quando alias pœnitens est dispositus. Præcisæ autem necessitate, & rationabili causa, nunquam licet Confessario non habenti facultatem in reservata absolvere pœnitentem à non reservatis, ipsumque mittere ad Superiorem pro reservatis, quia id esset dimidiare Confessionem: ita Navarrus in summ. cap. 9. n. 4. Layman lib. 1. tract. 5. p. 2. n. 1. Bonacina de Sacram. disp. 5. q. 7. punct. 5. §. 3. & alii commun.

12. Constitutus in articulo, vel periculo mortis probabili, si habeat peccata Episcopo reservata, potest à Confessario, non habente facultatem in illa, absolvi directe, idest, sine onere comparendi, si convaluerit; nam in eo articulo, vel periculo omnis casus Episcopalis desinit esse reservatus: ex Tridentino sess. 14. cap. 7. Si autem fuerit innodatus aliquæ excommunicatione reservata, si-ve Episcopali, si-ve Papali, poterit pari modo à Confessario in tali casu

absolvi, indirecte tamen, idest, cum onere se præsentandi coram Superiore, si convaluerit, præstito tamen prius juramento de stando mandatis Ecclesiæ, & de satisfacienda parte, si opus fuerit. Si vero excommunicatio sit ex illis, à quibus Confessarius Regularis tanquam delegatus Papæ ex privilegiis, etiam extra mortis articulum, vel periculum, absolvere potest, tunc absolutio illius erit directa, idest, sine onere comparendi; Sed cum juramento, vel saltem firmo proposito de non committendo de cætero tale peccatum, & de satisfacienda parte, si opus fuerit: ita commun. D. D.

13. Confessarius, qui facultatem habet absolvendi à reservatis spatio aliquorum dierum v. g. quindecim copulative dierum tempore Jubilæi, potest absolvere pœnitentem, qui intra tale tempus commisit aliquod peccatum reservatum, modo pœnitens intentionem habeat præstandi ea omnia, quæ ad illius consecutionem sunt necessaria; cum toto illo tempore duret facultas absolvendi à reservatis: ut docent Navarrus lib. 3. de sens. excomm. consilio 43. n. 2. Græfius lib. 9. decisionum cap. 15. n. 44. & alii plures apud Bonacina. de Sacram. disp. 5. q. 7. punct. 5. §. 2. n. 17. qui asserit, id verum esse, etiam si pœnitens peccatum commiserit spe absolutionis obtinendæ, non enim privilegium amittit, qui ex confidentia peccat. Si autem Jubilæum concedatur, ut possit lucrari in una dumtaxat ex duabus hebdomadis, & pœnitens, obtento Jubilæo in prima hebdomada, incidat in casum reservatum,

antequam elabatur secunda, minime à tali casu absolvi poterit; ratio est, quia facultas illa lucrandi Jubilæum concessa fuit sub forma disiunctiva, in prima scilicet, vel in secunda hebdomada, non vero copulative, aut indefinite, ut supra: tum quia facultas absolvendi à reservatis conceditur in ordine ad obtinendum Jubilæum, sed Jubilæum jam fuit obtentum, reservatio autem contracta est post obtentum Jubilæum, ergo hæc non potest amplius tolli occasione Jubilæi: ita docent Lupus *comment. in sens. & cas. reserv. p. 1. disp. 21. art. 3 Illuc. tract. 8. cap. 10. n. 261. in fine*, referentes declarationem S. Congr. Concilii 1620. editam, cui declarationi standum est.

14 Regularis approbatus ad audiendas Sæcularium Confessiones, etiamsi facultatem in reservata non habeat, potest in dubio facti cadentis sub reservationem absolvere pœnitentem, qui dubitat, se homicidium commississe, vel peccatum complevisse, vel mortaliter peccasse, vel sufficienter actum externum complevisse &c. ratio est, tum quia in tali dubio melior est conditio possidentis; Confessarius enim approbatus est in possessione suæ jurisdictionis, de qua est certus, quod autem peccatum sit reservatum est incertum; tum quia reservatio est odiosa, odia vero non sunt amplianda, sed restringenda; tum etiam quia sicut in foro externo non judicatur contra delinquentem, nisi adsit sufficiens præsumptio in contrarium, ita neque in foro pœnitentiæ judicandum est contra pœnitentem, nisi contra ipsum

extent præsumptio, & conjecturæ sufficientes; idem enim est fori externi, & interni judicium, quando forum externum non nitiur falsæ præsumptionis: ita Suarez *de censuris tom. 5. disp. 40. sect. 6. n. 3. Sanchez in summ. lib. 1. cap. 10. n. 23. Henricus lib. 6. cap. 26 n. 7 & alii, quos refert Bonacina de restitutione disp. 1. q. 2. punct. 2 § incidenti fil. 358.*

16. Si in dubio facti adsit sufficiens præsumptio in contrarium, qualis est, si quis exterius profert hæresim, & postea dubiet, an illam ex animo protulerit non potest absolvi à confessario non habente facultatem, hic enim præsumitur incurrisse excommunicationem reservatam, latam contra hæreticos, nam possessio stat pro hæresi, quam constitat esse prolatam, & forum exterius judicat hunc hæreticum, præsumens propositionem hæreticam protulisse animo consentiente. Pari modo, Confessarius non habens facultatem in reservata, absolvere nequit in dubio facti, si in jure ita fuerit decretum; ut quando dubitatur, an percussio Clerici fuerit levis, mediocris, vel enormis, in hoc enim casu percussio præsumitur enormis, & consequenter Sedi Apostolicæ reservata, prout docent *præcitati Doctores*.

16. Confessarius, qui proprie dubitat, manens suspensus, an habeat jurisdictionem circa peccata reservata, non potest ab iis absolvere, cum exponat se periculo impendendi absolutionem invalidam, quia fieri potest, ut vere careat jurisdictione. & possessio stat pro peccatis, quæ contra esse reservata; idcirco extra-

n. or.

mortis probabile periculum, vel extra necessitatem, ut supra n. 11. & 12. non potest absque lethali culpa absolvere, nisi ad id facultatem obtineat: ita cum cit. D. D. Bonacina de Sacram. disp. 5. q. 7. p. 1. §. 4. n. 4. Secus autem dicendum, quando non proprie dubitat, sed potius opinionem habet vere probabilem de jurisdictione, nam in tali casu potest absolutionem conferre, etiam si ad istam opinionem probabilis in contrarium; cum ille, qui sequitur opinionem vere probabilem Doctorum sententium, ipsum habere jurisdictionem absolviendi à reservatis, seu privilegium absolviendi non esse revocatum, valide agat, quæ agit, ac si reipsa jurisdictionem haberet, & privilegium nondum esset revocatum, etiam si forte opinio illa à parte rei non subsistat, nam in tali casu Ecclesia piissima mater jurisdictionem supplet, sicut eandem supplet, quando aliquis titulo colorato, & errore communi intervenientibus habetur pro legitimo Iudice, vel Parocho, cum non sit talis: ita Lessius lib. 2. cap. 29. dub. 8. Suarez supra, Sanchez lib. 3. de matrim. disp. 26. n. 6. Reginal. lib. 1. n. 102. & 103. Bonac. Coninch. Henrici & alii.

17. Confessarius, qui ex malitia, ignorantia, inadvertentia, oblivione, inconsideratione, vel bona fide invalidè absolvit pœnitentem à peccatis reservatis, vel etiam à non reservatis, debet eum admonere, & obrepente debita facultate revocare ad Confessionem validè faciendam, si absque scandalo, & gravi suo detrimento id facere possit, tenetur enim

damnum grave pœnitentis impedire. Si autem nequit eum admonere, aut ad se revocare sine scandalo, & gravi detrimento, non tenetur admonere, vel revocare; ratio est, quia pœnitens potest in gratia constitui per novam Confessionem, quam creditur postea facturum, & per quam potest saltem indirectè absolvi, si actum doloris universalis eliciat. Si verò non credatur facturum aliam Confessionem, aut fortè non suscepturus aliud Sacramentum cum debito dolore, tunc Confessarius tenetur pœnitentem admonere, etiam si timeat grave detrimentum, nam pœnitens censetur esse in extrema necessitate, in qua salutem animæ tenetur commodis temporalibus præferre: ita Navarrus in sum cap. 26. n. 14. Henrici lib. 4. cap. 12. n. 3. & alii apud ipsum.

18. Confessarius non habens facultatem in reservata, & in aliquibus casibus absolvens ab eisdem, non incidit in pœnas relatas supra n. 9. primò, quando ille probabiliter ignorat casum, à quo absolvit, esse reservatum, utpotè quia pœnitens non satis qualitatem peccati explicuit; secus autem, si ignoraret ignorantia affectata, v. g. si noller legere casus reservados, vel interrogare pœnitentem, ne agnosceret veritatem. Secundò, non incidit, quando probabiliter existimat, se tunc ab eo vere posse, quamvis postea animadvertat, se non potuisse; vel quando bona fide, aut per oblivionem, inadvertentiam, vel inconsiderationem absolvit, nam lex punit præsumentes, non verò prædictis modis operantes. Fecit

tio non incidit, qui in dubio facti absolvit, ut dixi supra n. 14. & licet in Decreto S. Congregationis super absolutione casuum reservatorum sub prædictis poenis absolutio à reservatis claris, vel dubiis prohibeatur, hoc

tamen procedit solum in casibus Bullæ Cœnæ: Ita docent Homob. de casib. referuat. p. 1. de causa finali cas. refer. Sd v. casus n. 5. Lupus comment. in cas. refer. p. 1. dist. 23. art. 1. & alii.

## C A P. V.

### *De potestate, quam habent Confessarii Regulares ab Ordinario approbati absolventi virtute privilegiorum Saculares poenitentes à censuris, etiam reservatis.*

1. **C**onfessarii Regulares ab Ordinario approbati nullibi possunt virtute privilegiorum absolvere Sæculares poenitentes 1. à censuris clarè, vel dubie in Bulla Cœnæ contentis; 2. à Simonia reali, idest, ex utraque parte completa, in Ordine, Beneficio, & Religionis ingressu contracta; 3. ab omni læsione libertatis, vel immunitatis Ecclesiasticæ in casu publico; 4. à violatione interdicti positi à S. Sede; & à violatione clausuræ Monialium ad malum finem in casu publico; 5. à Præbytericidio publico juxta Decretum Clementis XI. anno 1711. editum; 6. delinquentes contra Constitutiones de electione Romani Pontificis editas; 7. trahentes de Successore eligendo, vivente Romano Pontifice; 8. inquirentes per astrologiam judiciariam de statu Christianæ Reipublicæ, vel de Vita, & Morte Romani Pontificis pro tempore existentis; 9. violantes juramentum, quod emittunt Officialis S. Congr. Rituum circa Sancto-

rum Canonizationem; 10. revelantes secretum Sacræ Rotæ Romanæ contra formam Bullæ Urbani VIII. necnon secretum S. Officii juxta Decretum Clementis XI. 11. Improbis personas odio, ira, vel alia indigna causa commotas, vel aliorum impiis suggestionibus, aut promissis, aut blanditiis, aut minis, aut alio quovis modo incitatas, mediâtè, vel immediate, innoxios, & crimine puros Sacerdotes confessarios apud Ecclesiasticos Judices falsò sollicitationis insimulantes, juxta constit. SS. D. N. BENEDICTI Papæ XIV. incip. Sacramentum Poenitentia: die 17. Junii 1741. Pontificatus sui anno 1. editum §. 4. 12. Confessarios extra casum extremæ necessitatis, nimirum in ipsius mortis articulo, & deficiente tunc quocumque alio Sacerdote, qui confessarii munus obire possit, confessionem sacramentalem personæ complicitis in peccato turpi, atque inhonesta contra sextum Decalogi Præceptum commissio excipere audentes: juxta præ-



præfatam constit. 5. 5. etiam ad vitandum scandalum, vel infamiam (potest idem confessorius poenitentem complicitate valide, & licite absolvere; illicite vero, sed valide, si seclusa vera, & urgente necessitate absolvat, & tunc excommunicationem Sum. Pont. reservatam, aliasque penas incurrit; prout in alia constit. 8. Februarii 1745. edita declaravit. 13. neminem ab homine nominatim excommunicatum, suspensionem, aut interdictum, vel pro tali declaratum, vel denunciarum, neque à peccatis, & censuris Ordinariis locorum reservatis, vel ad forum contentiosum deductis, aut probabiliter deducendis absque debita facultate absolvere possunt.

3. Romæ, & extra Italiam Regulares ab Ordinario approbati possunt virtute privilegiorum (exceptis supra dictis casibus) absolvere Sæculares poenitentes ab omnibus aliis censuris occultis Papæ reservatis, etiam ab illis sex in Decreto Clementis VIII. anno 1602. edito, contentis; videlicet, 1. à violatione libertatis, vel immunitatis Ecclesiasticæ, in casu occulto tantum; 2. à violatione clausuræ Monialium ad malum finem, in casu similiter occulto; 3. à duello; 4. ab injectione manuum violentarum in Clericum, dummodo non sit ad forum contentiosum deducta; 5. à Simonia reali scienter contracta, dummodo non sit in Ordine, Beneficio, & Religionis ingressu, ut dictum est supra; 6. à confidentia beneficii occultæ, & non completa, idque constat ex variis Summorum Pontificum privilegiis, quæ videri possunt in compendio privilegiorum Mendicantium

v. absolutio quoad Sæculares, & apud Bordonum tom. 1. Consil. resol. 6. r. 8. præsertim vero ex indulto Pauli III. Societati Jesu concessio in Bulla, quæ incipit: *Cum inter cunctas*; anno 1545. edita, & habetur in Bullario ejusdem Societatis pag. 20. & Emmanuelis Roderici pag. 320. & Jo: Baptiste Confessii in collectione litterarum Apostolicarum pag. 151. & apud Cherubinum tom. 2. ut cum Communi docet Pellizarius tract. 6. cap. 2. n. 3. constat quoque ex citato decreto Clementis VIII. apud Stephanum Quaranta v. casus reservati pag. 162. & ex alio S. Congreg. Episcoporum, & Regularium 18. Novembris 1628. jussu ejusdem Pontificis edito; apud Tamburinum de jur. Abb. tom. 2. disp. 14. q. 15. n. 6. censuræ extra Bullam Cænx à quibus dicti Regulares Confessarii tam Romæ, quam extra Italiam absolvere possunt, in fine hujus capituli recensentur: vide etiam supra tract. 6. cap. 2. ubi breviter explicantur casus reservati in Decreto Clementis VIII. Circa illos 6. casus à Clemente VIII. reservatos, scilicet.

1. Violatio immunitatis Ecclesiasticæ.
2. Violatio clausuræ Monialium ad malum finem.
3. Injectio manus violentæ in Clericum.
4. Provocatio, & pugna in Duello.
5. Simonia realis scienter contracta.
6. Confidentia Beneficialis.

A quibus Confessarii Regulares in Urbe approbati, possunt ibi Poenitentes absolvere; est advertendum, F f quod

quod Clemens XI. die 11. Aprilis 1711. inhibuit, am præfatis Confessoribus, quam Pœnitentiariis Basilicarum Urbis, ne deinceps absolverent à Præbyterico publico: à violari-  
one clausuræ Monialium in casu publico: à violatione Immunitatis Ecclesiasticæ in casu publico; etiam in oculis, quando id sit auctoritate publica. constat ex Bullario tom. 10. pag. 258.

3 Per violationem immunitatis Ecclesiasticæ in terminis Constitutionis Gregorii XIV. quæ incipit: *Cum alias nonnulli* intelligitur, quod ab Ecclesiis, ac locis sacris, & religiosi vi, fraude, aut dolo, ac indemnitate promissione extrahantur rei ad ipsa confugientes, ut in eis sacro fruantur asylo, ac contra Iudices, & Curia Ministros securitate gaudeant; & quamvis relata Constitutio, quoddam excipiat, quibus immunitas non suffragatur, est nihilominus Iudicibus laicis, ac Iustitiæ Ministris interdictum ex eis aliquem à præfatis locis sine expressa licentia Episcopi extrahere sub pœna excommunicationis Papalis ipso facto incurrenda, & cum debito restituendi extractos eisdem locis sacris in individuo, e quibus fuerant abducti; quam excommunicationem incurrunt etiam violentes Ecclesiasticam libertatem, id est exemptionem, seu privilegium exemptionis personis Ecclesiasticis concessum. Vide Bonacinam tom. 2. disp. 3. q. 7. punct. 7. fol. 201.

4. Nomine Clausuræ Monialium venit illud spatium, quod intra januam Monasterii semper clausam, continetur, ut claustrum, domus

hortus, & officinae interiores: *ex cap. exiit de verb. signif. in 6.* ad quæ est cui libet ingressus absque debita licentia interdictus, & extra quæ Moniales egredi nequeunt juxta constit. Gregorii XIII. incip. *Deo sacris*. Ad maiorem autem finem huiusmodi clausura violatur, cum quis dicta loca ad effectum venereum ingreditur; qui autem non ad hunc finem ingreditur sine licentia, excommunicationem, quoque Papæ reservatam incurrit, quæ à Confessoribus Regularibus privilegiatis ab Ordinario approbatis absolvi potest.

5. Nomine Clerici, in quem manus violentæ iniiciuntur, veniunt 1. Clerici omnes seculares prima tonsura initiati, etiam conjugati, si cum una, & Virgine contraxerint, ac habitum clericalem, & tonsuram deferant; 2. Monachi, & hinc Religiosi omnes utriusque sexus; 3. Tertiarii, Donati, seu Oblati vel in communitate viventes, vel cum claustralibus sub obedientia habitantes, 4. Tertiariæ virginalem, aut coelibem vitam simpliciter voventes, tamen seorsum, aut in propriis domibus, vel consanguineorum, aut affinium suorum habitent, modo ad habitum per Superiores admittantur de licentia Ordinarii, cum aliis requisitis à S. Congr. 5. Eremitæ, qui sub speciali obedientia Episcopi, vel alterius Prælati ex voto, vel pacto, alicui Ecclesiæ, Eremitorio, vel loco sacro in communitate, vel separatim deserviunt; 6. Equites S. Joannis Hierosolymitani. Super casibus 3. 5. & 6. Duelli, & Simoniz consule D.D.

6. Regulares ab Ordinario appro-

probatum ad audiendas secularium confessiones extra Urbem, sed intra Italiam, ( sub qua, saltem in odiosis, non comprehenduntur Insulae Siciliae, Sardiniae, Corsicae, & Melitae, nisi quoad casus in Bulla Coenae contentos, & Episcopis reservatos, juxta sententiam probabilem Tamburini lib. 3. expedit. Confess. cap. 7. n. 16. Diana p. 3. tract. 2. resol. 13. & Bordoni tom. 1. ref. 6. n. 13. ) possunt absolvere seculares poenitentes ab omnibus casibus occultis Papae reservatis ( exceptis illis omnibus, qui supra n. 1. & 2. sunt recensiti, & qui Episcopis sunt reservati ) prout constat ex privilegiis Apostolicis supra n. 2. relatis, & praesertim ex citata Bulla Pauli III. quae incipit: *Cum inter cunctas* in qua conceditur Religiosis confessoribus Societatis Jesu ampla facultas absolvendi quoscunque fideles ad eos accedentes ab omnibus peccatis, & censuris Sedi Apostolicae reservatis, exceptis excipiendis ut supra, quod quidem privilegium per communicationem ad omnes alios Confessarios Regulares ab Ordinario approbatos proculdubio extenditur: ita docent commun. D. D.

7. A censuris reservatis, & etiam non reservatis ad forum contentiosum deductis non possunt Confessarii Regulares virtute privilegiorum Saeulares poenitentes absque debita facultate absolvere, nisi in articulo mortis, & tunc cum onere comparandi, & obligatione satisfaciendi parti laicae, si opus fuerit; ut cap. praeced. n. 11. & 12. dictum est, & dicitur infra; neque a censuris reservatis locorum Ordinariis absolve-

re valent: Romae tamen ab istis, si- cut etiam a peccatis reservatis, absolvere possunt Confessarii Regulares ibi approbati; satisfacta prius parte, si opus fuerit; nisi fuerint ad forum contentiosum deductae, & nisi eisdem innodati accedant pro absolutione obtinenda in fraudem reservationis, idest, data opera, & eo praecise sine obtinendi absolutionem; prout constat ex saepius relata constitutione Clementis X. quae incipit: *Superna*: in qua etiam habetur, quod absolutio cujusvis censurae quomodocunque collata a Confessoribus Regularibus privilegiatis solum prodest pro foro interno, non autem pro externo;

8. Qui in una Diocesi contraxit excommunicationem non reservatam, latam ab Episcopo illius Diocesis per sententiam generalem, si postea mutet domicilium, sequenter transferat in aliam Diocesim, potest jure communi absolvi a Confessoribus Regularibus illius Diocesis, ad quam se transtulit, satisfacta tamen parte, si quid sit satisfaciendum; & dummodo hujusmodi excommunicatio ad forum contentiosum non sit deducta, vel lex aliqua particularis illius Diocesis non obilet; quae regula valet etiam pro absolutione aliarum Censurarum suspensionis scilicet non reservatae, & interdicti personalis specialis non reservati; secus autem dicendum de interdicto Locali, vel generali personali; de quo consulantur D. D. ita docet Suarez de censuris disp. 38. sect. 2. n. 6. Candel. B. rg. tract. 22. cap. 9. ref. 10. & alii.

9. Confessarius Regularis, qui

F f 2 ab

ab Episcopo obtinet facultatem absolvendi ab omnibus casibus ipsi reservatis, non potest absolvere à censuris reservatis, quæ casibus reservatis non sunt conjunctæ; ratio est, quia casus, & censuræ hoc modo sumptæ separantur ab invicem, & sunt proculdubio diversæ, & à diversis non fit illatio; ut constat ex cap. *Ad audientiam*; & docent Navarrus in *Manual. cap. 27. n. 261. Sanchez in summ. lib. 2. cap. 11. n. 1.* Potest tamen absolvere à censuris, quæ casibus reservatis sunt conjunctæ, ut est illa, quæ abortum factus animati, effectu secuto, sequitur; Episcopus enim concedens facultatem absolvendi ab abortu prædicto, concedit quoque facultatem absolvendi ab excommunicatione annexa, & sibi reservata, cum sine tali facultate non possit Confessarius licite absolvere à tali casu, nisi à censura annexa absolutionem præmittat; prout diximus in cap. *præced. n. 5. & 6.*; quæ quidem regula solum procedit in conjunctis, ut in prædicto casu de abortu, & in casibus Summo Pontifici reservatis, quibus semper est annexa censura: ita Lupus *comm. in cens. & cas. res. p. 1. dist. 8. diff. 2.*

10. Obtinens per Jubilæum, vel extra Jubilæum facultatem generalem absolvendi ab omnibus casibus Sedi Apostolicæ reservatis, non ideo potest absolvere à casibus in Bulla Cœnæ contentis, nisi de hujusmodi Bulla mentio facta fuerit; ratio est, tum quia in generali concessione non veniunt ea, quæ quis verosimiliter non esset in specie concessurus: ex cap. *In generali de reg. jur. in 6.* tum

quia casus dictæ Bullæ specialiter reservantur, consequenter indigent speciali expressione; tum etiam quia ita usu receptum est, nam privilegium, quod recedit à jure communi non est ampliandum, sed restringendum: ex cap. *odia, de reg. jur. in 6.* & ita docent Sanchez in *summ. lib. 2. cap. 12. Suarez de cens. disp. 21. sect. 3. n. 3. Navarrus, Covarrub. & alii apud ipsum.*

11. Advertendum tamen, quod licet in Bulla Jubilæi excipiantur hæresis à facultate generali absolvendi, non propterea consentur excepti alii casus hæresim dumtaxat sapientes, ut retentio, lectio, & impressio librorum hæreticorum, una cum aliis casibus in primo articulo dictæ Bullæ contentis, dummodo non detur error in intellectu; ut cum multis docet Diana *p. 4. traß. 4. resol. 10.*

12. Quoties non patet aditus ad Summum Pontificem, vel legatum, aut ejus delegatum, vel Episcopum, nisi cum magna difficultate, & mora, ratione impedimenti perpetui, vel etiam diuturni; nempe, ægrotudinis, paupertatis, fragilitatis sexus, ut si fuerit mulier, pauper, senex, cæcus, infirmus, impubes, servus, ut similes, qui labores itineris sustinere non valeant, possunt Confessarii Regulares absolvere præfatos ab omnibus censuris occultis, etiam in Bulla Cœnæ contentis; ratio est, quia licet Bulla Cœnæ solum excipiat articulum mortis, Jus tamen Canonicum exceptionem ampliat ad casum necessitatis, ne pro dilatione penitentis periculum animarum imminet; aliter reservatio, qui pro bono Charita-

ritatis introducta est, contra Charitatem vergeret, & potestas retinendi peccata data, ut loquitur Apostolus, in edificationem, esset in destructionem. Idem dicendum est de Constitutis in necessitate celebrandi, vel communicandi ad vitandum scandalum, vel infamiam; prout dictum est supra cap. preced. n. 11. ibi videatur.

13. Advertendum tamen est; primo, quod qui laborant impedimento perpetuo adeundi Pontificem, legatum, vel delegatum, aut Episcopum, possunt absolvi directe à Confessariis Regularibus, id est, sine onere comparendi, neque recurrendi ad illos, sive per nuntium, sive per epistolam, nam à jure ad id non obligantur; ut docent cum multis Trullench in Decab. lib. 1. cap. 3. dub. 7. n. 8. Dicastillo de panis. tract. 8. disp. 11. dub. 16. n. 270. Diana p. 4. tract. 4. resol. 98. tenentur tamen prius, vel quamprimum poterunt, parti læsæ satisfacere, si opus fuerit, vel per cautionem pignoratitiam, vel vide iustoriam, aut saltem iuratoriā.

14. Advertendum est, secundo, quod etiam in casu impedimenti non perpetui, sed tantum diuturni, & in casu necessitatis celebrandi, vel communicandi ad vitandum scandalum, vel infamiam, possunt Confessarii Regulares absolvere præfatis censuris innodatos poenitentes, indirecte tamen, id est, cum onere comparendi coram Pontifice, vel legato, vel Episcopo, aliove habente facultatem directe absolvendi, cessante impedimento, vel saltem per nuntium, pro-

curatorem, aut per litteras; debentque poenitentes præfati à Confessariis ad id sub juramento adstringi ad reincidentiam; imponendo etiam satisfactionem, ut supra, ita Palaeus tom. 1. tract. 4. disp. 4. punct. 3. §. 5. n. 15. Diana p. 7. tr. 10. Bonac. Suarez & alii communiter.

15. Possunt præterea Confessarii Regulares absolvere ab hæresi, & cæteris casibus Bullæ Cœnz, si fuerint tantum interni, quia Ecclesia, de facto non reservat peccata mere interna, unde neque censura incurritur; 2. ab hæresi, quæ sit tantum externa, ob quam, si non sit error in intellectu, censura minime incurritur; 3. possunt absolvere eum, qui invincibiliter ignoravit casibus prædictis esse annexam excommunicationem, concurrente enim ignorantia sive juris, sive facti (dummodo non sit crassa, vel supina, vel affectata) censura non incurritur, cum ad eam incurrendam prærequiratur contumacia, seu legis contemptus, ubi vero lex ecclesiastica, imponens excommunicationem, ignoratur, cessat contumacia; 4. possunt præterea absolvere à blasphemia hæreticali, magia, nigromantia, sollicitatione facta in confessione, adoratione demonum, vana observantia, maleficio, veneficio, cæterisque superstitionibus, ac delictis in edictis Inquisitionum contentis, dummodo non detur error in intellectu liber, & pertinax contra fidem; cum hujusmodi peccata, etsi gravissima, non sint reservata; sed solum ad eam obligatio denunciandi ea delicta Inquisitionibus, quæ quidem intra mensem sub poena excom-

excommunicationis latae sententiae praecipitur fieri ab iis, qui sciverint, vel audiverint praefata delicta: *vide iuribores, qui de denunciatione facienda tractant.*

16. In articulo, vel periculo mortis probabili quilibet simplex Sacerdos, quamvis sit degradatus, vel excommunicatus, vel irregularis, vel etiam haereticus, dummodo habeat debitam intentionem, potest a censuris, & peccatis reservatis absolvere, quando non patet aditus ad Superiorem, cui censuræ, & casus sunt reservati; vel si patet, non nisi cum periculo scandali, aut infamiae poenitentis; absolutio tamen a censuris in dicto casu semper debet impendi a Sacerdote simplici, vel etiam a Confessario approbato non habente facultatem, cum conditionibus relatis supra n. 14. scilicet, ut poenitens praemittat juramentum de stando mandatis Ecclesiae, si convaluerit, sub poena reincidentiae, & de satisfacienda parte laesa, si opus fuerit; quæ quidem conditiones pro absolutione peccatorum reservatorum, quibus non est annexa censura, non requiruntur in dicto articulo, in quo omnis casus desinit esse reservatus: ex Tridentino sess. 14. cap. 6. prout dictum est in cap. praeced. n. 12. & ita docent commun. D. D. Advertendum tamen, quod si poenitens destitutus sit sensibus, ita ut non possit ab eo iuramentum extorqueri, vel nullus satisfactionis, aut cautionis sit locus, impendenda est ei absolutio, quia ad impossibile nemo tenetur: *l. impossib. ff. de reg. juris.*

17. Quando simul adest Sacerdos

simplex, & alius approbatus alicui existenti in articulo mortis, tunc absolutio reservatorum & non reservatorum impendi debet ab approbato, sive hic habeat facultatem absol. vendi a reservatis, sive non, nam in hoc casu cessat necessitas, propter quam confessio fieri potest cuilibet simplici Sacerdoti; & hoc verum est, etiam si Sacerdos approbatus sit in alia Diocesi, & non in Diocesi poenitentis, cum potiori jure gaudeat, quam Sacerdos nullibi approbatus; prout colligitur ex Tridentino, loco citato, veterem consuetudinem Ecclesiae confirmante, veteri autem consuetudine receptum erat, ut quilibet Sacerdos absolveret in articulo mortis, quando non aderat copia Superioris, vel Sacerdotis ad audiendas Confessiones approbati; ut patet ex Concilio Cartaginensi 3. Can. 32. & docent Ugolinus de censuris tab. 1. c. 4 § 5. Sanchez in summ. lib. 2. cap. 13. n. 7. Molina tom. 4. disp. 63. n. 7. Coninch. de poenit. disp. 8. dub. 12. n. 90. & alii plures apud ipsos. Quod tamen non procedit, quando Sacerdos simplex cepit audire Confessionem existentis in dicto mortis articulo, nam is potest, adveniente postea Sacerdote approbato, reliqua peccata audire, & absolutionem ab omnibus impendere, nam illius iurisdicatio non cessat in casu proposito, eo quod res non sit integra: ex cap. relatum de offic. Judic. deleg. & ita docent Sanchez in summ. lib. 2. cap. 13. n. 15. Henriquez lib. 6. cap. 11. n. 8. & alii. Neque procedit, quando simul concurrunt Sacerdos simplex non excommunicatus, vel suspensus, vel irregularis, aut haereti-

ticus; & Sacerdos approbatus, sed excommunicatus, aliisque pœnis, & impedimentis Canonicis irretitus, nam in tali casu Confessio facienda est Sacerdoti simplici; ita cum comm. Vazquez de pœnit. q. 93. art. 1. dub. 4. n. 19. Denique adverte, quod absolutus à censuris in articulo mortis à non habente facultatem, remanet bene absolutus, etiam si Sacerdos ex ignorantia, oblivione, inadvertentia, vel etiam ex malitia non imponat pœnitenti onus se præsentandi, & satisfaciendi ut supra n. 16. nam Ecclesia non irritat aliter factum: ut docent comm. DD.

*Casus reservati in Bulla Cane Domini.*

1. Hæretici cujuscumque Sectæ, eorumque receptores, fautores, defensores, eorumque libros hæresim continentes, vel de Religione tractantes, scienter legentes, retinentes, imprimentes, defendentes, & Schismatici.

2. Appellantes ab ordinationibus, seu mandatis Romani Pontificis ad futurum Concilium, eorumque fautores.

3. Piratæ, Curfarii, ac latronculi maritimi, discurrerentes mare Romani Pontificis, præcipue a monte argentario usque ad Terracinam, ac eorum fautores, receptatores, & defensores.

4. Naufragantium Christianorum cujuscumque generis bona, etiam in litoribus inventa surripientes.

5. Impudentes nova pedagia, & gabellas, vel eas augentes, præter-

quam in casibus a jure, seu ex speciali Sedis Apostolicæ licentia permittis.

6. Falsificantes litteras Apostolicas, aut falso fabricantes.

7. Defruentes arma, aut alia usui bellico idonea ad Turcas, & alios Christiani nominis inimicos, vel hæreticos per Sanctæ Sedis sententiam expresse, & nominatim declaratos, vel ad Christianæ Reipublicæ, aut Catholicæ Religionis statum pertinentia in ejusdem damnum illis annunciantes.

8. Impedientes eos, qui viâque, & alia necessaria convehunt Romam.

9. Ad Sedem Apostolicam venientes, vel ab ea recedentes, sua, vel aliorum opera lædentes, vel sine jurisdictione vexantes authoritative in Curia Romana commorantes.

10. Romipetas, & Peregrinos, etiam in Urbe morantes, vel recedentes, lædentes, & in his dantes auxilium, consilium, vel favorem.

11. Interficietes, mutilantes, vulnerantes, percutientes, capientes, carcerantes, detinentes, vel hostiliter persequentes S. R. E. Cardinales, Patriarchas, Archiepiscopos, Episcopos, Sedis Apostolicæ Legatos, vel Nuntios, aut eos a suis Diocesibus, territoriis, terris, seu Dominis ejicientes, nec non ea mandantes, vel rata habentes, seu præstantes in eis auxilium, consilium, vel favorem.

12. Occidentes, quovis modo percutientes, aut bonis spoliantes per se, vel per alios, eos, qui pro negotiis suis ad Romanam Curiam recurrunt aut eorumdem Advocatos, Pro-

Procuratores, Agentes Auditores, vel Iudices super dictis causis deputatos.

13. Appellantes a gravamine, vel futura executione Litterarum Apostolicarum ad Laicam potestatem.

14. Executionem litterarum Apostolicarum, aut aliarum expeditionum impeditores, & prohibentes ad gratias impetrandas accedentes.

15. Iudices Sæculares, qui Ecclesiasticas personas trahunt ad sua Tribunalia, quique Ecclesiasticam libertatem tollunt, aut in aliquo perturbant.

16. Impedientes Prælatos, ne sua jurisdictione utantur, quippe illorum, & Delegatorum judicia eludentes; ad Curiam Sæcularem recurrunt, aut contra illos decernunt, atque in his præstant auxilium.

17. Uturpantes jurisdictionem, fructus, redditus, & proventus ad Sedem Apostolicam, & quascunque Ecclesiasticas personas ratione Ecclesiarum, Monasteriorum, & aliorum Beneficiorum Ecclesiasticorum pertinentes, vel ea sequestrantes.

18. Imponentes decimas, & alia onera Personis Ecclesiasticis, Ecclesiis, Monasteriis, aut eorum fructibus.

19. Iudices, & qui libet Ministri, & Executores sæculares, quomodo libet se interponentes in causis capitalibus, seu criminalibus contra personas Ecclesiasticas.

20. Occupantes, invadentes, aut detinentes bona, aut terras Ecclesiarum Romanarum immediate vel mediate subiecta, & illius jurisdictionem usurpantes.

21. Qui absque facultate à prædictis casibus absolvere præsumpserint, excommunicationem incurrent, quæ non est reservata Summo Pontifici.

#### Adverte

1. Quod in tertio casu Bullæ Cœnz non comprehenduntur, qui furantur in Fluminibus, aut in alio Mari, sed in Mari Pontificio, neque qui ad alia pergentes, semel ex accidenti alterius Navis bona deprædantur, sed qui ex professione ibi rapinis dant operam, licet actu nihil furentur, neque Catholici insequentes, & rapientes infidelium bona, neque si inter spoliatos, & spoliantes sit Bellum, quia tunc non dicuntur Piratæ, sed repressalia facientes.

2. In quarto casu non comprehenduntur, si bona non sunt Catholicorum; si quis capit cum suæ periculo vitæ, & aliter perisset; si ab hostibus incendio, aut vi demerguntur, vel si bona naufragantium ab alio capta ab eo dono, vel furto quis accipiat.

3. In quinto casu comprehenduntur novæ Gabellæ, non antiquæ, nisi quo ad novum augmentum; item impositæ a non habentibus auctoritatem imponendi; eam habent Papa, Imperator, Reges, & Principes absoluti in terris suis.

4. In sexto casu incurritur, si in litteris originalibus, aut authenticis Sedis Apostolicæ aliquid etiam minimum addatur, mutetur, deleatur circa verborum sensum; non incurritur, si litteræ expiraverint, aut si error grammaticalis corrigatur.

5. In septimo casu non comprehenduntur.



henduntur qui vendunt arma infidelibus, sed non deferunt.

6. In decimo comprehenduntur illi, qui Romam petunt, vel ibi commorantur devotionis, vel peregrinationis causa.

7. In decimoseptimo non comprehenduntur, qui tales fructus mobiles furantur, sicut alii fures, quia hi non dicuntur sequestrare nec usurpare, nec qui bona Personarum Ecclesiasticarum usurpant, illi provenientia, non ratione Ecclesiasticarum, Monasterii, aut beneficii Ecclesiastici, sed ratione Patrimonii, vel alterius tituli temporalis, & non Ecclesiastici.

*Sequuntur excommunicationes Papa reservatae extra Bullam Canonicam.*

18. *Contra omnes*, magis obviae sunt sequentes, 1. in incendiarios. 2. in habentes litteras Apostolicas falsas; & non destruentes item in falsarios litterarum Apostolicarum. 3. in effringentes, & spoliantes Ecclesias. 4. in communicantes eodem crimine cum excommunicato à Papa. 5. in vexantes eos, qui censuram in alios tulerunt. 6. in absolutos ab excommunicatione sub conditione, & non implentes. 7. in violentes interdictum Papale. 8. in dantes, & recipientes aliquid ex pacto ob admissionem in Religionem. 9. in simoniacos reales circa ordinem, vel beneficium. 10. in committentes simoniam confidentialem. 11. in impediennes executionem litterarum Sacramentalium. 12. in dantes, & recipientes aliquid pro gratia, aut iustitia apud Sedem Apostolicam. 13. in

committentes duellum, atque ad id cooperantes, suadendo &c. 14. in mulieres ingredientibus Monasteria Regularium. 15. in impugnantes institutum Societatis Jesu. 16. in facientes jurare illicita, & contraria libertati Ecclesiasticae. 17. in rapientes bona Ecclesiastica; item, exigentes tributa ab Ecclesiasticis. 18. in violentes immunitatem Ecclesiasticam, quoad fugientes ad Ecclesiam. 19. in docentes posse fieri Confessionem in absentia. 20. in eos, qui alterutram opinionem de Conceptione B. Virginis damnant peccati mortalis, vel haereseos, item in eos, qui in concionibus, aliisque publicis actibus, ut lectionibus, conclusionibus, asserunt B. Virginem conceptam in originali. 21. in percussores Clericorum. 22. in violentes libertatem Ecclesiasticam. 23. in violentes Clausuram Monialium ad malum finem; item in ingredientes eandem clausuram sine legitima licentia. 24. in praesumentes absolvere absque debita facultate à casibus Bullae Coenae; item à casibus reservatis locorum Ordinariis. 25. in praesumentes conjunctim, vel divisim defendere, edere, & praedicare propositiones à S. Sede damnatas, vel de eis disputative, publice, vel privatim tractare, nisi forsan impugnando.

19. *Contra Clericos, & Religiosos*, sunt sequentes. 1. participantes in sacris cum excommunicatis à Papa. 2. procurantes alienationem Ecclesiarum. 3. in concionatores, qui scripturae sensum à Doctorum interpretatione alienum, circa tempus Antichristi, & extremi Judicii, alia-

G g

que

que similia revelata prædicant. 4. in Parochos non implentes juramentum de residentia factum. 5. in Mendicantes transcentes sine debita licentia ad alium Ordinem præter Carthusiam. 6. in Moniales exeuntes claustra sine licentia. 7. in Regulares introducentes mulieres intra claustra ad malum finem; item non ad malum finem. 8. in Regulares, qui sine privilegio, vel speciali licentia Parochi, Clerici, aut Laici Sacramentum Eucharistiæ, vel extreme unctionis ministrare, vel matrimonium solemnizare præsumunt. 9. in inducentes ad jurandum super sepultura eligenda. 10. in prædicantes ficta miracula, ac nova, & falsa vaticinia. Hæ sunt præcipuæ, quæ, præter illas in Bulla Cœnæ contentas, reservatæ, & in usu sunt; aliæ autem plurimæ usu quodam, & consuetudine sunt abrogatæ; aliæ vero specialem statum Ecclesiasticorum concernunt, quas quilibet pro suo statu investigare debet, cum non possit hic dari notitia individua omnium censurarum, præsertim non reservatarum ob earum multitudinem, & quia in dies fulminantur, mutantur, abrogantur. Circa absolutionem earum tam Romæ, & extra Italiam, quam extra Urbem, & intra Italiam videat Confessarius Regularis quæ diximus supra n. 1. 2. & 6. *præf. cap.*

20. Suspensiones juris communis contra Episcopos, contra Religiosos, & contra Clericos plurimæ sunt, idcirco ob earum multitudinem hic non recensentur, sufficit enim Confessariis Regularibus scire, quod à suspensionibus non reservatis occultis, &

non deductis ad forum contentiosum possunt pœnitentes sæculares absolvere in foro conscientie tantum; à reservatis verò, vel ad forum contentiosum deductis absolvere non valent, nisi ad id facultatem, seu privilegium habeant. Ab interdicto juris personali particulari, si reservatum non sit, quivis approbatus absolvere potest.

21. In nullis irregularitatibus sive ex delicto, sive ex defectu provenientibus, possunt Confessarii Regulares virtute privilegiorum cum sæcularibus pœnitentibus, immò neque cum Regularibus dispensare, nisi eisdem specialis facultas committatur à Sede Apostolica, vel à S. Pœnitentiaria; vel etiam à suis Prælati Regularibus ad dispensandum cum suis Confratribus; quicquid dicant nonnulli, referentes aliqua privilegia in favorem Confessoriorum Regularium quæ quidem, etiamsi essent vera in usu tamen, & praxi non sunt, neque Summi Pontifices erga sæculares ita faciles sunt in materia dispensationis super irregularitatibus, cum neque in Bulla Cruciatæ, neque in Jubilæis plenissimis hujusmodi facultatem unquam concedant; nec obstat dicere, quod Paulus III. in sua Bulla, quæ incipit; *Cum inter cunctas*; apud Cherub. tom. 2. concessit Confessariis Societatis Jesu, ut possent absolvere sæculares pœnitentes à pœnis Ecclesiasticis, & quod per communicationem alii Confessarii Regulares eodem privilegio fruuntur, nam respondentur, quod irregularitas non est pœna, sed impedimentum Canonicum, quod etiam ab ignorante incur-

ritur, & non tollitur absolutione, sed dispensatione; ultraquam quod, etiam si essent pœnæ, tamen secundum stilum Curie (qui in his legem facit) sub generali clausula absolventi à pœnis, nunquam venit irregularitas, sicut nec depositio, neque degradatio; prout docent Suarez tom. 4. de Relig. tract. 10. lib. 9. cap. 4. n. 43. tom. 5. de Conf. disp. 41. de irregul. Sect. 3. Portell. V. Confessor n. 33. Joan. à Cruce in sua Epitom. fol. 128. Sylvest. V. dispensatio 9. q. 10. Navarrus in Manual. cap. 27. n. 254. & alii communiter. Neque in ullis Matrimonii impedimentis sive dirimentibus, sive impediens, quantumvis occultis, sive ex licita, sive ex illicita copula provenientius dispensare valent, nisi ad id facultatem, vel privilegium habeant.

22. Possunt Confessarii Regulares approbati ab Ordinario de licentia suorum Prælatorum Generalium, vel aliorum Superiorum à dictis Generalibus ad id delegatorum, aperire litteras S. Pœnitentiariæ directas Magistris, sive Doctoribus in Theologia, vel jure Canonico, etiam si ipsi non sint Magistri, neque Doctores, dummodò ab Oratore ad id sint electi; prout constat ex privilegio

Gregorii XIII. Generali Societatis Jesu concessæ per Bullam, quæ incipit: *Exponi nobis*: relata in compendio dictæ Societatis sit. *Confessarius* §. 3. quod quidem extenditur ad omnes alios Ordinum Generales propter communicationem in privilegiis. Advertendum tamen, quod S. Pœnitentiaria solet nonnunquam dirigere suas litteras Confessariis ab Ordinario approbatis, etiam si Magisterii, vel Doctoratus, aut aliis gradibus insigniti non sint, in hunc modum: *Discreto viro Confessario ex approbatis ab Ordinario ab Oratore eligendo*: ne pœnitentes præsertim fœminæ cogantur circumire quærendo Confessarios præfatis gradibus insignitos; igitur in tali casu Confessarii Regulares ab Ordinario loci approbati, etiam si licentiam prædictam à suis respectivè Generalibus non habeant, nec sint graduati, ut supra, poterunt aperire dictas litteras, easque executioni mandare, quotiescunque ab Oratoribus ad id electi fuerint. Advertant tamen Superiores Generales, vel alij ab eisdem delegati, quod in hac designatione tenentur esse valde circumspecti; non enim tantum negotium, nisi doctis, & expertis Confessariis est committendum.



## C A P. VI.

*De facultate, quam habent Confessarii Regulares  
ab Ordinario approbati commutandi, ac  
dispensandi virtute privilegiorum facu-  
larium vota, & juramenta.*

1. **F**acultas commutandi Vo-  
ta differt à facultate dis-  
pensandi in hoc, quod quando à jure  
concessa est ad commutandum, exten-  
ditur etiam ad dispensandum; quan-  
do verò per privilegium datur tan-  
tum facultas ad commutandum in ali-  
quo voto, illa facultas non extendit-  
ur ad dispensandum; at è contrario,  
quando per privilegium datur facul-  
tas ad dispensandum in Votis, ea fa-  
cultas extenditur etiam ad commu-  
tandum in eisdem; prout docent Les-  
sius de just. & jur. lib. 2. cap. 40. n.  
108. Suarez de Relig. lib. 6. de Voto  
cap. 12. n. 10. Sanchez lib. 4. Moral.  
cap. 49. n. 28. & alii. & cum utraque  
facultas exerceatur per actum jurisdic-  
tionis, & non dominii, ideo Confessarii Regulares non possunt  
irritare secularium vota; nam irrita-  
tio voti est relaxatio ejusdem ab ha-  
bente potestatem dominativam in vo-  
ventem, quam proculdubio dicti  
Confessarii non habent: est sent. com.

2. Ad commutandum votum in-  
æquale aliqua causa requiritur, licet  
minor, quam ad dispensandum, si  
vero fiat in melius, tunc nulla causa  
requiritur; dispensatio autem si sine  
iusta causa fiat, invalida erit, quia

per illam omnino votum tollitur, ip-  
siusque obligatio relaxatur. Causæ  
autem iustæ ad dispensandum sunt v.  
g. imperfectio actus, vel levitas, ac  
facilitas ad votendum, debilitas in-  
vovente, vel difficultas notabilis in  
observatione voti, necessitas ejusdem,  
bonum Ecclesiæ, utilitas communis,  
vel privata, & similes ad dispensan-  
dum, etiam si sint dubiæ, sufficiunt,  
cum prudentia tamen: ita Sanchez in  
Summ. lib. 4. cap. 46. n. 2. Suarez tom.  
1. de Relig. lib. 6. cap. 26. n. 6. Syl-  
vester v. dispensatio q. 14. n. 20. in fin.

3. Non requiritur, ut opera, in  
quæ commutantur vota, sint omni-  
nò, & mathematicæ æqualia, cum,  
sufficiat æqualitas viri prudentis judi-  
cio, seclusa tamen fraude, & igno-  
rantia culpabili, præsertim quando  
virtute privilegii commutatio fit. In  
dispensatione verò, si dubitetur de  
causa iusta, tunc conscientia securi-  
tati consulitur, si aliquid leve onus  
injungatur, sicut in Pontificis dis-  
pensationibus sæpius fit; ideo  
tutius est partim uti dispensatione  
& partim commutatione, cum diffi-  
cilius sit cognoscere, an interveniat  
iusta causa ad dispensandum, quam ad  
commutandum, nam ad dispensan-  
dum

dum requiritur semper major causa, quam ad commutandum; in utroque vero prudentia requiritur: ita Sylvestri v. votum 4. q. 8. Suarez lib. 6. de Voto cap. 12. n. 6. Azor tom. 1. lib. 11. cap. 11. q. 4. Sanchez lib. 8. de Matrim. disp. 7. & alii.

4. Possunt Confessarii Regulares virtute privilegiorum commutare, omnia Vota simplicia secularium ad se undequaque venientium in aliis opera pietatis, exceptis tantum quinque Papæ reservatis, scilicet Castitatis perpetuæ, Religionis approbatæ, Visitationis Hierosolymitanæ, Romanæ, & Compostellanæ; ex concessione Eugenii IV. Benedictinis, & Pauli III. Presbyteris Confessariis Societatis Jesu, ab Ordinario approbatis, facta, per Bullam, quæ incipit; *Cum inter cunctas*: apud Confessarium cap. 151. & refertur in compendio ejusdem Societatis tit. *commutatio* §. 1. quam concessionem extendit postea ad vota jurata Gregorius XIII. in Bulla, quam refert Bordonus tom. 1. resol. 15. n. 25. Lezana tom. 1. cap. 19. n. 23. & Rodericus tom. 1. q. 63. ars. 4. dummodo commutatio in alterius præjudicium non fiat.

5. Debent præfati Confessarii vota commutare in æquale, vel ferè æquale, aut saltem quod adeo notabiliter minus non sit; ratio est, quia commutatio nihil est aliud, quam transitio quædam de uno onere in aliud, in favorem ejus, qui vovit; unde ex una parte requiritur quædam æquitas, quia est actus iustitiæ; ex altera vero parte, quia in favorem voventis fit, est actus benevolentiae, & ideo debet fieri in aliud, quod alie-

viet, non autem tollat onus emissi voti. Æquale onus est illud, quod iuxta prudentis arbitrium censetur æque gratum Deo, non autem æque grave, aut asperum; sic longæ peregrinationes ritè commutantur in jejunia, frequentes communionis confessiones, & id genus; siquidem non tantum vota realia commutantur in realia, sed etiam in personalia, sicut & personalia in realia commutari possunt. Nota, quod quando pro exoneratione conscientie poenitentis sufficit illius votum commutare, non potest à Confessario illud dispensari, nisi in casu, quo poenitens plura emisit vota, pluribusque obligationibus ligatus existat, quibus ritè satisfacere minimè possit, ac proinde probabiliter timeat ruinam ipsius; ut cum aliis docet Suarez de Voto lib. 6. cap. 17. n. 18. i.

6. Si unus Confessarius advertat in poenitente, votum, ipsius fuisse ab alio Confessario in minus æquale, commutatum, poterit acquiescere, & stare opinioni Confessarii, qui votum commutavit, si sciat illum esse virum doctum, si vero sciat non esse talem, tenetur monere poenitentem de errore, & facere debitam commutationem, si sit spes, quod poenitens acquiescat; si vero non sit spes, & poenitens sit in bona fide, relinquat ipsum in illa, & dissimulet.

7. Ex concessione facta Confessariis Societatis Jesu à Paulo III. & Gregorio XIII. ut supra n. 4. qua ipsi indulgent, & per communicationem cæteris etiam Confessariis Regularibus, ut possint vota etiam jurata commutare, constat procul dubio eos;

eisdem posse iuramenta Deo, vel Sanctis facta pariter commutare, dummodo non sint in præjudicium alicujus tertii; si enim ipsis conceditur commutatio votorum juratorum, in quibus duz obligationes includuntur, à fortiori ipsis conceditur iuramentorum prædictorum commutatio, in quibus una tantum adeit obligatio præjudicium autem tertii solum intervenit, quando à tertio iuramentum est acceptatum, & non aliter: ita Miranda in Manual. tom. 1. q. 47. art. 4. Roder. tom. 1. q. 63. art. 5. Peyrinus tom. 1. q. 1. cap. 21. §. 1. & alii; advertentes, quod in dictis Confessariis non requiritur specialis licentia suorum Superiorum, si Jesuitas excipias, ad hoc, ut possint uti facultate sive ad commutandum, sive ad dispensandum in votis, & iuramentis, sed sufficit generalis illis data ad Confessiones secularium audiendas, & quod interveniat juxta causam.

8. Possunt præterea Confessarii Regulares ab Ordinario approbati, in votis Sæcularium dispensare, exceptis quinque Papæ reservatis, scilicet. Religionis approbata, Castitatis perpetua, & triplicis peregrinationis, ut dictum est supra n. 4. juxta tamen causam intervenientem, sine qua dispensatio semper est invalida: idque constat ex pluribus privilegiis Pontificiis, præsertim Eugenii IV. Confessariis Ordinis S. Benedicti concessis, ut habetur in compendio privileg. Mendicant. 2. impress. V. absolutio quoad sæculares 1. §. ib. & V. dispensatio §. 29. & V. absolutio quoad sæculares 2. §. 19. nec non Innocentii VIII. pro Confessariis Or-

dinis Minorum ab Episcopo approbatis, prout habetur in monumentis ejusdem Ordinis in 1. impress. fol. 65. & 2. impress. fol. 69. concess. 155. & in supplem. fol. 98. concess. 533. & in compendio Societatis Jesu sit. de penitentia §. 10. ubi dicitur, quod per facultatem concessam à Summis Pontificibus per suas Bullas Ordinibus Regularibus, possunt eorum Confessarii ab Ordinario approbati dispensare cum Sæcularibus in omnibus eorum votis, exceptis quinque Papæ reservatis, ut supra, unde exceptio illa peregrinationis ultra duas dietas ab aliquo Pontifice posita, per Pontifices posteriores est abolita, ut in eodem compendio videre licet, ita Vincent. Candid. tom. 2. disq. moral. disq. 27. dub. 1. pag. 354 Bonac. tom. 2. in Decal. disp. 4. q. 1. punct. 7. §. 4. d. n. 26. Navar. in sum. cap. 12. n. 80. Sanch. de matrim. tom. 2. lib. 8. disp. 16. d. n. 1. Tambur. in Decal. part. 1. lib. 3. cap. 12. d. n. 46. Roder. tom. 1. q. 63. art. 3. 4. & 5. March. in tribun. Sacram. tom. 2. tract. 3. tit. 4. q. 4. dub. 4. resol. 3. Miranda tom. 1. q. 47. art. 3. Anacleus, Felix Panormit. Henrix, & alii permulti.

9. Licet Confessarii Regulares per privilegia relata possint commutare, & dispensare cum Sæcularibus in omnibus votis Episcopis jure communi, & ordinario reservatis, minime tamen id possunt facere in reservatis eisdem Episcopis jure speciali, & in quibus industria personæ specialiter videtur electa, prout docet Panormit. in cap. verum, de foro compet. n. 9. Felinus in cap. eam te,

de referip. n. 17. & alii commun. Pro qua conclusione adnotare oportet, quod in votis Summo Pontifici reservatis, ut supra, possunt aliquando Episcopi, urgente necessitate dispensare, vel etiam interveniente impotentia morali, ratione cuius facilliter ad Summum Pontificem, vel ejus habentem auctoritatem non potest haberi accessus; ut v. g. in voto castitatis perpetuæ, vel peregrinationis ultramarinæ &c. quando urget periculum, & sine scandalo, vel gravi incommodo ad Papam non potest haberi recursus; prout expresse in Concilio Tridentino sess. 14. cap. 6. hujusmodi dispensationes præfatis Episcopis conceduntur ex benignitate Ecclesiæ, ne jugum Christi videatur esse grave; in his igitur Confessarii Regulares commutare, aut dispensare non possunt; ut docet cum communi Rodericus tom. 1. q. 63. art. 6.

10. Possunt tamen præfati Confessarii Regulares aliquando commutare, & dispensare cum Sæcularibus in votis Papæ reservatis, ratione alicujus circumstantiæ, ob quam vere à rigorosa reservatione deficiant, ut quando non sunt perpetuæ, absoluta, & perfecta; unde dispensare possunt in sequentibus: videlicet, primo, in voto assumendi Sacros Ordines; 2. in voto non nubendi; 3. in voto non fornicandi, vel non tangendi mulierem; 4. in voto servandæ virginitatis, si fuit solum pro prima vice; 5. in voto castitatis non perpetuæ, ad centum tamen annos judicatur perpetuum; 6. in voto castitatis emissio ex metu vere, & certo gravi, &

injuste incusso ad votum emittendum; 7. in voto castitatis, quando dubitatur, an sit validum; 8. in voto promittendi Castitatem; 9. in voto ingrediendi Religionem non approbatam à S. Sede; 10. in voto paupertatis, vel obedientiæ emissio in sæculo, vel in Religione non approbata; 11. in voto ingrediendi Religionem militarem, excepta Hierosolymitana, seu Melitensi hæc est vera Religio, de aliis controvertitur; 12. in voto ingrediendi archiorem Religionem, quod potest cum causa commutari in latiore; 13. in qualitatibus voti peregrinationis Papæ reservatæ, ut qui pedestri vovit peregrinari, possit in equestrem commutari; 14. in voto, quo quis promisit perseveraturum, & profecturum in Religione, nam votum Religionis reservatum est illud, quo quis se obligat legitime Novitiatum ingredi, & ibi sine fraude experiri; non autem ex justa causa egredi, 15. in executione voti differendo ex justa causa ingressum in Religionem, vel etiam differendo executionem in aliis votis Papæ reservatis, dummodo non impediat totaliter, vel æquivalenter executio; 6. in votis trium peregrinationum reservatarum, nempe, Hierosolymitanæ, Romanæ; & Compostellanæ, non ex devotione, sed ad alium finem emissis, ad finem autem devotionis præsumitur, si de fine alio expresse non cogitetur; 17. in voto non petendi dispensationem ab alio, quam à Summo Pontifice. In quibus omnibus juxta interveniente causa possunt prædicti Regulares Confessarii cum Sæcularibus commu-

tate, vel dispensare; prout docent Bordonus *tom. 1. resol. 15. Vocal tit. de Voto inquisit. 3. n. 84. Tambur. in Decal. lib. 3. cap. 16. & alii.*

11. Possunt pari modo dicti Confessarii virtute privilegiorum commutare, & dispensare cum causis vota pœnalia Sæcularium, ut v.g. quando quis vovet jejunare sub pœna, quod non jejunando servabit perpetuo Castitatem, in tali casu certum est, quod antequam jejunium transgrediatur, potest commutari, vel dispensari hujusmodi votum jejunandi à prædictis Confessariis, cum votum jejunandi minime sit Sedi Apostolicæ reservatum, & idcirco facta commutatione, vel dispensatione, etiamsi non jejunet, minime tenetur sub ratione voti castitatem servare, nam sublato principali voto, sublato etiam remanet accessorium, id est votum pœnale perpetuæ Castitatis; ut docent Navarrus in *Manual. cap. 12. n. 43. Miranda tom. 1. q. 47. art. 6. Roder. Medina, Sotus & alii commun.*

12. Possunt Confessarii Regulares ab Ordinario approbati ex commissione speciali Provincialis dispensare ad petendum licite debitum conjugale cum conjugibus, qui post contractum matrimonium incestum commiserunt usque ad 2 gradum consanguinitatis, vel affinitatis inclusive juxta Trident. *sess. 24. de reformat. cap. 4.* tam ex cognatione spirituali, quam carnali proveniente, prout ex variis privilegiis Apostolicis constat, præsertim Martini V. & Julii II. pro benedictinis, necnon S. Pii V. pro Minoribus, ut refertur in comp. pri-

villegiorum Mendicantium, & Societatis Jesu *tit. dispensatio §. 8.* quod quidem privilegium habetur authenticum in Conventu Aracellitano in Archivio Commissarii Generalis Curie Romanæ, quo etiam aliorum Ordinum Confessarii Regulares per communicationem fruuntur: ita docent Lezana in *summa tom. 1. cap. 19. n. 25. Bordon. tom. 1. resol. 6. n. 23. Candid. tom. 2. disquis. 27. art. unico, dub. 9. Roder. tom. 1. q. 63. art. 1.2. 3. & alii.* Advertendum tamen: 1. quod ad hoc, ut quis prohibeatur petere debitum conjugale, requiritur, ut copula incestuosa sit completa, quia aliter non contrahitur affinitas; 2. hujusmodi impedimentum non contrahitur à conjugibus per vim à consanguinibus alterius conjugis violatis, & est probabile, quod non contrahitur ab ignorantibus talem pœnam; 3. hujusmodi licentia, seu deputatio Provincialis non expirat mortuo, vel amoto ab officio illam concedente, neque sine justa causa revocari potest; 4. tenentur Provinciales hoc negotium committere viris literatis, qui sciant modum in tali dispensatione servandum juxta concessionem S. Pii V. ultimo, hujusmodi facultas non solum extenditur ad fideles illius Diocesis, in qua est Regularis Confessarius ab Ordinario approbatus, sed etiam ad omnes undequaque ad eam accedentes: ita Cand. *tom. 2. disquis. 27. dub. 11. Lezana tom. 3. V. affinitas, n. 5. Lucerna Regularis V. dispensatio n. 5. Bordon. miscell. decif. 474. & alii communiter.* Vide quod dictum est supra, *tract. 2. cap. 8. n. 24.* in Generalium facultatibus.

13. Pos-



13. Possunt pariter Regulares ab Ordinario approbati de licentia Provincialis expressa dispensare ad petendum licite debitum cum conjugibus, qui post emissum votum Castitatis matrimonium absque dispensatione contraxerunt, vel post contractam matrimonium Castitatem voverunt, prout ex privilegiis Martini V. Julii II. & S. Pii V. supra relatis constat, & docent *cit. D. D.* Debent tamen Confessarii præfati monere poenitentes, cum quibus dispensaverint ad petendum debitum, ut si alter eorum moriatur, superstes, qui dictum votum emisit, remanet cum sua obligatione, ita ut non possit postmodum absque legitima dispensatione matrimonium licite contrahere, etsi de facto contrahat, poterit reddere, sed non petere huiusmodi debitum absque nova dispensatione Papæ, vel Episcopi, aut alterius ex Confessariis Regularibus privilegiatis ab Ordinario approbatis, & ad hoc per Provinciales specialiter deputatis: causa autem ad dispensandum sufficiens est, si conjuges non possint se continere; deputatio Provincialis non expirat mortuo illo, vel amoto ab officio, vide quod dictum est in numero præcedenti, & in *tract. 2. cap. 8. n. 24. & in tract. 3. cap. 8. n. 22.*

14. Possunt etiam præfati Confessarii Regulares dispensare in voto, nunquam petendi dispensationem, vel petita, & obtemperata, non utendi; tum quia hoc votum non est de exceptis, tum etiam quia Episcopus potest dispensare in hoc voto, ergo etiam Regulares Confessarii, nam ubi potest ille dispensare de jure

communi, possunt & isti approbati ab Ordinario, quamvis dispensare nequeant in votis de jure speciali Episcopo reservatis, etenim in his videtur specialiter electa industria personæ, prout diximus supra *n. 9.* ita Roder. *tom. 1. q. 63. art. 6. Navarr. in summ. cap. 12. n. 76. & alii.* Advertendum tamen, quod commutatio, vel dispensatio votorum, & ad debitum conjugale petendum semper est faciendæ Confessariis Regularibus in actu Sacramentalis Confessionis, sive per Bullam, sive per Jubilæum, sive virtute privilegiorum, vel Litterarum Apostolicarum, nam Summi Pontifices tam in privilegiis, quam in Jubilæis, litterisque præfatis semper apponunt clausulam illam, *audita prius Sacramentali Confessione*; ut recte, contra nonnullos, docent Reginaldus *tom. 2. lib. 31. cap. 28. n. 216. Filliucius p. 2. cap. 10. n. 355. Diana p. 5. tract. 4. resol. 71.* ubi etiam advertit, quod in hoc sufficit Confessio involuntarie nulla ex defectu doloris, vel propositi, aut integritatis, dummodo sit integra circa ea, de quibus petitur dispensatio; idem docet Suarez *tom. 4. disp. 31. sect. 4. n. 95. cum agitur.*

15. Quamvis propter infirmitatem rerum, & circumstantiarum varietatem valde difficile sit assignare regulas certas pro servanda praxi in commutatione votorum, & dignoscenda qualitate materiæ in eis subrogandæ; cum totum negotium prudentum judicio remittendum sit; nihilominus tamen, ut vir prudens habeat aliquod lumen ad melius judi-

H h

can.

candum in particularibus, operæ pretium duxi huc transcribere instructionem ad rem hanc ingeniosissime traditam à Thoma Tamburino *lib. 3. in Decal. cap. 16. §. 6.* ubi sic habet.

Primo, Materię voti gravitas est ex se consideranda, præsciendū à vinculo voti; ratio est, quia in commutatione vinculum voti remanet, & solum transferitur in opus subrogatum, quare cum non sit illud relaxandum, non erit opus hic illud in lancem adducere; non sic in dispensatione, in qua vinculum voti omnino tollitur.

Secundo, Non est spectanda sola excellentia virtutis, quam habet materia subroganda, ita ut melior sit commutatio, quæ fiat in excellentiorem virtutis actum, sed quod est melius ipsi voventi hic, & nunc, seu pro tempore, loco, & dispositione ipsius. Si flagellationem v. g. ad domandam carnem vovisti, melius erit, si votum huiusmodi commutes in jejunium, quam in orationes, quia jejunium magis, quam oratio, licet hæc sit excellentior actus, ad Carnis macerationem conducit, ideo in frequentiam Sacramentorum omnia, vota commutari regulariter consilium esto, quia Sacramenta ad bonum voventis melius, quam opera, cætera, sunt utilia.

Tertio, Expende item difficultatem implendi rem promissam, & rem subrogandam, & in peregrinatione pericula, labores, expensasque proprias pro eundo, & redeundo faciendas, quæ quidem expensæ ex probabiliori sententia cadunt intra votum peregrinandi, nisi expresse exclu-

ris, vel nisi mendicando ire promiseris.

Quarto, Commutatio, licet convenientissimum sit, non tamen est necesse, ut fiat in favorem ejus Sancti, vel Ecclesiæ, cui factum est votum, quia supponimus, promissionem ab ea Ecclesia nondum acceptatam legitime fuisse.

Quinto, Non est opus, ut votum personale commutetur in actionem personalem, vel reale in realem, neque ut actio subroganda sit æqualis in duratione, vel numero, vel ut certo die fiat; possunt enim hæc aliunde compensari.

Sexto, Quando dilatio nihil minuit de voto, nec multum interest implere votum die destinata, modica commutatione suppleri potest. Certe ego petenti commutari jejunium hujus diei in alium, præsciendū ab aliqua particulari circumstantia, facile concederem sine alio supplemento, quia tunc dilatio parum, aut nihil demit de obsequio Dei.

Sed occurrit difficultas circa votum conditionale pœnale. Diximus in commutatione votorum exponendam esse gravitatem materię voti, ut illi per commutationem subrogetur opus æquale, cum ergo in voto conditionali pœnali addit duplex materia, utraque ne est expendenda? Petrus v. g. vovit non ludere, quod si ludet, vovet dare eleemosynam, quandam, adest hic pro materia voti ipsa eleemosyna, adest ipsa negatio ludi, quæ per votum istud intenditur: in commutatione ergo bonitas non ludendi sola, an etiam bonitas

glor.

eleemosinæ expendenda est ?

Affero, si commutatio petatur, & facienda sit post impletam conditionem, hoc est post ludum, utriusque, nimirum bonitatis non ludendi, & bonitatis eleemosynæ, rationem habendam esse, ratio est, quia ex una parte, non ludere fuit res per votum directe promissa, ex alia vero parte, ipsa eleemosyna, purificata conditione, hoc est posito ludo, jam transit in rem absolute promissam.

Si vero petatur ante impletam conditionem, variant D. D. nonnulli negant esse etiam expendendam pœnam, id est in casu posito, eleemosynam, quia illa nondum est promissa, cum nondum purificata sit conditio. Verum, dico primo, esse expendendam, non ratione sui, sed ratione bonitatis directe promissæ: explicio, & probio: votum non luden-

di est gravius, si referatur ad pœnam illam dandi eleemosynam, quam si ad talem pœnam non referatur, gravius est enim sic promittere: *Voveo non ludere, quod si lusero, voveo eleemosynam*; quam solum sic, *Voveo non ludere*; ergo non est mirum, esse expendendam illam pœnam, ut videatur gravitas totius voti, fateor tamen, ejusmodi pœnam, scilicet in casu dicto, eleemosynam, non esse accipiendam hic secundum totam suam gravitatem; ratio est, quia cum nondum sit incursum, sed à voluntate voventis, quoad futurum eventum, adhuc pondeat, multum à sua gravitate deficit. *Haslenus ex Tamburino*, qui ibidem subjicit aliquas commutationes approbatas à D. D. ut nimirum facilius ad harum exempla praxim, commutationum deducere valeat, qui legit; ibi videantur.

## C A P. VII.

### De Monialium Confessariis, eorumque facultatibus.

1. **M**onialium Confessarii, non sufficit, ut alibi dixi, si sint pro secularibus approbati, sed requiritur, quod in specie sint approbati pro Monialibus; nec approbatus pro uno Monasterio, aut pro una Moniali, vel pro una vice, censetur approbatus pro alio Monasterio, vel pro alia Moniali, aut pro altera vice, expleta deputatione, sed toties ab Episcopo debet approbari, quoties casus deputationis contigerit, prout constat ex Bulla Clementis X. quæ incipit: *Superna Patris familias*; §. 2.

2. Approbatio Confessorio-um, Monialium, quæ Regularibus sunt subjectæ, non solum à propriis Prælatis fieri debet, sed etiam ab Ordinario loci, qui tamen deputare nequit quem vult, sed hujusmodi deputatio, ac præsentatio ad Superiores Regulares spectat, & ab eisdem per proprias litteras patentes est facienda; ut patet ex Const. Gregorii XV. quæ incipit: *Inscrutabili*: apud Cherub. tom. 4.

3. Confessarius ad triennium: Superiore Regulari pro Monialibus  
H h 2 de-

deputatus, non potest ab Ordinario limitari ad annum, vel ad alium minorem terminum, sed est vel ad triennium ab illo admittendus, si idoneus reperiatur, sin minus, absolute est reiciendus; ex Decreto S. Congr. Episcop. & Regul. in una *Cataneu*, sub die 4 Maij 1696. edito.

4. Triennio dumtaxat à die obtentæ Patentis Confessarii ordinarii Monialium durant, nec ad id munus eligi possunt curam animarum habentes, eoque elapso, sub pœna suspensionis ab audiendis Confessionibus, nequeunt amplius in eodem Monasterio per aliud triennium Confessiones audire; possunt tamen pro eodem extraordinarii deputari, ex Decr. ejusd. S. Congr. relatis à Nicol. *Floscul. v. Moniales n. 43. & v. Confessarius n. 36.* Pro assumptis ex Ordine Minorum de corpore Observantiæ in statutis Sambucanis *cap. 11. §. 17. u. 5.* sic disponitur: *Confessores, & Vicarii Monialium non possunt durare ultra triennium in eodem Monasterio, nec de novo institui possunt, nisi triennio vacaverint.*

5. Qui in supplementum Confessarii ordinarii per dies, vel menses aliquot munus extraordinarii in aliquo Monasterio exercet, si Confessarii ordinarii mutatio contingat, poterit ad triennium, diebus, aut mensibus illis non computatis, in eodem Monasterio pro ordinario deputari, quia cum sumus in odiosis, S. Congr. Decretum est benignè intelligendum de deputatione ordinaria, minimè de accidentali in supplementum. *Fel. Pot. tom. 1. part. 2. pag. 157. num. 1452.*

6. Confessarii Monialium tam or-

dinarum, quam extraordinarii ætatem quadraginta annorum excedere debent, qui vitæ innocentia, doctrina, ac moribus castissimis probati sint: Sanctiorum comment. in stat. general. *cap. 11. stat. 7. q. 3.* & specialiter pro Fratribus Minoribus Strictioris Observantiæ id decrevit S. Congreg. Concilii sub Alexandro VIII. die 26. Novembris 1689.

7. Præter Confessarium Ordinarium, alius extraordinarius ab Episcopo, aliisque Superioribus bis, aut ter in anno Monialibus offerri debet, qui omnium Confessiones audire teneatur: ex Trident. *sess. 25. cap. 10. de Regul. & quamvis Moniales, si nolunt, eidem confiteri minimè sint adstrictæ, cum hujusmodi concessio sit eis favorabilis, præceptum nihilominus Tridentini omnino est exequendum, nisi ipsæ de communi consensu juri suo cedere velint; Monacellus Formul. part. 2. formul. 4. n. 4. tit. 9.* Advertendum tamen, quod illæ Moniales, quæ Confessario extraordinario confiteri renuunt, tenentur saltem eidem se præsentare, ut ab eo monita salutis recipiant, & actum subjectionis exercent: juxta dispositionem pro Monialibus Urbis editam ab Eminentissimo Cardinali Vicario, approbante Clemente XI. sub die 12. Decembris 1708 imposita Abbatissis, seu Primiceriis Monasteriorum pœna privationis officii, & cæteris Monialibus illa privationis vocis activæ, & passivæ ad annum.

8. Sub eisdem pariter pœnis prohibitum est Monialibus, ne tempore deputationis Confessarii extraordinarii confiteantur ordinario, in quem

pœ-

pœna suspensionis ab audiendis Monialium Confessionibus infligitur, si pro eo tempore ad Monasterium, & Ecclesiam arceat. Idem pro Confessariis Ordinis Minorum de corpore Observantiz disponunt statuta Sambucana cap. 11. §. 17 n. 12.

9. Per præfatum Tridentini Decretum non prohibetur, quin possit pluries extraordinarius deputari, sed quoties opportunitum judicaverit, poterit Prælatum Monialium paternali benignitate deputare; prout docet & fufius probat, ac monet Pellizar, de Monialibus cap. 10. n. 250.

10. Confessarius extraordinarius deputatus pro uno Mense ad audiendas confessiones Monialium alicujus Monasterii semel in hebdomada, si in aliqua hebdomada non sit ea licentia usus, poterit ea uti alia hebdomada, ejusdem tamen Mensis, non alterius, etiamsi sequenti Mense de novo pariter deputetur; ratio desumitur ex verbis Bullæ Clementis X. Superna §. 3. *Idemque Confessarios extraordinarios semel deputatos, & approbatos ab Episcopo ad Monialium confessiones pro una vice audiendas, haud posse expleta deputatione, in vim approbationis hujusmodi illarum Confessiones audire: ex quibus verbis sequitur, intra Mensem illum posse, quia pro eo non est expleta deputatione, sed durat; pro alio verò Mense, etiam immediato, deputatione mensis prioris est expleta, & deputatione, quæ sequi supponitur, est nova, unde non potest prioris mensis approbatio, & licentia ad sequentem Mensem extendi.*

11. Extraordinarius deputatus ad

audiendam semel Confessionem Monialis, si ex aliquo accidenti ad breve tempus reversurus exeat, & redeat ad munus complendum, licite, & valide absque nova licentia redit, & complet, quia id totum moraliter censetur unicus accessus, & actus. Idem dicendum de deputato ad excipiendam Confessionem Monialis ægrota, qui, peracta Confessione; egressus è Monasterio statim vocatur, eo quia ægrota sit alicujus oblita peccati, licite, & valide absque nova licentia potest redire, ingredi, & ejusdem Confessionem complere, quia moraliter est unus ingressus, unaque confessionis perfectio: ita Pellizar. de Monial. cap. 10. sect. 3. q. 9. n. 260.

12. Confessarii tam ordinarii, quam extraordinarii Monialium negotiis temporalibus non se immisceant, nisi urgens adsit necessitas; nec ad alios usus, res, & negotia convertant ea loca, in quibus ministrantur Sacramenta; advertant pariter, extra actum Confessionis alioqui cum Monialibus esse ipsius interdictum ab Alexandro VII. in sua 50. Const. incip. *Sacro sancti*: Bullar. tom. 5. in qua §. 6 habetur: *Præterea interdiciamus omnibus, & singulis Confessoribus, Concionatoribus, & Superioribus omnibus sub pœna privationis vocis activa, & passiva, ac officiorum &c. redintegratione nobis, & Successoribus nostris Romanis Pontificibus reservata, colloquia quacunque cum Sanctimonialibus prædictorum Monasteriorum (comprehensis etiam Abbatissis, Priorissis, & Officialibus) extra actum Confessionum, Concionum, aut Visitationum hujusmodi; adiecta &c.*

Quæ

Quæ quidem prohibitio etiam socios, aliosque Regulares comprehendit.

13. Præfatis Confessariis minime licet ingredi Monasterium Monialium ad effectum sepeliendi Monialem defunctam, vel officium funeris peragendum, exceptis actibus, quos ad licitum ingressum in Clausuram specificat Alexander VII. in sua 156. Const. quæ incipit: *Felici*: Nec consuetudo aliqua potest excusare à Censura lata contra Clausuræ Monialium violatores, nec ab ea, quæ habetur in litteris Alexandri, qui omnibus, & singulis, etiam consuetudinibus, quoad ea, quæ statutis in præcitata Constitutione adversantur, expressè, & specialiter derogat: sublata cuilibet facultate, & authoritate aliter iudicandi, & interpretandi, ac adiecta clausula Decreti irritantis: ita Specrellus *decis.* 66. n. 32. Gavant. in Manual. Episcopi. *V. Monial. Clausura* n. 40. Mattheuc. *Official. quod Confess. Monial.* n. 9.

14. Quamvis nonnulli affirmant, Moniales unius Monasterii posse vigore Jubilæi, aut Bullæ Cruciatæ eligere Confessarium non approbatum pro ipsis, sed tantum pro sæcularibus; vel pro Monialibus alterius Monasterii, eorum tamen opinionem utpotè improbabilem sequi non licet; ratio est. 1. quia in generali concessione non veniunt ea, quæ quis non esset verosimiliter in specie concessurus; ex *Regul.* 81. *juris* in 6. secundò quia directè adversatur Bullæ Clementis X. quæ incipit: *Superna*: ut supra d. n. 1. & Bullæ Urbani VIII. quæ incipit: *In Specula*: ubi decernitur: *nec Jubilæum, nec Bullam Cru-*

*ciatæ Monialibus suffragari, quantum ad electionem Confessarii ex non approbatis ab Ordinario propriis*: & tertio, quia id similiter decrevit Benedictus Papa XIII. in Bulla Jubilæi anni sancti 1725. ubi concedit Monialibus facultatem eligendi pro reservatis Confessarios, sed ex approbatis ad id locorum Ordinariis. Advertendum tamen, quod reservatio casuum facta pro Monialibus non comprehendit puellas sæculares in Monasteriis detentas, quia non sunt Moniales, neque Novitias, quia hæc in odiosis non veniunt nomine Monialium.

15. Tam Episcopi erga Moniales sibi subditas, quam Prælati Regulares erga sibi subjectas possunt casus reservare; ex Trident. *sess.* 14. *cap.* 7. *re-* *servatio* tamen à Prælati Regularibus debet fieri cum causa, & infra terminos Decreti Clementis VIII. incip. *SS. D. N. qui jam pridem*: quod habetur in *tom.* 4. *Bull. Cherub.* post 26. *Urbani VIII.* Possunt pariter Episcopi respectu Monialium sibi non subditarum aliquos casus sibi reservare, præsertim quoad illarum Clausuram, tum quia in *cap.* 5. *Tridentini sess.* 25. *de Regul.* tribuitur ipsis facultas compescendi censuris, aliisque pœnis inobedientes, & contradictores circa Clausuram Monialium, tum etiam quia id possunt Episcopi tamquam Sedis Apostolicæ Delegati, etiam quoad quosdam casus expressos in Const. 18. Gregorii XV. quæ incipit: *Inscrutabili Dei providentia*: apud Cherub. *tom.* 4. nec privilegium, exemptionis Regularium potest prædictam delegationem Apostolicam impedire: cum in prædictis non intelligatur

tur

tur exemptæ, sed Episcopis subiectæ.

16. Confessarii ordinarii, & extraordinarii pro Monialibus legitime deputati possunt eas absolvere à quibuscunque peccatis, & censuris, etiam Sedi Apostolicæ reservatis, ac in Bulla Cœnæ contentis, occultis tamen, & in foro conscientiæ tantum; prout constat ex pluribus privilegiis Apostolicis, & præsertim Leonis X. qui in duplici Bulla authentica, quæ habetur in Monum. nostri Ord. in supplem. fol. 42. concess. 132. & fol. 43. concess. 139. concessit Monialibus S. Claræ, & Tertiæ Ordinis, aliisque privilegium communicationis habentibus, ut in omnibus festivitibus Domini Sabaoth, B. M. V. SS. Petri, & Pauli Apostolorum, Omnium Sanctorum, S. P. N. Francisci, S. Claræ, S. Catharinæ V. & Martyris, & per totam Majorem Hebdomadam, possent Confessores earum sive ordinarii, sive extraordinarii à Prælati deputati, ab omnibus peccatis, censuris, pœnisque Ecclesiasticis, etiam Sedi Apostolicæ reservatis, & excessibus quomodolibet commissis, occultis tamen, eas plenarie in foro conscientiæ absolvere, & congruam pœnitentiam injungere.

17. Præterea, seclusis quibuscunque privilegiis, possunt Moniales ratione impedimenti perpetui, quo detinentur, à prædictis Confessariis absolvi, quoties opus fuerit, ab omnibus peccatis, censuris, etiam Sedi Apostolicæ reservatis, ac in Bulla Cœnæ contentis, & excessibus ut supra, occultis tamen, & in foro conscientiæ tantum ad vivandum

scandalum, vel infamiam; ratio est, quia quando nonnisi cum magna difficultate, & mora patet aditus ad Summum Pontificem, vel ejus Legatum, aut Delegatum, vel Episcopum, aut alios Superiores, ad quos respective de jure potestas absolvendi spectat, potest quilibet pœnitens ab inferiore Sacerdote absolvi, cum onere tamen comparandi coram eisdem respective, cessante impedimento; prout habetur in cap. Eos, qui de sent. excomm. in 6. in cap. Mulieres, & in cap. Quamvis: quia licet pro absolutione à casibus in Bulla Cœnæ contentis, aliisque Summo Pontifici reservatis, solum excipiat articulus mortis; jus tamen Canonicum ad casum necessitatis exceptionem ampliavit, aliter reservatio, quæ pro bono charitatis introducta est, contra Charitatem vergeret, & potestas retinendi peccata data, ut loquitur Apostolus, in ædificationem, esset in destructionem: hinc ab Episcopis absolvi possunt impuberes, Mulieres, Valetudinarii, pauperes, qui ob paupertatem non possunt iter agere, & quicumque diuturno impedimento detinentur; ergo si Episcopi possunt à præfatis casibus absolvere, quando datur impedimentum diuturnum; à fortiori poterunt Monialium Confessarii easdem à prædictis excessibus absolvere, cum non tantum diuturno, sed etiam perpetuo detineantur impedimento adeundi Summum Pontificem, aut aliquem ex recensitis Superioribus habentibus à jure facultatem absolvendi.

18. Quod si dicas, possunt Moniales mittere nuncios, procurare ab-

absolutionem per litteras : respondetur , non esse ita facile Monialibus mittere nuncios , constituere procuratores , scribere litteras , quia hæc omnia facere plerumque non possunt : imminet profecto periculum infamiz , vel scandali . Si vero instes , potest Confessarius scribere , & absolviendi facultatem procurare : respondetur , Confessarium ad id non teneri , ratio est , quia onus adeundi Superiorem vel per se , vel per litteras non est gravamen impositum , Confessario , sed pœnitenti , unde si non possit pœnitens adire , non propterea obligabitur Confessarius , quantumvis eo velit pœnitens uti ; quando vero absque difficultate , mora , & periculo infamiz , vel scandali , aut alio , facultas absolviendi ab aliquo ex dictis Superioribus obtineri possit , Confessarium debere abstinere ;

secus , non debere ; prævalet enim jus naturale , & Divinum juri positivo .

19 Quantum ad dispensationem , vel commutationem votorum , quæ à Monialibus , præter tria Religionis essentialia , ex quadam feminea levitate solent emitte , nullam habent Confessarii facultatem ; nisi eis communicata fuerit à Monialium Superioribus , ad quos , utpote potestatem jurisdictionis habentes , spectat dispensare , commutare , & irritare subditorum vota ; tribus essentialibus exceptis ; ut dictum est supra tract. 2. de potest. Prælat. quoad vota . Irritari tamen possunt , servatis servandis , ab Abbatissis , seu Priorissis propter potestatem dominativam , quam supra Moniales subditas habent : ut docent comm. D. D.

## C A P. VIII.

### De Concionatoribus Regularibus , eorumque obligationibus , & privilegiis .

1. **N**equunt Regulares munus concionandi , etiam in Ecclesiis suorum Ordinum exercere , nisi à suis Superioribus de vita , moribus , & scientia examinati , & approbati fuerint , ac de eorum licentia : ita enim habetur in Concil. Trident. sess. 5. cap. 2. Unde Regularis prædicans absque dicta licentia , peccat mortaliter ; ut docet Navarrus in Manual. cap. 25. n. 141. incurrit etiam excommunicationem Papæ reservatam ; ut tenent Zerola in sua præ-

xi V. Prædicator n. 2. p. 1. & Reginaldus lib. 18. num. 119. asserentes fuisse latam in Concilio Lateranensi sub Leone X. à quo pariter officio prædicandi privatur in sua 21. Constitutione apud Cherub. tom. 1. Peccant etiam mortaliter Prælati Regulares , qui subditos de vita , moribus , & scientia non examinatos , & non idoneos prædicare permittunt ; tum ex Trident. tum ex Leone X. tum ex scandalis , & Regulæ transgressionibus , quæ inde solent evenire : ita Peyri-



Peytinus de subdito cap. 22. quæst. 1. de obedient.

2. Regulares ad prædicandum in Ecclesiis suorum Ordinum ultra licentiam suorum Superiorum tenentur personaliter se coram Episcopis præsentare, & ab eis benedictionem petere, antequam prædicare incipiant. Quod Gregorius XV. in sua 18. Const. quæ incipit: *Inscrutabili*: apud Cherub. tom. 3. & deinde Clemens X. in sua 7. Const. incip. *Superna Magni* apud eund. Cherub. tom. 3. confirmarunt; necesse tamen non est, ut eam obtineant, sed sufficit, quod petant; prout idem Clemens decrevit; quodsi Episcopus benedictionem, nedum non concedat, sed etiam contradicat, nec in Ecclesiis suorum Ordinum licet Regularibus prædicare: *ibidem*; & Trident. sess. 24. cap. 4. nequit tamen Episcopus generatim prohibere Regularibus pro semper, & cum singulorum exclusione, quin in Ecclesiis suorum Ordinum prædicationis munus exerceant: *ibidem*, §. 2.

3. Tenentur etiam Regulares præfatam benedictionem petere, si in quibuscunque Oratoriis sui Ordinis sermonem coram populo, vel in Ecclesiis, aut ad crates Monasteriorum Sanctimonialium, eorum jurisdictioni subiectarum, licet clausis januis, & nullus Sæcularis ibi interfuit, habere voluerint: benedictio tamen, seu licentia semel Regularibus concessa prædicandi sive in propriis, sive in alienis Ecclesiis, aut alibi, suspendi ab Ordinario non potest, nisi ob rationabiles causas, licet occultas, prædicationem concernentes: *ibidem*.

4. Præterea Regulares ad prædicandum in Ecclesiis, quæ suorum Ordinum non sunt, ultra licentiam suorum Superiorum, etiam Episcopi, seu Ordinarii licentiam habere tenentur, sine qua in ipsis Ecclesiis non suorum Ordinum nullo modo prædicare possunt: ex Trident. loc. cit. quod confirmat Gregorius XV. in dicta Const. *Inscrutabili*: & non tantum pro Ecclesiis non suis egent Ordinarii licentia, verum etiam si in plateis, aliisque locis prædicare velint: ex Trident. sess. 5. cap. 2. & sess. 24. cap. 4. Donat. in prax. Regul. tom. 3. tract. 6. q. 19.

5. Potest Episcopus licentiam, prædicandi concessurus Regularibus, in Ecclesiis, quæ suorum Ordinum non sunt, prædicare volentibus, illos, quamvis ab Universitatibus, aut Magistratibus laicis nominatos, etiam si Episcopi antecessores per tempus immemorabile hanc licentiam absque examine concedere consueverint, quoad doctrinam examinare; si ita ipsius arbitrio, quod moderatum, & discretum esse debet, visum fuerit: ex Const. *Superna*: §. 2.

6. Regulares prædicantes errores, aut scandala in popolis disseminantes, etiam si in Ecclesiis suorum Ordinum prædicaverint, a prædicationis officio possunt ab Episcopis interdici. Quodsi hæreses disseminaverint, contra eos secundum juris dispositionem debet procedi: ex Trident. sess. 5. cap. 2. Quaranta in Summ. Bullar. V. Exemptio. Concilium quoque Lateranense sub Leone X. sess. 11. prohibet Concionatoribus, ut de cætero in suis sermonibus

publicis alia quæque futura ex Litteris Sacris conlanter prædicent, nec illa divina revelatione se habuisse affirmant, nec alienas inanes divinationes asseverare præsumant, sed Evangelium omni creaturæ, cum victorum detestatione, & virtutum commendatione enucleent, atque declarent juxta interpretationem D. D. ab Ecclesia approbatam, & receptam, nihilque ejus proprio sensui contrarium, aut dissimulatio adiciant: Gavant. in *Manual. cap. V. Concilio Sacra d. n. 35. Prædicare* Indulgentias non publicatas per locorum Ordinarios prohibetur in Concilio Tridentino *sess. 21. cap. 9.* immo publicantes Indulgentias falsas peccant mortaliter contra præceptum obedientie illi impostum in Clement. *de privil. c. Religiosi*, nec non prædicantes miracula falsa incurrunt excommunicationem Papæ reservatam latam à Leone X. in Concilio Lateranensi: Bonacina *de præcep. Decal. 8. præcep. disp. 10. q. 1. punct. 2. num. 7.*

7. Infames infamia juris, vel facti non sunt admittendi ad exercendum munus concionandi, quia prædicare, & sacrificare purificantur: ex *cap. Presbyteros, qui d. 50.* indecens enim videtur, ut tantum munus infamibus demandetur; ut ait Peyrinus *tom. 2. privil. in const. 10. Urbani VIII. n. 5.* nisi infames infamia facti post peractam poenitentiam vere resipiscant, absque scandalum, & periculum relabendi.

8. Concionatores in statu peccati mortalis, etiam occulti, existentes, peccare mortaliter, & ante veram

contritionem, vel Confessionem præmissam prædicent, docet Cajetanus *3. part. q. 64. art. 6.* & implicat Navarr. in *Manual. cap. 25. n. 141.* quumvis oppositum tenent nonnulli. Per accidens tamen peccabunt mortaliter, vel ratione scanuati, si ipsorum peccatum sit publicum, vel quia inde sequitur, ut Verbum Dei fiat contemptibile: Suarez *tom. 3. in 7. p. disp. 16. sect. 3. in fine.*

9. Cum Regularibus occupatis in actuali exercitio prædicationis possunt eorum Superiores dispensare super recitatione Divinorum officiorum, si aliter munus suum exequi non valeant assignando eis certum numerum psalmorum, non minus septem, aut sex, cum divisione, ac orationem Dominicam septies, & Symbolum Apostolorum bis: ex privilegio Clementis VIII. in Bulla, quæ habetur in Bullar. *tom. 1.* ita Peyrinus *tom. 1. de privil. ad const. 28. Leonis X. n. 9.*

10. Habent etiam Regulares Concionatores aliud Leonis X. privilegium circa Jejunia concessum Fratribus Minoribus, & per consequens aliis Regularibus communicationem privilegiorum habentibus: videlicet, quod Prædicatores actu prædicantes possint sine scrupulo servato jejunio, anticipare, vel retardare horas comestitionis, & serotinæ collationis; ut refert Casarub. in compend. privil. Mend. *V. Jejunium n. 5.* & docent Navar. in *Manual. cap. 21. n. 16.* Miranda in *Manual. tom. 1. quest. 50. art. 11. & 12.* Quinimmo jure communi, & causa rationabili existente potest fieri id, quod

quod per præfatum privilegium conceditur.

11. Cæveant Concionatores Regulares, ne stipendia sibi pro Concionibus tributa, tanquam propria possideant, vel retineant, allegantes frustra, se de ipsis, utpote ex proprio labore, ac studio acquisitis, posse independentem disponere; id enim fieri nequit absque vicio proprietatis; ut docent commun. D. D. nam quicquid acquirit Monachus acquirit Monasterio: ex cap. Exiit, de verb. signif. §. ne alium: & ex Trident sess. 25. de Regul. & Monial. cap. 2.

12. Pro Fratribus Minoribus de corpore Regularis Observantæ quibus ex Regula, & Constitutionibus quolibet civilis receptio, & contræctatio pecunie prohibetur) Capitulum Generale Toletanum 1633. apud Ord. Scraph. tom. 4. tit. de Prædicatoribus: fecit statutum tenoris sequentis: Prædicatores quicumque eleemosynas prædicationis prætextu oblatas penitus non recipiant, nec de illis sub quovis prætextu, vel quæsto colore, disponere, aut quomodolibet tractare præsumant, & audeant; sed si, absoluta prædicatione, vel ante contigerit fieri à quovis genere personarum Prædicatoribus ipsis eleemosynarum oblationem, respondeant: Syndicis Conventuum dumtaxat libere, & integre

transmittendam, & consignandam fore. Quodsi constiterit quempiam Prædicatorem per se, aut per alios pecuniam recipere, vel recepisse, proprietatis pænis omnino puniatur, & actibus legitimis per sexennium privetur, quam pœnam, etiam Guardiani subeant, si eorum culpa, vel negligentia contraheri contigerit. Quod totum in forma specifica confirmavit Innocentius XI. in sua Const. incip: Exponi nobis: apud Directorium trium Ordinum Const. 6.

13. Subinde Urbanus VIII. in sua 283. Const. incip. Militantis Ecclesia, quæ habetur in Bullario Cherubini tom. 5. decrevit prout sequitur: Omnibus, & singulis prædicti Ordinis Concionatoribus, ultra pœnas in propriarios per ejusdem Ordinis statuta fulminatas; in virtute S. obedientia, & sub privatione officiorum, quæ obtinent, ac perpetue inhabilitatis ad quacunque officia, gradus, & dignitates in posterum ipso facto incurrendis, præcipimus, & mandamus, ut de prædictis eleemosynis per se nullo modo disponant, nec eas ob offerentium manibus in suas recipiant, nec in Procuratoris, vel alterius deponi faciant, sed easdem integras Superiori Provinciali significant, qui de illis juxta Regula præscriptum disponat.



## TRACTATUS VII.

## De Privilegiis in particulari.

## CAP. I.

## De exemptione Regularium ab Ordinariis :



Exemptio, prout habetur ex Gloss. in cap. Cum olim, de Privileg. est quædam libertas, qua exempti ab Ordinarii jurisdictione eripiuntur: nomine autem Ordinarium, de quibus sæpius erit sermo, intelliguntur illi, qui jurisdictione propria, ac solemni præditi sunt, ut bene notat Frisius in cap. 16. de officio Jud. Ordin. ac proinde non tantum sunt Episcopi, Archiepiscopi, eorumque Vicarii, sed etiam Abbates Sæculares exempti, Archiepiscopi dum visitant Suffraganeos, Legati Apostolici, & Nuntii etiam extraordinariè ordinati, qui omnes in privilegio exemptionis Ordinarii vocantur: ita Henriquez cum aliis lib. 7. de indulg. cap. 25. & Tamb. de Jur. Abb. disp. 1. quæst. 4.

2. Exemptio alia est personalis, qua eximuntur personæ à quocumque Judice Sæculari, vel Ecclesiastico. ita ut à nullo Legato etiam Sedis Apostolicæ, vel Judice delegato judicari, excommunicari, interdici, vel suspendi possint; quædam est Localis,

quæ sit loco idest Ecclesiæ, vel Monasterio; quædam est Universalis, quæ scilicet Ecclesiæ, vel personæ, cum universitate juris spectat ad Papam, ita ut alii inferiores nihil juris habeant in exempta; quædam denique est particularis, qua eximitur in parte; de quibus videantur D.D. & præcipue Socinus in cap. recepimus n. 12. de Privil.

3. Ab Episcoporum jurisdictione, & obedientia possunt eximi à Papa quæcumque personæ sive Sæculares, sive Regula res, nam Papa ut Vicarius Christi, quantum ad potestatem jurisdictionis, de qua hic agitur, fideles, quos mediantibus Episcopis, aliisque Ministris regit, & moderatur, se ipso regere potest immediatè, quod si non omnes immediatè gubernet, non est ex potestatis, & virtutis defectu, cum Episcopi, & alii Ministri illos non regant, nisi ex virtutis, bonitatis, & clementiæ ipsius communicatione, ut tradit Gloss. in cap. Frater. quæst. 1. cap. cum Inferior; & docent Mandos. de signat. grat. tit. exemptiones, & Anchar. consil. 132. n. 5.

4. Valdè expediens fuit Summo Pontifici

Pontifici, ut in Ecclesia Dei aliquas personas ad exercendos actus eidem utiles, ac necessarios idoneas eligeret, quæ quidem præcipue sunt Regulares, qui præfatis actibus ex eorum instituto perfectius vacare possunt, maxime si ab Ordinariorum jurisdictione eximantur, sicut de facto exempti sunt. Quod autem dictos actus exerceant Regulares exempti, manifestum est.

5. Multis, & iustis de causis Summi Pontifices ab Ordinariorum jurisdictione Regulares exemerunt: prima est: dispar Ordinariorum, & Regularium professio, & ignorantia Rituum, & morum Regularium: secunda: Clericorum erga Regulares, ut plurimum, insensus animus: tertia: quies, & dilectio inter dictos Clericos, & Regulares ex una, ac Episcopos ex altera parte servanda: quarta: ad evitandam multorum Superiorum diversitatem, mandatorum contrarietatem, jurisdictionisque contentionem, è quibus mala propè infinita originem trahunt: ita Jo: de Lomede de exempt. cap. 1. Franciscus Frigius in suo libello de officio Jud. Ord. nec ob privilegium exemptionis à Papa Regularibus concessum inferatur injuria Ordinariis, nam Papa utitur jure suo: prout docent S. Bonav. in Apolog. Pauper. resp. 4. cap. 4. S. Thom. in supplem. 3. part. q. 8. art. 5. ad primum.

6. Quamvis antiquitus Regulares fuerunt subiecti Episcoporum jurisdictioni, nunc tamen liberi omnino sunt ab eadem, scilicet à regimine, & gubernio eorundem, aliorumque Prælatorum Ecclesiasticorum, ut

apertissime constat ex privilegiis in jure communi contentis cap. Nimis iniqua 16. cap. Nimis prava 17. de excessib. Prælat. Clement. 1. tit. eod. Clement. II. de censib. Trident. sess. 25. de Regul. cap. 20. maxime ex concessionibus specialibus factis Ordinibus Regularibus relatis partim à Barbosa lib. 2. cap. 12. de Monast. & Reg. lig. Domibus, & à Roderico tom. 2. q. 63. art. 1. 2. & 3. cum suo compend. resol. 63. n. 14. & seqq. partim ab alijs, quas hic afferre esset nimis prolixum.

7. Prædictam exemptionem pro Fratribus Minoribus, & Prædicatoribus latissime explicuit Sixtus IV. in Marimagno Minorum, & Prædicatorum, & præsertim in Bulla, quæ incipit. Sacri Prædicatorum, & Minorum Fratrum Ordines, & à Regularibus aurea nuncupatur, eo quod multa contineat privilegia, gratias, exemptiones, facultates, & indulta, & prohibet Ordinariis, ne eos impediant, quominus præfatis privilegijs, & gratijs liberè uti possint; & S. Pius V. in Bulla, quæ incipit: Etsi Mendicantium: generaliter omnibus Ordinibus Mendicantibus eadem privilegia concessit: videantur Confectius in sua collect. litter. Apost. & Cherubinus in suo Bullario Romano tom. 2. & 3.

8. Ecclesie etiam, Oratoria, Monasteria, & Hospitia Regularium à præfata jurisdictione Ordinariorum sunt exempta, prout ex prædicto Marimagno Sixti IV. manifeste constat; Grangiarum quoque, ut infra n. 10. & prædia Monasteriorum, seu Conventuum utilitatis, vel recreationis causa acquisita, necnon Mendicantium,

variis in locis hospitia edificata, in eisque Oratoria constructa eadem exemptione fruuntur, & gaudent, ex concessione præfati Sixti IV. S. Pii V. in Bulla incip. *Esse Mendicantium*; & Bonifacii VIII. in Bulla incip. *Sacer Ordo*: in qua Eremitis S. Augustini omnimodam exemptionem concessit, apud Cherub. in Bull. cit. ita Roder. tom. 2. quest. 75. art. 1 & 2. Peyrinus in consil. unica Pyrrhi num. 30. & aliis.

9. Idem expressè concessit Ordini Cisterciensi Paulus V. in Bulla incip. *Divina disponente*: apud Cherub. in Bullar. tom. 3. Bulla 23. in qua §. 5. sic ait: *Ita tamen quod dicta Congregatio, illiusque utriusque sexus Monasteria, Prioratus, Grangia, Domus, Ecclesia, Oratoria, Collegia, pia, & charitativa loca, res, & bona &c. omnibus privilegiis gaudere libere, & licite possint, & valeant*, Et in Bulla ejusdem Pontificis incip. *In supereminentis*: §. 13. sic ait: *Ipsamque Congregationem, ejusque Generalem, Abbatem, Monasteria; Grangias, Camos, res, & bona prædicta sub immediatam nostram, & Sedis Apostolicæ protectionem, regimen, subjectionem, gubernationem, & obedientiam recipimus*. Per communicationem autem eisdem privilegiis ceteri Regulares fruuntur.

10. Notandum tamen, quod Regulares in Grangis, quæ improprie tales sunt, nam pro parvis Conventibus, seu Monasteriis habentur dependentibus ab aliquo principali Monasterio, cujus sunt membra, veluti illi accessoria, subiecta, & unia, possunt habere Oratoria ad celebrandum, nullatenus tamen hoc privile-

gium eisdem conceditur in Grangis, quæ aliud non sunt, quam domus rurales sub proprietate, & dominio aliqujus Monasterii, in quibus solum, quidam conversi pro agrorum cultura, vel cura manere solent; nam hujusmodi Grangiarum non sunt nec sacra, nec religiosa, neque loca pia, sed temporalia, & prophana, in quibus non habet locum Constitutio Innoc. X. incip. *Itaurandæ*: tom. 4. Bull. Cherub. ac propterea Sacra Congregatio Concilii sub die 1. Maji 1687. ad dubium: *An Sacerdos Regularis absque peculiaris Sedis Apostolicæ induito possit in domo rurali Monasterii celebrare*: respondit: *negativè*: ita Em. Petrus tom. 2. comm. ad consil. Hon. III. n. 53. & offic. curiæ,

11. Possunt a fortiori Regulares præfata Oratoria in Claustris, ac in Valetudinariis Conventuum erigere, ibique celebrare, cum extra Ecclesiam omnino non sint, nam nomine Ecclesiæ veniunt etiam Religiosorum Claustra, prout colligitur ex cap. *Abbatibus* §. *hac autem diffinit.* 54. & ex cap. *Alma Mater de sent. excom.* in 6. Ultraquamquod extat privilegium a Gregorio XIII. Societati Jesu concessum, ut in ejusdem domibus in privato Oratorio a Provinciali approbato possint celebrari Missæ absque alia Episcopi approbatione, non obstante Concilio Tridentino. Immo possunt constitui prædicta Oratoria etiam in illis Hospitiis erectis in aliquibus Civitatibus, vel locis deservientibus pro Valetudinariis, seu Infirmariis illorum præfati Conventuum a Civitatibus, vel Oppidis valde distantium, sicuti sunt Con-

Conventus nostræ Reformationis Bononiæ, & Florentiæ, ita ut ibi possint Missæ celebrari, nec non Religiosi infirmi ibidem existentes, eisdemque deservientes frui valeant omnibus indulgentiis, quibus frui possent, si in dictis Conventibus degerent, dummodo in Ecclesiis, Cappellis, seu Oratoriis præfatorum, Hospitiorum ea omnia exequantur, quæ pro lucrandis dictis indulgentiis exequi tenerentur, si in suis Conventibus moram traherent. Morientes quoque in Infirmediis præfatis iisdem privilegiis potiuntur, ac si in propriis Conventibus decederent, ita Roder. tom. 1. quest. 43. art. 4. Suarez tom. 3. in 3. pars. disput. 81. sect. 3. except. 4. Naldus in sum. V. Missa num. 38. Reginal. in praxi lib. 29. n. 178. Peyrinus in Const. unic. Pyrri n. 21. & alii.

12. Ecclesiæ, Oratoria, Monasteria, seu Conventus, aliaque loca Regularium visitari nequeunt ab Ordinariis locorum, cum ab eorundem jurisdictione, ut dictum est, sint exempta; consequenter nec visitari ab eisdem possunt Altaria, Cappellæ Sacriliæ, Tabernacula, aut paramenta; nam Visitatio est actus jurisdictionis, & superioritatis, quæ ab illis in prædictos Regulares, aliaque ad ipsos spectantes exerceri prohibetur in Marimagno Minorum, & Predicatorum, relatum supra num. 7. in Bulla Bonifacii VIII. incip. *Sacer Ordo*, in favorem Eremitarum S. Augustini edita, & in Bulla Clementis VII. incip. *Venerabilibus* apud Cherub. in Bull. Rom. tom. 1. & 2. Sed neque Hospitia Regularium a præ-

tis Ordinariis visitari possunt, si fundata, vel recepta fuerit ad præscriptum Constitutionum Innoc. X. incip. *Instantia*: super suppressione parvorum Conventuum edita, & est 27. ut in Bull. Cherub. tom. 4. necnon Innocentii XII. incip. *Nuper à Congregatione*: relata à Mattheucci in suo Offic. Curie Cap. X. *Official. quond. Celeb. Missarum* n. 24. §. 13.

13. Eadem Visitatio Regularium apertissime prohibita est à S. Pio V. Bulla: *Etsi Mendicantium*: supra n. 7. relata, in qua n. 17 sic habetur: *Neò ullo pacto Ordinarii se intromittant in gubernatione Conventuum tam fratrum, quam Monialium eisdem subiectarum, sed omnia ista, & alia necessaria ad correctionem, & gubernationem Fratrum, & Monialium hujusmodi, eorum Generalibus, ac Provincialibus, vel aliis eorum, aut earum respective superioribus omnino relinquuntur*: quæ verba gubernationem, & correctionem expresse excludentia, visitationem quoque, quæ ad illa duo ordinatur, excludere manifestum est: Ita Roder. tom. 1. qq. Regul. q. 36. art. 4. in fine Bordon. de exempt. & subiect. Episcop. resol. 7. Barbosa in cap. 8. Concil. Trid. sess. 7. ubi ait: *Neque Capellas Sacularium in Ecclesiis Regularium constructas, seu existentes visitare potest Ordinarius, ex Aldan. tit. 7. n. 3. in comp. Canonic. Resol. lib. 1. ubi testatur, ita resolutum fuisse à S. Cong. Episcop. & Regul. in una Papien. 21. Augusti 1655. & in alia Terracinen. 22. Januarii 1616.*

14. Habent tamen Episcopi tantam Sedis Apostolicæ delegatam vi-

visitandi Confraternitates laicorum, quæ sub immediata Regum protectione non sunt, prout disponit Concil. Trident. *Sess. 22. cap. 8. de Reform.* atque adeo possunt erectas in Ecclesiis Regularium visitare in iis, quæ respiciunt administrationem, & adimplementum onerum, vel relationem habent ad Confratres, ipsorumque Capellas, Altaria &c. quoad onera, adeo ut si Confraternitatibus incumbit onus manutenendi Altare, illiusque cultum, Episcopus potest visitare circa ea, quæ respiciunt ipsam manutentionem, cultum, & ornamenta Altaris, seu Capellæ, onera Missarum, atque Divinorum Officiorum ibidem celebrandorum, & circa ea omnia, quæ ad obligationem eorundem Confratrum relationem habent: prout in terminis censuit S. Cong. Concilii in una *Nucerina Paganorum 23. Junii 1629.* Decretum per extensum refert Monacellus in *Formular. part. 1. formul. 1. tit. 5. num. 8.*

15. Sæculares Confratres Rosarii Chordæ, Corrigiæ, Scapularis, & cæterorum hujusmodi fruuntur privilegiis quoad indulgentias, & remissiones peccatorum tantum, non autem his, quæ Ordinariorum jurisdictionem perturbare possunt, ex Decreto Tridentini *Sess. 24. de Reform. cap. 11.* & ex Bulla Clementis VIII. de Reform. Confraternitatum incip. *Quæcumque à Sede Apostolica* apud Cherub. in Bullar. Rom. tom. 3. si vero post ea Decreta Confraternitates hujusmodi obtinuerunt ab eadem S. Sede privilegia particularia, ostendant.

16. Possunt Ordinarii locorum in Ecclesiis Regularium, in quibus cura animarum personarum sæcularium, exercetur, visitare Altare deputatum pro Cura, Baptisterium, atque Tabernaculum, ubi Venerabile asservatur, in his tantum, quæ ad dictam Curam, & Sacramentorum administrationem pertinent, ex Trident. *Sess. 25. cap. 11. de Regular. & ex Const. 18. Gregorii XV. incip. Inscrutabili* apud Cherub. tom. 4. Visitare quoque possunt beneficia curata unita Monasteriis, ac piis locis, necnon personas Regulares Curam animarum exercentes, & Sacramenta administrantes, quæ quidem à præfatis Ordinariis puniri possunt, si deliquerint in his, quæ dictam Curam, & sacramentorum administrationem concernunt, ex Decreto S. Cong. Concil. apud Barbosam *cap. 7. Sess. 7. Triden. n. 3. Fagnan. ad cap. Grave de off. Ordin. n. 35.*

17. Nequeunt præfati Ordinarii visitare Monasteria, seu Conventus Regularium, etiam eo prætextu, quod eorum Superiores sint negligentes, nisi eadem Monasteria, vel sub commenda existant, vel suorum Ordinum capitibus non subsint, ac se se in Congregationes redigere neglexerint: juxta Trident. *cap. 8 Sess. 25. de Regul.* Decretum refert Piafæ. in sua praxi *part. 2. cap. 3. art. 6. n. 32.* Neque obstat Decretum ejusdem Concilii *cap. 8. Sess. 7. de reform.* ubi locorum Ordinariis tribuit facultatem visitandi Ecclesias quascunque quomodolibet exemptas, nam ibi loquitur de Ecclesiis Sæcularibus exemptis, non vero de Regularibus, ju-



juxta mentem S. Cong. Concil. apud Fagnanum in 3. ad cap. Nullus de Pa- rochis.

18. Neque Abbates Commenda- tarii, etiam si sint S. R. B. Cardinales possunt in Monasteriis Regularium commendatis se ingerere in iis, quæ concernunt Regularia Instituta, & Disciplinam Regularem, licet in lit- teris Apostolicis, quæ expediuntur super Monasteriorum commendis adjecta sit illa clausula: *in quibus hu- jusmodi Monasteriorum Cura, regimen, & administratio, tam in spiritualibus, quam in temporalibus eis plenarie committuntur*; nam contrarium ex- presse legitur dispositum ab Innoc. X. in const. 62. incip. *Pastoralis*: apud Cherub. tom. 5. quoad Commenda- tarios Monasteriorum Ord. Cister- cien. quæ fuit innovata ab Alexan- dro VII. const. 6. incip. *Exponit*, ibi- dem, & in alia Const. ejusdem Ponti- ficis incip. *Sacrofancti*; quæ est 32. in favorem Monasteriorum Camaldu- lensium edita; idcirco clausula illa, *in quibus*, intelligenda est quoad cætera, quæ Disciplinam Regula- rem, & Institutum Regulare non respiciunt.

19. Eminentissimi Cardinales habentes Romæ in Titulum Ecclesias Regularium nequeunt se immiscere in iis, quæ concernunt Regularia Instituta; nam quamvis in suis Titu- lis habeant jurisdictionem quasi Epi- scopalem, uti tamen non possunt fa- cultatibus, quæ à Tridentino sess. 24. cap. 6. Episcopis sunt tributz, cum ibi non sint vere; & proprie Episco- pi; idcirco in Ecclesiis Regularium proprii Tituli possunt tantum de spe-

ctantibus ad celebrationem Missarum inquirere, de redditibus Ecclesiæ ra- tionem exigere, sacras suppellecti- les, & alia, quæ respiciunt servitium Ecclesiæ Titularis, & circa cultum Divinum visitare, ac inspicere, ju- xta const. 7. Leonis X. incip. *Sum- prema*: apud Cherub. tom. 1. & const. 55. Sixti V. incip. *Religiosa* tom. 2. ipsos vero Regulares in pertinenti- bus ad Regularia Instituta visitare, vel corrigere nequaquam possunt. Vide Pignatell. tom. 10. consult. 117. n. 93.

20. Quamvis Monasteria Monia- lium, eorumque personæ Regulari- bus subjæctæ ab Ordinariorum juris- dictione sint exemptæ, ut dictum est supra n. 13. & constat ex pluribus Summorum Pontificum concessionib- us, præsertim S. Pii V. in Bulla in- cip. *Etsi Mendicantium*: apud Con- sectum in collect. Litter. Apost. quoad clausuram tamen omnes Moniales in- differenter subiaciuntur Episcopis, prout Tridentinum sess. 25. cap. 5. pro Regul. & Monialibus statuit; necnon Vicariis eorum Generalibus ad id speciale mandatum ab eisdem Episcopis habentibus, ex Decreto S. Congr. Concilii relato à Sperello decis. 99. n. 27. ubi de tali mandato tribuitur eisdem facultas ingrediendi septa Monasteriorum Monialium Re- gularibus subjectorum, pro clausuræ visitatione, etiam si nulla rationalis violatz clausuræ suspicio irrepserit, & acriter à præfata S. Cong. repre- henditur Rodericus tom. 1. quæst. 47. art. 10. qui nimis audacter contra- rium sustinet: ita Offic. Curiz cap. 1. num. 9.

21. Præfata jurisdictio circa Clausuræ visitationem competit Ordinariis cumulative cum Superioribus Regularibus Monasteriorum Monialium, non autem privative, adeout & circa eam possint hi opportuna statuere ex Decreto S. Cong. Concil. 1608. & ex const. Alexandri VII. incip. *Felici*: apud Cherub. tom. 5. in qua dictis Superioribus in Locali Monasteriorum, & in personali Monialium visitatione modus observandus præscribitur; *legatur constitutio*. Nihilominus tamen possunt Episcopi clausuram visitare, etiam inconsultis, & irrequisitis Superioribus Regularibus; prout decrevit S. Cong. Concil. in una Conimbricen. apud Barbosam *ad sess.* 25. cap. 5. de *Regul. num.* 13. & in alia Viterbien. apud Nicol. *Lucubrat. lib.* 3. tit. 1. n. 3. & Panimoll. *decis.* 84. adnot. 3. n. 56.

22. Prædicti locorum Ordinarii in visitatione clausuræ Monialium Regularibus subiectarum nequeunt 1. in earum Ecclesiis non curatis visita-

re Venerabile, Oleum infirmorum, Confessionalia, sepulturas, ac Reliquias ibi existentes: 2. neque exigere possunt, ut Moniales erigant in Ecclesia exteriori, vel interiori Sedem cum Baldachino, sed solummodo, ut præparent stratum in utraque Ecclesia: 3. neque possunt secum ducere intus Monasterium alias personas sive Ecclesiasticas, sive Sæculares indeterminate, sed à paucis, iisque senioribus, ac Religiosis personis comitari debent: 4. Nec excipiendo sunt à tota Monialium communitate cum Cruce, & Cantico Benedictus: 5. nec in ingressu Clausuræ eis adornandum est stratum, nec Crux deosculanda ab aliqua ex Monialibus ipsas porrigenda: 6. neque possunt visitare Cellas Monialium quoad non pertinentia ad clausuram: 7. possunt tamen Clausuram ingressi convocare dictas Moniales omnes in Choro interiori, aut in alio loco, & ad eas sermonem habere: ex Decreto S. Cong. Concilii die 19 Januarii 1686. edito; apud Mattheuc. *Of. fiscal. quoad Clausur. Monial. n.* 10.

## C A P. I I.

### De exemptione Regularium à Lege Diocesana Episcoporum.

1. **C**um ex pluribus privilegiis relatis supra Regulares exempti sint ab Episcoporum jurisdictione, idcirco non tenentur eorum Legibus obedire, nam juxta communem Canonistarum sensum, existentes in loco exempto sunt proculdubio extra territorium Episcopo-

rum, & consequenter isti nequeunt quicquam validum decernere, & statuere in personas, & loca, quæ sunt extra territorium, prout sunt loca regularia, & personæ; ut constat ex cap. *A nobis de sent. excom. cap.* 1. de *privil. in 6. cap. de consit. v. lex* & docent Covarr. in cap. *Alma Mater* 1. l.

1. l. 5. 10. n. 3. Suarez de leg. lib. 4. cap. 20. & alii Commun. Atque adeo Regulares non obligantur ad obediendum Ordinariis Legibus, nisi in casibus à jure expressis, ut dicitur infra.

2. Non tenentur Regulares exempti ad Synodum Diocesanam accedere, nisi curam Animarum exercent, idque ratione Curæ, & ad effectum, ut instruantur de iis, quæ in Synodo decernuntur, & in ea proponant, quæ ad officii administrationem necessaria judicaverint, ut constat ex Trident. sess. 24. cap. 2. de reform. & ex cap. Episcopus, dist. 13. cap. Nimis prava 17. de excess. Pralat. propterea sicuti non tenentur accedere ad Synodum, neque ad Concilia Provincialia, quando eorum Decreta conduntur, & publicantur, ita neque ad eorum observantiam obligantur. Sed neque Confessarii Regulares, qui Parochi non sunt, compelli possunt à Locorum Ordinariis, ut accedant ad conferentiam casuum conscientie; ex Decreto S. Cong. Concil. in una Poessempronien. die 3. Septembris 1630. & ex alio ejusdem Cong. die 15. Januarii 1682. edito, relatis à Mattheuc. Official. quoad exempt. Ordinar. n. 21. vide Suarez de legib. lib. 3. cap. 33. n. 8. Bordon. tom. 1. var. resol. de exempt. resol. 7.

3. Regulares curam animarum exercentes, non solum tenentur, verum etiam compelli possunt Synodo Diocesana & Conciliis Provincialibus interesse, ut constat ex Trident. sess. 24 cap. 2. cit. de reform. ibi Barbosa n. 28. Superiores tamen Monasteriorum, seu Conventuum, in

quorum Ecclesiis cura animarum exercetur per Vicarium sæcularem ab Episcopo approbatum, dictis Synodis, seu Conciliis interesse non tenentur, sed sufficit mittere dictum Vicarium, cui præfata cura imminet: ita Barbof. loc. cit. n. 30. Sellius cap. 25. n. 32. Tenentur præterea Regulares Parochi observare Decreta in Synodis Diocesanis condita ad benè gerenda officia parochialia; ut aperte colligitur ex cap. 9. de privil. in 6. ex const. Leonis X. incip. Dum intra, & ex Trident. sess. 25. cap. 11.

4. Licet nonnulli D.D. apud Bordon. tom. 1. consil. regul. resol. 7. n. 6. doceant, teneri Regulares ad jejunia, vel alias observantias, aut Vota à populo facta, & aliquo Decreto ab Episcopo confirmata; verius tamen, & probabilis est ad ea Regulares non obligari, nisi adstet Papæ præceptum, sicut de festis servandis ab Episcopo in dictis extat in Trident. sess. 25. cap. 12. ratio est, quia præfate Ordinationes afficiunt tantum eos, qui Episcopo subiiciuntur, non autem personas Regulares, quæ eidem non sunt subiectæ, verumtamen est, quod tenentur ad jejunia per consuetudinem generalem Diocesis introducta: ita Roder. in addit. ad summ. moral. tom. 4. cap. 120. n. 4. Suarez lib. 4. de leg. cap. ult. Bordon. loc. cit.

5. Regulares tenentur sub mortali servare dies festos, quos Episcopi in sua Diocesi servandos præceperint, quia licet extet privilegium Eugenii IV. Monachis S. Benedicti Congregationis Hispaniæ concessum, quo per Communicationem aliz Religiones fruebantur, eximentes

eorum Monasteria ab observatione festivitatum, præter illas, quæ ab Ecclesia Universalis coluntur, ut refert Roder. tom. 2. q. 70. art. 1. & habetur in compend. privil. tit. *Festivitas* §. ult. per Concilium tamen Tridentinum manet revocatum, ubi Sess. 25. cap. 12. de Regul. præcipit; ut dies festi, quos in sua Diocesi servandos Episcopus præceperit, ab enim. ptis omnibus, etiam Regularibus serventur. Notandum vero, quod huiusmodi Decretum ita intelligendum est: ut Regularium ritus illis diebus festis semper permaneant, quoad Missas celebrandas, & cætera Divina officia, tam publica, quam privata ab ipsis Regularibus persolvenda, nec circa hæc ab Episcopis quoquomodo in contrarium quicquam eisdem Regularibus præcipi posse, quod si de facto præceperint, Regulares nentquam ipsis Episcopis obedire teneri. Verum quoad Conciones, & Lectiones, quas iidem Regulares ad populum habuerint, debent se conformare Evangelicis, & Epistolis, quibus Clerus secularis utitur illis diebus festibus: ex declaratione S. Cong. Concil. relata à Peyrino ad Const. 28. Leonis X. Piassec. in praxi part. 2. cap. 3. art. 6. n. 47. Barbof. de offic. & potest. Episc. part. 3. alleg. 105. n. 33. Quaranta in Summ. Bullarii v. privil. Regul.

6. Regulares non possunt ab Ordinariis compelli ad interessendum processionibus per eosdem in dictis non pro bono publico, sed occasione dumtaxat suæ primæ visitationis; prout decrevit S. Cong. Concil. in Anagnina processionis die 9. Decembris 1662. apud Lantusca. V. Pro-

cessio n. 4. neque prohiberi processionem facere solemniter extra Claustra in quacunque die infra Octavam Corporis Christi, ex concessione Gregorii XIII. in Bulla incip. *Cum inter dum contingat*: apud Cherub. tom. 2. qua facultatem tribuit omnibus Ordinibus posse solemniter cum processione Sanctiss. Christi Corpus circumferre, revovando privilegium S. Pii V. quo soli Ordini Prædicatorum illud concedebatur; & quamvis Clemens VIII. in Bulla incip. *Dudum*: dictam Gregorii Bullam revocaverit, illamque S. Pii V. innovaverit, ponea tamen idem Clemens in Bulla s. incip. *Ratio pastoralis*; apud Cherub. tom. 3. huiusmodi gratiam omnibus Ordinibus concessit, quod etiam fecit Paulus V. in Bulla incip. *Injuncti nobis*: apud eundem Cherub. tom. 4. Advertendum tamen, processionem præfatas infra Octavam Corporis Christi esse faciendas à Regularibus distinctis horis ab Episcopo præscribendis, ad evitandas lites, prout Innocentius XII. disposuit in causa vertente inter Fratres Prædicatores, & Minores in Indiis, ut refert Matheuc. Official. quoad Processiones cap. 40. n. 9.

7. Regulares præsertim Ordinum Mendicantium absque Ordinarii licentia ubique mendicare possunt, immo ab ipsis Ordinariis prohibere non possunt, quin Fratres eleemosynas quærant, aut fideles eisdem tribuant, idque impediennes, vel consulentes graves censuras incurrunt; ut constet ex privilegiis plurium Summorum Pontificum, præcipue Alexandri IV. & Julii II. in com-

compendio privilegiorum *V. Eleemosyna* §. 1. & 2. necnon Sixti IV. in Bulla incip. *Sacri: Aurea nuncupata*: apud Cherub. tom. 1. Tenentur tamen intra limites, seu districtus Conventuum se continere ad lites, & inconvenientia vitanda, prout S. Cong. Episcop. & Regul. decrevit die 22. Junii 1674. in causa vertente inter *Observ. & Capuccin.* Regni Corsicæ, non autem tenentur licentiam suorum Superiorum Ordinariis exhibere, quando eleemosynas quærunt in locis, ubi Conventus eorum existunt; si vero extra loca, seu districtus quærere velint, tunc tenentur præfaram licentiam Ordinariis ostendere, ex Decreto S. Cong. Concil. apud Piasc. in *prax. Episcop. part. 2. cap. 3. art. 6. n. 50.* Lantusca *V. eleemosyna* n. 1. quoniam si extra Diocesim, in qua erecta sunt Monasteria, mendicare intendant, debent prius ab Ordinariis consensum obtinere, ex Decreto ejusdem S. Cong. à Pignatello tom. 8. *consult. 12. num. 19.* relato.

8. Quod vero de usu Quæstorum eleemosynarum auferendo loquitur Tridentinum *sess. 21. cap. 8.* id ad Mendicantium Ordines nullo modo referri posse, vel debere decrevit S. Pius V. in præcitata Bulla: *Etsi Mendicantium*: quin potius cum de eleemosynis hujusmodi vivere cogantur, eis id facere liberum omnino esse, declaravit; quandoquidem Regulares Ordinum Mendicantium eleemosynas petere coguntur, ex voto videlicet paupertatis, quam profitentur, ex nomine, ex instituto, quo deogan- tur: ita Ugolin. de *potest. Episc.*

*cap. 8. §. 4. n. 6.* Barbof. de *Officio & potest. Episc. alleg. 109. part. 3.* Roder. tom. 2. q. 57 art. 7. & alii.

9. Præfatis Ordinibus non solum licita, sed etiam meritoria est mendicatio, prout multi Summi Pontifices, præsertim Nicolaus III. *Exiit, qui seminat*, & Clemens V. in generali Concilio Viennensi, Clement. *Exiit de paradiso, de verb. signif.* declararunt: dum Regulam Fratrum Minorum, & in ea contenta approbarunt, in qua cap. 6. habetur: *Fratres nihil sibi approprient, nec domum, nec locum, nec aliquam rem, sed tanquam peregrini, & advena in hoc sacculo in paupertate, & humilitate Domino famulantes, vadant pro eleemosyna confidenter; nec oportet eos verecundari, quia Dominus pro nobis se fecit pauperem in hoc mundo. Hac est illa celsitudo altissima paupertatis, qua vos Charissimos Fratres meos heredes, & Reges Regni Cælorum instituit, pauperes rebus fecit, virtutibus sublimavit. Hac sit portio vestra, qua perducit in terram viventium; cui dilectissimi mi Fratres totaliter inhaerentes nihil aliud pro nomine Domini nostri Jesu Christi in perpetuum sub Cælo habere velitis.* Hæc S. P. N. Franciscus. Quæ quidem mendicitas ab Universali Ecclesia approbatur, & in jure Canonico inserta reperitur. Advertant tamen Regulares Mendicantium privilegio gaudentes, ne quærendo eleemosynas superfluas, fraudes committant; possunt utique nonnulli, qui bona in communi possident, commode ex eorum redditibus vivere, & nihilominus dicto privilegio fraudè abutuntur cum gravi præjudicio illorum.

rum, qui de eleemosynis dictum, & ostiatim collectis, necessaria ad vitam sustentationem acquirunt, propterea,

qui se pauperes fingunt, tenentur eleemosynas acceptas restituere.

## C A P. I I I.

### *De exemptione Regularium à coactiva potestate Ordinariorum.*

1. Cum ex præcedentibus resolutionibus constet, Regulares à jurisdictione Ordinariorum exemptos esse, idcirco ratione delicti, sive contractus, vel rei, de qua contra ipsos agitur, conveniri, aut puniri ab eisdem nequaquam possunt, nec Constitutionem Innoc. IV. incip. Volentes de privileg. in 6. nec Decretum Trident. sess. 7. cap. 14. de reform. dictam exemptionem afficere certum est. Non obstat Constitutio, quia idem Innocentius in alia posteriori, quæ incipit: *Cum olim duxerimus*; apud Bull. Rom. tom. 1. declarat, Regulares fuisse, & esse exemptos ab illo onere comparendi coram Ordinariis in prædictis casibus, præfatumque caput Volentes nullum præjudicium eorum privilegiis asserre. Non Decretum Trident. innovans d. cap. Volentes; nam illud servari tantum jubet in ordine ad eos, qui exempti non sunt; cum specifica mentione illorum trium casuum, quod etiam constat ex Constitutione Sixti IV. incip. Regimini Universalis pro Minoribus, & ex Const. Sacri Prædicatorum, & Minorum, pro utrisque editis; & Maremagnum appellatis, quibus in hac parte dictæ Decretal. expressè derogat, tam pro civilibus causis, quam pro criminalibus.

2. Regulares non subditi Episcopo, qui intra Claustra Monasteriorum degunt, & extra ea notoriè ita deliquerint, ut populo scandalo sint, Episcopo instante, à suis Superioribus intra tempus ab Episcopo præfigendum, severe debent puniri, ac de punitione Episcopum certiores facere, sin minus à suis Superioribus officio debent privari, & delinquentes ab Episcopo puniri possunt; ita disponit Tridentinum Sess. 6. cap. 14. de reform. & Clemens VIII. edidit const. 39. quæ incipit Suscepti muneris apud Cherub. tom. 3. in qua sub pœna suæ indignationis, ac privationis omnium officiorum ipso facto incurrenda præcipit, & mandat omnibus Regularibus observantiam præfati Decreti.

3. Regulares extra Claustra degentes, ibique delinquentes, etiam si privilegiorum prætextu tuti censeantur, ab Ordinario loci, tamquam super hoc à Sede Apostolica Delegato secundum Canonicas Sanctiones visitari, puniri, & corrigi valent; prout idem Trident. sess. 6. cap. 3. decrevit, quod etiam procedit in Regularibus manentibus extra Claustra de licentia Superiorum, etiam in domo destinata ad erectionem Monasterii, seu Con-

Conventus, nisi in dicta domo sit regularis observantia; ut saltem vivat sub Superiore conventualiter; ex Decreto S. Cong. Concilii relato à Sperello decis. 38. n. 19. & 21, id tamen non verificatur in Regularibus degentibus in domo Parochiali Monasterio unita, & curam animarum exercentibus, qui ab Ordinario puniri non possunt, nisi delictum commissum dictam Curam, & Sacramentorum administrationem concernat; ut diximus superius cap. 1. de exempt. Regul. n. 16.

4. Ex dispositione præfata S. Congreg. Concilii, quam refert donatus in sua praxi tom. 1. part. 2. tract. 3. quest. 54. n. 11. Episcopus potest procedere ad summariam informationem de delicto commissio cum scandalo extra claustra à Regulari intra, ea degente, processus verò debet confici sine mora, eoque compilato, siue instante, siue non instante Superiore, ad eundem statim delinquens remittendus est, una cum his probationibus, quæ habentur, sed illud statim non phisicè, sed moraliter accipiendum est, videlicet, quod post unum, vel alterum diem remitti debeat; quod si ulterius detineatur non suspectus de fuga, vel in casu à jure non permisso, incurritur excommunicatio Canonis, juxta Gloss. in Clement. *Frequens de excess. Pralat. V. Capiunt*: ita docent Piafec. in praxi, part. 2. cap. 3. art. 6. n. 23. Sperell. decis. 38. n. 15. Panimol. decis. 84. adnot. 3. n. 6. Antonellus de reg. Eccles. lib. 7. cap. 18. n. 4 & alii.

5. Delinquentes in Monasteriis, seu Conventibus Regularium non

subiiciuntur pœnis ab Episcopo impositis, v.g. Episcopus Prænestinus su pœna excommunicationis latæ sententiæ prohibuit suis Clericis, ne, taxillis, vel aleis ludant, ludentes hi in aliquo Monasterio, seu Conventu Regularium, pœnam ab Episcopo impositam non incurrunt, nam locus ille exemptus est, & extra Episcopi jurisdictionem, ac territorium; ita, cum comm. Peyrinus tom. 1. de privil. Regul. ad Constitut. 2. Sixti IV. n. 9. Azorius tom. 1. inflit. moral. lib. 5. cap. 25. q. 4.

6. Regulares non possunt ab Ordinariis locorum excommunicari, suspendi, aut interdici, nisi à Sede Apostolica sit illis facultas expresse concessa, alias censuræ latæ non ligant; ex concessione Clementis IV. quæ habetur in comp. privil. Ord. Min. V. *Exemptio*, n. 9. quam confirmavit Sixtus IV. ut refertur in eod. comp. n. 23. & in Bull. Rom. tom. 1. in Const. incip. *Regimini*: Maremagnum nuncupata, expressus habetur; idque suffragatur in omnibus casibus, in quibus Regulares exemptione fruuntur; in dubiis vero recurrendum est ad Sedem Apostolicam pro declaratione, juxta Constitutionem Clementis X. quæ incipit: *Superna Patrisfamilias*: in Bull. Rom. tom. 5. Suspendi tamen possunt ab Episcopo Regulares Parochi, si ut dictum est supra n. 3. deliquerint in concernentibus curam animarum, & Sacramentorum administrationem, quia in his subiiciuntur Episcopo, sicut eidem subicitur, & ab eodem puniri potest Regularis, qui sine licentia in scriptis sui Superioris à Conventu recedens, alibi

alibi se confert, prout expresse habetur in Trident. *sess. 25. cap. 4. de Regul.*; nisi vexatus irreparabili gravamine recurat ad Superiorem, ut docent Peyrinus de *subdito quass. 1. cap. 20.* Lezana in *Summ. tom. 1. cap. 16. n. 8. & 18.* in casu enim tantæ necessitatis, vel præsumitur licentia Superioris, ad quem vult recurrere, vel jus naturæ dispensat, ut sine illa vadat.

7. Tunc dicitur, Ordinarios locorum habere à Sede Apostolica facultatem expressam, quando ab eadem ipsis specialiter committitur, ut contra Regulares exemptos procedant per censuras, vel pœnas, nam in tali casu possunt procedere tanquam ejusdem S. Sedis Delegati, nunquam enim Summus Pontifex aliquem ita eximit, quin possit per se, vel per suos Delegatos procedere; debent tamen bene examinari, ac ponderari litteræ Apostolicæ, & circumstantiæ, ne ultra limites facultatis concessæ procedatur.

8. Regularis exemptus à jure nominatim excommunicatus non potest ab Episcopo, vel ab alio Ordinario declarari pro tali, nisi in casibus, in quibus id specialiter sibi commissum est, quia declarare, seu denunciare in casu nostro, idem est ac excommunicare, cum hujusmodi denunciatio, vel declaratio ultimos effectus excommunicationis erga declaratum, seu denunciatum in utroque foro producat, & excommunicatio præcisa à declaratione, seu denunciatione imperfecta, & quasi inchoata existat; sed Episcopus nequit Regularem exemptum excommunicare, ergo

nec illum protali declarare, seu denunciare; denunciatio enim est actus judicialis prærequirens citationem, & causæ cognitionem, quæ spectant ad Ordinarium excommunicari, Episcopus revera non est Judex Ordinarius ipsius Regularis, sed est ejus Prælati; prout commun. D. D. docent *ex cap. Pastoralis 5. Verum, de Appellat. ex cap. Decernimus de judic. 1. Eccles. Prælati, & ex Trident. cap. 5. sess. 14. de reform.*

9. Ecclesiæ Regularium exemptorum non possunt interdictio supponi a locorum Ordinariis non habentibus à Sede Apostolica facultatem expressam, nisi in casibus à jure exceptis Curam animarum, Sacramentorum administrationem, Verbi Dei prædicationem, immunitatem Ecclesiasticam concernentibus; præterea si a populo aliquod delictum in eorum Ecclesiâ committeretur, tunc ratione scandali, & punitionis populi Ordinario subiecti, posset dicta Ecclesiâ interdictio ab eodem supponi, non obstantibus privilegiis exemptionis, quæ in hoc casu non controvertuntur ab Ordinario, cum ipse solum intendat populum sibi commissum punire, interdicendo Ecclesiâ; prout optime notavit Card. de Luca apud Petra *Comment. ad Const. 2. Anastasii IV. sess. 3. n. 14.*

10. Regulares exempti tenentur cum moderatione posita in *cap. Alma Mater.* Servare interdictum impositum à S. Sede, vel ab Ordinariis, etiamsi prætendatur esse nulliter latum, quando ab Ecclesiâ Matrice servatur; prout in *Clement. 1. de sensu excomm.* decernitur, idque sub pœna

ex.



excommunicationis! latæ sententiæ ibidem præcipitur; & in Trident. sess. 25. cap. 12. de Regul. habetur: *Censura, & interdicta, nedum à Sede Apostolica emanata, sed etiam ab Ordinariis promulgata, mandante Episcopo, à Regularibus in Ecclesiis publicentur, & servantur.*

11. Notandum tamen, quod licet per præfatum Decretum revocentur privilegia Regularibus ante Tridentinum concessa, ut possent ad tempus in Festis Sanctorum suorum Ordinum interdictum suspendere; noster autem Ordo Minorum privilegium specificum post Tridentinum obtinuit à Clemente VIII. in Bulla incip. *Sacra Seraphici B. Francisci Religionis*: quæ est 4. in Bull. Roder. ut possint ejusdem Fratres tempore

interdicti solemnî ritu, januis apertis, Campanarum pulsatione, & cum Laicorum admissione proprias Sanctorum festivitates celebrare. An autem cæteri Regulares per communicationem hoc privilegio fruuntur, affirmant Suarez, Portell. & Rodericus apud Pignatellum tom. 10. Consult. 1. n. 24. negant idem Pignatell. & Mattheuc. *Officil. quoad interdictum* n. 14.

12. Possunt proculdubio Regulares januis clausis ad Divina celebranda admittere Fratres, & Sores de Tertio Ordine; non tamen causam interdicto dantes, foventes, auxilium, consilium, aut favorem præstantes; ex concessione Leonis X. in Bulla incip. *Dum intra*: apud Cherub. tom. 1.

## C A P. IV.

### De Casibus, in quibus ex Tridentini Decretis Regulares subiciuntur Episcopis.

1. CUM Regularium exemptio in aliquibus casibus sit limitata à Concilio Tridentino, nec non à Constitutionibus Apostolicis, & præcipue à Gregorio XV. in Bulla incip. *Inscrutabili Dei providentia*: apud Cherub. tom. 4. idcirco aliqua loca ejusdem Concilii hanc exemptionem concernentia, & aliqua ad dictam Bullam spectantia, in hoc capite discutiuntur; & primo Regulares volentes libros Typis mandare, id nequeunt facere absque prævio examine, approbatione, & licentia Ordinariorum, & suorum

Superiorum ex Trident. sess. 4. in Decret. de edis. libror.

2. Regulares cujuscunque Ordinis, nisi à suis Superioribus de vita, moribus, scientia examinati, & approbati fuerint, ac de eorum licentia, etiam in Ecclesiis suorum Ordinum prædicare non possunt; cum qua licentia personaliter se coram Episcopis præsentare, & ab eis benedictionem petere tenentur, antequam prædicare incipiant, prædicare tamen possunt, quamvis illam non obtinuerint. In Ecclesiis vero, quæ suorum Ordinum non sunt, ultra licentiam

L I

suo-

suorum Superiorum, etiam Episcopi licentiam habere tenentur, siue qua in ipsis Ecclesiis non suorum Ordinum, necnon in illis suorum Ordinum, contradicente Episcopo, nullo modo prædicare possunt; ex Tridentino sess. 5. cap. 2. de ref. & sess. 24. cap. 4. de ref. & ex constit. Gregorii XV. supra citata, & Clementis X. incip. *Superna*: apud Cherub. tom. 5. In contrasfacientes necnon errores, scandala, vel hæreses in concionibus disseminantes possunt Episcopi, etiam censuris, ac juxta juris dispositionem procedere, ex cit. decret. Trident. sess. 5.

3. Quantum ad delicta, quæ à Regularibus extra Monasteria degentibus committuntur, vel cum intra Monasteria degunt, tamen extra ita notorie delinquant, ut populo scandalo sint; vide quæ dixi cap. præced. d. n. 1. & seqq. In causis autem civilibus mercedum, & miserabilium personarum Regulares quomodolibet exempti extra Monasterium degentes, idest, sine regulari observantia viventes, possunt coram locorum Ordinariis, tanquam ad hoc à Sede Apostolica delegatis, à creditoribus suis conveniri, & ad solvenda debita cogi, & compelli: ex Trident. sess. 7. cap. 14. de Regul. & ex Decreto S. Cong. ejusdem Concilii, quod refert Peyrinus tom. 1. de privil. Regul. ad constit. 2. Sixti IV. n. 30.

4. Sacra Congregatio Concilii die 15. Martii 1596. de mandato Clementis VIII. decrevit, Superiores Regulares posse suis subditis itidem Regularibus, qui prædicti qualitatibus requisitis, Ordines suscipere voluerint, litteras dimissorias concedere;

ad Episcopum tamen Diocesenum, nempe illius Monasterii, seu Conventus, in cujus familia ab iis, ad quos pertinet, ii Regulares positi fuerint. Et si Diocesanus abfuerit, vel non esset habiturus Ordinationes, ad quemcunque alium Episcopum, dum tamen ab eo Episcopo, qui Ordines contulerit, examinentur quoad doctrinam; & dum ipsi Regulares non distulerint de industria concessionem dimissoriarum in id tempus, quo Episcopus Diocesanus, vel abfuturus, vel nullas habiturus esset Ordinationes. Verum cum à Superioribus Regularibus, Episcopo Diocesano absente, vel Ordinationes non habente, litteræ dimissoriæ dabuntur, in eis utique hujusmodi causam absentis Diocesani Episcopi, vel ordinationum ab eo non habendarum exprimendam esse. Quod qui non fecerint, officii, & dignitatis, seu administrationis, ac vocis activæ, & passivæ privationis; ac alias arbitrio Papæ reservatas penas incurrant: ita refert Quaranta in summa Bullarii V. Ordo pag. 368. Sorbo in comp. privil. V. Ordines Sacri versus suum pag. 457. Naldus in summ. V. Ordo num. 26.

5. Post publicationem præfati decreti dubitare ceperunt aliqui Regulares, quid agendum esset, si Sedes Episcopalis vacaret, necnon si Regulares ordinandi morarentur in Monasterio nullius Diocesis, & cum consulta esset Sacra Congregatio Concilii Mense Decembri 1619. obtenta fuit responsio, si Sedes Episcopalis vacaret, ad alium quemcunque Episcopum dimissorias esse conceden-

das, si vero Regulares in Monasterio nullius Diacefis moram traherent, ad Episcopum viciniorum esse mittendos, servatis omnibus; quæ superius præscripta sunt. Nec est audiendus Pasfarinus tom. 1. in append. annot. ad d. Decret. asserens dictas pœnas non esse latæ sententiæ; nam Decretum procedit per verbum imperativum, *incurrant*, quod quidem pœnam latam, non ferendam importat, ultraquam quod reservatio ibi posita pœnam incursum, non incurrendam supponit; cum non sit reservabile, quod adhuc expectat declarationem, ut bene notat Monacellus part. 2. formul. 4. tit. 13. n. 27. idcirco Superiores Regulares caveant, ne præfatas pœnas incurrant.

6 Regulares ordinandi in dispensatione interdictorum subduntur Episcopis, nam licet ante Tridentinum ex multis privilegiis Apostolicis possint Superiores Regulares suos subditos super interdictis dispensare, ea tamen privilegia ab eodem Tridentino Sess. 23. cap. 13. revocata fuerunt, quod etiam constat ex Decreto S. Cong. ejusdem Concilii relatum à Piafec. in sua praxi part. 1. cap. 1. art. 9. n. 8. quapropter dicti Superiores possunt solum supplicare, & necessitatem hujusmodi dispensationis Episcopis exponere. Ordinari tamen proculdubio possunt extra tempora à jure statuta, ex privilegiis post Tridentinum Regularibus concessis, præsertim Gregorii XIII. in Bulla incip. *Pium*: in Bull. Cherub. tom. 2. Urbani VIII. in Bulla incip. *Cum sicut* in eod. Bull. tom. 4. aliorumque Summorum Pontificum; & novissime in

Concilio Romano in Basilica Lateranensi anno 1725. celebrato à Benedicto Papa XIII. præfata privilegia confirmata, ac innovata fuerunt.

7. Pro audiendis Sæcularium Confessionibus Regulares subduntur Episcopis, à quibus per examen, si illis videbitur necessarium, approbationem debent obtinere, etiamsi sint Lectores, & Magistri in Theologia; ut constat ex Tridentino Sess. 23. cap. 15. de Reform. & ex Const. Gregorii XV. incip. *Inscrutabili*. Bullar. tom. 3. & Urbani VIII. Const. incip. *Cum sicut accepimus*; Bull. tom. 4. nonnō Innocentii X. Const. *Cum sicut*: tom. 4. aliorumque Summorum Pontificum, ubi revocantur quæcumque facultates ad audiendas Sæcularium Confessiones Regularibus concessæ, ita ut nullis, siue Superioribus. siue subditis, siue S. Theologiz Lectoribus, aut Magistris, etiam Societatis Jesu, ad id sine Episcopi approbatione suffragari possint; nec sufficit se Episcopo præsentare, sed necesse est ab eo approbationem obtinere, prout constat ex propositione 13. inter damnatas ab Alexandro VII. in primo Decreto anno 1665. edito.

8. Ex dictis; & ex Const. Clementis X. quæ incipit *Superna*; patet revocatum manere privilegium concessum in Clement. *Dudum de Sepult.* §. *statuimus*. Ord. Prædicat. & Min. Sacerdotibus à suis Superioribus electis, & Episcopis dumtaxat præsentatis absque eorum approbatione audiendi libere; & licite sæcularium Confessiones: necnon reprobata esse opinionem asserentem, Regulares in una Diacefi approbatos posse in

Ll a — alia

alia Diœcesis sine approbatione Episcopi Diœcesani sœcularium Confessiones audire, etiamsi pœnitentes essent subditi illius Episcopi, à quo approbati fuerunt.

9. Regulares, qui in examine pro audiendis Confessionibus parum idonei ab Ordinariis reperiuntur, possunt probari, & admitti ab eisdem cum limitata facultate; illi autem, qui generaliter idonei reperti fuerint, idest, qui prudentia, vitæ integritate, experientia, ac doctrina conspiciuntur, ab Episcopis generaliter quoque, & indistincte absque aliqua limitatione temporis, certorumve locorum, aut generis personarum in Diœcesi propria admitti debent, nec possunt ita simpliciter approbati ab eodem Episcopo iterum examinari, nisi nova causa supervenerit, quam tamen non tenetur Episcopus ipsis Regularibus significare. Approbati autem absque limitatione præfata à Vicario Generali, possunt iterum examinari ab Episcopo, sicut approbati ab antecessoribus Episcopis possunt à Successore ad examen vocari, suspendi, vel repelli, cum inhabiles reperti fuerint, nullatenus tamen potest Episcopus omnibus simul unius Conventus Regularibus Confessariis audiendi confessiones facultatem adimere; prout Clemens X. in sæpe citata sua Const. *Superna*: decrevit.

10. Regulares instituti Confessarii à suis Superioribus pro audiendis Confessionibus suorum Confratrum possunt absque prævia approbatione Episcopi excipere Confessiones illorum Sæcularium, qui in eorum Con-

ventibus, seu Collegiis sunt de familia, & continui commensales, non autem illorum, qui ipsi tantum deserviunt, idest, qui in Monasterio, seu Collegio domicilium non contraxerunt, sed annuo salario servitium præstant, nam istos, & quoscunque alios Sæculares neque à venialibus, neque à mortalibus alias rite confessis absque Episcopi approbatione absolvere possunt: ita decernitur ab eadem Clement. citata, & à S. Cong. Concilii de mandato s. m. Innoc. XI.

11. Præterea Confessarii Regulares in vim Bullæ Cruciatæ, aut tempore Jubilæi à pœnitentibus electi ad audiendas eorum Confessiones Sacramentales, nullatenus Confessiones huiusmodi audire valent sine approbatione Ordinarii, & Episcopi Diœcesani loci, in quo ipsi pœnitentes degunt, & Confessarios eligunt, vel ad excipiendas Confessiones requirunt, nec ad hoc illis suffragatur approbatio semel, vel pluries ab aliis Ordinariis aliorum locorum, & Diœcesum obtenta, etiamsi pœnitentes illorum Ordinariorum, qui Confessarios electos approbarunt, subditi sint; prout decrevit Innocentius XII. in sua Const. incip. *Cum scitis*: apud Cherub. tom. 5.

12. Requiritur pariter approbatio Ordinarii loci in Confessario Regulari Monialium etiam subditarum, nec approbatus pro uno Monasterio censetur approbatus pro alio; Confessarii quoque extraordinarii semel deputati, & approbati ab Episcopo ad Monialium Confessiones pro una vice audiendas, non possunt; exple-

ta deputatione, in vim approbationis hujusmodi illarum Confessiones audire, sed toties ab Episcopo debent approbari, quoties casus deputationis contingerit: ex præcit. Const. *Superna*.

13. Regulares, etiam Monachi exceptis iis, qui in strictiori clausura perperua vivunt, & qui in Collegiis studiis, & lectionibus vacant, necnon qui speciale habent privilegium tenentur accedere ad processiones publicas; ut constat ex Bulla 22. Leonis X. incip. *Dum intra Bullar. tom. 1. & ex Tridentino Sess. 25. cap. 13. de Regul.* immo compelli possunt ab Ordinariis, cum moderatione tamen, nam Gregorii XIII. decrevit, Regulares Monasterii, seu Conventus ultra medium milliare à Civitatibus, vel locis distantibus non posse ab Episcopis compelli accedere ad processiones, quæ intra Civitatem, vel locum habentur, nisi vigeat consuetudo in contrarium legitime introducta; quæ proculdubio servanda est ex Decretis S. Cong. Concil. apud Piassec. in *praxi part. 2. cap. 3. art. 6. d. v. 51. & apud Monacell. in Formul. p. 1. formul. 7. n. 30.* Processiones publicæ sunt illæ, quæ fiunt in die Sanctiss. Corporis Christi, in Litanis majoribus, in Rogationibus, ad impetrandam pacem inter Principes cristianos, ad obtinendam Vittoriam supra infideles, pro electione Summi Pontificis, ad placandum Deum occasione pestis, famis, belli, sterilitatis, terremotus; & quæcunque alitè pro bono, causa, & honore publico ab Episcopis indictæ; ad alias vero non pro bono publico indictas accedere non tenentur; prout in

Congreg. particulari de Ordine Urbani VIII. celebrata sub die 27. Julii 1628. & 21. Augusti, necnon 19. Septembris ejusdem anni fuit dispositum, ut refert Pignatell. *tom. 1. consulti. 121.*

14. Nequeunt Regulares processiones privatas extra Claustra facere absque licentia Episcopi, nisi sit consuetudo in contrarium, & præscripta, quia in tali casu, petita licentia licet non obtenta, possunt eas facere, etiam deferendo Pluviale: ex Decreto S. R. Cong. quod refert Monacell. cit. *num. 26. & 27.* Possunt de licentia Ordinarii Imaginem B. M. V. deferre cum Baldachino, & intorticiis: ex alio ejusdem S. Cong. decreto apud Ploc. Nicol. *V. processio num. 9.*; atque de ejusdem Ordinarii assensu Imagines, & Sanctorum Statuæ sine Baldachino deferri possunt: Non possunt tamen ab Episcopis impediri Regulares, quin publicas processiones faciant infra Octavam Sanctiss. Corporis Christi, ut diximus supra *Cap. 2. num. 6. præf. tract.*

15. Licet nonnulli DD. relati à Barbosa in *cap. 13. Sess. 25. Concilii Tridentini* asserant, Episcopum posse per censuras punire Regulares nolentes accedere ad processiones publicas ab eodem pro bono publico indictas, sententia tamen opposita est probabilior, quam sustinent Henriquez *lib. 7. cap. 25. §. 7.* Roder. in *sum. tom. 1. cap. 34. n. 4.* Sanchez de Matrim *lib. 7. disput. 33. n. 23.* Moronus *Respons. 12. num. 17.* Cæspedes de exemp. Regul. quoad processiones *cap. 11. dub. 217.* ratio est, quia Tridentinum *loc. cit.* solum dicit, quod

Re;

Regulares vocati personaliter ad processiones publicas accedere compellantur, & nihil loquitur de compulso per censuras, quæ, quando vult, ut possint in Regulares fulminari, expresse de eis mentionem facit, & tribuit Episcopis facultatem procedendi per easdem contra exemptos; prout *Sess. 22. de observand. & visitand. in Missar. celebras.* contra Regulares celebrantes in domibus privatis, & omnino extra Ecclesiam; & *Sess. 25. de Regul. & Monial. cap. 5.* contra Moniales rebelles, & inobedientes circa observantiam clausuræ, dicta facultas Episcopis conceditur, ergo aliis pœnis uti debet Episcopus ad Regulares compellendos, ut ad processiones accedant, v. g. privare eosdem facultatibus Confessiones audiendi, Verbum Dei prædicandi, & similibus. Vide dicta superius *cap. 3. n. 6. & 7.* Advertendum tamen, quod Regulares, qui ex privilegio, vel consuetudine legitime introducti non tenentur ad processiones accedere, etiam si sæpius ex devotione, vel alio religioso motivo accessissent, non propterea ad id possent ab Episcopo compelli, cum ex hoc nullum jus contra illos acquiratur ita Quaranta in summ. Bullar. V. *Præcedentia.* Lezana tom. 1. *cap. 9. n. 47. Moronus respons. 12. n. 30. & alii.*

16. Regulares sine licentia Episcopi prohibentur sub mortali accedere ad Crates ad colloquendum cum Monialibus, etiam subiectis; Confessariis quoque Monialium sub pœna excommunicationis, privationis vocis activæ, & passivæ, omniumque officio-

rum, & inhabilitationis ad alia esse prohibitum pernoctare apud Monasteria intra mœnia Civitatis existentia, quin prius iudicium Episcopi super distantia Conventus à Monasterio proferatur, ab eoque cognoscatur, & approbetur distantia necessaria inter mansionem pro usu Confessarii, & Monialium Monasterium, à quo non solum per parietes, sed etiam per tecta debet esse distincta, & separata; ut patet ex Const. 156. Alexandri VII. quæ incipit: *Felici.* Bullar. tom. 5.

17. Non licet Regularibus, etiam in propriis Ecclesiis: Sanctissimum Eucharistiæ Sacramentum publice adorandum exporere, nisi ex causa publica, quæ probata sit ab Ordinario; ex causa autem privata possunt, dummodo SS. Sacramentum & Tabernaculo non extrahatur, sed velatum remaneat, ita ut ipsa Hostia videri non possit: ex Decreto S. R. C. die 10. Decembris 1602. edito, quod referunt Nicol. V. *Eucharistia* n. 32. & Fagnan. in 1. *ad cap. Grave de offic. Ordin. n. 77.* Pro personis privatis ritus est, ut exponatur in Ostiolo Tabernaculi, vel in Pixide velata, cum luminibus, & assistentia, quod etiam firmavit S. Cong. Episcop. 7. Septembris 1598 apud Gavant. Manual. V. *Eucharistia*, n. 54. Quantum ad Sacras Imagines, & Reliquias ponendas, exponendasve in Ecclesiis Regularium, id nequit fieri absque Episcopi approbatione: ex Tridentino *sess. 25. in Decret. de invocat. Venerat. & reliq. expof.*

18. Regulares, qui manifeste in personam Ordinariorum delinquant,

cx

ex cap. *Romana de panis* in 6. vel Prælatorum jurisdictionem competentem impediunt, ne munus suum exequantur, possunt ab Ordinariis legitime coerceri, & puniri, ex cap. *Quia de offic. deleg.* & ex Decret. S. Cong. Concil. quod & Gregorius XIII. approbavit.

19. Episcopis qui in Ecclesiis Regularium tam ex consuetudine, & privilegio, quam ex Sacrorum Canonum Constitutionibus; & Pontificalis Romani præscripto, aut alio jure Pontificalia exercere, aut Pontificalibus paramentis cum Mitra, vel etiam cum sola Cappa interesse possunt, tenentur ipsi Regulares Baldachinum attollere; ex Decreto Clementis VIII. quod incipit, *Decet*: die 10. Junii 1603 edito, & à Pignatello tom. 10. consult. 106. n. 30. relato; quod si Regulares indebite resistant, vel negligant, possunt ab Episcopis per censuras, aliasve pœnas Ecclesiasticas puniri: *ibidem*.

20. Possunt Episcopi in Ecclesiis Regularium absque eorum licentia, etiam in Pontificalibus celebrare, benedicere populo, audire Divina Officia, & in sua præsentia facere celebrare; cum hujusmodi actiones honorem, reverentiam, & præminentiam Episcopis debitam, non autem jurisdictionem, & superioritatem respiciant, nec propterea exemptionum privilegia violantur: ut habetur in terminis Clement. *Archiepisc. de privileg.* & notatur à Fagnano in 1. ad cap. *Quia nos de auctorit. & usu pallii* n. 13. Nequeunt tamen, in vitis Regularibus, exercere functiones Pontificales, quæ habent mixtam

considerationem honoris, & jurisdictionis; ut Ordines conferre, Indulgentias concedere, degradare, baptizare, & similia; quia hæc in litteris non exprimuntur; nisi Ecclesia sit Parrochialis: ut constat ex cap. *Quoniam de sent. excommun. in 6.* & ex Decreto S. Cong. Concil. in una *Brixien.* 9. Junii 1657. edito.

21. Quamvis Episcopi nequeunt Regulares ad coram se comparandum citare, cum non sint eorum Judices competentes, ac propterea, si eos citaverint hujusmodi citatio ipso jure erit nulla, nihilominus tamen, si in citatione exprimaturs causa, quæ fundet super Regulares jurisdictionem vel per Constitutiones Apostolicas, aut per Concilia Episcopis attributam, tenebuntur in tali casu comparere, etiam in dubio, an ad comparandum teneantur, necnè, nam ex reverentia Episcopis debita comparere semper decet, & convenit, & tunc sua privilegia ostendere, & rationes poterunt allegare: ut docent Henriquez lib. 7. de *Indulg. cap. 25. n. 6. & 8.* Armilla v. *exemptio* n. 1. in fine, Peyrinus de privil. Regul. tom. 3. in additam. ad *Const. Sixti IV. n. 5. & alii*.

22. Regulares non subduntur Episcopo Diocesano quoad Sacramentum Confirmationis suscipiendum, idcirco quilibet Episcopus potest eosdem confirmare, nec Episcopus Diocesanus valet id impedire, vel cogere, ut Regulares pro Confirmatione suscipienda ad ipsum accedant, cum possint illam suscipere ab Episcopo, etiam alieno, à quo cum debitis dimissionis, aliisque requisitis sunt Ordinandi.

dines suscepturi, ita plures D.D. quos citat, & sequitur Diana part. 3. tract. de Sacram. Confirm. resol. 20. Cespedes tract. de exempt. Regul. quoad varia cap. 24. dub. 358.

23. Ad extrahendum Reum ab Ecclesia Regularium in casibus, in quibus non gaudet immunitate, non sufficit Prælati Regularis licentia,

sed requiritur Episcopi facultas, prout decrevit Gregorius XIV. in sua Constit. 7. incip. Cum alias: apud Cherub. tom. 2. etiam ad extrahendum corpus occisi ad finem capiendi informationes delicti, dum corpus est in Ecclesia Regularium sepultum, ad Episcopum, non ad Prælatum Regularem spectat dare talem facultatem.

## C A P. V.

### De exemptione Tertiariorum à jurisdictione Ordinarii.

I. S Eraphicus P. N. S. Franciscus fuit primus omnium, qui Tertiarios, seu Fratres, ac Sorores de præsentia instituit, & anno 1221. Regulam eisdem descripsit his verbis: *Si qui voluerint hanc vitam observare*: quæ habetur per extensum in Const. 2. Nicolai IV. incip. *Supra montem*: apud Cherubin. tom. 1. Postmodum autem S. P. Dominicus eidem S. P. Francisco magna charitate conjunctus fortè ad ipsius imitationem tertium Ordinem etiam instituit, ut refert D. Anton. in 3. p. biflor. Augustiniani pariter, Carmelitæ, Servitæ, alique Mendicantes suos Tertiarios, & Tertiarias habent ut videre licet in compend. privil. Menditant. v. *Tertiarii in annotation. Corduba in fine*, & in tom. 3. q. 9. Regul. Roderici, q. 72. art. 2. & 3. Quia vero dictorum Tertiariorum varii sunt status, idcirco ad sex genera revocati, in sequentibus resolutionibus distinctè recensentur, ut manifestè

appareat, quinam eorum ab Ordinarii jurisdictione sint exempti.

2. Tertiarii primi generis sunt illi, qui in Religione viventes, & tria vota essentialia solemniter emittentes sub Prælatorum obedientia manent; quibus Leo X. in sua Const. 42. incip. *Inter cætera* apud Cherub. tom. 1. Regulam S. P. N. Francisci aptavit, & accommodavit, & quos postea S. Pius V. in sua const. 63. incip. *Ea est Officii*: apud eundem Cherub. tom. 2. reformavit, ac Generali, & Provincialibus Ordinis Minorum de Observantia subjecit, licet postea hanc Pii Constitutionem moderavit Sixtus V. in Bulla 28. incip. *Romani Pontificis* in Bullario tom. 2. de quibus Casarub. in comp. privil. v. *Tertiarii n. 24.* & Peyrinus tom. 1. privileg. in Const. 4. Sixti IV. § 7. n. 31. Hi proculdubio, cum tria Vota Religionis essentialia emittant, & sub Prælatorum obedientia vivant, verè, & propriè Religiosi sunt, prout præ-



præfati Summi Pontifices in relatis Constitutionibus declararunt, ac propterea ab Episcoporum iurisdictione sunt exempti, privilegio Canonis, & fori, sicut cæteri Regulares, fruuntur, habentque multa privilegia, quæ Clemens VIII. in sua Const. 51. incip. *Ratio Pastoralis Officii*: apud Cherub. tom. 3. confirmavit & innovavit: prout iidem Casarub. & Peyrinus in loc. cit. tradunt. Ad hos reducuntur Tertiariæ, quæ tribus votis essentialibus emissis, sub clausura vivunt.

3. Tertiarii secundi generis sunt illi, qui in Conventibus habitant, Regulam tertii Ordinis sub mortali non obligantem profitentur, habitumque Religionis sine caputio deferunt; & quamvis propriè Religiosi non sint, eo quod votis essentialibus non sint stricti, nec sint personæ Ecclesiasticæ nisi secundum quid, privilegiis tamen Regularium, quibus inserviunt, fruuntur, ex concessione Leonis X. in sua Bulla 22. quæ incip. *Dum intra mentis arcana*: apud Cherub. tom. 1. quam postea plures Summi Pontifices, præcipuè Clemens VIII. in cit. Const. *Ratio Pastoralis Officii*, confirmarunt, & innovarunt. Idem dicendum de Tertiariis inservientibus in Monasteriis Monialium Superioribus Regularibus subjectarum, dummodo ipsi sub obedientia, Visitatione, & correctione eorundem Superiorum Regularium maneant; ex privilegio Nicolai V. in Bulla incip. *Et si Cunctarum*: apud Joan. Baptist. Consecr. pag. 35.

4. Tertii generis sunt Mulieres, quæ virginalem, seu cœlibem, vel

castam vidualem simplici voto expresso, sub dicto habitu vitam ducunt, ac in Congregatione, aut etiam in Consanguineorum, & Affinilium suorum, vel propriis domibus, aut seorsum habitant; & quamvis vere Religiosæ non sint, cum tria Vota Religionis essentialia non emittant, gaudent tamen omnibus privilegiis, indulgentiis, & exemptionibus, quibus Fratres Ordinis, cujus tertix Regulæ habitum gestant, fruuntur: videlicet, possunt sibi ubique sepulturam eligere; ab Ordinarii iurisdictione exemptæ remanent; unde conveniri non possunt, nisi coram Iudice Conservatore illius Religionis, cujus habitum induunt; sunt etiam exemptæ à Laica potestate, gaudent quoque privilegio Canonis: Si quis suadente: annumerantur enim quoad hoc personis Ecclesiasticis, nam se Deo consecrarunt per expressum simplex Castitatis votum, & propositum observandi Regulam de tertio Ordine à S. Sede approbatam, in habitu susceperunt à Superioribus Regularibus, vel eorum Delegatis ad id autoritate Apostolica suffultis, sub quorum obedientia, visitatione, & Correctione vivere tenentur; possunt etiam admitti ad Divina Officia audienda in Ecclesiis suorum, Ordinum tempore interdicti, exceptis causam interdicti dantibus, nutrientibus, foventibus, & auxilium, favorem, vel consilium præstantibus. Non valent tamen sibi Confessarium eligere, nisi ex approbato à Ordinario, neque adimplere præceptum Paschale, nisi in propria Parochia: ut patet ex Constitutionibus Apostolicis

M m licia

licis Nicolai IV. incip. *Supra Montem*: Leonis X. incip. *Dum intra*: apud Cherub. tom. 1. & ex Decretis SS. Cong. Concilii, & Episcop. & Regul. necnon Immunitatis relatis 2. Piafec. in praxi part. 2. cap. 3. art. 7. n. 13. Monacello formul. 14. p. 1. tit. 6. n. 1. Fagnan. in 2. ad cap. nullus de foro compet. n. 71. Mattheuc. Official. quoad Tertiarios: cap. 52. d. num. 1.

5. Tertiarii, & Tertiariæ quarti generis sunt illi viri, qui collegialiter non vivunt, necnon Mulieres sive conjugatæ, sive liberæ, quæ, castitatis voto non emissæ, formam vivendi, ac Regulam à S. Sede approbatam opera nostra suscipiunt, & quoad ejusdem Regulæ observantiam directioni nostri Ordinis Regulari ex Apostolico præscripto legitime subsunt, & in propriis domibus habitant. Hi enim privilegiis, & exemptionibus præfatis minime gaudent, ut patet ex Const. Leonis X. incip. *Dum intra*: & ex pluribus S. Cong. Decretis; idcirco Episcopali jurisdictioni, ac potestati Laicali sunt subiecti, ita quod coram Judice Ecclesiastico, vel Sæculari, & non coram Prælati Regularibus, vel eorum Conservatoribus quoad illorum personas, & bona propria conveniendi sunt; ad onera quoque Laicis debita tenentur, ita ut nec fori, nec Canonis privilegio fruuntur, prout cum multis docet Mattheuc. Official. quoad Tertiarios cap. 52. n. 4. Possunt tamen sibi eligere sepulturam ubi voluerint, & tempore interdicti in Ecclesiis suorum Ordinum admitti ad Divina audienda, nisi causam inter-

dicto dederint, nutrierint, foverint, vel auxilium, consilium, aut favorem præstiterint; ut constat ex præfata Const. Leonis X. Possunt pariter qui ad horas Canonicas tenentur, eodem uti Breviario, quo Fratres Minores utuntur; ex concessione Pauli III. in Bulla incip. *Ad fructus uberes*: quæ habetur in Directorio trium Ordinum; & ex Decreto S. Cong. Rituum die 7. Augusti 1694. edito, & refertur in Rubr. particul. nostri Breviarii tit. 12. n. 142. Gaudent præterea omnibus indulgentiis à Paulo V. Regularibus concessis in sua Const. 21. incip. *Romanus Pontifex*: apud Cherub. tom. 3. prout docent Roder. tom. 3. quæst. 73. art. 2. Miranda tom. 1. quæst. 36. art. 4. Portell. V. Tertiarii n. 3. Bordonus tom. 2. resol. 72. n. 10. & resol. 75. n. 53. & alii.

6. Ex dictis in præcedenti resolutione non inferitur, quod Episcopus possit visitare Congregationem tertii Ordinis, ut sic: cum habeat suum Visitatorem à Superioribus ejus Religionis, cujus habitum Tertiarii gerunt, deputatum; nam aliud est Fratres, & Sorores ratione suarum personarum esse subiectas jurisdictioni Episcopali quoad Sacramenta, & alia jura Ecclesiastica; aliud est visitari ratione bonorum, & jurium ipsiusmet Congregationis, & Regulæ, quod quia tangit statum Regularem, idcirco ad Prælatos Regulares id spectat: ex concessione Nicolai III. in Bulla 60. relata à Vadingo tom. 2. in Regesto, & docet Bordonus tom. 2. resol. 75. n. 68. & alii.

7. Tertiarii quinti generis sunt qui-

quidam Eremitæ in communitate non viventes, huc illuc discurrentes; ad arbitrium suum locum mutantes, Regulam tertii Ordinis nec observantes, nec profitentes, Castitatem non voventes, nullum Superiorem, vel visitatorem, aut correctorem Regularem agnoscetes, propria auctoritate habitum assumentes, vel ab aliquibus Regularibus non servatæ forma ad id requisita recipientes; isti, ait Casarubius in *comp. privil.* sunt valde temerarii, nec sunt Tertiarii S. Francisci, ac propterea nullo privilegio Fratrum Minorum, vel Tertiariorum gaudent, nec sub eorum jurisdictione existunt.

8. Sexti, & ultimi generis sunt Mulieres Tertiariæ, quæ tria vota essentialia non emittunt, nec servare Castitatem vovent, nubere possunt, si velint, in Congregatione tamen vitam ducere præsumunt, Regulamque tertii Ordinis alicujus Religionis profitentur; istæ proculdubio omnimodæ curæ, & jurisdictioni Episcopali sunt, & esse debent subiectæ, prout constat ex Decreto S. Cong. in *hæc Pistorien.* die 20. Decembris 1616. edito, quod referunt Gavant. in *Manual. V. Tertiaria* n. 2. & 9. Pax Jordan. tom. 2. *elucubrat. divers. lib.* 7. n. 14. Barboza in *summ. Bullar. V. Tertiaria*. Quinimmo S. Pius V. in sua Const. 8. incip. *Circa Pastoralis*: apud Cherub. tom. 2. decrevit, ut in futurum Episcopi non permitterent diâis Tertiariis, quæ Castitatis votum non emittunt, atque adeo nubere possunt, vitam in communitate traducere, & ut Regulares nullam prorsus sic vivere volentem in suum

Ordinem, Religionem, seu Congregationem recipiant; quod si secus egerint, illarum receptiones, & professiones irritas, & nullas esse declaravit; quapropter hujusmodi Tertiariæ absque Castitatis voto in communitate viventes, licet Regulam tertii Ordinis profiteantur, nullo prorsus privilegio potiuntur.

9. Licet S. Pius in præfata Constitutione non distinguat de Tertiariis Mulieribus in Congregatione cum Voto simplici castitatis, vel sine ipso viventibus, sed solum loquatur de Voto solemnî & ubi lex non distinguit, nec nos distinguere debeamus; verum quando ratio nos inducit ad distinguendum, utique distinguere debemus; in proposito autem ratio nos movet ad distinguendum de Tertiariis in Congregatione viventibus cum voto expresso simplici castitatis & de illis, quæ in Congregatione, forsân vivunt absque ullo voto, nam primæ revera non includuntur in Constitutione præfata S. Pii V. ut patet ex alia Const. Leonis X. citata supra n. 4. ex qua rectè deducitur, quod dum Leo expressit, Mulieres virginitatem, seu castitatem simpliciter voventes, dicendo: etiam in consanguineorum, & affinium suorum, aut propriis domibus manentes, privilegiis supra n. 4. relatis gaudere, supposuit à fortiori easdem cum eo voto in Congregatione viventes præfatis privilegiis pariter frui; quod expressè S. Cong. in Decreto relato n. præcedenti declaravit.

10. Tertiarii, & Tertiariæ secundæ, & tertii generis ut supra n. 3. & 4. cum à jurisdictione Ordinarii, &

M m 2

à po:

à potestate seculari exempti sint, idcirco jurisdictioni Superiorum Regularium, præcipue Ordinis Minorum, in aliquibus subiiciuntur, & tenentur saltem sub veniali subire correctionem, aut mortificationem sibi factam à Visitatore per Generalem, vel Provincialem deputato, dum coram ipso interpellantur pro aliqua transgressione Regulæ, per quam subditi facti sunt: *Dixi saltem sub veniali*, quia, dicti Prælati Regulares possunt ex iusta causa eis aliquod sub censuris præcipere, & tunc resistentes, & contumaces peccant etiam mortaliter non ratione voti obedientiæ, quod non emittunt, sed ratione contemptus, & contumaciæ; nam in Bulla præfati Nicolai IV. incip. *Apostolica Sedes*: conceditur nostro Ministro Generali, ejusdemque delegatis facultas visitandi, corrigendi, incarcerandi, & puniendi Tertiarios, & Tertiarias delinquentes, tam in propriis domibus degentes, quam in communitate viventes, etiam sub censuris Ecclesiasticis, & invocato brachii secularis auxilio, si opus fuerit: ita Bordonus tom. 2. consil. Regul. resol. 75. n. 37. Cand. Bergomen. tract. 4. cap. 12. de exempt. tertiar. resol. 31. & alii.

11. Tertiarii, & Tertiariæ quartii generis, ut supra n. 5. subiiciuntur etiam directioni, & gubernationi Superiorum Ordinis, cujus sunt Tertiarii, non quidem propter jurisdictionem, quam in ipsos habeant, cum sint seculares, sed ob curam spiritualem, & diligentiam specialem, quam de salute illorum spirituali tenentur habere, cum sint aliquo modo membra illius Religionis, cujus

habitum deferunt, ut ait Casarubius in Compen. privil. Mendicant. V. Tertiarii n. 24. §. quoad primum gradum; Miranda in Manual. tom. 1. q. 36. art. 1. Idcirco nequeunt illos punire incarcerando, excommunicando, vel aliis pœnis afficiendo; possunt dumtaxat eos habitu privare, & à Tertiiorum aggregatione, ac libro delere, si scandolosi, discoli, vel incorrigibiles fuerint; quamvis non peccant, si præfatis Superioribus obedire nolint; ut ait Portell. in dub. Regul. V. Tertiarii n. 6. Roder. tom. 3. q. 69. art. 1.

12. Prædicti Tertiarii, & Tertiariæ in propriis domibus habitantes possunt ad instar modi, qui communiter in Confraternitatibus observantur, habere veluti Superiores aliquos, sive aliquas ex seipsis, ut ad convocandum, vel corrigendum eosdem, curam habeant, id enim rationi, ac intentioni Summorum Pontificum, hunc modum vivendi approbantium, conveniens videtur: ut ait Casarubius in cit. comp. ut supra. Hi autem vocantur à Nicolao IV. in Bulla *Supra Montem*: relata superius n. 4. pro Tertiariis Minoritis Ministri, & Ministræ; pro Dominicanis Magistri, sive Directores, respectu virorum; & Priorissæ, sive Subpriorissæ respectu Mulierum; & à Martino V. in Bulla incip. *Sedis Apostolica* apud Cherub. tom. 1. pro Tertiariis Servitarum correctores, Subcorrectores seu Vicarii respectu Virorum; & Priorissæ respectu Mulierum. Qui Superiores ab eisdem Tertiariis eligi, & nominari debent, vel saltem à Superioribus Religionum, cum consilio

tamen ipsorum Tertiariorum, vel Tertiariarum, prout rationi, & æquitati congruum est: ut docent Lezana tom. 2. cap. 14. n. 42. Cand. Bergom. tract. 4. cap. 12. resol. 33.

13. Quamvis ex vi Regulæ tertii Ordinis ad Ministrum ipsorum Tertiariorum, & Ministram Tertiariarum cum consilio aliquorum discretorum Fratrum, vel Sororum discretarum spectabat tam recipere ad habitum, quam ad professionem Fratres, ac Sorores; modo tamen id facere eis non licet, sed est necessaria licentia expressa Superiorum majorum Ordinis, cujus tertiam Regulam profitentur, nec amplius requiritur licentia Ordinarii; prout constat ex Decretis Summorum Pontificum Innocentii IV. Sixti IV. Eugenii IV. Martini V. & aliorum, quos refert Lezana in Summa cap. 14. n. 8. in quibus hujusmodi facultas expressè tribuitur Prælati prædictis, aliisque ab ipsis deputandis (privative quoad quoscunque alios) à quibus non debent admitti Tertiarum, aut Tertiariarum, nisi fuerint probatæ vitæ, & exemplares, & nisi Tertiariæ tertii generis, ut supra n. 4. habeant de proprio, unde sufficienter vivere possint. Reliquæ vero qualitates præscriptæ à S. Cong. Episcop. & Regul. in suo Decreto die 20. Decembris 1616. edito, quod refert Mattheuc. Official. quoad Tertiarios cap. 58. n. 3. videlicet, quod Mulieres admittendæ, ad habitum tertii Ordinis sint annorum 40. quod non habitent cum aliis viris, nisi cum Contingentibus, vel affinis in primo tantum gradu; quod ab Ordinario loci licentia sit prius

impetrata; & quod in habitu deferendo omnino abstineant à velo supra caput, à pectorali, vulgò *Sottogola*, & à patientia; quamvis sint optimæ, ob defectum tamen illarum non redditur invalida ipsarum receptio, vel professio, cum in præfato Decreto non apponatur clausula irritatoria, nec dicat S. Cong. non possint admitti, sed solum; non admittantur; ut bene notat Lezana ut supra n. 40. Cand. Bergom. tract. 4. cap. 12. resol. 33. Bordon. tom. 2. consil. reguli resol. 56. n. 106. & 108. & resol. 57. n. 60.

14. Prædictæ Tertiariæ votum castitatis emittentes, quæ sunt tertii generis, ut supra n. 4. non solum gaudent privilegiis Regularium, quorum habitum gestant, ac Regulam tertii Ordinis profitentur, quoad personas; verum etiam quoad suas Domos, Oratoria, Capellas, & Ecclesias, si quas habent, à jurisdictione Ordinarii sunt exemptæ; nec possunt dictis privilegiis renunciare sine Summi Pontificis licentia, ac consensu Capituli generalis. Unde hujusmodi Tertiariæ, quæ cum facultate Episcopi Ecclesiam, Oratorium, vel Capellam ædificant, sed sub conditione, ut ipsi, ac Parocho subint, adhuc post constructionem ab utriusque jurisdictione exempta remanent; nam lex illa conditionalis facultati ædificandi adjecta, juri privilegiorum repugnat, & quæ adeo impossibilis debet censi, & per consequens ac si adjecta non esset. Ultraquam quod tam Episcopi, quam Parocho, qui in loca, vel personas Tertiariarum exemptorum jurisdictionem habere prætendunt, pœnas contra vio-

lan-

lantes privilegia exemptorum impositas, de quibus infra dicetur, incurrun: Chochier. *tom. 2. de jurisd. in exempt. part. 2. q. 123.* Cespedes *de exempt. Regu. cap. 1. dub. 22. & alii.* Ad fruendum tamen præfatis privilegiis, tenentur hujusmodi Tertiariæ vivere sub obedientia, visitatione, & correctione Superiorum Ordinis, vel Delegatorum, ut alibi dictum est.

15. Moniales tertii Ordinis, quæ tria vota essentialia solemniter emittunt, & sub clausura vivunt, ab obedientia tamen Regularium sunt abstractæ, ac Ordinariis locorum subiectæ, privilegiis Ordinis, cujus habitum gerunt, minimè gaudent; nisi habeant speciale privilegium communicationis privilegiorum ut habent à Paulo III Moniales tertii Ordinis Annunciationis, alias S. Ursulæ Salmaticensis, ita Roder. *tom. 3. q. 73. art. 3. in fine*; fruuntur tamen indulgentiis, & gratiis à Paulo V. concessis Ordinibus Regularibus, prout habetur in §. 18. suæ Constitutionis quæ incipit *Romanus Pontifex* & est 21. in Bullario Cherubini *tom. 3.* quam per extensum refert Mattheuc. *Officil. quoad Indulgentias cap. 26. n. 1.*

16. Generales, Provinciales, & quicumque alii Superiores Regulares nequeunt absque licentia Summi Pon-

tificis subdere locorum Ordinarij Moniales, seu Tertiarias sibi subiectas, nam illa subiectio substantialiter, & in rigore est renunciatio privilegiorum Monialium, vel Tertiariarum, quæ privilegia data sunt à Sede Apostolica; privilegia enim, aut beneficia nequeunt renunciari, nisi coram Superiore, à quo sunt recepta: ut habetur in cap. *Admonet, de renunciat.* & docent Portell. p. 1. *casuum, casu 12.* Cespedes *tract. de exempt. Regul. cap. 23. dub. 326.*

17. Fæminæ volenti fieri Soror tertii Ordinis cujusvis Religionis dari potest legatum pro Monachatu relicto, si emittat votum Castitatis, licet in domo propria maneat; ratio est, quia hujusmodi Soror, ut dictum est supra, gaudet omnibus privilegiis Regularium, ergo, & illud lucrandi dotem; nam per assumptionem habitus, & professionem Castitatis, seu Virginitatis dicitur aliquo modo fieri Monialis, quamvis maneat in domo sua, vel parentum suorum. ita docent Diana p. 1. *tract. de immun. Eccles. resol. 64. §. unde ex his apparet*; Franc. de Castello *decis. 88* Aloysius Riccius in *collect. decis. p. 4. collect. 1051.* relati à Barbosa *de jure Ecclesiastico universo lib. 1. cap. 41. n. 8.*



C A P. V I.

*De exemptione Sæcularium per respectum ad Regulares, & quoad electionem sepultura in eorum Ecclesiis.*

1. **N**ON tenentur seculares diebus Dominicis, aliisque festivis Missam audire in Ecclesiis Parochialibus, cum præcepto Ecclesiæ satisfaciunt, si in Ecclesiis quorumcumque Regularium eam audierint; ut constat ex Bulla 25. Leonis X. incip. *Intelleximus*: apud Cherub. tom. 2. & ex alia S. Pii V. incip. *Etsi Mendicantium*: relata supra cap. 1. n. 7. ubi declarando decretum Tridentini sess. 22. de auditione Missarum: ait: *Ipsi Christi fideles nullatenus desuper molestari, aut impediri per locorum Ordinarios, seu Rectores Ecclesiarum parochialium, aut alios quoscunque ullo pacto, causa, vel occasione non valeant, sed præfati Christi fideles audiendo Missas, & alia divina officia in Ecclesiis Regularium diebus Dominicis, aut festivis, præcepto Ecclesiæ de illis audiendis satisfacere censeantur.*

2. Præfati Sæculares sunt exempti ab obligatione confitendi peccata suis Parochis, nec possunt ad hoc ab Ordinariis locorum cogi, si peccata sua Regularibus confiteantur: ut constat ex Extravang. Joannis 22. in corpore juris inserta, quæ incipit: *Vas electionis*: in qua privilegiis Regularium quoad administrationem Sacramentorum aliquorum confirmatur.

errorum cujusdam Parochi prædicantis multos errores, & inter alios: quod Confessi Fratribus habentibus licentiam generalem audiendi Confessiones, tenerentur eadem peccata proprio Sacerdoti, idest Parocho, iterum confiteri; condemnavit, & prohibuit hujusmodi errores in posterum sustinere: constat etiam ex Concilio Lateranensi sub Leone X. ubi interpretando caput illud: *Omnes utriusque sexus*: sic ait: *Talibus* (idest Regularibus Mendicantibus) præsentatis, & admittis, confitentes, Constitutioni, quæ incipit: *Omnia* utriusque sexus: quoad Confessionem satisfecisse censeantur, Sacro approbante Concilio, statuimus. Et Sixtus IV. in sua Constit. incip. *Dum attenta meditatione*, damnat hujusmodi errores, eosque sustinentes, tanquam de hæresi suspecti sunt denunciandi Inquisitoribus S. Officii, & ab eis puniendi. Perpende etiam propositionem 20. inter damnatas ab Alexandro VIII.

3. Neque Clerici, neque Laici Sæculares tenentur Episcoporum obedire præceptis adversus privilegia Regularium impositis: ratio est, quia subditi non tenentur suis Episcopis obedire in his, in quibus nullam habent potestatem, cum potestas sit primæ.

principium imperandi, quam quidem Episcopi in casu nostro non habent; ut patet ea cap. *Quanto amplius*, de *privil.* in quo Honorius III. post narratam querelam Monachorum, Cluniacensium, super eo, quod contra privilegia sibi concessa; videlicet, quod Sæculares possent in suis molendinis molere, & in furnis coquere &c. Archiepiscopi, & Episcopi non in Monachos, sed in Sæculares molentes, & coqueantes sententias excommunicationis pronunciabant, ut ita à molendinis, & furnis eorumdem Monachorum Sæculares averterent; post vituperatum hunc agendi modum, eisdem Prælati severe prohibuit, ne in posterum hujusmodi sententias in fraudem privilegiorum ferrent.

4. Quinimmo Sæculares ipsi obediētes Episcopis in his, quæ sunt contra Regularium privilegia in re gravi mortaliter peccant, quia agere contra jura Pontificia in re gravi est peccatum mortale, si enim facientes non aliter se gerunt ac illi, qui agrum invito Domino usurpant, & sicut hujusmodi usurpatores mortaliter contra justitiæ virtutem peccant, ita pariter dicti Sæculares Episcopis in præfatis præceptis obtemperantes contra obediētiæ virtutem mortaliter peccant: ita *D. D. commun.*

5. Possunt Sæculares eligere sepulturam in Ecclesiis quibuscunque, etiam Regularium, nec ullo modo possunt ab Ordinariis prohiberi: constat ex cap. *Tua de testam.* ubi Gregorius IX. Episcopis præcipit, ut seculo invigilent, & provideant, omnes pias defunctorum voluntates exe-

cutioni mandari; quod expressus ante dictum Gregorium Alexander III. in Concilio Lateranensi cap. 1. de *sepulturis*: hoc decreverat his verbis: *Licet unicuique, ubi voluerit, eligere sepulturam*; & successive Bonifacius VIII. in cap. *Licet de sepulturis* in 6. decrevit: Filiumfamilias, quando ad annos pubertatis venerit; videlicet, quando quartum decimum suæ ætatis annum excesserit; posse sibi sepulturam eligere, pro eo autem, qui ad annos pubertatis nondum pervenit, electio sepulturæ libere à parentibus est facienda in quacunque Ecclesia, etiam Regularium, prout S. Cong. Episcop. & Regul. 20. Januarii 1640. decrevit: ita Peyrinus tom. 3. de *privil. Regul.* Bordon. tom. 2. *resol.* 51. n. 219. & alii.

6. Præfatum privilegium confirmavit Sixtus IV. in const. quæ incipit: *Regimini*: in favorem Fratrum Prædicatorum, & Minorum, prout in Clement. *Dudum de sepulturis*: fuerat antea Sanctum; postmodum autem Leo X. in sua const. 22. incip. *Domitra*: apud Cherub. tom. 2. generaliter omnibus Regularibus concessit jus, seu privilegium sepeliendi in suis Ecclesiis, etiam cum ipsorum habitu corpora eorum, qui in eis sepulturam elegerint; nec refert, quod Innoc. IV. in sua const. incip. *Cum a nobis*: relata à Casarub. in comp. *privil. V. sepultura* n. 1. in qua idem privilegium Fratribus Minoribus conceditur; addiderit clausulam: *Salva tamen justitia illarum Ecclesiarum, à quibus corpora defunctorum assumuntur*: nam Sixtus IV. in præcitata sua Constitutione declaravit, id intelli-



hi de portione canonica, de qua infra fuse differetur.

7. Nequeunt Regulares renunciare dicto juri, seu privilegio sepeliendi cadavera in eorum Ecclesiis Conventuum jam erectorum absque Sedis Apostolicæ beneplacito, nisi in limine foundationis præcesserit concordia cum Parocho de non recipiendis ad sepulturam illius parochianis, vel nisi de ejus expressa licentia; in hoc enim casu agitur de jure quærendo, idcirco non habet locum textus in cap. *Ambitiosa*, de rebus Ecclesiæ non alienandis; cum dici non possit, quod alienetur jus Ecclesiæ, & sicut Parochus debet audiri, & propter præjudicium sibi inferendum potest erectionem novi Conventus impedire, ita potest concordia, & pacto, hujusmodi præjudicio ante illius erectionem providere; ut sæpius tenuit Rota apud Petram. tom. 2. Comment. ad Const. Apostol. Const. 3. *Celestini III. sess. 5. n. 23.* Si vero post foundationem Conventus oriatur lis inter Regulares, & Parochum super jure sepeliendi, & funeralibus, tunc potest sustineri concordia facta per viam transactionis, vel compensationis; maxime, si facta sit ad vitanda scandala, & tollendas dissensiones; necesse est tamen in tali casu saltem Decretum Episcopi, causa cognita: Pe. tra cit. tom. 1. conf. 1. *Paschalis II. sess. 2.* apud Mattheuc. Official. quoad sepulturas cap. 47. n. 2.

8. In casu, quo defuncti sibi sepulturam non elegerint, poterunt ipsorum hæredes, vel testamentorum executores, aut alii, qui suæ hereditatis curam habent, sepulturam eligere,

etiam in Ecclesiis quorumcumque Regularium, qui cruce elevata ex ipsorum defunctorum domibus corpora levare, eaque accipere, & asportare, rectoque tramite ad ipsorum Ecclesias (non tamen tempore interdicti) deferre, & sepelire possunt, salvo dumtaxat jure parochiali; usu, more, vel consuetudine in contrarium non obstantibus: prout constat ex concessione plurium Summorum Pontificum, præsertim S. Pii V. in sua Const. 41. incip. *Ad hoc nos Deus* apud Cherub. tom. 2. Ex Decreto tamen S. Congr. die 21. Decembris 1613. edito, & relato à Bordon. tom. 2. resol. 51. n. 209. debet Parochus expectari, & si monitus expresse noluerit venire, eo invito potest cadaver ad sepulturam electam deferri.

9. In Ecclesiis Monialium, etiam exterioribus nequeunt corpora Laicorum sive Virorum, sive Mulierum sepeliri, licet solvere vellent penam Synodalem: ex Decreto S. Congr. Episcop. & Regul. in una *Maceraten.* die 8. Novembris 1652. edito. Ad hunc tamen effectum est necessaria ejusdem S. Congr. licentia, & Monialium consensus: Pignatelli. tom. 4. consulti. 177. apud Mattheuc. Official. quoad sepulturas n. 4. & officium est peragendum à Confessario Monialium Regularibus subjeclarum, non à Parochis, nisi usque ad portam Ecclesiæ: *ibid.*

10. Animadvertant Regulares, non posse sepulturas juxta Altaria edificari, sed ab Altaribus debere esse remotas, ita ut Sacerdos dum Missam celebrat, non cogatur pedibus

bus insilire supra corpora defunctorum; ideo inter Altaris prædellam, & sepulturæ ostium mediare debet spatium trium circumfere cubitorum: Pignatelli tom. 4. consult. 32. nam Altaria, sub quorum prædellis, vel juxta eas cadavera sunt sepulta, licet propterea consecrationem non amittant, debent tamen interdici, donec dicta cadavera in alium locum deferantur: ex Decreto S. Congr. die 13. Septembris 1593. edito, apud Matthæum. cit. n. 7.

11. Plures Summi Pontifices, & præcipue Urbanus VIII. in sua Const. 244. quæ incipit: *Cum licet*: Bullar. in Bullario tom. 5. inhibuit omnibus Parochis, ne plus exigent ab hæredibus defunctorum, qui sepeliuntur in Ecclesiis Regularium, quam acciperent, si in Parochiali sepelirentur, committens locorum Ordinarius, ut providerent omnino, ne ubi hujusmodi abusus irrepissent, diutius tollerarentur; avertuntur enim fideles à sepulturæ electione propter duplicatas; vel majores expensas.

12. Nonnullas indulgentias lucrantur Sæculares personæ, quæ cum habitu Religionis eligunt sepeliri: Clemens IV. & Nicolaus III. talibus concesserunt remissionem tertiz partis omnium delictorum suorum, postea Leo X. concessit indulgentiam plenariam morientibus cum habitu Fratrum Minorum, ad quam lucrandam declaravit sufficere habitum petiisse, ac super se usque ad mortem habere, licet non indutum; nisi post mortem: ita Casarub. in comp. privil. V. *indulgentia quoad Sæculares* 6. Rodricus in suo Bulla-

rio in Leone X. pag. 320. Sixtus IV. in sua 3. Const. quæ incipit: *Apostolica mansuetudinis*: apud Peyrinum tom. 3. concessit, ut qualibet utriusque sexus personæ possent cum habitu nostræ Religionis sepeliri; & excommunicat Coratos, aliosque impediētes, vel contradicētes, sibi absolutionem reservando.

13. Sæculares cum habitu nostro morientes, vel cum eo sepeliri eligentes, si velint prædictas indulgentias lucrari, debent habitum recipere à Superioribus nostri Ordinis, puta Generali, vel Provinciali, aut Guardiano; ex concessione Sixti IV. in Bulla aurea, quæ incipit: *Sacri Prædicatorum, & Minorum*: apud Cherub. tom. 1. qui quidem Superiores debent recipientibus declarare, eos teneri sepeliri in Ecclesiis illorum Religiosorum, à quibus habitum recipiunt; nam aliter facientes nullam indulgentiam consequuntur; deinde cadavera sic induta deferri debent ad prædictas Ecclesias cum habitu patente, & discoperto, nullo pallio, vel tegumento superimposito; quod sub pœna excommunicationis præcipit Sixtus IV. in præcitatis suis Constitutionibus.

14. Si inconsultis Regularibus aliquis Defunctus induatur habitu Religioso ab hæredibus, vel à parentibus ex devotione, non gaudet dicto privilegio, nisi assumptio habitus à Superioribus approbetur, quæ approbatio censetur facta de facto per declarationem cadaveris ad Ecclesiam præfatorum Regularium, qui etiam possunt concedere, ut corpus habitu ipsorum indutum alibi sepeliatur, nam per

per huiusmodi concessionem, seu permissionem jura sua, aut privilegia, minime amittunt; prout constat ex citato Marimagno Sixti IV. ita Casarub. in comp. privil. v. *sepultura* §. 12. Bordon. tom. 2. *conf. regul. resol.* 51. n. 56.

15. Nequeunt Religiosi, ac Moniales sibi sepulturam eligere, quia non habent velle, nec nolle, sed sepeliendi sunt in propriis Ecclesiis; videlicet: Generalis in quovis loco suæ Religionis, Provincialis in sua Provincia, Abbates, ceterique Superiores Locales, ac subditi in suis Monasteriis, seu Conventibus, ubi resident; constat ex cap. *Final. de Supult. in 6.* & cum commun. docent Navarrus, Sanchez, & Bordon. tom. 2. *resol.* 51. n. 158. si vero extra Conventum decedant, in locotamen, ubi est Conventus suæ Religionis, sepeliri debent in Ecclesia, sive Cœmeterio Conventus, & quidem sine licentia Parochi, qui nullam Superioritatem habet in Religiosum: prout inter terminis fuit resolutum à S. Cong. Concilii die 2 Julii 1620. Debet tamen asportatio fieri de nocte sine Cruce, & Processione, ac modo privato.

16. Nec obstat, quod Rituale Romanum in Rubric. de exequiis prohibeat, ne corpora Defunctorum sine solitis Ritibus deferantur; & S. Cong. Episcop. & Regul. in una Cæterana decreverit, id non esse permittendum; prout refert Pignatell. tom. 4. *consultat.* 199. n. 10. nam hæc procedunt regulariter, non verò in aliquo casu extraordinario, in quo usus obtinuit, etiam Romæ, ob ali-

quas circumstantias, præsertim ad evitandam populi admirationem, ut corpora privatim deferantur ad Ecclesiam, in qua facienda sunt Funeralia. In casu autem, quo asportatio fieret cum pompa, & processionaliter, tunc esset necessaria assentientia Parochi, si vellet interesse, hæc est enim consuetudo, & ubi inolevit, servari debet; Petra tom. 2. *Const.* 2. Honorii III. n. 11. apud Matthæum. *Official. quoad Sepulturas* n. 16.

17. Quando Regulares ex hac vita decedunt in locis remotis à Conventibus, ad quos commodè asportari non possunt, sepulturam sibi eligere valent; si vero eam non elegerint, debent in Parochia sepeliri expensis Monasterii, seu Conventus, ubi moram trahebant. Locus remotus à Conventu censetur ille, a quo corpus Defuncti per unicum diem transferri nequit ad ipsum Conventum, neque ad alium ejusdem Ordinis, cum per corruptionem cadaveris periculum sit in mora; immo etiamsi eodem die transferri possit, sed non nisi cum gravi incommodo, poterit in Parochia sepeliri: ita Sanchez in Summ. lib. 6. cap. 14 n. 3. 4. & 5. Navarr. tom. 2. *consil. comment.* 2. *Regul.* n. 43. Roder. tom. 3. q. 6. art. 3. & alii.

18. Religiosi Novitii, Tertiarii collegialiter viventes, & continui Monasteriorum, seu Conventuum, commensales possunt, ubi ipsis placuerit, sepulturam eligere; prout constat ex cap. *Religiosi, de sepulturis in 6.* ubi dicitur, quod Religiosi nequeunt sibi eligere sepulturam, quia carent velle, ac nolle, ergo à contrario sensu (quod argumentum validis-

N n 2                    simum

simam est in iure) prædicti, quia habent velle, ac nolle, cum adhuc sint sui juris, eam eligere possunt, & in hoc nulla est dubitatio; si vero illam non elegerint, debent apud Regulares suos sepeliri, nam hæc est consuetudo, & praxis, cum gaudeant privilegiis, quibus Regulares fruuntur, Mulieres tamen Tertiaræ (de quibus *supra cap. præced. n. 4.* dictum est) si sine electione sepulturæ, quam ubique possunt eligere, ex hac vita decedant, possunt, ac debent sepeliri in Ecclesiis Ordinis, cuius habitum assumpserunt, si in ipsis earum communis sepultura reperiatur: sin minus in Ecclesiis Parochialibus sepeliri debent *ex Decr. S. Congr. Concilii: apud Matthæus. Official. quoad Tertiaros n. 3. §. 5.*

19. Si contingat aliquem ex Novitiis, vel etiam ex Teritiariis prædictis mori extra Conventum causa ieiuneris, vel apud consanguineos, tunc Sacramenta Viatici, & Extremæ Unionis à Parocho eis administranda sunt; Cadavera tamen à Superioribus ipsorum Regularibus per suos Fratres, vel per alios, etiam Parochis inconsultis, ad proprias Ecclesias, si remotæ non fuerint, & si commodè fieri possit, deferri debent; nec ipsis Parochis quartam funeralem dare tenentur, cum ab eorum iurisdictione sint exempti prout decrevit S. Congr. Concilii die 2. Julii 1610. *apud Bordon. tom. 2. consil. Regul. resol. 51. n. 209.*

20. Invitis Regularibus nemo potest in eorum Ecclesiis sepeliri, neque officia, seu exequias celebrare abique expressa Superiorum Regularium

licentia, non obstante consuetudine, seu abusu in contrarium; constat ex Bulla 4. Clementis IV. quæ incipit. *Virtute conspicuum* apud Cherub. *tom. 1. & ex Bulla 10. Julii II.* quæ etiam incipit eodem modo, in quibus prædicta facere districtius inhibetur; Idipsum confirmavit S. R. Cong. in una *Toletana 19. Julii 1636.*

21. Confratres Confraternitatum in Ecclesiis Regularium existentium, cum non gaudeant eorum privilegiis, debent in Parochia sepeliri; nisi alibi sepulturam elegerint, prout disposuit Innocentius X. in sua Const. incip. *Ex injuncto*: apud Cherub. *tom. 4.* quod verum est, etiam si in dictis Ecclesiis adesset Sepultura pro Confratribus: juxta Decretum S. Congr. Concilii relatum à Pignatelli. *tom. 1. consult. 17.* Quantum ad sepulturam Cordigerorum utriusque sexus, S. Cong. Episcop. & Regul. in una *Senogallien. 22. Novembris 1580.* sic observari mandavit; scilicet: Quod ubi adest sepultura communis pro Cordigeris in Ecclesia Fratrum Minorum, ubi est erecta Confraternitas, sepeliantur in ea, ubi vero non est talis sepultura, moderentur sicut cæteri Sæculares, & sepeliantur in Parochiali Ecclesia, si non sibi elegerint aliunde sepulturam: apud Lantusa in theat. Regul. *V. Confraternitas n. 12.*

22. Quibuscumque sive Clericis Sæcularibus, sive Religiosis in virtute S. obedientiæ, sub interminatione maledictionis æternæ, & sub pœna excommunicationis latæ sententiæ Papæ reservata est prohibitum, ne aliquos ad vivendum, juran-

randum, vel fide interposita, seu alias promittendum inducant, ut apud eorum Ecclesias sepulturam eligant, vel jam electam ulterius non immutent: constat ex cap. *Animarum, de sepulturis in 6.* idque ultra poenam excommunicationis prohibetur etiam sub aliis poenis latis in *Clement. Culpientes §. sane de penis.*

23. Prædictæ poenæ incurruntur, licet effectus sepulturæ non sit subsecutus, modo sequatur effectus immediatus inductionis, hoc est electio per votum, juramentum, pactum, vel fidem interpositam, idcirco non sufficit promissio de eligendo, ut dicatur inductio facta; ut doceat Sayrus, D. Anton. & alii plures apud Bordon. *tom. 2. resol. 51. n. 181.* Locum tamen non habent contra inducentes ad eligendam sepulturam in aliena Ecclesia, quod manifeste constat ex eodem textu *Clement. cit.* neque contra ignorantes prohibitionem, dummodo ignorantia non sit affectata: ita *comm. D. D.*

24. Viatores, Advenæ, & Peregrini in Conventibus Regularium casu decedentes, de jure communi, & ex particularibus Decretis S. Cong. debeat in Parochiali sepeliri; quid, quid in contrarium doceant nonnulli cum Roderico *tom. 2. quæst. 67. art. 1.* nam S. Cong. Concilii in *una Hispana 3. Novembris 1652.* & in alia *Ravennaten. 20. Januarii 1674.* decrevit, spectare ad Parochos sepelire, & ad proprias Parochias deferre cadavera eorum, qui in Monasteriis, seu Conventibus recepti, sepultura non electa, è vita migraverint: ita Antonell. & Petra apud Mattheuc,

*Official. quoad sepulturas n. 14.* In casu vero necessitatis, imotentia; distantia, vel alterius impedimenti possunt utique in præfatis Monasteriis, seu Conventibus sepeliri, prævia tamen licentia Parochi, vel saltem eo non reluctante, cui de expensis in exequiis quarta funeralis debetur.

25. In Ecclesiis Regularium non possunt sepulchra contrui, nisi facultate prius obtenta à suis Superioribus, qui illam dare non valent, nisi hujusmodi constructio fiat ad præscriptum Constitutionis S. Pii V. quæ incipit: *Cum primum:* apud Cherub. *tom. 2.* in qua §. 6. habetur, quod defunctorum corpora in tumbis profundis infra terram collocentur.

26. Regulares nequeunt privare, vel auferre sepulchrum illi cui concessum est; quia tale sepulchrum reputatur tanquam hospitium, quod usufructus invitatus privari non potest *L. si hæresi §. final. & L. sequent. ff. de usu, & habit.* Ita Angelus *V. sepultura n. 41.* Lambertus de jure patr. *lib. 3. quæst. 5. art. 4 n. 13.* Extinctis vero sepulturæ Domino, ejusque descendentes, sive hæredibus, bene possunt Regulares aliis sepulturam ejus concedere; ratio est, quia mortuo usufructu extinguitur illud jus, & reddit libere ad Ecclesiam, quæ ideo aliis libere illud concedere potest, nisi aliquid obitet; idem dicendum de Capellis, quæ alicui intra Ecclesiam conceduntur: ita Peyrinus *tom. 3. in addit. ad Constit. Leonis X. n. 49* Bordon. *tom. 2. resol. 51. num. 72.* Sanchez *lib. 2. Consil. cap. 3. dub. 14 n. 4.*

27. De

27. Defunctorum cadavera perpetuè sepulturæ tradita non possunt, etiam in Ecclesiis Regularium, transferri de loco ad locum sine licentia Episcopi, ex cap. corpora 36. de consecrat. dist. 1. & ita expresse statuit Paulus V. in suo Rituali his verbis: *Nullam porro Cadaver perpetua sepultura traditum ex ulla cuiusvis Ordinis Ecclesia asportari liceat, nisi de licentia Episcopi*; Cadavera tamen deposita ad tempus, possunt, eo finito, asportari ad aliam quamcunque Ecclesiam absque Ordinarii licentia: Bordon. loc. cit. n. 39.

28. Sicut Clerici non interdicti, qui servarunt interdictum, nec illius causam culpabilem dederunt, ita etiam Regulares gaudent privilegio ex cap. Alma Mater 24. de sent. excom. in 6. ut valeant sepeliri tempore interdicti tam generalis, quam specialis Localis in propriis Ecclesiis; quia infavorabilibus veniunt sub nomine

Clericorum, non solum deputati ad Chorum, sed etiam Laici conversi, Novitii, & Tertiarii in communitate viventes, & cum Navarro, Sayro, Avila, aliisque docet Bonacina de censuris, disp. 5. punct. 5. in fine. Extat etiam privilegium Benedicti XII. concessum Fratribus S. Hieronymi Hispan. ita Portell. V. interdictum n. 69. Roder. in comp. resol. 128. n. 5. idem concessit Clemens VII. in const. incip. Ex Clementi: apud Confectum pag. 177. pro Carmelitibus; aliisque Regularibus per communicationem. Id tamen debet fieri sine solemnitate, & sine sono campanarum, celebrando Divina Officia, & Missas sine cantu, submissa voce, & januis clausis; quodsi Cæmeterium extra Ecclesiam existat, dicta officia celebrari poterunt in Ecclesia, deinde cadaver ad Cæmeterium cum silentio transferri poterit: Bonac. loc. cit.

## C A P. VII.

### De Portione Canonica, seu de quarta Funeralium.

1. **P**ortio Canonica dicitur quædam pars, quæ jure debetur Parochiis à quibuscunque de rebus aliqua ratione ipsis provenientibus, vocaturque Canonica portio ex eo, quod à Canonibus inducta, & approbata sit; nuncupatur quoque quarta funeralis, quia diversi Pontifices, sicut etiam Tridentinum Sess. 25. cap. 13. de reform. portionem illam debitam Parochiis pro

Parochiani tumulto in Ecclesiis Regularium, de funeralibus, quæ cum corpore defuncti solita sunt deferri, ad quartam partem taxarunt; nam funeralia dicuntur, quæ cum funere processionally deferuntur: prout declaravit Benedictus XI. in Extravag. quæ incipit. *Inter cunctas de pri. vil. in 6.* quæ quidem portio Parochiis debita, vel propter Sacramentorum administrationem, aut propter alia onera

onera, pro varietate temporum, regionum, locorum, & consuetudinis diversa est: constat ex cit. Extravag. *Inter cunctas*, & ex alia Bonifacii VIII. incip. *Super Cathedralam*, de Sepultis. necnon ex Clement. *Dudum de Sepultis*, in qua agitur de Religiosis quartæ portioni Canonice subiectis, qui postmodum jure privilegiorum à solutione dictæ portiois fuerunt exempti eo modo, quo in sequentibus resolutionibus explicabitur.

2. Martinus V. & Eugenius IV. simul cum Sixto IV. in suo Marimagno incip. *Regimini Universalis Ecclesie*: juri communi, & in specie prædictæ Clementinæ: *Dudum* derogantes; Dominicahos, ac Ordines res Minorum à solutione quartæ portiois exemerunt; quam exemptionem Nicolaus V. Carmelitæ postea concessit cum revocatione præfatæ Clementinæ: *Dudum*: quoad portionem Canonice; & Julius II. in Const. incip. *Dudum ad Sacrum Ordinem*: §. 33. necnon Leo X. in Const. incip. *Exponi nobis*, Fratres Ordinis Minorum à præfata solutione exemptos esse voluerunt; & sub pœna excommunicationis latæ sententiæ Parochis in ea Constitutione præcipitur, ne contra privilegia dictis Fratribus concessa, ab ipsis occasione quartæ portiois directè, vel indirectè quovis quæsito colore per se, vel per alios exigere, aut extorquere, vel alias ab ipsis Fratribus extorta, & indebitè exacta retinere præsumant.

3. Sed quia postea inter Parochos, & Regulares inerant fortasse controversiæ circa solutionem dictæ portiois, illi allegantes jus eam exigendi,

illi vero adducentes privilegia eandem non solvendi; ideirco Concilium Tridentinum sess. 25. cap. 13. de reformat. subsequens edidit Decretum: *Decernit Sancta Synodus quibuscunque in locis jam ante annos quadraginta, quarta, quæ funeralium dicitur, Cathedrali, aut Parochiali Ecclesia solita esset persolveri, ac postea fuerit ex quocunque privilegio, aliis Monasteriis, Hospitalibus, aut quibuscunque locis piis concessa, eadem posthac integro jure, & eadem portione, quæ antea solebat, Cathedrali, seu Parochiali Ecclesia persolvatur, non obstantibus concessionibus, gratiis, privilegiis, etiam Marimagno, nuncupatis, aut aliis quibuscunque.*

4. Cum igitur præfatum Decretum editum, & promulgatum fuerit die 4. Decembris anni 1563. ut constat ex dicta sess. 25. ideirco Monasteria, Conventus, seu loca fundata ante annum 1523. idest quadraginta annis ante prædictum Decretum, si consuetudinem habebant solvendi Ecclesiæ Parochiali quartam funeralem, etiam tenentur in posterum eandem persolvere, non obstantibus quibuscunque privilegiis in contrarium, quibus Tridentinum quoad hoc derogare intendit. Si autem ante illud tempus solvere non consueverunt, nec in futurum solvere tenentur, prout ex eodem Decreto manifestè patet.

5. Post Tridentini Decretum; S. Pius in sua Const. 41. incip. *Essi Mendicantium Ordines*, §. 2. n. 11. idem Decretum declarans ait: *Quartam autem funeralem, de qua sess. 25. cap. 13. nequaquam solvere tenentur Monasteria, quæ à quadraginta*

sa annis extra fundata existunt, potius quam Conclavi ipsam loquatur tantum de Monasteriis ante annos quadraginta fundatis, qua ipsam quartam solvere consueverunt, & ubi solvi consuevit, id tantum cera, & aliorum, qua in aliquibus locis deferri contigerit, tempore quo Defunctorum corpora ad sepulturam deferuntur, non autem de Missis, seu Legatis, vel aliis, Fratribus ipsis, seu Monialibus relictis, aut alias quomodolibet donatis, solvi debet, sicque intelligi Concilii Decretum, quoad ad quartam huiusmodi solvendam debere decernimus. Ubi verò non est consuetudo solvendi quartam huiusmodi, de nullo superscriptorum solvi debere declaramus. Idem decrevit Clemens VIII. in Bulla incip. Quod semel, & Paulus V. in Bulla incip. Decet Romanum Pontificem: apud Cherub. tom. 3. in favorem Carmelitarum, aliorumque Regularium per communicationem.

6. Prædicta tamen privilegia pro Monasteriis, aliisque Regularium locis intra Italiam, eique Insulas adjacentes, existentibus, moderata, reformatæ, ad viam juris reductæ, & quatenus opus sit, etiam revocata, fuerant in Concilio Romano anno Jubilæi 1725. in Basilica Lateranensi à Benedicto Papa XIII. celebrato, edita Constitutione incip. Romanus Pontifex: in qua §. 4. habentur subsequenter verba.

Præterea votu proprio, scientia, & potestatis plenitudine, sancimus, statuimus, & mandamus, ut in Italia, eique adjacentibus Insulis, à die publicationis præsentis Constitutionis in futurum Parochis Defunctorum, qui in

Ecclesiis quorumcumque Regularium tumulabuntur, persolvatur, & tum effectum tradatur quartæ pars omnium Intortitorium, & Candelarum, quibus defuncti cadaver in itinere ad Ecclesiam tumulantem associabuntur, necnon omnium Intortitorium, & Candelarum, qua in eadem Ecclesia circa cadaver, vel etiam in Altaribus in die funeris accenduntur. A prædicta tamen quarta funerali excepta intelligantur, & sine Candela, quas Sacerdotes etiam Regulares, vel ipsarum sodalitatum Confratres funus associantes, manualiter per viam accensas deferunt. Quod si funus non fieret in die tumulationis, sed ad diversam diem, vel ad aliud longius tempus differretur? Parocho nihilominus assignetur quarta pars omnium Intortitorium, & Candelarum, qua ipsamet prædicti funeris die in Ecclesia, ubi Defunctus humatus fuit, circa Cenotaphium, seu tumulum honorarium, atque etiam in Altaribus ejusdem Ecclesie, accensa fuerint. Hac porro omnia locum habeant, & exactè in posterum observentur, quotiescumque Defunctus extra suam Parochialem Ecclesiam tumuletur, vel exponatur, sive quia in Ecclesia tumulante, vel exponente Beneficium obtinuerit, sive quia ibidem sepulchrum habuerit gentilitium, sive tandem quia in ea sepulturam elegerit. Caterum sub prædicta quarta funerali comprehendendi non intendimus, immo expressè ab ea excipimus legata Missarum, & Anniversariorum, hisque similia pia relictæ ad favorem Ecclesie tumulantis, vel exponentis à Defuncto depositæ; circa qua, ac omnia, & singula alia, de quibus in præsentis Constitutione mentio facta non fuit, privilegia



gia Regularibus Ordinibus ab Apostolica Sede concessa, salva prorsus, illis, ac inviolata perpetuo permanere, & ab omnibus, ad quos spectat, & pro tempore, quomodocumque spectabit; inconcusis, & irrefragabiliter observari debere volumus, decernimus, & mandamus. Vbi vero consuetudines legitime probatae, conventiones, concordiae, vel statuta vigerent, quae praefatis Parochis magis faverent, illisque pinguiorem praedicta quarta emolumentorum funeralium portionem assignarent, ea in iis, in quibus vigent, locis, inconcusis ab omnibus observari motu, scientia, ac potestatis plenitudine paribus, sancimus, statuimus, praecipimus, & jubemus.

7. Conventus existentes in locis non comprehensis in praefata Constitutione; edificati post annum 1523. vel si ante illum annum fundati, non erant tamen soliti, ob privilegia ipsis concessa, solvere Parocho quartam funeralem, nec illam modo solvere tenentur; etiamsi aliquis Superior, vel ignarus privilegiorum, vel nimis timidus non audeat resistere, temeritate alicujus Parochi sibi usurpantis, quod non debet; non enim potest dici consuetudo, introducta ob aliquos actus contra privilegium factos; immo unum Monasterium nequit juri totius Religionis, quale est privilegium de non solvenda quarta, renunciare; prout diximus *tratt. 1. cap. 5. n. 6.* Quod verum est, etiamsi ille mos solvendi quartam spatio 40. annorum in illo Monasterio cucurisset, nam contra bona, & jura Regularium, non currit nisi centenaria praescriptio, ut dictum est in *cis. ar. 1. cap. 5. n. 9.*

8. Ubique aliquis Novitius Regularis decedit ex hac vita cum habitu Regulari extra Conveniunt, ubi de licentia Superiorum in domo parentum curandae valetudinis causa, existeret, non debetur Parocho quarta funeralis, etiamsi in illo Conventu, vel Ecclesia Regulari, ad quam defertur, mos sit quartam funeralem solvere; ratio est, quia hujusmodi obligatio solvendi quartam Parocho, est tantum respectu illius Parochianorum, Novitius revera non est Parochianus ipsius Parochi, quia in ejus Parochia domicilium non habet, sed incidenter ibi reperitur, & privilegiis Religionis, cujus habitum assumpserat, gaudet; ita cum aliis *Portell. V. Canonica portio n. 2. in addit.* Quod pariter de professis à fortiori intelligendum est. Si vero Novitius decedens extra Conventum elegit sibi sepulturam in Ecclesia Parochiali, quam profecto, cum habeat velle, & nolle, potest ubique eligere, ut dictum est *cap. preced. n. 18.* tunc Parocho solvenda sunt omnia, quae de jure ad eundem spectant Quod dictum est de Novitio, idem de Tertiario collegialiter, seu in communitate vivente dicendum est.

9. Mulieres Tertiariae votum, Castitatis emittentes (ut supra *cap. 5. n. 4.*) si sepeliantur in Ecclesiis Regularium, quorum habitum gerebant, & sub quorum obedientia degebant, gaudent etiam privilegiis praefatis, atque adeo, cum sint à Parochi, & Episcopi jurisdictione, exemptae, & Regularium jurisdictioni subiectae, non est pro ipsis quarta funeralium Parocho solven-

O o

da:

da: ex Decretis S. Cong. Concilii 1615. & 1620. editis, relatis à Bordon. tom. 2. *confil. Regul. resolut.* 51. n. 209. nisi aliud obliet.

10. Pro Peregrinis, & Viatoribus extra propriam Parochiam decedentibus, & sepulturam apud Regulares eligentibus; non est Paroco solvenda quarta funeralium, quia illi non sunt Parochiani dicti Parochi, licet alias præfati Regulares soliti sint solvere quartam respectu eorum, qui peregrini, & advenæ non sunt, sed Parochiani; prout statuit S. Cong. Concilii in una *Pisaurien.* 22. Januarii 1628 asserens, quod jus sepeliendi peregrinos, & viatores spectat ad Ecclesiam Cathedralē, propterea si moriantur extra limites Cathedralis, & eligant sepulturam apud Regulares, hi non tenentur Paroco quartam solvere pro defunctis, qui ad ejus Parochiam non spectant; Barbosa in *Collect. Const. Apostol. V. Quarta.* Bordon. tom. 2. *resol.* 51. n. 206. & alii.

11. In Monasteriis, seu Conventibus extra Italiam, eique Insulas adjacentes existentibus, in quibus vigent privilegia non solvendi quartam funeralem juxta Decretum Tridentini n. 3. relatum. Parochi nihilominus cogentes Regulares ad eam solvendam, aut per vim illam auferentes, vel in ipsa Ecclesia, vel ante ingressum, incurrunt penas excommunicationis latæ sententiæ, & privationis suorum beneficiorum, & officiorum cum inhabilitate &c. ex *Const. 6. Sixti IV. incip. Regimini:* apud Cherub. tom. 1. & licet ibidem loquatur tantum de Dominica-

nis, & Minoribus, iisdem tamen privilegiis alii Regulares per communicationem fruantur.

12. Quarta, quæ funeralium dicitur, nihil aliud est, quam quarta pars intorticiorum, vel cereorum, quæ ab ædibus defuncti usque ad Ecclesiam Regularium, ubi cadaver sepeliendum est, circa funus deferuntur; non quæ à Regularibus, & Confraternitatibus Sæcularium funeralium associantibus manualiter gestantur, neque Candelarum, & Cereorum, quæ super Altaribus, & circa corpus accenduntur, neque legatorum, quæ pro Anniversario, vel Missarum celebratione Regularibus donantur: ut constat ex *Extravag. Inter cunctas: Benedicti XI. & ex aliis Const. Apostol. relatis supra.* Quid pro Italia, eique adiacentibus Insulis sancitum sit, vide supra n. 6.

13. Advertendum tamen, quod circa prædicta servari debet locorum consuetudo; prout Tridentinum, & Constitutiones Apostolicæ disposuerunt; debitum enim servandæ consuetudinis est in terminis æquitatis, ob quam debet attendi, ne præjudicium aliquod, vel Regularibus, aut Parochis inferatur; nam in aliquibus locis praxis est, ut pompa funeralis intra Ecclesiam celebretur, & nihil fere cum corpore defuncti deferatur; vel etiam contingit, ut postquam cadaver sepultum est, ad alium diem funus transferatur, & majori pompa celebretur, idcirco ad vitandas fraudes, & lites servetur consuetudo cum æquitate; Barbosa de *offic. & potest. Parochi cap. 25. n. 38.* Donatus tract. 11. *quest. 11. num. 2.* & alii.

14. In

14. In casu, quo Regulares ad quartam solvendam se non teneri sustineant, Parochis probare incumbit quadragenariam consuetudinem, eosque quadraginta annis supra publicationem Tridentini eam solvere consuevisse; ut in terminis respondit S. Congr. Concilii in causa Minorum de observantia Provinciae Poloniae 14. Novembris 1682. ut refert Mattheucci *Officil. quoad quartam funeralium* n. 9.

15. Parochi, seu Rectores Ecclesiarum Parochialium ab iis, qui in Ecclesiis Regularium sepeliuntur, eam tantum quætere tenentur elemosynam, quæ à Tridentino præscripta, & à S. Pio V. explicata fuit, videlicet quartam funeralium, ubi erat consuetudo eam solvendi ante annum 1553. Qui autem majorem elemosynam, ultra expressam à S. Pontifice, exigere præsumit quovis prætextu, aut occasione, etiam de consilio, vel mandato suorum Ordinariorum, incurrit ipso facto excommunicationem Summo Pontifici reservatam: prout constat ex Bulla 47. Pauli V. quæ incipit. *Expositum nobis*: apud Cherub. tom. 3. Neque potest plus percipi in sepulturis, quæ fiunt in Ecclesiis Regularium, quam in eis quæ in Parochialibus, aut alibi fiunt: ex Decreto Urbani VIII. re-

lato a Peyrino tom 3. de privil. in addit. consil. 20. ejusd. Pontif. & à Bordonio tom. 2. in fine resol. 51. quod etiam postea declaravit S. Cong. Episcop. & Regul. apud Samuel. de sepulch. tract. 1. contrav. 13. conclus. 5.

16. Præter excommunicationem præfatam Papæ reservatam, quam incurrit Parochi, seu Rectores Ecclesiarum Parochialium, possunt etiam denunciari Tribunali S. Officii, & ab Inquisitoribus ejusdem, ut suspecti de hæresi, & flocci facientes Constitutiones Apostolicas, puniri; prout constat ex Bulla 21. Urbani VIII. incip. *Dilectis filiis hæreticæ pravitatis Inquisitoribus*: apud Cherub. tom. 4. in qua refert de verbo ad verbum, innovat, confirmat, & roborat supradictam Pauli V. Constitutionem, ac omnino vult, ut servetur quoad funeralia Decretum Tridentini sess. 25. cap. 13. juxta declarationem S. Pii V. relatum supra n. 5. Et licet Constitutio Paulina emanata, fuerit tantum in favorem Fratrum, & Monialium Ordinis Minorum de observantia in Indiis Occidentalibus, & Orientalibus existentium; verumtamen omnibus aliis Regularibus totius Orbis terrarum per communicationem competere, nemini est ambigendum. Vide quæ dicta sunt tract. 1. cap. 8. de privil. communicat.

## C A P. VIII.

### De Indulgentiis, quibus Regulares fruuntur.

1. **H**ic non intendo tractare de Indulgentiis in communi, neque de causis, natura, & essentia earum, de quibus, quicumque

velit, consulat D.D. fusè tractantes ; nunc sermo erit de Indulgentiis, quibus Regulares potiuntur, sed quia Paulus V. die 23. Maii 1606. Pontificatus sui anno primo per suam Constitutionem 21. quæ incipit: *Romanns Pontifex in Beati Petri Sede*: apud Cherub. tom. 3. revocavit omnes, & singulas Indulgentias per Antecessores suos concessas quibuslibet personis Regularibus utriusque sexus cujuscvis Ordinis, illasque annullavit, earumque loco alias de novo concessit, & taxavit ; statuens, quod Regulares præfati solum concessis, & nominatim expressis ab eo in dicta Constitutione gauderent ; idcirco easdem in sequentibus paragraphis juxta tenorem Constitutionis adnotabo.

§. 1. „ Omnibus Christifidelibus, „ qui canonicè, & juxta ordines cujuscvis Religionis, & Constitutiones Apostolicas habitum Regularem à legitimis Superioribus causa profitendi in illo susceperint, die primo eorum ingressus in ipsam Religionem, si verè poenitentes, & confessi Sanctissimum Eucharistiæ Sacramentum susceperint, Indulgentiam plenariam dictus Pontifex concessit.

§. 2. „ Ac cuilibet Novitio, qui poenitens, & confessus, ac Sacra communione refectus post completum probationis annum professionem emiseric, etiam plenariam.

§. 3. „ Necnon cuilibet Religioso intra Claustra sui Monasterii venti, qui in festo principali sui Ordinis confessus, & Sacra Communionem refectus fuerit, aut Missam recitans pro Christianorum,

„ Principum concordia, hæresum extirpatione, Romani Pontificis salute, ac Sanctæ Matris Ecclesiæ exaltatione pias ad Deum preces effuderit, etiam Plenariam.

§. 4. „ In cujuslibet vero mortis articulo, si pariter verè poenitens, & confessus, ac Sacra Communionem refectus, vel quateus id facere nequiverit, saltem contritus nomen Jesu ore, si potuerit, sin autem corde devote invocaverit ; etiam Plenariam.

§. 5. „ Qui vero ad Presbyteratus Ordinem canonicè promotus, & confessus primam Missam celebrabit, necnon etiam iis Religiosis, qui pariter confessi, ac Sacra Communionem refecti eidem Missæ interfuerint, aut ipso die Missam similiter celebrabunt, etiam Plenariam.

§. 6. „ Iis verò, qui de suorum Superiorum licentia à negotiis per decem dies alieni in Cella commorabuntur, aut ab aliorum conversatione separati, in piorum librorum, & aliarum rerum spiritualium animos ad devotionem, & spiritum inducentium lectionibus operam suam dederint, addendo sæpe considerationes, & meditationes Misteriorum Fidei Catholicæ, divinatorum beneficiorum, quatuor Novissimorum, Passionis D. N. Jesu Christi, & aliorum exercitiorum, orationum jaculatoriarum, aut vocalium saltem per duas horas in diem, & noctem orationibus mentalibus sese exercendo, faciendo eodem tempore Confessionem generalem, „ aut

aut annualem , vel ordinariam ,  
Sanctissimum Eucharistiæ Sacra-  
mentum sumperint , aut Missam  
celebrabunt , quoties pro quolibet  
exercitiorum prædictorum Plena-  
riam similiter omnium peccatorum  
suorum Indulgentiam , & remissio-  
nem misericorditer in Domino  
concedimus .

§. 7. „ Præterea iidem Religiosi  
intra claustra viventes , qui suam  
Ecclesiam devotè visitaverint , &  
ut præfertur , oraverint , confe-  
quantur easdem Indulgentias , quas  
visitantes Ecclesias Urbis , & ex-  
tra eam diebus stationum conse-  
quantur , in omnibus diebus perin-  
de ac si ipsas Urbis Ecclesias per-  
sonaliter visitarent .

§. 8. „ Omnibus item Religiosis  
intra claustra , ut supra viventibus ,  
qui quinquies Orationem Domini-  
cam , & toties Salutationem Ange-  
licam ante Altare eorum Ecclesiæ  
in quolibet die quinque annos , &  
totidem quadragenas .

§. 9. „ Iis vero , qui de suorum Su-  
periorum licentia in itinere exi-  
stentes , aut extra claustra degen-  
tes tamquam Prædicatores , & Le-  
ctores , quinquies eandem Orationem  
Dominicam , & toties Saluta-  
tionem Anglicam ante quodlibet  
Altare similiter dixerint , etiam  
quinque annos , & totidem qua-  
dragenas .

§. 10. „ Necnon etiam eisdem Re-  
ligiosis , qui per mensem integrum  
singulis diebus spatio medietatis horæ  
orationem mentalem fecerint , &  
confessi , & Sacra Communione ul-  
tima Dominica Mensis huiusmodi

refecti fuerint , sexaginta annos , &  
totidem quadragenas .

§. 11. „ Qui verò contrito corde ,  
& pœnitentes eorum culpas , &  
peccata , ac imperfectiones in Ca-  
pitulis culparum accusabunt , &  
spiritualiter communicabunt , &  
exercitium virtutum facient , tres  
annos , & totidem quadragenas .

§. 12. „ Quotiescunque autem de  
licentia Summi Pontificis , aut suo-  
rum Superiorum in ditiones , &  
terras Infidelium , aut Hæretico-  
rum ad concionandum , aut Ca-  
tholicos docendum , vel Infideles ,  
aut Hæreticos ipsos ad Fidem Ca-  
tholicam convertendum , & Eccle-  
siæ gremio reducendum missi fue-  
riant , si pœnitentes , & confessi , ac  
Communione Sanctissima refecti  
fuerint , vel Missam celebraverint ,  
ut melius ad huiusmodi opus sese  
parare valeant , pro duabus vici-  
bus , videlicet , quando itineri se-  
accingent , & quando in Provin-  
ciam , ubi prædicta opera eis exer-  
cenda erunt , ingressi fuerint , Ple-  
nariam omnium peccatorum suo-  
rum Indulgentiam , & remissionem  
misericorditer in Domino pariter  
concedimus , & elargimur .

§. 13. „ Et insuper cum Superior  
in Visitationibus generalibus ora-  
tiones quadraginta horarum pro  
bono Visitationis progressu collo-  
care voluerit , iis Religiosis , qui  
dictis orationibus saltem spatio  
duarum horarum in diverso tem-  
pore interfuerint , & ibi pro Chri-  
stianorum Principum concordia ,  
hæresum extirpatione , Romani  
Pontificis salute , ac Sanctæ Ma-

„ triæ

„ tris Ecclesiæ exaltatione, necnon  
 „ disciplinæ, & observantiæ regula-  
 „ ris augmento, pias ad Deum pre-  
 „ ces, ut dictum est, effuderint, si  
 „ confessi, & Sacra Communione  
 „ refecti fuerint, aut Missam cele-  
 „ braverint, Plenariam similiter  
 „ omnium peccatorum Indulgentiam,  
 „ & remissionem, ut præfertur,  
 „ concedimus.

§. 14. „ Volumus autem, ut om-  
 „ nes supradictæ Indulgentiæ, &  
 „ gratiæ Religiosis Regularibus cujus-  
 „ vis Ordinis, tam Monastici, quam  
 „ Mendicantis dumtaxat, ut præfer-  
 „ tur, concessæ, etiam omnibus Mo-  
 „ nialibus cujusvis Regulæ approba-  
 „ tæ, & intra claustra cum tribus vo-  
 „ tis solemnibus viventibus, & per-  
 „ petuam clausuram servantibus, tam  
 „ Ordinariis Locorum, quam Re-  
 „ gularibus cujusunque Ordinis,  
 „ Regulæ, & Instituti subiectis, suf-  
 „ fragentur. Præsentibus perpetuis  
 „ futuris temporibus duraturis.

§. 15. „ Cæterum, omnes, &  
 „ quascunque Indulgentias quibus-  
 „ cunque Ordinibus, & Institutis  
 „ Regularibus hujusmodi, etiam,  
 „ Mendicantibus, & quibuscunque per-  
 „ sonis regularibus, tam vigore pri-  
 „ vilegiarum, & litterarum Aposto-  
 „ licarum, quam vivæ vocis Oraacu-  
 „ lo, aut alias quovis modo per  
 „ Romanos Pontifices Prædecesso-  
 „ res nostros, ac nos, & Apostoli-  
 „ cam Sedem hæcenus concessas,  
 „ confirmatas, approbatas, & inno-  
 „ vatas, auctoritate, & tenore præ-  
 „ dictis perpetuo cassamus, annulla-  
 „ mus, & abrogamus, & ad præsen-  
 „ tium nostrarum litterarum præ-

„ scriptum reducimus, & moderas-  
 „ mur. Non obstantibus quibuscun-  
 „ que. Romæ die 20. Maji 1606.

2. Cum post præfatam Indulgentiarum revocationem plures assererent, easdem per privilegiorum confirmationes pristino valori fuisse restitutas; idcirco Alexander VII. die 18. Maji 1666. illis super hoc silentium indixit, sequentem propositionem damnans: *Indulgentia concessa Regularibus, & revocata d. Paulo V. hodie sunt revalidata*: Per generalem enim privilegiorum confirmationem sine speciali mentione, & expressione Indulgentiarum, non innovantur, nec confirmantur Indulgentiæ revocatæ, quia juxta regul. 81. juris in 6. *In generali concessione non veniunt ea, qua quis non esset verosimiliter in specie concessurus.*

3. Licet Paulus V. in sua præfata Constitutione dicat à se revocari Indulgentias: *quibuscunque Ordinibus, & Institutis Regularibus, etiam Mendicantibus, & quibuscunque personis Religiosis concessas*; Decretum tamen de Apocryphis Indulgentiis à S. Congr. Indulgentiarum die 7. Martii 1638. editum, & ab Innocentio XI. approbatum, declarat: *nullius esse roboris Indulgentias personis Regularibus quarumcunque Religionum, & Ordinum, etiam Mendicantium concessas*; atque adeo sequitur, eas dumtaxat revocatas, & abrogatas esse, quæ directe, & principaliter concessæ erant ipsis Regularibus, non vero eas, quæ Ecclesiis Regularium visitantibus erant, & sunt concessæ, Vide Iansenicam, V. *Indulgentia, & V. Confraternitas* n. 11. *Mattheus. Official.*

secial. quoad Indulgentias n. 3. neque eas, quæ personis de Tertio Ordine substantialia Religionis vota non emittentibus, intra, vel extra claustra degentibus erant pariter, & sunt concessæ, ut patet ex Const. Innoc. XI. incip. *Alias* die 10. Octobris 1686. edita; apud direct. trium Ord. art. 6. const. 1.

4. Ex dictis colligitur, Pontificem non prohibuisse, quin Regulares possint lucrari Indulgentias Locales, cum non debeant in hoc esse deterioris conditionis, quam ceteri Sæculares, Neque revocasse Indulgentias Confraternitatibus Rosarii, Cordigerorum, Carmelitarum, Centurionum, & similium concessas; Neque Regularibus concessas pro animabus Purgatorii; prout idem Pontifex, paulo post revocationem præfata, declaravit. Idem dicendum de Coronis, Rosariis, Imaginibus, & Nunismatibus, quæ Medallas appellant, quibus aliqua Indulgentia est concessa, non comprehensis in Decreto de Apocryphis Indulgentiis, *ut infra*; nam huiusmodi Indulgentiæ non sunt personales, sed reales. Pro osculantibus habitum nostrum Regularem Joann. XXII. concessit 3. annos, & totidem quadragenas indulg. qui sunt dies 2075. Vide Portell. V. habitus in addit. n. 4. collect. privil. V. Indulgentia quoad Sæculares §. 9. n. 6. Roder. tom. 2. q. 26. art. 7. Sancti in stat. cap. 2. stat. 72. pag. 285. & hæc indulg. non est revocata à Paulo V.

5. Indulgentia Portiunculæ à Christo Domino immediate impetrata per S. P. N. Franciscum nunquam revocata fuit, neque sub gene-

rali revocatione venire potest, cum sit nomine specialissi no decorata, in toto Orbe terrarum unica, & à pluribus Summis Pontificibus confirmata; & licet Honorius III. illam ad unicam diem restrinxerit; Gregorius tamen Papa XV. in litteris in forma Brevis die 4. Julii 1622. expeditis, omnibus, & singulis utriusque sexus Christi fidelibus, vere poenitentibus, & Confessis, ac Sacra Comunione resectis, qui aliquam ex Ecclesiis Fratrum Minorum Ordinis S. Francisci de Observantia, etiam Reformatorum, ubicunque existentium, die secunda Mensis Augusti à primis Vesperis usque ad occasum solis diei huiusmodi, annis singulis devote visitassent, & ibi pro Christianorum Principum concordia, Hæresum, extirpatione, ac S. Matris Ecclesiæ exaltatione, pias ad Deum preces effudiissent, Plenariam omnium peccatorum suorum Indulgentiam, & remissionem misericorditer in Domino concessit, quam postea Innocentius XI. in suis litteris etiam in forma Brevis die 22. Januarii 1687. expeditis, applicari posse per modum suffragij Animabus Defunctorum indulgit. Deinde Innocentius XI. in sua Const. 46. incip. *Redemptoris* Indulgentiam plenariam in quocunque die Ecclesiam S. Mariæ Angelorum Ordinis Minorum de observantia prope, & extra muros Civitatis Assisien. visitantibus concessit.

6. Sed quia in Decreto de Apocryphis Indulgentiis S. Congr. Indulgentiarum declaravit *semel tantum in die Indulgentiam plenariam lucrari*; & nihilominus Fratres Mi-

RO-

nones Reformati Provinciæ Carniolæ populo persuadebant, Indulgentiam Portiunculæ eorum Ecclesiam visitantibus concessam, toties, quoties eadem die Lucifleri posse; idcirco Episcopus Labacensis à S Cong. Concilii declarari petiit, an præfata Indulgentia sub dicto Decreto comprehenderetur, quæ respondit: *servandum esse solitum*: Mattheus. *Official. quoad Indulgentias* n. 5. An Indulgentia Portiunculæ obtineri possit per viam communicationis; nonnulli affirmant, alii vero probabilius negant, ibidem n. 18.

7. Per præfatum Indulgentiarum revocationem minime censetur revocata Indulgentia illa, seu Indulgentiarum cumulus, quem Leo X. anno 6. sui Pontificatus vivæ vocis oraculo, manu tamen Laurentii Cardinalis Pucci Papæ Officialis, & commensalis die 1. Septembris 1518. firmato, omnibus Fratribus Ordinis S. P. N. Francisci Observantibus, & Reformatis, necnon Monialibus S. Claræ, & Tertiæ Ordinis concessit; videlicet, quod dicendo quinquies Pater noster, & totidem Ave Maria, & in fine cujuslibet Gloria Patri, pro exaltatione S. Matris Ecclesiæ, Christianorum Principum concordia, & Hæresum extirpatione, nec non, pro Sanctitate sua unum Pater, & Ave similiter, cum Gloria Patri, lucrentur stationes, Indulgentias, & remissiones tam Urbis, quam etiam Portiunculæ, Hierusalem, & S. Jacobi in Compostella in quacunque hora diei, vel noctis, & in quocunque loco; scilicet in Choro, Ecclesia, Claustro, Oratorio, ac Cella reciten-

tur, ratio est, 1. quia hujusmodi Indulgentiæ non sunt personales, sed Locales, quas revera dictus Pontifex non revocavit; 2. quia hæc non fuit concessio Indulgentiarum, sed privilegium concessum ad effectum lucrandi Indulgentias dictis sacris locis jam concessas, quas proculdubio sicut cæteri Sæculares, possunt etiam consequi Regulares, cum deterioris conditionis non sint; præfatus enim Pontifex Leo X. solum dispensatio, seu potius commutavit visitationem, personalem dictorum locorum piorum in recitationem prædictam in Ecclesia, Choro, Claustro, Oratorio, & Cella Conventus persolvendam.

8. Nec obstat dicere, quod hujusmodi concessio fuit facta vivæ vocis oraculo, & quod oracula vivæ vocis fuerunt à Gregorio XV. & ab Urbano VIII. revocata, nam respondetur, 1. quod Constitutiones istorum Pontificum oraculorum revocationiæ tanquam pœnales, & odiosæ nullo modo se extendunt ad illa oracula Indulgentiæ concedentia, cum odia sint restringenda, & beneficæ amplianda, indulgentiæ enim nec numerantur, nec venire commodè possunt nomine privilegiorum, sed sunt omnino diversa, & à diversis non sit illatio, propterea nunquam revocantur intelliguntur, nisi in specie revocentur; 2. quia omnia prædicta oracula per Paulum V. Gregorii, & Urbani prædecessorem in sua 9. Const. incip. *Injuncti nobis*: apud Cherub. tom. 3. motu proprio, & ex certa scientia, ac de Apostolicæ potestatis plenitudine fuerunt confirmata, & de novo con-



concessa, ergo in præfatis revocatoriis comprehendendi non poterant, cum non essent amplius oracula, sed privilegia bullata, ut dixi supra *tract. 1. cap. 7. de revocat. oracul. d. n. 5. & seqq.* 3. quia dato, & non concessio, quod etiam post citatam Pauli V. Constitutionem remanserint oracula, & non privilegia bullata, adhuc assertio nostra est certissima; ratio est, quia Gregorius in sua Bulla oraculorum, revocatoria declaravit non esse in ea comprehensa illa oracula, quæ ante revocationem suum effectum erant jam sortita, sed concessio præfati cumuli Indulgentiarum à Leone X. facta statim suum effectum sortita fuit, ab universo Ordine Seraphico recepta, & ad praxim quotidianam deducta: ergo: confirmatur, quia licet Urbanus in sua revocatoria expressè comprehenderit omnia oracula, quæ concessa fuissent etiam ad instantiam, Imperatoris, Regum, & S. R. E. Cardinalium, excipere tamen voluit illos Officiales, quibus ratione munerum suorum antea de Summi Pontificis oraculo Fides haberi solebat, Officiales enim præcipui Papæ sunt S. R. E. Camerarius, Vicecancellarius, Major Pœnitentiarius, Datus, continui Commensales, alique permulti, quos retuli supra *tract. 1. cap. 7. n. 12.* sed præfatus Laurentius Cardinalis Puccius, ad cujus instantiam dictum privilegium à Leone X. fuit concessum, erat ejusdem Pontificis Datus, & continuus commensalis, & per consequens unus ex illis Officialibus ab Urbano VIII. exceptis, ergo nunquam fuit revocatum: vide P. Vio-  
va in exposit. propos. damnat. ab

Alexandro VII. *propos. 37.* Lantusca in Theatro Regul. v. *Magna Indulg. statio n. 3.* Roder. in comp. *resol. 77. v. Indulgentia n. 47.* Rubr. nostri Breviarii particul. tit. 8. n. 88. & 89.

9. Post dictam revocationem factam à Paulo V. anno 1606. idem, Pontifex anno 1608. die 28. Junii instante P. Ludovico à S. Joanne Evangelista Ordinis Fratrum Minorum de Observantia familiæ Ultramontanæ Commissario Generali, concessit Fratribus ejusdem Ordinis, Tertiariis, & Cordigeris utriusque sexus recitanti-  
bus coronam B. M. V. quæ constat ex 72. Ave Maria, & 7. Pater noster, addito in fine uno Pater, & Ave pro anima ejusdem Pontificis, Indulgentiam plenariam, quam prius concesserat Leo X. in sua Bulla, quæ habetur in *Monum. Ord. fol. 63. concess. 204.* de qua extat publicum monumentum impressum Romæ die 19. Januarii 1609. prout testantur Rodericus in suo comp. *resol. 77. n. 45.* Lantusca in Theatro Regular. v. *Magna Indulgentia n. 3.* Peyrinus tom. 3. *privil. Regul. in addit. ad Const. Pauli V. cap. 10. n. 59.* Ultraquamquod s. m. Innocentius XI. per suas litteras in forma Brevis, quod incipit: *Exponi nobis* die 15. Maji 1688. expeditas, firmam esse voluit, & sancivit; ut manifestè patet ex Rubr. particul. nostri Breviarii *titulo 8. n. 90.* quas s. m. Innocentius XII. anno 1697. cum omnibus, & singulis in eis contentis, auctoritate Apostolica confirmavit, pariter, & approbavit, illisque inviolabilis Apostolicæ firmitatis robur adjecit, ac omnes, & singulos juris, & facti defectus, si qui quomodolibet  
P p in-

intervenerint, supplevit. *Ibidem*.

10. Tertiarii utriusque sexus Ordinum Prædicatorum, & Minorum, eorumque directioni subiecti, juxta declarationes supra cap. 3. de exemptione Tertiarii relatas, gaudent omnibus Indulgentiis concessis, & concedendis, (non tamen revocatis) quibus Fratres, & Moniales dictorum Ordinum fruuntur; prout constat ex Bulla aurea Sixti IV. sæpius superacitata, apud Cherub. tom. 1. vide etiam comp. priv. Mendicant. v. Tertiarii n. 9. & Rubr. particul. nostri Breviarii tit. 12. n. 173. suas quoque Indulgentias peculiaries habent Tertiarii utriusque sexus aliorum Ordinum; de quibus tum brevitas gratia, tum etiam quia notitia certa haberi non potest, hic non fit mentio; propterea unusquisque poterit ipsorum Ordinum peritos consulere, & de Indulgentiis eis concessis inquire.

11. Chordigeri quoque, sive Confratres Chordæ S. P. N. Francisci, necnon Confores omnibus, & singulis Indulgentiis, ac peccatorum remissionibus, & pœnitentiarum relaxationibus, quibus Fratres Minores fruuntur, similiter gaudent. ut patet ex Brevis Gregorii XV. incip. *Pias Christi*: die 10. Novembris 1622. edito, cujusque cum prædictis, & aliis quam pluribus mentio habetur in Summario Indulgentiarum à S. Congreg. Reliquiis, & Indulgentiis præposita, die 14. Januarii 1681. pro eisdem Chordigeris approbato: ex Rubric. cit. tit. 12. n. 167. Et quoties confessi, ac Sacra Communione refecti intervenerint processionibus Con-

fraternitatis Chordigerorum hujusmodi singulis Mensibus fieri solitis, plenariam omnium suorum peccatorum Indulgentiam, & remissionem, consequuntur; prout eis perpetuo concessit Sixtus V. in sua Bulla, quæ incipit: *Divina Charitatis altitudo*: anno 1587. edita, & habetur apud Emmanuel Roder. tom. 1. quæst. Regul. quæst. 58. art. 1. & in Bulla ejusdem tom. 2. Bulla 8. in Sixto P. & apud Cherub. tom. 2. Requiritur tamen quod Chorda sit benedicta, suscepta, ac cincta à Superioribus Ordinis, etiam Guardianis, & Præsidentibus, sive Vicariis in absentia Guardianorum, vel à delegatis ab ipsis: & quod in Confraternitatem ingressi, etiam in libris ipsius scribantur, Rodericus ut supra.

12. Stante mutua communicatione privilegiorum, & Indulgentiarum, etiam plenariorum inter Ecclesias, loca, Confraternitates, Congregationes, Ordines, & personas utriusque sexus obedientie, & directioni Ministri Generalis Ordinis Minorum S. P. N. Francisci subiectas, à pluribus Romanis Pontificibus, præsertim ab Innocentio XI. per suas litteras in forma Brevis die 5. Septembris 1686. concessa; omnia pia loca Viæ Crucis, seu Calvarii, ubicunque terrarum ad instar Stationum Viæ Crucis, seu Calvarii Montis Jerusalem à Religiosis præfato Ministro Generali subiectis erecta, gaudent eisdem privilegiis, & Indulgentiis, ibi pro cunctis Fidelibus utriusque sexus à Sede Apostolica concessis: ut constat ex Bulla Innocentii XII. quæ incipit: *Sua nobis*: declarativa confir-

firmationis prædictæ mutæ communicationis à præfato Innocentio XI. factæ : patet ex Rubr. particul. nostri Breviarii tit. 12. d. n. 182. & seqq. & ex Consl. incip. *Inter plurima* à Benedicto Papa XIII. novissimè edita. Ex Constitutione tamen Clementis XII. quæ incipit: *Exponi nobis* possunt Superiores Locales, ac de eorum licentia alii Sacerdotes Ordinis, qui sint Concionatores, vel saltem Confessarii ab Ordinario approbati, erigere ubicumque Terrarum Stationes Vix Crucis, sive Calvarium dummodo in locis piis Ministro Generali non subjectis accedat licentia Ordinarii an consensus Parochi in scriptis: necnon Superiorum dictorum Locorum Piorum.

13. Quoad Tertiarios vero ; & Chordilgeros utriusque sexus servantur Statuta, seu Decreta Capituli Generalis, Romæ anno 1688. celebrati, omnimodaque adhibeatur cura, ut in cunctis Confraternitatibus erectis, seu erigendis in Ecclesiis Conventuum, seu Monasteriorum &c. Exercitium Vix Crucis, & Orationis mentalis quæcivis stabiliatur, eoque introducto, una è Dominicis, seu diebus festivis, pro quolibet Mense, à Superiore locali, de assensu Discretorii Conventus seu Monasterii, in perpetuum assignabitur, ad consequendam Indulgentiam plenariam, novissimè à SS. D. N. Innocentio XII. in suo Brevis incip. *Ad ea*: benignè concessam ; prout ordinatur in cit. Rubr. *ut supra*, Quæ quidem ordinatio in non exiguum cedit animarum profectum, si ubique Terrarum prædictæ mandetur à Nollratibus, à quibus

hujusmodi pia loca debent esse erecta.

14. Indulgentiarum Stationum Vix Crucis, & Calvarii Montis Jerusalem, quibus per communicationem juxta præfata Brevia gaudent recentissima loca Vix Crucis, ubique à Nostreis erecta, sunt plures Indulgentiæ plenariæ, & non plenariæ, quas lucrari possunt omnes Christi Fideles utriusque Sexus, cum liberatione unius animæ à Purgatorii pœnis ; ut constet ex compilatione Indulgentiarum per Rm. P. Matthæum à S. Stephano olim Ministrum Generalem, & postea Cephaludensem Episcopum facta, & Pannoni Typis data anno, 1698. ita Pannoniæ, *ibidem*.

15. Cum per revocationem Pauli V. minime fuerint revocate Indulgentiæ concessæ personis Regularibus applicandæ pro defunctis, provit idem Pontifex anno 1609. declaravit ; & Leo X. anno 4. sui Pontificatus indulerit, ut omnes Indulgentiæ ab ipso, & Prædecessoribus suis Regularibus personis pro vivis concessæ, applicari possent pro defunctis per modum suffragii, ut refert Peregrinus in suo comp. p. 1. *V. Indulgentia* n. 9. §. 10. & comp. privil. Societ. Jesu tit. *Indulgentia* §. 10. & comp. S. M. Fulientis tit. *Indulgentia pro defunctis* §. 4. Idcirco Fratres Minores Sacerdotes in Dominicis diebus, & in Solemnitatibus D. N. Jesu Christi, & B. M. V. celebrantes, & non Sacerdotes in eisdem diebus S. Eucharistiam summentes possunt applicare pro defunctis per modum suffragii Indulgentiam plenariam ab Innocentio VIII. ipsis concessam ; ut habetur in Fundam.

P p 2 trium

trium Ord. lib. 2. fol. 69. concess. 148 & in supplem. fol. 99. concess. 361. quam nequeunt amplius applicare pro se, quia quoad vivos per Constitutionem Paulinam revocata fuit. Peregrin. loco cit. §. 12.

16. Novissime S. M. Benedictus XIII. concessit F. F. Minoribus, tam Observantibus, quam Reformatis, ut recitantes coram Sanctissimo Sacramento coronam, idest tertiam partem Rosarii B. M. V. & quinquies Pater, & Ave cum totidem Gloria Patri &c. liberent toties quoties animam unam à Purgatorii pœnis, hujusmodi concessio extat in Archivio Aracelitano.

17. D. Papa BENEDICTUS XIV. die 24. Martii 1741. Pontif. sui anno 1. concessit, ut quodocunque Sacerdos aliquis Ordinis Minorum observantium, Reformationum, Exaltationum, Recollectorum, e Tertiariis, ac Monialium Monasteriorum dicti Ordinis sub jurisdictione, cura, regimine, & gubernio Ministerii Generalis ejusdem Ordinis, Missam, vel in die obitus præfatorum Præbyterorum, ac Clericorum, & Laicorum, necnon etiam Monialium prædicti Ordinis, & Reformationum sub præfata cura, & regimine Ministerii Generalis existentium, ac quoad Moniales in earum respective Ecclesiis Sacerdos quoque quilibet Sæcularis, vel Regularis: etiam alterius Ordinis; vel in alio die ad quodcunque Altare Ecclesiarum dicti Ordinis, & Reformationum, iam hætenus erectarum, quam in posterum erigendarum pro illorum, & illarum anima, quæ Deo in charitate conjuncta ab

hac luce migraverit, celebrabit, Missa hujusmodi, animæ, pro qua celebrabitur, perinde suffragetur, ac si ad Altare privilegiatum celebrata fuisset.

18. Infirmi, impotentes, & decrepiti Regulares, qui non possunt adire Ecclesiam ad lucrandas Indulgentias sibi à Summis Pontificibus concessas, possunt in infirmariis, Cellis, vel Lectulis eas promereri, dummodo agant aliquod opus pium arbitrio Confessarii: ex concessione Innocentii VIII. quæ habetur in Fundam. 3. Ordin. lib. 2. concess. 162. & in supplem. fol. 10. concess. 390. & ita declaravit Paulus V. post præfata revocationem anno 1609 Pontificatus sui anno 5. & refert Peregrin. loco cit. §. 1. qui etiam asserit in 1. part. sui comp. V. Indulgentia, n. 7. Pium IV. & Pium V. concessisse, quod Regulares extra proprias domos, & Ecclesias commorantes, seu iter facientes, visitando Ecclesias, illorum locorum, in quibus morantur, seu reperiantur, possent frui Indulgentiis ipsis concessis, servatis servandis; vide Peyrinum tom. 2. de privil. regul. in consl. 8. Pauli V. §. 4. n. 1.

19. Alexander VII. per suas litteras in forma Brevis die 11. Junii 1659. expeditas concessit Indulgentiam plenariam omnibus, & singulis Fratribus Ordinis Minorum, qui in suis Conventibus de suorum Superiorum licentia exercitia spiritualia per octo dierum spatium quodocunque peregerint, & interea temporis vere pœnitentes, & confessi Sacrosanctum Eucharistiæ Sacramentum sumserint, 20.

10. Quamvis, ut dictum est per Constitutionem Pauli V. sint revocatae Indulgentiae personis Regularibus concessae, praeter assignatas superius, non tamen revocatae sunt Indulgentiae Ecclesiis Regularium concessae, quas proculdubio iidem Regulares, sicut Saeulares personae lucrari possunt. Indulgentiae pariter generatim concessae Ecclesiis Fratrum, & Monialium, tum in diebus festis Sanctorum Ordinis nostri, tum in aliis hujusmodi solemnitatibus, cunctae aequae obtineri queunt a Christi fidelibus visitantibus Ecclesias Monialium, quae subsunt gubernio Ordinariorum; ex Decreto S. Congr. Reliquiis, & Indulgentiis propositae, die 27. Februarii 1673. ad instantiam Praefecti Sacrae Apostolice viae declarationis expedito; ut constat ex Rubr. particul. nostri Breviarii tit. 12. n. 169.

11. Innocentius Papa XII. per suas litteras in forma Brevis die 24. Decembris 1692. expeditas concessit omnibus, & singulis Fratribus, & Monialibus, ac aliis utriusque sexus personis, Ordinum, & Congregationum obedientiae, seu directioni Ministri Generalis Ordinis Minorum tam Observantiam, quam Reformationem nunc, & pro tempore subiectis, ac Christi fidelibus Confratribus, & Consonoribus quarumlibet Confraternitatum, & Societatum, sive sub Immaculatae Conceptionis B. M. V. sive sub alio quolibet titulo, seu invocatione tam haecenus in eorumdem Fratrum, & Monialium Ecclesiis canonice erectarum, quam in posterum canonice pariter erigen-

darum, qui per quadrantem horae orationi mentali vacaverint, pro qualibet vice Indulgentiam centum dierum; *ibidem* n. 177.

22. Qui per duos quadrantes continuatos, vel saltem per quadrantem horae singulis diebus, & per totum mensem dabunt operam, & vere poenitentes, & Confessi Sanctissimum Eucharistiae Sacramentum, sumpserint, ac pro Christianorum Principum concordia, haeresum extirpatione, ac S. Matris Ecclesiae exaltatione pias ad Deum preces effuderint, Indulgentiam plenariam semel quolibet mense lucrantur, quam per modum suffragii animabus in Purgatorio existentibus applicare possunt; *ibidem* n. 178.

23. Sixtus IV. in Extravag. Cum praefata, de Reliq. & venerat. Sanctorum: omnibus Christi fidelibus recitantibus officium appositum in Breviario nostro pro festo Immaculatae Conceptionis, vel illius recitationi interessentibus; tam in die festivitatis, quam per Octavam, eisdem Indulgentias concessit, quas ipsius Praedecessores Romani Pontifices dicentibus officium Sacratissimi Corpori Christi, aut ejusdem recitationi interessentibus corcesserant pro die, & octava hujus solemnitatis; unde excitandi sunt omnes ad eas lucrandas, tam medio officio praedicto, quam celebrando, vel devote audiendo Missam, quae cum eodem officio a praedicto Pontifice approbata in usu est apud familiam Seraphicam; *ibidem* titulo 4. n. 51 & in supplement. fol. 115.

24. Indulgentiae concessae pro recit.

citantibus, vel interessentibus prædictis officiis, prout colligitur ex Bulla Eugenii IV. quæ habetur in supplement. fol. 137. concess. 578. sunt; Pro Matutinis, & utriusque Vesperis diei festi, & Missa, quadringenti dies. Pro reliquis horis; hoc est pro qualibet ipsarum, centum sexaginta, & in quibuslibet Octavarum diebus pro singulis Matutinalium, Missarum, & Vesperarum, ducenti dies; ac pro qualibet hora, octoginta dies. Pro sequentibus processiones, ac Missas devote celebrantibus, tam in festo, quam in Octavarum diebus pro pace, & tranquillitate Ecclesiæ, & SS. Sacramentum in festo hujusmodi fumentibus, conceduntur ducenti dies Indulgentiæ.

25. Aliæ tandem quamplures extant Indulgentiæ à diversis Summis Pontificibus Regularibus concessæ, quæ si per revocationem, vel per non usum amissæ non sint, possunt ab eisdem Regularibus lucrari; diligentiam propterea unusquisque adhibeat, & inquirat, quænam sint Indulgentiæ peculiare proprio Ordini concessæ, an sint revocatæ, an sint in usu, nec ne? nam eas omnes hic referre, difficillima res est, & valde prolixa; referam tamen Decretum de Apocryphis Indulgentiis ab Innocentio XI. approbatum, quod est tenoris sequentis.

*Decretum de Apocryphis Indulgentiis.*

26. „ Delatæ sæpius fuere ad S. „ Congr. Indulgentiis, sacrisque Re- „ liquiis præpositam, Indulgentiæ „ quædam consistæ, & omnino fal-

„ sæ, quæ per diversas Orbis Chri- „ stiani partes circumferuntur; aliæ „ vero examinandæ, quæ adhibito „ studio inventæ sunt vel apocryphæ, „ vel à Romanis Pontificibus revo- „ catæ, vel nullæ, quod datum eis „ tempus præterisset: quarum qui- „ dem pluriimæ; cum non facilem co- „ gnitionem habeant Christi fideles, „ harum rerum minus peritos fal- „ lunt, qui spe Indulgentiæ, remis- „ sionisque peccatorum suorum com- „ sequendæ frusturantur. Quamobrem „ eadem S. Congr. vehementer cu- „ piens huic malo magis in dies fer- „ penti occurrere, animarum profe- „ cti, & Indulgentiarum dignitati „ consulere, plures illarum singulari „ diligentia colligi, & in Indicem „ referri curavit.

„ Tales in primis sunt illæ, uti as- „ serunt, concessæ à Joanne XXII. & „ Sixto IV. recitantibus orationem „ Charitatis Jesu Christi Domini no- „ stri: *Precor te piissime Domine &c.* „ ab Urbano II. Ecclesiæ S. Mariæ, „ ut vulgo dici solet, Campagnolæ, „ & S. Victoris, ab Eugenio III. „ Revelationi de plaga in humero „ Jesu Christi, factæ S. Bernardo, ab „ Innocentio III. Archiconfraterni- „ tati, & Ordini Redemptionis, à „ Bonifacio IX. visitantibus Capel- „ lam S. Nicolai de Tolentino in ejus „ die festo, à Joanne XXII. osculanti- „ bus mensuram plantæ pedis B. M. „ V., ab Alexandro VI. Imagini B. M. „ vulgo dictæ, laghetti, à Leone X. „ gestantibus funiculum S. Franci- „ sci, primum in Urbe impressæ, „ deinde Mediolani anno 1665 (suas „ tamen habent, & veras Confratres

Ar-

„ Archiconfraternitatis Cordigero-  
 „ rum S. Francisci ) recitantibus sa-  
 „ lutationem Angelicam ad pulsus  
 „ horologii, & Imagini Conceptionis  
 „ Mariæ Virginis Immaculatæ in  
 „ circulo depictæ, cuius pedibus Lu-  
 „ na subiecta est, à Pio IV. vel Pio V.  
 „ Principi Senatorum, à Clemente,  
 „ VIII. dicentibus orationem : O  
 „ magnum mysterium : & Ecclesiæ S.  
 „ Mariæ, quam vocant Montis Ser-  
 „ rati, Avenione impressæ, cum  
 „ aliæ pro animabus Christi fidelium  
 „ defunctorum, impressæ Matriti  
 „ 20. Julii 1606. à Paulo V. cantan-  
 „ tibus Hymnum *Te Matrem Dei Lau-*  
 „ *damus, te Mariam Virginem confi-*  
 „ *temur* : vel si die Sabbati interierint,  
 „ dum idem canitur, & Coronis,  
 „ Rosariis, Imaginibus, & Nunifi-  
 „ catibus, quæ Medallas appellant,  
 „ ab eo benedictis, Federico Cardi-  
 „ nali Borromeo supplicante anno  
 „ 1611. dum Ecclesia Romæ in ho-  
 „ norem S. Caroli ædificaretur, &  
 „ ab eodem Paulo, & Gregorio XV.  
 „ dicentibus; *Sia laudato il S.S. Sa-*  
 „ *gramento* : ab Urbano VIII. in ho-  
 „ norem ejusdem Sacramenti præci-  
 „ bus Cardinalis Magalotti, & Sacer-  
 „ dotibus, celebrata Missa, dicenti-  
 „ bus : *Ave filia Dei Patris, Ave,*  
 „ *Mater Dei filii &c.* à Clemente X.  
 „ recitantibus mane, meridie, &  
 „ Vespere consuetam Antiphonam :  
 „ *Angelus Domini &c.* & in fine *Deo*  
 „ *gratias, & Maria.* Ac demum  
 „ aliæ à nonnullis Romanis Pontifi-  
 „ cibus tributæ, ut ajunt, Coronis,  
 „ Mysteriorum Passionis D. N. Jesu  
 „ Christi, prece Magni Ducis Etru-  
 „ riæ.

„ Talis Indulgentia sodalitatibus S.  
 „ Nicolai, qua, repetita quinquies  
 „ oratione Dominica, & Salutatione  
 „ Angelica unam liberari animam  
 „ quolibet die à Purgatorii pœnis at-  
 „ firmant. Tales aliæ Perusii Con-  
 „ fraternitatibus S. S. Sebastiani, &  
 „ Rochi, & Romæ Societatis S. Ber-  
 „ nardi ad Columnam Trajanam.  
 „ Tales demum aliæ Crucesignato-  
 „ rum S. Eustorgii Mediolani, Ari-  
 „ nini, & Bononiæ.  
 „ Tales, & illæ concessæ, ut ajunt,  
 „ Capellæ Rosarii in Ecclesia S. An-  
 „ tonii de Rovigo, vel Ecclesiæ SS.  
 „ Trinitatis Bergomi, aut S. Petri  
 „ Montis Todini in die Festo Inven-  
 „ tionis S. Crucis, vel gestantibus fu-  
 „ niculum S. Francisci de Paula, vel  
 „ celebrantibus Missas S. Augustini,  
 „ aut alias quinque in honorem quin-  
 „ que Festivitatum B. M. V. vel reci-  
 „ tantibus Officium S. Franciscæ Ro-  
 „ manæ, aut Antiphonæ : *O Passio ma-*  
 „ *gna &c.* in memoriam Passionis Je-  
 „ su, aut Rosarium S. Annæ (quod  
 „ Cong. Sacror. Rit. non probat),  
 „ aut Orationem, quæ impressa cum  
 „ Imaginæ S. Annæ circumferri solet  
 „ *Ave gratia plena &c.* (quæ Oratio  
 „ prohibetur) aut Officium Conce-  
 „ ptionis B. Virginis Immaculatæ,  
 „ quod asserunt à Paulo V. probatum  
 „ fuisse, aut Orationem, *Dens, qui*  
 „ *nobis in S. Syndone &c.* excipitur  
 „ Indulgentia centum dierum anno  
 „ 1671. concessa precibus Ducissæ Sa-  
 „ baundæ ad annum 25. cunctis in il-  
 „ lius Ditione degentibus, aut aliam :  
 „ *Ave Filia Dei &c.* post Communio-  
 „ nem recitandam, vel aliquo conspi-  
 „ cuo signo venerantibus SS. Eucha-

ri-

„ riſtiæ Sacramenti nomen : Indul-  
 „ gentiæ rurfus octoginta millium  
 „ annorum veteri de Tabula excri-  
 „ ptæ, quæ in Baſilica Lateranenſi  
 „ aſſervari affirmant, pro dicentibus  
 „ orationem illam verè piàm : *Deus,*  
 „ *qui redemptione mundi &c.* tum,  
 „ quæ impreſſæ fuerunt Papæ anno  
 „ 1670. ſub hoc titulo : *Somm dell'*  
 „ *Indulgenze conſeſſe dalla Santità di*  
 „ *N. S. Papa Leone X. all' Imagine*  
 „ *della Concezzione della Glorioſa*  
 „ *Vergine Maria :* vel Piſauri ſub no-  
 „ mine B. Joanne anno 1608. evulga-  
 „ ta, vel Barlettæ, ſeu Baruli à reci-  
 „ tantibus quædam non ſane malas  
 „ Orationes lucrandæ, vel Parmæ à  
 „ viſitantibus per Quadrageſimæ dies  
 „ Eccleſias Tertiæ Ordinis Sancti  
 „ Franciſci ; vel Piſtorii, & Vaſtallæ  
 „ à recitantibus Orationem : *Ave SS.*  
 „ *Maria Mater Dei, Regina Cali &c.*  
 „ & aliz in peculiari impreſſo libro  
 „ deſcriptæ, quibus frõl dicunt De-  
 „ votos Seraphicos, & Benefactores.  
 „ His annuerandæ ſunt, quæ Cru-  
 „ cibus Caravacenſibus tributæ dicun-  
 „ tur, vel Coronæ, ſive Stellario  
 „ Conceptionis Virginis Immacula-  
 „ tæ, quod ex duodecim globulis pre-  
 „ cariis conſtat, vel granis, Cruci-  
 „ bus, & Coronis Aloyſiæ ab Aſcen-  
 „ ſione Hiſpanæ Monialis Ordinis  
 „ Sanctæ Clare, vel Menſuræ altitu-  
 „ dinis Jeſu Chriſti Domini noſtri,  
 „ vel Imagini, aut menſuræ vulneris  
 „ lateri ejus inſcripti, vel Orationi, ut  
 „ ajunt, in Sepulchro Domini noſtri  
 „ repertæ, & Indulgentiæ, ut ajunt,  
 „ innixæ revelationi factæ Sanctis  
 „ Birgittæ, Mcſchildi, & Eliſabeth,  
 „ vel Joannæ de Cruce, & conceſſæ, ut

„ aſſerunt, granis, quæ aliquod ex tri-  
 „ bus granis tetigerint extantibus pe-  
 „ nes Romanum Pontificem, Hiſpa-  
 „ niarum Regem, & Miniſtrum Ge-  
 „ neralem Fratrum Minorum Obſer-  
 „ vantiz S. Franciſci.

„ Omnes vero, & ſingulas jam di-  
 „ ctas Indulgentias S. Congr. partim  
 „ eſſe conſictas, & plene falſas decla-  
 „ rat, partim apocryphas, vel ex alio  
 „ capite nullas, quæ nemini ſuffraga-  
 „ ri poſſunt, eaſque in futurum nullo  
 „ in loco ut veras publicari, & lu-  
 „ crandas Chriſti fidelibus proponi  
 „ vetat ; foliaque, & libros, ubi ſic  
 „ proponuntur, ſeu aſſeruntur, om-  
 „ nino præcipit aboleri, niſi prædi-  
 „ ctæ Indulgentiæ fuerint diligenter  
 „ expunctæ ; nec ideo vult alias, quas  
 „ hoc Decretum non continet, pro-  
 „ veris, & legitimis, taciteque pro-  
 „ batis haberi.

„ Ac demum omnes Indulgentias  
 „ conceſſas ante Decretum Clemen-  
 „ tis VIII. latum 9. Januarii 1597.  
 „ Coronis, Roſariis, Granis, ſeu  
 „ Calculis, Crucibus, & Imaginibus  
 „ Sacris ; vel ante Breve Pauli V.  
 „ quod incipit *Romanus Pontifex :*  
 „ editum 23. Maij 1606. perſonis Re-  
 „ gularibus quarumcumque Religio-  
 „ num, & Ordinum, etiam Mendi-  
 „ cantium, vel ante Conſtitutionem  
 „ 115. Clementis VIII. cujus initium  
 „ *Quacumque.* & 68. Pauli V. incip.  
 „ *Quæ ſalubriter :* habitus per aggre-  
 „ gationem, vel aliam communicationem  
 „ nem ab Archiconfraternitate ulla,  
 „ Ordine, Congregatione, Societa-  
 „ te, etiam Jeſu, Capitulo, vel ab  
 „ eorum Officialibus, Superioribus,  
 „ aliisque perſonis, vel perſona,  
 „ etiamſi



„ etiamſi earum , vel ejus mentio  
„ ſpecialis , & individua faciendā  
„ eſſet; niſi fuerint deinde Romani  
„ Pontificis autoritate innovatæ ,  
„ aut confirmatæ , nullius eſſe robo-  
„ ris , & momenti pariter declarat .

„ Porro Summaria Indulgentiarum  
„ pro Congregationibus Doctrinæ  
„ Chriſtianæ ; Confraternitatibus SS.  
„ Trinitatis , & Redemptionis Capti-  
„ vorum , Nomini Dei , Roſarii , B.  
„ Mariæ de Mercede , & Redemptionis  
„ nis Captivorum , B. Mariæ de Mon-  
„ te Carmeli , Centuræ S. Auguſtini ,  
„ & S. Monicæ , niſi ab eadem Con-  
„ gregatione recognita , non per-  
„ mittuntur .

„ Indulgentias verò Stationum Ur-  
„ bis à Romanis Pontificibus ſingula-  
„ ri quodam beneficio , vel commu-  
„ nicatæ ſunt , vel communicabuntur  
„ interdum aliquibus locis , Ordini-  
„ bus , aut perſonis diebus tantum ,  
„ ſtationum in Miſſali Romano de-  
„ ſcriptis , ſuffragari poſſe declarat :  
„ ſemel autem dumtaxat in die ple-  
„ nariam Indulgentiam in certos dies

„ Eccleſiam viſitantibus conceſſam ,  
„ vel aliud pium opus peragentibus  
„ lucriferi .

„ De quibus relatione facta per Se-  
„ cretarium ad Sanctiſſimum , cuncta  
„ Sanctitas ſua probavit , & inviola-  
„ tæ ſervari juſſit . Datum Romæ die  
„ 7. Martii 1678.

27. Subindè S. Cong. S. Officii  
die 18. Julii 1703. declaravit , Indul-  
gentias Crucibus S. Turibii ab Urba-  
no VII. ut nonnulli aſſerebant , conceſ-  
ſas , tanquam falſas eſſe prohiben-  
das : Indulgentias , quoque Coronis  
S. Birgittæ , ut aliqui affirmabant , ab  
Alexandro VI. conceſſas , declarandas  
eſſe Apocryphas , & nullius roboris ,  
ac momenti , ſine præjudicio tamen  
Indulgentiarum à Leone X. dictis Co-  
ronis conceſſarum in ſua Conſtit. quæ  
incipit: *Ex Clementi* : vide Mattheue.  
*Official. quoad Indulgentias* n. 30. Pro  
oſculantibus habitum P.F. Min. &  
Prædicat. ſunt indulgentiæ quinque  
annorum conceſſæ à Joan. XXII. apud  
Lantufcam v. habitus .

## C A P. IX.

### De Syndicis Fratrum Minorum , & de eorum privilegiis .

1. **P**lures Romani Pontifices  
conſiderantes pios , aſſi-  
duosque labores , quibus Regulares  
præſertim Mendicantes ſalutem ani-  
marum procurant , multa , & varia  
privilegia , ne dum ipſis , ſed etiam  
iſpſorum Procuratoribus , & Syndicis

paterna Charitate , & liberalitate  
contulerunt , quia tamen de omnibus  
mentionem facere perdifficile eſt ,  
hic tantum ſermo erit de Syndicis  
Fratrum Minorum Obſervantium , &  
Reformatorum ; qui revera ſunt Pro-  
curatores Sedis Apoſtolicæ ipſius no-

mine constituti ad aliquos actus exercendos, quos dicti Fratres licite per se ipsos exercere non valent.

2. Hujusmodi Procuratores, si-  
ve Syndici, qui à Generali pro toto  
Ordine, & à Provincialibus pro Pro-  
vinciis, & Conventibus autoritate  
Apostolica nominantur, intuitu la-  
borum, quos frequenter in Fratrum  
beneficium sustinent, à S. Sede spi-  
ritualibus, ac temporalibus favori-  
bus sunt decorati; ipsis enim Cle-  
mens VII. concessit privilegium fori  
in causis civilibus, criminalibus, &  
mixtis motis, & movendis; ut con-  
stat ex Bulla 19. quæ incipit: *Dum*  
*consideramus*: apud Cherub. tom. 1.  
in qua privilegia, & gratiæ, quibus  
ipsi fruuntur, continentur.

3. Ultra præfatum fori privile-  
gium omnes Syndici tam præsentis,  
quam futuri domorum, & Monaste-  
riorum Fratrum Minorum prædicto-  
rum, necnon Monialium S. Claræ,  
Conceptionis, & Annunciationis  
Ordinum, & Sororum tertie Regulæ  
S. P. N. Francisci, cum illorum ux-  
oribus, & liberis fruuntur omnibus,  
& singulis Indulgentiis, peccatorum  
remissionibus, favoribus, & gratiis;  
quibus iidem Fratres potiuntur, &  
gaudent, seu uti, potiri, & gaudere  
poterunt quomodolibet in futurum:  
*ibidem*.

4. Præterea à Sede Apostolica,  
eisdem concessum est, ut in quibusvis  
causis, & rebus ipsos Syndicos, si-  
ve Procuratores concernentibus, civi-  
libus, criminalibus, & mixtis, inon-  
nisi coram Judicibus Conservatori-  
bus domorum illarum, quarum Syn-  
dici, si-ve Procuratores fuerint, de

justitia res, ondere teneantur, *ibi-  
dem*.

5. Necnon sub excommunicationo,  
nis latæ sententiæ pœna ab eadem S.  
Sede inhibetur omnibus, & singulis  
Judicibus, Commissariis Ecclesiasti-  
cis, & Sæcularibus, quacunque autho-  
ritate fulgentibus, ne de causis con-  
tra dictos Syndicos, si-ve Procurato-  
res, motis, & movendis, directe  
vel indirecte, quovis quæsito colo-  
re, seu prætextu, se intromittere  
quomodolibet de cætero audeant,  
vel præsumant; & insuper decernitur  
quoscunque processus contra dictos  
Syndicos, si-ve Procuratores, per  
alios, quam dictos Conservatores,  
in causis dumtaxat contra eos motis,  
& movendis, habendos, & senten-  
tias ferendas, nullos, & invalidos,  
nulliusque roboris, vel momenti  
fuisse, & esse, *ibidem*.

6. Subinde à S. M. Innocentio  
XI. confirmata fuerunt in forma spe-  
cifica Decreta variarum SS. Congr.  
emanata super exemptione, & privi-  
legiis præfatorum Syndicorum, seu  
Procuratorum, quæ per sequentes  
paragraphos referuntur.

§. 1. „Alias pro parte dilecti filii  
„Francisci Mariæ Tagliaferri Pro-  
„curatoris Generalis Ordinis Fra-  
„trum Minorum S. Francisci, de  
„Observantia nuncupatorum, Con-  
„gregationi Venerabilium Fratrum  
„nostrorum S. R. E. Cardinalium,  
„negotiis, & consultationibus Epi-  
„scop. & Regul. propositæ, expo-  
„sito, quod dudum nonnulli Roma-  
„ni Pontifices, & præsertim fel. re-  
„cordat. Nicolaus III. & Nicolaus  
„IV. Martinus V. & Eugenius IV.

Præ-

„Prædecessores nostri, ut vera ob-  
„servantia, Regulæque puritas in  
„Ordine prædicto vigeret, & magis  
„augeretur, Fratresque ipsius Ordini  
„ab omni dominio, & proprietate  
„alieni conservarentur, statuerant,  
„& ordinaverant, ut unicuique  
„Conventui dicti Ordinis assignaretur  
„unus Procurator, sive Syndicus  
„Apostolicus, qui omnes eleemosynas,  
„tam pecuniarias, quam aliarum rerum  
„colligere, illasque solus in necessitatibus  
„Fratrum præfatorum applicare deberet.

§. 2. „Et subinde recol. mem. Clementis VII. etiam Prædecessor noster,  
„intuitu laborum, quos ejusmodi  
„Syndici in beneficio dictorum Fratrum,  
„quocunque tempore, & quavis occasione  
„assidue sustinebant, eosdem Syndicos,  
„sive Procuratores à foro Sæculari exem-  
„erat, volens, ut in causis, tam civilibus,  
„quam criminalibus, & mixtis, non nisi  
„coram Judicibus Conservatoribus eorumdem  
„Fratrum Minorum de Observantia nuncupatorum  
„de iustitia respondere tenerentur, & alias  
„prout in ipsius Clementis Prædecessoris  
„litteris, desuper in simili forma Brevis  
„die 16. Aprilis 1526. expeditis, plenius  
„dicitur contineri.

§. 3. „Ac in eadem expositione subjun-  
„cto, quod nonnulli dicerent, privilegium  
„hujusmodi in aliqua sui parte amplius  
„in usu non esse, alii vero prætenderent,  
„illud Syndicis prædictis, ratione eorum  
„officii tantum, non autem uti talibus  
„personis, competere, unde fiebat,

„ut Fratres prædicti non sine pau-  
„pertatis, & Regulæ quam, profiten-  
„tur, suarumque conscientiarum detrimento,  
„neminem amplius reperire possent,  
„qui eorum Syndici, sive Procuratoris munus  
„in se suscipere, eumque laborem assu-  
„mere vellent.

§. 4. „Ideoque pro parte præfati  
„Francisci Mariæ Procuratoris Generalis  
„dictæ Congregationi Cardinalium  
„supplicato, ut non solum authoritate  
„Apostolica confirmaretur dictum  
„privilegium, sed etiam illud Syndicis,  
„sive Procuratoribus hujusmodi, uti  
„talibus personis competere declararetur.

§. 5. „Emanavit ab eadem Congregatione  
„Cardinalium Decretum tenoris sequentis,  
„videlicet: Sacra Congregatio  
„H. E. S. R. E. Cardinalium negotiis,  
„& consultationibus Episcop. & Regul.  
„præposita, attenta remissione libelli  
„per SS. D. N. facta, referente  
„Eminentissimo Norfolch, censuit  
„danda esse Oratori Decreta,  
„alias edita, nempe: super præmissis  
„servandam esse, præfatam  
„Constitutionem S. M. Clementis VII.  
„prout præsentis Decreti tenore  
„omnino servari mandat, & præcipit.  
„Romæ 28. Martii 1686.

§. 6. „Porro cum dictus Franciscus  
„Maria Procurator Generalis præ-  
„narrata pariter exposuisset  
„Congregationi, etiam Venerabilium  
„Fratrum nostrorum ejusdem S. R. E.  
„Cardinalium super Immunitate  
„Ecclesiastica, & Controversiis  
„jurisdictionalibus Deputatorum, hæc  
„Congregatio censuit, danda esse,

Qq 2

„De-

„Decreta anteriora tenoris, qui se-  
 „quitur, videlicet: S. Congregatio  
 „super Immunitate Ecclesiastica, &  
 „controversiis jurisdictionalibus,  
 „habita sub hac die Martii 1686.  
 „circa exposita in presenti supplici  
 „libello, dixit, danda esse Decreta,  
 „ut infra: die 31. Maii 1639. *Fanen-*  
 „„Provincialis Fratrum Minorum,  
 „„Observan. S. Francisci, Sacra &c.  
 „„censuit, respondendum Episcopo,  
 „„ut quoad exemptionem Syndici  
 „„Fratrum Minorum de Observ. loci  
 „„de Cartocero faciat Bullam Cle-  
 „„mentis VII. observare, si in eo  
 „„concurrant requisita ejusdem Bul-  
 „„læ.

§ 7. „ Die 17. Novembris 1642.  
 „„*Perusina*. Fratres S. Francisci Min.  
 „„Obser. Sacra &c. censuit, servan-  
 „„dam esse Bullam Clementis VII.  
 „„circa privilegium fori, & exem-  
 „„ptionis Syndicorum, sive Procura-  
 „„torum Ordinis Fratrum Minorum  
 „„S. Francisci de Observantia.

§ 8 „ Die IV. Augusti 1654. *Fanen-*  
 „„*nen*. Episcopus: An Syndicus Fra-  
 „„trum Minorum de Observ. S. Fran-  
 „„cisci gaudere debeat privilegio fo-  
 „„ri? Sacra &c. censuit hujusmodi  
 „„Syndicum gaudere privilegio fo-  
 „„ri juxta Constitutionem Clemen-  
 „„tis VII.

§ 9. „ Die 23. Maii 1645. *Romana*.  
 „„Pater Commisarius Generalis Cu-  
 „„riz quaerit: An Syndici sive Procu-  
 „„res Conventuum suæ Religionis  
 „„gaudeant privilegio fori, etiam in  
 „„causis, tam civilibus, quam crimi-  
 „„nalibus, & mixtis motis ante insti-  
 „„tutionem officiorum virtute Bullæ  
 „„Clementis VII. Sacra Congr. ref-

„pondit: Syndicos præfatos gaude re  
 „dicto privilegio fori in causis, etiam  
 „motis ante institutionem in offi-  
 „cium Syndicatus.

§ 10. „ Die 23. Maii 1645. *Recina-*  
 „„*ten*. An Syndicus Monialium S.  
 „„Clara gaudeat privilegio fori, prout  
 „„gaudent Syndici Fratrum Mino-  
 „„rum de Observantia e Sacra &c.  
 „„censuit, hujusmodi Syndicum gau-  
 „„dere debere privilegio fori, in  
 „„fidem &c. Datum Romæ die 20.  
 „„Aprilis 1686.

§ 11. „ Cum autem &c. Nos &c.  
 „„Decreta præinferta à memoratis  
 „„Congregationibus Cardinalium res-  
 „„pectivè emanata, autoritate  
 „„Apostolica tenore præsentium ap-  
 „„probamus, & confirmamus, illisque  
 „„inviolabilis Apostolicæ firmitatis  
 „„robur adicimus, salva tamen in  
 „„præmissis autoritate earundem  
 „„respectivè Congregationum Car-  
 „„dinalium. Decernentes &c. sicque  
 „„in præmissis &c. irritum, & ina-  
 „„ne &c. non obstantibus &c. Romæ  
 „„19. Julii 1686.

7. Syndici, sive Procuratores  
 præfati non possunt compelli ad exer-  
 cenda munia publica Communitatis,  
 neque conveniri, nisi coram Judice  
 Conservatore, prout decrevit S. Con-  
 greg. super Immunitate Ecclesiastica,  
 & Controversiis jurisdictionalibus  
 habita die 10. Maii 1669. sub te-  
 nore sequenti, videlicet: S. Con-  
 gregatio inharendo declarationibus  
 alias factis censuit; Procuratores,  
 sive Syndicos Fratrum Minorum S. Fra-  
 ncisci de Observantia ex Bulla sel. re-  
 cord. Clementis 7. gaudere privilegio  
 fori, tam in causis civilibus, quam in  
 cri-

criminalibus, & mixtis; & insuper non posse compelli ad exercenda munia publica Communitatis, neque à quocumque molestari, nisi coram legitimo Conservatore: Roma 7. Januarii 1699.

8. Et sub die 9. Augusti 1701. Sacra Consulta in favorem Syndici Conventus Fabriani, extracti ad effectum, ut exerceret munus Communitatis, rescripsit: *extrahi aliam*: & iterum proposita causa, & instante loci Gubernatore, sub die 19. ejusdem Mensis, respondit. *In Decisis*.

9. Non solum gaudent privilegiis præfatis, sed etiam sunt exempti à Repraesentis, seu pignorationibus, prout in una Spoletana prædicta S. Congr. 14 Januarii 1698. declaravit.

10. Privilegium non solvendi collectas pro oneribus Communitatis præfatis Syndicis, seu Procuratoribus à S. Sede concessum, fuit ad instantiam quarundam communitatum sub die 19. Julii 1704. à S. Cong. Boni Regiminis revocatum.

11. Postremo advertendum est 1. quod sicut potest legitime constitui

pro quovis Conventu nisi unus Syndicus, sive Procurator, ita nonnisi unus canonicè institutus fruitur privilegiis supra recensitis, prout pluries S. Congr. Boni Regiminis declaravit, & patet ex alleg. *Const.* Clementis VII. Cæteri verò Benefactores, qui abusivè dicuntur Syndici, sive Procuratores, immo arbitrantur se esse tales, atque adeo dictis privilegiis gaudere, minime gaudent; ex speciali tamen gratia Julii II. omnium, & singulorum Sacrificiorum, Orationum, jejuniorum, aliorumque bonorum operum, quæ à Religiosis fiunt, participes redduntur. Advertendum est 2. quod ad hoc, ut veri Syndici, sive Procuratores possint privilegiis frui, tenentur addiscere necessaria, quæ ad eorum officium spectant, illudque exactè, diligenter, fideliterque exercere, ne ob ipsorum negligentiam, & incuriam cogantur Superiores Conventuum, ac Subditi in emptionibus, & venditionibus rerum necessariorum ad alios recurrere, & ita periculo alicujus transgressionis se exponere; secus non gaudent.

## C A P. X.

### De Privilegiis Regularium, circa Divinum Officium.

1. **R**egulares aliquid de Divino Officio omittentes, si id eis non ex dolo, vel malitia, sed ex inadvertentia, vel distractione involuntaria contingat, possunt supplere cum aliquo psalmo, vel dicendo

unum Pater cum Ave: ex concessione Innocentii VIII. quæ habetur in Fundam. 3. Ordin. lib. 2. fol. 69. concess. 249. & in supplem. fol. 99. concess. 362. quod tamen privilegium intelligendum est de parvitate materiæ. non

au-

autem de parte notabili, ut ait Navarrus *sem. 4. Comment. de orat. cap. 19. n. 84. Vers. secundum est.*

2. Regulares non valentes bene, ac diligenter, in Choro Divinum Officium persolvere, prout tenentur, si propter defectum visus; vel auditus aliquid prætermiserint, satisfaciunt dicendo unum psalmum in fine horarum: ex privilegio Sixti IV. quod habetur in cit. Fundam. 3. Ord. lib. 1. fol. 63. & lib. 2. fol. 66. concess. 98. & in supplem. fol. 100. concess. 383. quod similiter ex Navarro *loc. cit. vers. quod aliqua* intelligendum est de defectibus parvis, & testantur Ludovic. de la Cruz lib. 2. cap. 9. dub. 2. conclus. 2. Portell. in dub. Regul. v. *hora canonica* n. 10.

3. Leo X. concessit, quod Fratres Minores, & qui cum eis privilegiorum communicationem habuerint, dicendo Horas Canonicas, & alia Officia Divina in Choro, vel extra, satisfaciunt præcepto Capituli *Dolentes de celeb. Missar.* ac etiam Regulæ suæ etiam si propter aliquam fatigationem, vel aliam causam, sedendo, deambulando, vel non integrè verba proferendo, ob imperitiam, aut malam prolationem naturalem, seu defectum linguae, vel alias qualitercunque ore imperfectè dicant, aut cum mentis distractione; dum tamen involuntariè, ex humana fragilitate, & non ex malitia hæc faciant; & similiter concessit, quod qui cum talibus malè proferentibus, vel alios defectus committentibus Divinum Officium persolvunt, non teneantur ab aliis imperfectè dicta repetere; aut propter distantiam localem, strepi-

tum, vel aliam causam ab eis non integrè audita supplere: sed satisfaciunt præcepto Ecclesiæ, & Regulæ suæ, qualitercunque audiendo, præsertim in Choro, quæ ab aliis recitari debent, dummodo ipsi prædictis defectibus causam non dederint: prout habetur in cit. Supplem. fol. 59. concess. 169. & refert Roder. in *Bullario in Leone X.* qui ad instantiam Laurentii Cardinalis Datarii hujusmodi privilegium concessit.

4. Ad supplendum autem quemlibet defectum humana fragilitate contractum in recitatione Divini officii satis est dicere post horas perfolutas illam devotissimam Orationem, quæ incipit. *Sacrosanctæ, & individue Trinitati; Crucifixi Domini Nostri Jesu Christi humanitati; Beatissime, ac Gloriosissime, semperque Virginis Mariæ sacunda integrati; & omnium Sanctorum universitati, sit sempiterna Laus, honor, virtus, & gloria ab omni creatura, nobisque remissio omnium peccatorum per infinita secula seculorum. Amen.*

¶ *Beata viscera Mariæ Virginis, quæ portaverunt Eterni Patris filium.*

¶ *Et Beata ubera, quæ lactaverunt Christum Dominum. Pater noster. Ave Maria: pro felici statu S. R. E. & pro anima Leonis Papæ X. qui hoc privilegium concessit: ut supra loc. cit.*

5. Clemens VII. concessit, quod Regulares prædicationi verbi Dei, & audientiæ Confessionum ad animarum utilitatem occupati in casu aliquo particulari, qui judicio Superiorum majus bonum censeatur, quam re-

recitatio Divini Officii, satisfaciant pro horis Canonicis recitanda septem, vel saltem sex psalmos per Superiorem assignandos; aut orationem Dominicam septies, & Symbolum Apostolorum bis; ita habetur in 37. Bulla dicti Clementis VII. quæ fuit confirmata à Paulo III. in Const. 5. §. 8. & utraq; incipit: *Dudum*: apud Cherub tom. 1.

6. Leo X. informatus, quod aliqui Fratres scrupulosi, quando infirmitate aliqua laborant, fere nunquam possunt, aut sciunt discernere, & deliberare, an licite possint, necne, Horas Canonicas omittere; concessit, quod si febribus, doloribus, vel, aliis quibuscunque infirmitatibus prædicti fuerint gravati, aut afflicti, satisfaciant pro dictis Horis Canonicis, dicendo aliquot Pater noster, cum Ave Maria, vel alias orationes à Superiore, etiam Locali assignandas: ita habetur in præcitato Fundam. 3. Ord. lib. 2. fol. 59. concess. 171. & in Bull. Roder. loc. cit. ad instantiam ejusdem Cardinalis ut supra n. 4.

7. Advertendum tamen, quod præfati infirmi, etiam absque privilegio, & absque Superioris licentia à persolvendo Divino Officio excusantur, quando Medicus corporalis affirmat, eos non teneri recitare; sicut ad non jejunandum, vel ad non abstinendum à carnibus, aut lacticiiniis sufficit ejusdem Medici judicium, vel licentia; infirmi enim

quoad salutem recuperandam Medico subiciuntur, illique obedire tenentur; quinimmo ubi dubius esset Medicus, an infirmitas esset talis, quæ ægrotum ab Officio persolvendo excusaret, non teneretur ægrotus recitare, si sentiret se non bene habere, ne periculo gravis damni se exponeret: prout docent Roder. in Summ. tom. 3. cap. 197. n. 1. à S. Faulst de Horis Canonicis lib. 2. q. 221. Peyrinus tom. 3. de privil. regul. in additam. ad Const. Leonis X. cap. 4. in fine, & alii, sed in tali casu consultatur Superior, qui poterit dispensare, seu commutare, ut supra.

8. Indulgentiæ, quæ luerantur à Regularibus divinum officium recitantibus sunt sequentes: 1. Leo X. concessit, quod Regulares absolventes divinum officium ex libro consequantur remissionem dimidiæ partis peccatorum commissorum illa die, qua divinum officium persolvunt, ut ita cum majori attentione, ac devotione persolvant. 2. Martinus V. pro qualibet hora in Choro cum aliis recitata concessit centum dies indulgentiæ. 3. Alexander VI. recitantibus ante Divinum Officium: *Aperi Domine os meum* concessit Indulgentiam 200. annorum IV. Joannes XXII. concessit 40. dies Indulgentiæ inclinantibus se ad Gloria Patri &c. & ad Sanctissima nomina Jesu, & Mariæ: ita Peyrin. de privil. tom. 1. Briknier. in Reg. S. P. N. Francisci & alii.



## C A P. X I.

## De privilegiis Regularium in Eucharistia administranda.

1. **S**UB pœna excommunicationis ipso facto incurrendæ Papæ reservatæ prohibentur omnes Regulares sine Parochorum licentia ipsorum subditis administrare S. Eucharistiam in die Paschatis, & per modum Viatici in periculo mortis constitutis, ac extremam unctionem; excepto casu extremæ necessitatis, quando scilicet proprius Sacerdos absit, vel non possit, aut non lit ea Sacramenta ministrare; tunc etiam poterunt matrimonia solemniter absque præfata licentia benedicere; quæ quidem benedicentes solemniter sine ea, & seclusa dicta necessitate, eandem pœnam incurrunt; prout decernitur in *Clement. 1. Religiosi de privil. & docent Sylvest. V. Excommunicatio 7. excomm. 14. n. 31. Toletus in sum. lib. 1. cap. 37. Navarr. in summ. cap. 27. n. 101. Suar. tom. 5. de cens. disput. 22. sect. 4. d. n. 2. & alii.*

2. Quamvis Novitius Sacerdos peccet mortaliter si in die Paschatis in Ecclesia Regularium S. Eucharistiam subditis Parochorum ministret, excommunicationem tamen prædi-  
ctam non incurrat; ratio est, quia illa afficit tantum Religiosos professos, sive per tria vota Religionis solemnia, sive etiam per simplicia; ut docet Suarez tom. 3. in 3. part. disput. 72. sect. 2.

3. Ad incurrendam eam excommunicationem necesse est, ut interveniat præsumptio; nam qui ex inadvertentia, vel ignorantia inculpabili administrat, putans sibi licere, vel ex ratihabitione de præfati, aut de futuro ipsius Parochi, minime incurrit. Comprehendit hæc censura Regulares ministrantes Eucharistiam Clericis, aut Laicis Sæcularibus, non vero eos, qui eam administrant Religiosis propriæ, vel alterius Religionis, etiam sine Prælatorum facultate; ut docent Cajetan. in summ. V. Excommunicatio cap. 64. notab. 1. Sotus in 4. dist. 2. q. 2. art. 1. vers. utrum vero sufficiat.

4. Præterquam in die Resurrectionis Dominicæ, possunt Regulares absque licentia Parochi quocunque anni tempore omnibus Christi fidelibus in suis Ecclesiis S. Eucharistiam ministrare; ex privilegiis concessis à Nicolao V. in Bulla, quæ habetur in Fundam. 3. Ord. lib. 1. fol. 30. & Sixti IV. in Bulla loc. cit. & in supplement. fol. 68. concess. 159. quam postea S. Pius V. in sua const. 4. confirmavit; ita Navar. in summ. cap. 21. n. 52. Suarez tom. 3. in 3. p. disput. 72. sect. 2. dub. 2.

5. Possunt Regulares in die Paschatis S. Eucharistiam præbere afferentibus habere facultatem à Parochis



chis, vel Episcopis communicandi ubicunque voluerint; non enim sunt præsumendi tam immemores propriæ salutis, ut tantum scelus, præsertim absque necessitate, committere velint: ut docet expresse Gloss. in Clement. Religiosi: cit. sup. Navar. in summ. cap. 27. n. 102. Peyrin. de priviil. Regul. Const. 1. Julii 11. §. 37. num. 84.

6. Quamvis nonnulli doceant, posse Regulares ipso die Resurrectionis Dominicæ S. Eucharistiam ministrare iis Parochianis, qui dicunt, se jam satisfecisse, vel satisfacturos præcepto Ecclesiæ, ipsorum tamen opinio omnino est relinenda, nam iuribus allegatis ab ipsis iura opponuntur, S. enim Congr. Concilii sub die 9. Julii 1644. in una Eurdigalen decrevit: *Archiepiscopum non posse prohibere Regularibus habentibus privilegia Apostolica, ut à Dominica Palmarum usque ad Dominicam in Albis inclusivè administrare non valeant Sacramentum Confessionis, posse tamen eisdem prohibere, ut personis Sæcularibus in die Paschatis non administrent SS. Eucharistia Sacramentum, etiamsi dicta persona Sæculares alia die satisfecerint præcepto Ecclesiæ.* Quam determinationem Innocentius X. die 7. Februarii 1645. in sua Const. incip. *Exponi nobis*; confirmavit, ut refert Poncius Curfu Theol. disp. 46. quæst. 9. n. 121.

7. Deinde in una Mechlinen. proposito dubio: An Patres Societatis Jesu aliique Regulares possint ministrare SS. Eucharistiæ Sacramentum personis Sæcularibus à Dominica Palmarum usque ad totam Dominicam in Albis? eadem S. Cong. Concilii

13. Januarii 1682. respondit: *Posse, excepto die Paschatis: ita tamen, ut Sæculares sumentes Eucharistiam sine debita licentia in Ecclesiis Regularium in aliis diebus à Dominica Palmarum ad Dominicam in Albis inclusivè, non satisfaciant præcepto Ecclesiæ.* Limita, nisi Ecclesiæ Regularium sint Parochiæ, in ipsis enim Parochiani, ipsarum satisfaciunt.

8. Possunt Regulares in suis Ecclesiis S. Eucharistiam peregrinis, advenis, & hospitibus ministrare, etiam pro adimplendo Paschali præcepto; nam in istis cessat ratio dictæ prohibitionis; nisi ad propriam Parochiam commodè accedere possint; idem communiter tenent Doctores de servis, seu famulis, & continuis commensalibus Religiosorum, qui degunt in Monasteriis, seu Conventibus, vel aliis in locis à cura Parochorum exemptis: ita Basszus v. communio Sacra n. 11. Henriq. lib. 8. de Euchar. cap. 55. n. 1. Roder. tom. 1. q. 56. art. 3. vers. nec obstat; Anaclet. Reinfest. tract. 10. q. 4. n. 4. Debent tamen Regulares tradere petentibus fidem vel Confessionis auditæ, aut Communionis administratæ.

9. Ex privilegio Pauli IV. in sua Const. incip. *Cum sicut*: apud Rodericum in suo Bullario Bulla 3. ejusdem Pontificis, possunt Regulares extradomos, & Conventus suos SS. Eucharistiæ Sacramentum, excepto die Resurrectionis, infirmis ministrare; non quidem per vicos, & plateas illud deferendo, quod est proprium Parochorum, sed in Capellis privatis, sive Oratoriis in Sæcularium domibus consistentibus, cum debita facultate

R r

tate

tate erectis, sacrum conficiendo, indeque dictos infirmos, etiam per modum Viatici communicando, ut explicat Suarez tom. 4. de Relig. tract. 3. lib. 9. cap. 3. n. 12. & cap. 4. n. 17. Roder. tom. 2. qq. Regular. q. 67. art. 1. qui ibidem etiam probant à fortiori, posse Regulares in suis Conventibus hospitibus secularibus ibi infir-

mantibus S. Eucharistiam, etiam pro Viatico absque Parochi licentia ministrare, & si opus fuerit, extremam quoque unctionem ipsis præbere, ex privilegio, quod refert Roder. in suo Bullario in Sixto IV. Bulla ejus 42. n. 4. & Peregrinus in suo comp. p. 1. tit. communicare §. 3.

## C A P. XII.

## De Privilegiis Regularium circa tempus, &amp; loca ad celebrandum.

1. **E**X specialibus privilegiis habent Regulares facultatem celebrandi Missas ante ortum surgentis auroræ; etenim Sixtus IV. ut habetur in Monum. Ord. Min. in supplem. f. l. 97. concessit 346. concessit Fratribus Minoribus de corpore, Observantiz, quod possent ex iusta causa ante, vel post horam ab Ecclesia statutam celebrare; & Leo X. prout refertur in comp. privil. v. Missa §. 6. eisdem concessit, ut de licentia suorum Superiorum possint celebrare illico post Matutinum, & etiam post Meridiem, præsertim diebus, quando est de audienda Missa præceptum, & quando Fratres iter faciunt, aut de via veniunt, & non possunt ante meridiem applicare ad locum, ubi possint Missam audire, vel honestè celebrare. Sed quia hæc privilegia, ut nonnulli asserunt, per Tridentinum sunt revocata, idcirco unusquisque debet suam conscientiam consulere quam maximè, attendere, & scire,

quo privilegio liceat sibi uti, ut terminos sibi præfixos non transgrediantur. Post Tridentinum tamen Gregorius XIII. concessit Patribus Societatis Jesu, ut per tres horas ante Solis ortum, ac per unum, vel alterum quadrantem post meridiem ex rationabili causa possint Missam inchoare, ita Peyrinus tom. 1. de privil. Regular. ad Const. Pirrhi n. 20. Leander, Pellizarius, & alii, quos refert, & sequitur Diana p. 10. tract. 12. resol. 246. Card. de Lugo disp. 20. de Euchar. n. 92. Suarez tom. 3. super 3. p. D. Thomæ, quest. 89. art. 2. disp. 8. scilicet 4. quo privilegio alii Regulares per communicationem fruuntur.

2. Circa loca ad celebrandum, observandum est à Regularibus Decretum novissimum à Clemente XI. die 15. Decembris 1603. editum, ut infra.

§. 1. Quoniam Sancta Sanctè tractanda sunt, ac præsertim incrementi Sacrificii Mysterium, quod omni Religio-

gionis cultu, & veneratione peragendum est, propterea super observandis, & evitandis in celebratione Missarum in Sacrosanctis Aemenuis Conciliis, & praesertim Tridentino sub cap. unico sess. 22. inter cetera statutum est, ut tantum Sacrificium solummodo in Ecclesiis, aut Oratoriis, Divino tantum cultui dicatis celebraretur, praeiungendo Episcopis, & locorum Ordinariis, ne privatis in domibus, atque omnino extra Ecclesias peragi paterentur; ac subinde S. Congr. Cardinalium ipsius Concilii Tridentini executioni, & interpretationi Praepositorum, saepe saepius per opportuna Decreta obrepentes abusus eliminavit.

§. 2. Modernis autem temporibus innotuit SS. Domino nostro, quod nonnulli Episcopi praetextu privilegiorum, Capellis Episcopalibus competentium, & complures Regulares sub praetextu privilegiorum, quae ipsis à Sancta Sede indulta noscuntur, per huiusmodi privilegiorum dilatationem, seu potius excessum, & abusum in nonnullis Diocesis, praesertim Regni Neapolitani, & in ipsa Neapolis Civitate ea sibi licere putant, quae permessa non sunt, quin immo prohibita: siquidem nonnulli Episcopi, etiam in aliena Diocesi, & extra domum propria habitationis, in privatis Laicorum domibus erigi faciunt Altare, ibique per unum, aut plures ex suis Capellanis vivificam Christi Hostiam immolare; Regulares vero in quibusdam Magnatibus, seu altiarum Nobilium personarum privatis Oratoriis, quae certis quandoque ex causis à S. Sede concedi solent, celebrare audent, vel plures Missas, quam in ipsis celebrare sit

indultum, vel absque praesentia personarum, quarum contemplatione gratiosa concessio emanavit, vel extra debitas horas, & post meridiem, vel illis etiam diebus, quibus per Constitutiones Diaecesanas, aut etiam per Decreta S. Congr. Concilii celebrari prohibetur, aut quae in ipsis Indultis Apostolicis excipiuntur, quominus in iis celebrari possit, aut etiam Altari portatili uti non verentur in Sanctarum Sanctionum contemptum, & S. Sacrosancti irreverentiam.

§. 3. Quamobrem ad abusus huiusmodi eliminandos, & ad instaurandam venerationem tremendo Synthesio debuit, idem SS. D. N. ex unanimi voto S. R. E. Cardinalium Concilii Tridentini Interpretum inhaerendo declarationibus, alias hac de re editis, expresse declarare, Episcopis, & his maioribus Praelatis, etiam Cardinalibus Dignitate fulgentibus, neque sub praetextu privilegii clausi in corpore Juris, neque alio quocunque titulo ullo modo licere extra domum propriae habitationis in domibus Laicis, etiam in propria Diocesi, quod fortius intelligitur in aliena, etiam si Diocesani consensus adhiberetur, erigere Altare, ibique Sacrosanctum Missae sacrificium celebrare, seu celebrari facere, ac pariter modo in Oratoriis privatis, quae per S. Sedem concessa fuerint non licere Regularibus cuiusvis Ordinis, aut Instituti, seu Congregationis, etiam Societatis Iesu, aut etiam cuiusvisque Ordinis Militaris, etiam S. Joannis Hierosolymitani, aut aliis quibuscunque Sacerdotibus, etiam si essent Episcopi, in iis celebrare in diebus Paschalis Resurrectionis, Pentecostes,

Nativitatis D. N. J. su Christi, aliisque annifectis solemnioribus, ac diebus in Indulto exceptis.

§. 4. In reliquis vero diebus, prædictis Regularibus, seu Sacerdotibus quibuscunque, etiam Episcopis, in præfatis Oratoriis celebrare non licere, ubi etiam unica Missa, quæ in Indulto conceditur, celebrata fuerit, super quo celebraturus teneatur diligenter inquirere, & de eo se optime informare; atque illa, etiam in casibus permixtis, celebrari nequeat post meridiem; de mandando propterea ulterius, ac declarando in omnibus hujusmodi casibus personas quasvisque dictas Missas audientes nullatenus Ecclesie præcepto satisficere.

§. 5. Quo vero ad Altare portatile, iterum inservendo declarationibus supradictis, censuit licentias, seu privilegia concessa nonnullis Regularibus in cap. in his de privilegiis, & per aliquos Summos Pontifices aliis Regularibus communicata videnti dicto Altari portatili, in eoque celebrandi absque Ordinariorum licentia in locis, in quibus degunt, omnino revocata esse per idem Sacrum Concilium, & propterea eisdem Regulares prohibendos, ne illis utantur, ac demandandum, prout præsentis Decreti tenore mandat Episcopis, aliisque Ordinariis locorum, ut contra quoscunque contravenientes, quamvis Regulares, procedant, etiam tamquam Sedis Apostolicæ delegati, ad penas præscriptas per idem Sacrum Concilium in d. Decreto sess. 22. usque ad censuras lata sententia, tribuere etiam eisdem facultate per hoc Decretum ita procedendi, perinde ac si per S. Sedem specialiter concessa fuisset;

& ita Sanctitas Sua declarat, & servari mandat. Roma hac die 15. Decembris 1703.

3. Regulares possunt in suis Ecclesiis admittere quoscunque Sacerdotes Sæculares Missas celebrare volentes, dummodo non fuerint aliqua censura, vel impedimento Canonico Ligati; prout habetur in Concilio generali Lateranensi sub Leonis X. celebrato, in quo id expresse definitur. Veruntamen si ex iusta Causa aliquis Ordinarius prohibeat, ne aliquis sacerdos subditus in dictis Ecclesiis Missam celebret, idque ipsis Regularibus manifestet, tenentur iidem prohibitionem observare; prout S. Congr. Concilii 2. Junii 1620. in una Bononien. decrevit: ita Lezana tom. 1. cap. 12. n. 41. vers. ad 12.

4. Peregrini, aut ignoti Sacerdotes Sæculares non debent facile admitti à Regularibus ad celebrandum in suis Ecclesiis absque litteris testimonialibus suorum respective Prælatorum: ex Decreto S. Concilii Tridentini Sess. 23. cap. 16. de reform. Regulares vero Sacerdotes iter agentes, sufficit, quod ostendant suorum Superiorum licentias, nisi ita sint cogniti, ut de eis nullus omnino suspitioni, aut dubitationi locus relinquatur, & ita disposuit Sixtus V. in quadam sua Constitutione, prout refert Roder. tom. 3. q. 121. art. 1. Navarrus lib. 3. consil. 117. de celebrat. Miss. consil. 5.

5. Invitis Regularibus nullus Sacerdos ex quavis causa sive publica, sive privata in eorum Ecclesiis celebrare potest, ut constat ex cap. Abbatem 18. q. 2. ubi præcipitur, ut Sa-  
cer-

Sacerdotes non audeant Missas celebrare in Monachorum Ecclesiis absque Monasteriorum Superiorum licentia. Regulares tamen libenter admittere debent Sacerdotes Sæculares volen-

tes in eorum Ecclesiis celebrare; prout admonet Leo X. in sua 45. const. incip. *Dum intra* apud Roier. *in suis Bullar.*

## C A P. XIII.

### De privilegiis Regularium circa fundationes Conventuum.

1. **I**N erigendis, seu construendis Monasteriis, Conventibus, locisque Regularibus omnino servandum est in primis Decretum Tridentini Sess. 25. cap. 3. de Regul. scilicet, quod nova loca à Regularibus quibuscumque non recipiantur, nisi obtenta prius licentia Episcopi, in cujus Diocesi erigenda sunt; deinde id quod præcipit Clemens VIII. in sua 99. Const. incip. *Quoniam ad Institutam* apud Cherub: tom. 4. videlicet, quod locorum Ordinarii non possint licentiam ad novos Conventus cujusque Mendicantium Ordinis in Civitatibus, & locis eorum ordinariæ jurisdictioni subiectis, erigendos impertiri, nisi vocatis, & auditis aliorum in eisdem Civitatibus, & locis existentium Conventuum Superioribus, seu Procuratoribus, & aliis interesse habentibus, & causa, servatis servandis, cognita constiterit, in eisdem Civitatibus, & locis novos hujusmodi erigendos Conventus, sine aliorum detrimento commode sustentari posse; quam dispositionem extendit postea Gregorius XV. in sua 31. Const. incip. *Cum*

*alias*: in Bull. eod. tom. scilicet, ut audiantur Regulares existentes, etiam in distantia quatuor Milliariorum, ut ipsi consensum præstent, quando constet, nullum inde detrimentum esse reportandum.

2. Quamvis ex variis privilegiis Apostolicis, præsertim Julii II. & Pauli V. poterant Regulares de sola Ordinarii licentia Monasteria, seu Conventus construere; modo tamen, quia dicta privilegia fuerunt revocata ab Urbano VIII. per suam 25. Constit. tom. 4. Bullar. requiritur copulative assensus Sedis Apostolicæ: ex Const. 27. Innocentii X. Incip. *Instauranda*: eod. tom. 4. in qua prohibetur, ne deinceps aliquis Regularis Ordinis Mendicantium, vel non Mendicantium, Congregationis, Societatis, etiam Jesu, in aliqua Civitate, Castro, Villa, seu loco ad habitandum domos, vel loca quæcumque de novo recipere, seu Monasteria, Conventus, vel Collegia incipere, vel fundare præsumat absque Sedis Apostolicæ licentiâ speciali, plenam, & expressam faciente de prohibitione hujusmodi mentionem in

in scriptis, & gratis concedenda, prævia examinatione Congregationis negotiis Episcoporum, & Regularium præpositæ; si secus egerint eo ipso pœnas privationis Officiorum, vocis activæ, & passivæ &c. incurrant: & nihilominus receptiones, fundationes, & erectiones sint ipso jure nullæ & invalidæ, & domos, & loca ipsa, ac personæ in eis degentes omnimodæ jurisdictioni, visitationi, & correctioni Ordinarii loci plene in omnibus subjeacte.

3. Præterea debet servari Decretum S. Congr. Concilii auctoritate Urbani VIII. editum, quo cavetur, ne deinceps Monasterium, Conventus, Domus, Congregatio, vel Societas Religiosorum, seu Regularium ullibi recipiatur, nisi præter alia ad id requisita, in singulis hujusmodi locis duodecim saltem Fratres, aut Monachi, seu Religiosi degere, & ex redditibus, & consuetis elemosynis detractis derrahendis, competenter sustentari valeant ad præscriptum Decreti Gregorii XV. hac de re editi; alioquin Monasteria, & loca præfata posthac recipienda, in quibus duodecim Religiosi sustentari, atque inhabitare non poterunt, & actu non habitaverint, Ordinarii loci visitationi, correctioni, atque omnimodæ jurisdictioni subiecta esse intelligantur; quæ omnia Innocentius XII. in Const. quæ incipit: *Nuper à Congregatione*: die 23. Novembris 1697. edita, confirmavit, & approbavit, & ab omnibus exacte, & perpetuo servari voluit, & mandavit.

4. Cum in prædictis Constitutionibus comprehendatur quodcumque

Institutum, idcirco in casu, quo Clerici Regulares vellent in aliqua Civitate, vel loco domum de novo fundare, debent audiri alii Regulares ibi existentes; etiamsi pro fundatione dos sufficeret ad victum, & vestitum Religiosorum in numero, ut supra, præfixo, idque ad præcavendum præjudicium, quod ex ea possent forte recipere Mendicantes, qui ut plurimum, ex patrimonio incertæ mendicitatis sustentantur; ut notavit Monacellus in *suo Formul. part. 1. tit. 6. form. 19. n. 12.*

5. Et revera non est inspicienda qualitas Regularium, qui volunt introduci, sed præjudicium illorum, qui sunt jam introducti, quod non tantum evenire potest ex elemosynarum quæstuatione, verum etiam ex concursus diminutione, nec non emolumentorum, quæ haberi solent ex Missarum celebratione, cadaverum tumulatione, & similibus, in quibus detrimentum reportari potest; idque etiam procedit in fundatione novi Conventus, seu Domus ejusdem Religionis, & Instituti, considerata ratione motiva dictarum Constitutionum, ne scilicet ex multiplicatione Regularium, præjudicium aliquibus inferatur: Pignatellus *tom. 1. consul. 177. n. 43.*

6. Ad erigendum Monasterium, seu Conventum in locis, in quibus ob sterilitatem, vel inopiam Regionis, & brevem aliorum Conventuum distantiam elemosynæ ad congruam sustentationem Religiosorum non sufficiunt, exigitur à S. Congr. Episcop. & Regul. distantia unius loci ab alio plurtquam quatuor milliariorum; prout

prout die 14. Aprilis 1673. decrevit in erectione Conventus in Insula Corsicæ, quod subinde Clemens X. in sua Const. incip. *Nuper* confirmavit.

7. Sub earumdem Constitutionum dispositione comprehenduntur etiam Hospitia: prout in causa *Calaguritana* Hospitii de Bilbao, à Patribus Carmelitæ Disceatensis, & in *Atrien*, Hospitii à Patribus Disceatensis S. Augustini S. Congregatio Episcop. & Regul. 15. Septembris 1690. & 31. Augusti 1691. servari mandavit. Limita, nisi sint Hospitia merè secularia, quæ tantum deserviant pro recipiendis Religiosis itinerantibus, ita ut in illis non fervetur ulla forma Regularis, nec erigatur Ecclesia, seu Oratorium formale cum janua in publica via, sed tantum Oratorium internum ad effectum inibi Missas, & Orationes privatas celebrandi, nec Sacramenta administrentur, nec fiant publicæ Conciones, nec Divina, aliæque functiones peragantur, nec cada. vera tumultentur, nec Campanæ habeantur, nec quæstus fiant, nec elemosynæ pro Missis querantur, nec titulus Præsidentis, vel alterius Officialitatis assumatur ab ullo ex Religiosis ibi existentibus: S. Cong. *ibidem*.

8. Non tamen comprehenditur sub dicta dispositione translatio Conventus de uno ad alium locum in eadem Civitate, vel Oppido, quia ad hoc habent Regulares sufficientem facultatem ex privilegiis Clementis IV. Sixti IV. in sua Const. quæ incipit: *Regimini Universalis Ecclesiæ*: apud Confectum fol. 43. ubi ipsis conceditur, ut in Capitulo Generali, de

consensu Capituli possint mutare Conventus de locis incommodis ad loca commodiora; nec dictis privilegiis obstant Tridentinum, nec Decreta præfata Clementis VIII. Gregorii XV. Urbani VIII. & Innocentii X. quia procedunt de nova erectione Conventus, per quam in aliquo loco nova Religio recipitur: ut colligitur ex ratione finali, quæ est, ne una Religio inferat cæteris præjudicium in ordine ad sustentationem, dum de novo recipitur, id enim minime potest accomodari mutationi Conventus intra eandem Civitatem, vel locum, cum Religiosi ex eisdem elemosynis, ut prius, sustentari possint: & ita decrevit S. Congr. Episcop. & Regul. ut refert Monacell. cit. n. 5. & 7.

9. Quoad facultatem, quæ à S. Sede locorum Ordinariis tribuitur visitandi Conventus parvos Regularium; advertendum est, quod omnes, & singuli hujusmodi Conventus cujuscunque sint Ordinis tam Mendicantium, quam non Mendicantium, Congregationis, & instituti, etiam Societatis Jesu, existentes intra fines Italix, & Insularum adjacentium, & erecti ante diem 21. Junii 1625. in quibus non morantur de familia saltem sex Religiosi, quorum ad minus quatuor debent esse Sacerdotes; nec non illi post dictum annum 1625. fundati, in quibus saltem duodecim Religiosi de familia non degunt, visitationi correctioni, & jurisdictioni Ordinarii loci manent subiecti: ex Decretis Urbani VIII. & Innocentii X. apud Lantusca v. *Conventus* n. 14. Adverte, quod Regulares nequeunt abique

absque Summi Pontificis licentia deferere Monasteria semel accepta : constat ex cap. unico de Religiosis domibus, & cap. cum ex eo de excess.

Praelat. lib. 6. & est lata excommunicatio contra oppositum facientes : Lezana in Summ. cap. 9. n. 36.

## C A P. X I V.

### De Privilegiis Regularium quoad Præcedentiam.

1. **P**ræcedentia nihil aliud est, quam jus occupandi digniorum locum, ita ut digniores inferioribus præcedant, inferiores vero locum illis digniorem reverenter cedant, & sic servetur Hierarchicus ordo tam in processionibus, aliisque functionibus, & actibus publicis, quam privatis, juxta Constitutionum Apostolicarum dispositionem, & præsertim Gregorii XIII. Const. quæ incipit; *Exposcit*; apud Cherub. tom. 2. editæ ad effectum supprimendi lites, & controversias, non solum inter Ordines Mendicantes, & Confraternitates super, & de præcedentia contententes, sed etiam inter Monachorum Ordines: prout sæpe declararunt SS. Rit. & Episcop. Congreg. apud Pignatellum tom. 1. consult. 137. num. 22. nec præfatum jus præcedentiæ ambitionem, aut fastum redolet, nisi quis dixerit, fastum, vel ambitionem redolere Sacram Hierarchiam, ac ipsius ordinem, quod nemo, nisi insipiens, vel invidus dixerit.

2. In præcitata Constitutione Gregorii XIII. decernitur, quod quicumque ex Fratribus Mendicantibus inter se de præcedentia hujusmodi contententibus, aut Confratribus,

inter quos lites de eadem ortæ jam sint, seu oriri contigerit in futurum, qui in quasi possessione præcedentiæ, & juris præcedendi sunt positi ( quibuscumque reclamationibus, appellationibus, aliisque subterfugiis prorsus remotis, & cessantibus, & postpositis ) in Processionibus tam publicis, quam privatis præcedere debeant.

3. Deinde sancitur, quod quando non probetur, aut non constet de quasi possessione præcedentiæ hujusmodi, inter Fratres quidem Mendicantes, ii, qui antiquiores in loco controversiæ Confratres verò inter se litigantes, ii, qui prius Saccis usi sunt, in Processionibus, tam publicis, quam privatis, præcedere debeant, ita ut si contigerit nova Monasteria, aut Domos alicujus Ordinis Mendicantium fundari in loco, in quo alterius Ordinis ex dictis Mendicantibus Monasteria prius erecta, & instituta sint, ille Ordo, qui prius Monasterium, seu Domum in loco habuerit, præcedat.

4. Præterea, quia inter prædictos Ordines plerumque alia in Processionibus, & alia in Conciliis Generalibus, & aliis actibus publicis, sive privatis ratio circa modum præcedendi servatur, declarat Pontifex, nol-



nolle per præsentis prærogativis dictorum Ordinum quoad præcedentias hujusmodi, quæ propriis Ordinibus, præterquam in Processionibus prædictis debentur, præjudicium ullum irrogari. Non obstantibus quibuscunque privilegiis, & indultis in contrarium &c. vide Pignatell. *ibi*. n. 3.

5. Idem postea disposuit Urbanus VIII. in sua 239. Constit. incip. *Nuper pro parte*: apud Cherub. *tom.* 4. in qua confirmantur varia S. Cong. Decreta, quæ dispositioni dictæ Constitutionis Gregorianæ innituntur, & per quam revocatur Constitutio 71. S. Pii V. quæ incipit. *Divina disponente Clementia* Bullar. *tom.* 2. præcedentiæ inter Mendicantes dispositiva. Cæterum, ubi adest consuetudo, quod Regulares præcedant inter se ratione originis Religionis, & non foundationis Conventus, est servanda, prout in *Forolivien.* 23. Februarii 1693. S. Congr. Episcop. & Regul. respondit.

6. Quoties in locis existunt plures Conventus ejusdem Ordinis diversis temporibus fundati, antiquioritas unius communicat præcedentiam omnibus aliis ejusdem Ordinis, quomodolibet posterioribus, ut tenet Rota in variis decisionibus: apud Monacell. *part.* 2. *Formul. in append.* nam ubi militat eadem ratio, eadem debet militare juris dispositio. Quocirca, cum in multis locis Italix, Hispaniæ, & Galliæ exortæ fuissent lites inter Augustinianos, Carmelitas, Trinitarios, & alios super præcedentiâ, quam contra Fratres Minores strictioris Observantiæ sibi jussè deberi prætendebant, ne-

gotio ad Clementem VIII. delato, & diligenter examinato, decrevit in sua 92. Const. incip. *Ex injunctis nobis*: apud Cherub. *tom.* 3. Fratres Minores strictioris Observantiæ ubique locorum, præsertim in Italia, & Gallia, omnibus, & singulis privilegiis, gratiis, indultis, tam in Spiritualibus, quam in temporalibus, ac præcedentiis in processionibus, funeralibus, & concursu cum aliis Religionibus &c. gaudere, quibus Fratres Minores de Observantiâ fruuntur, & gaudent.

7. Sed quia prædictum Clementis VIII. Decretum non nominabat Fratres Minores Discalceatos Hispaniæ (qui profecto strictioris Observantiæ sunt, sicut Recollecti in Gallia, & Reformati in Italia) idcirco adversus illos Augustiniani insurrexerunt, & causâ ad Sedem Apostolicam delata, Urbanus VIII. in sua, Const. quæ incipit. *Ex Incumbenti*: apud Cherub. *tom.* 4. decrevit, præcedentiam in concursu cum aliis Regularibus, in processionibus, & aliis actibus sive publicis, sive privatis semper competere dictis Discalceatis, sive soli de per se, & sub propria Cruce, sive sub Cruce, & cum familia de Observantiâ incedant, sive Discalceati, Reformati, Recollecti, aut alio quovis nomine nuncupentur, dummodo sint vere Reformati Ordinis S. Francisci, nec non gaudere, & frui debere omnibus aliis prærogativis, ac præminentibus in supradicta Bulla Clementis VIII. expressis; & ita in posterum ubique servari mandavit.

8. Idem Urbanus VIII. per suas  
S f lit.

litteras in forma Brevis die 17. Novembris 1642. expeditas decrevit, ne ulli Ordinis Minorum Fratres Laici, seu Conversi quovis sub prætextu, quæsto colore, vel ingenio, etiam ratione antiquioris suæ ad habitum Regularem dicti Ordinis receptionis, aut in eo emissæ professionis, seu cujusvis consuetudinis Fratres Clericos ejusdem Ordinis in quibusvis functionibus tam publicis, quam privatis præcedere audeant sub pœna excommunicationis ipso facto incurrenda, quam etiam quicumque Superiores ejusdem Ordinis quoquomodo id permittere audentes, incurrunt: *Non obstantibus Constitutionibus Apostolicis, & dicti Ordinis, privilegiis, & consuetudinibus &c.* Quid Novitios, S. Congr. Episcop. & Regul. die 8. Augusti 1653. statuit, & decrevit, eisdem,

quousque professionem emisserint, tam in publicis, quam in privatis functionibus ultimum locum deberi: apud Lantusca *V. præcedentia num. 1. & 2.*

9. Qui à statu Laicorum, seu Conversorum iegitima licentia transit ad illum Clericorum præfati Ordinis Minorum de Observantia non gaudet præcedentia à die susceptionis habitus, sed Clericatus, prout S. Congr. Episcop. & Regul. 26. Februarii 1649. decrevit; nisi in Brevi Apostolico indulgente transitum aliud disponatur: Lantuf. *loc. cit. n. 3.* Inter Moniales præcedentia non à die receptionis habitus, sed ab illo professionis attenditur: ex Decreto S. Cong. in una Paduana 1608. apud Barbof. *in decis. Apostolicis V. præcedentia n. 29.* Lantuf. *n. 14.*

## C A P. X V.

*De aliis immunitatibus, & privilegiis, præsertim Canonis, Fori, & exemptionis à solutione Decimarum, Oblationum, Gabellarum, & contributionum, quibus fruuntur Regulares.*

1. **I**nter alias Religiosæ professionis prærogativas, illa præcipuum locum tenet; scilicet, quod per eandem in statu gratiæ emissam, Religiosi sic professi omnium delictorum suorum condonationem, quod omnem pœnam temporalem pro illis in Purgatorio de-

bitam, obtineant: ex communi SS. Patrum consensu, ut docet S. Thom. 2. 2. *quæst. ult. art. 3.* quæ tamen condonatio, si professio facta fuerit in mortali peccato, minimè per subsequentem justificationem reviviscit, quia ut ait Cajetanus 2. 2. *q. ult. art. 3.* id solum competit Sacramentis;

po:

potest verbò reviviscere, quando professio per accidens fuerit invalida, sed bona fide, & in statu gratiæ facta, ac postea ratificata.

2. Per professionem in Religione approbata tollitur irregularitas ex defectu Natiuitatis contracta, & in iure expressa, quapropter illegitimus professionem emittens sit habilis ad omnes Sacros Ordines suscipiendos: minimè tamen ad Ecclesiasticas dignitates, & Prælaturas, sive Sæculares, sive Regulares, prout habetur in cap. 1. de fil. Præb. extenditur etiam hoc privilegium ad professionem, quæ sit in Societate Jesu per Vota simplicia, per quæ proficiens in ea sit verus Religiosus: Sanchez in Decal. lib. 5. cap. 5. n. 13.

3. Dissolvuntur etiam per professionem non solum sponsalia de futuro, sed etiam Matrimonium ratum non consummatum: ut habetur in cap. Ex publico de conversi. conjug. quod tamen per quæcumque Vota simplicia, etiam in Societate Jesu emissæ, non dissolvitur, ut docet Vasquez in 1. 2. disp. 165. cap. 10.

4. Expiatur quoque per professionem macula quoad actus temporales, ita ut ineptus ad testificandum ob perjurium, vel furtum commissum, fiat per eam aptus ad testimonium ferendum: Sanchez ut supra n. 27. Tollitas pariter per eandem crimen incontinentiæ filii proficentis erga Patrem, ob quam exheredari poterat; quare ob illam exheredari nequit, etsi in Testamento Patris ante professionem factò exheredatus sit: ita deciditur in cap. final. 19. quest. 3. & docent Molina tom. 1. de iust. disp.

175. dub. ult. Rodriguez tom. 1. q. 13. art. 3. liberatur etiam filius à Patria potestate, eo quod per professionem transit omnino in Superioris potestatem, ac proinde Patria potestas in ipsum cessat, Navarrus Comment. 3. de Regul. n. 41.

5. Vota omnia personalia, realia, & mixta cessant per professionem in Religione approbata emissam, ut concors Doctorum sententia tenet: ex cap. scripti. de Voto, & cap. penult. de Regul. in 6. neque ad hoc requiritur aliqua intentio in poscente, eo quod ex natura professionis id oriatur, cum per solemnem professionem homo mortuus Mundo reputetur, Deoque vivere incipiat, a quo adeo cessante vita præterita, etiam vota in illa emissæ cessare videntur: S. Thom. 2. 2. q. 88. art. 12. ad primum; D. Anton. 3. part. tit. 11 cap. 2 § 8. notabis 2. & alii comm. Extinguuntur etiam iuramenta de rebus piis ad Deum solum facta, quia hæc se habent quasi quædam Vota: Suarez tom. 2. de Religionne lib. 6. de Voto cap. 14. n. 12. Si autem iuramentum esset homini præstitum, & ab eo acceptatum, minimè posset per professionem extinguui, cum sit ius acquisitum tertio: Sanchez in Decal. lib. 5. cap. 5. n. 45. ubi multa de hoc privilegio.

6. Omnes utriusque sexus Religiosi approbati à Sede Apostolica Religionem proficentes gaudent privilegio Canonis: Si quis suadente: nam per illud verbum Monachum in Canone positum, intelliguntur omnes professi, vel professæ in Religione approbata; ita D.D. commun.

7. Laici, seu Conversi, & Con-

S f 2

veq-

versæ gaudent etiam dicto privilegio ut patet ex cap. *Non dubium de sentent. excomm.* Novitū quoque eodem privilegio fruuntur, quia cum sint in via ad Religionis professionem, in favorabilibus Monachi reputantur: ex cap. *Religiosi de sent. excomm.* ita declaravit Bonifacius VIII. & docent comm. D.D.

8. Tertiarii, & Tertiariæ collegialiter viventes, seu cum Claustralibus habitantes, necnon Mulieres virginalem, seu cælibem, aut castam vidualem expresso Voto, & sub habitu Regulari vitam traduentes dicto privilegio Canonis, aliisque omnibus, quibus Fratres Ordinis, cujus tertiæ Regulæ habitum gestant, potiuntur, & gaudent: ut constat ex variis Summorum Pontificum privilegiis, præsertim Leonis X. in Bulla, quæ incipit: *Ea quæ per Sedem Apostolicam*: vide Roder. in comp. *resol.* 116. Cæteri autem Tertiarii, & Tertiariæ conjugati - alique extra supradictos eo privilegio non fruuntur, ut patet ex præcitata Bulla Leonis X. de quibus vide supra cap. 5.

9. Omnes prædicti Religiosi, Religiosæ, Tertiarii, & Tertiariæ, necnon Milites, seu Equites S. Joannis Hierosolymitani, alique vota obedientiæ, paupertatis, & Castitatis emittentes, sicut gaudent privilegio Canonis, ita etiam privilegio fori fruuntur, ut dictum est supra cap. 3. & 4. quamvis præfati Equites in causis civilibus, & in his, in quibus deliquerint respectu officiorum mere Sz-

cularium, quæ ab ipsis ex commissione Principis, vel Magistratus administrantur, & in delictis gravibus, ratione quorum privilegium fori amittunt, apud Judicem Szcularem possint conveniri; prout docent Rodericus *tom. 2. q. 2. art. 2. & alii*, quos refert Hieron. Roder. in suo comp. *resol.* 128. n. 1.

10. Regulares Mendicantes utriusque sexus à solutione gabellarum, & quarumcunque contritionum sunt exempti: ex privilegiis Apostolicis, præsertim S. Pii V. in Bulla, quæ incipit: *Dum ad uberes*; A solutione quoque Decimarum sunt exempti; tum ex jure communi, tum ex multis privilegiis, præsertim Sixti IV. in Bulla, quæ habetur in Monum. Ord. *fol. 60. & fol. 143. concess.* 347. Alexandri VI. in Bulla, quæ habetur in *supplem. fol. 3. concess.* 4. Leonis X. in Bulla, quæ habetur in eod. *supplem. fol. 48. concess.* 143 & aliorum, de quibus Casarub in comp. *privil. Mendicant. V. Decime*: videantur tamen D. D. qui hac de re tractant, & attendatur consuetudo patriæ, & Religionum.

11. Alia plurima privilegia Regularibus Ordinibus à summis Pontificibus sunt concessa, quæ hic recensere impossibile est, consulat idcirco unusquisque propria, & perpendat, an in vigore sint, an revocata; quæ vero in præfati opusculo referuntur, omnia S. R. E. censuræ libens subicicio.

F I N I S.

IN.

# INDEX MATERIARUM,

*Quae in hoc Volumine continentur.*

**A**

**A B B A S.**

**A**bbas Regularis quid benedicere  
& consecrare possit. *Tract. 5.*  
*Cap. 1. n. 4. & 5.*  
Quos Ordines conferre valeat. *cap.*  
*2. n. 5.*

An debeat prius esse benedictus. *n. 6.*  
Habens territorium exemptum po-  
test concedere dimissiones Clericis  
Sæcularibus. *n. 9.*

Commendatarius quid possit in Ec-  
clesiis Monasteriorum. *Tr. 7. c. 1.*  
*n. 18.*

Abbas ut Superior Localis, *v. Tr. 4. c.*  
*1. & seqq.*

**ABSOLUTIO.**

An Articulo vel periculo mortis qui-  
bet Sacerdos, etiam degradatus  
& excommunicatus, aut Hæreticus  
absolutionem impertire valent.  
*Tr. 6. c. 4. n. 16.*

Dum adest Sacerdos approbatus ne-  
quit in casu non approbatus absol-  
vere nisi res non sit integra. *n. 17.*

**ALIENATIO.**

Fratres Min. de Corpore. Observan-  
tiae an indigeant facultate S. Con-  
gregationis pro alienandis bonis.  
*Tr. 5. c. 4. n. 7.*

**B**

**BULLÆ.**

**R**omanorum Pontificum quomo-  
do obligent. *Tr. 1. c. 3. n. 2.*  
Quid attendendum sit in Bullis con-  
firmativis privilegiorum. *ib. c. 4. n. 8.*  
Per Bullam Cœnz non revocantur,  
nec restringuntur facultates Super-  
riorum Regularium quo ad casus  
occultos. *Tr. 4. c. 5. n. 22.*

In vim Bullæ Cruciatæ Sæcularium,  
Confessiones excipi nequeunt à  
Regularibus non approbatis. *Tr. 6.*  
*c. 2. n. 13.*

In Bulla Jubilæi quid intelligatur, dum  
excipitur casus hæresis. *c. 4. n. 11.*

**C**

**CAD A V E R.**

**D**efunctorum Cadavera tumulata  
quomodo possint transferri de  
loco ad locum. *Tr. 7. c. 6. n. 27.*  
Clericorum Cadavera quomodo se-  
peliri possunt tempore interdicti.  
*n. 28.*

**CANONES.**

Canones multiplicare quis & quomo-  
do possit. *Tr. 3. cap. 3. n. 5.*

**CAR-**

## CARDINALIS.

Cardinalis Titularis, quid possit in  
Ecclesiis Regularibus. *T. 7. cap. 1.*  
*n. 19.*

## CASUS RESERVATI.

Quinam reservari possunt. *F. 4. c. 3.*  
*n. 2 & 4.*

Reservati publice commissi nequeunt  
à Superioribus Localibus absolvi.  
*T. 4. c. 3. n. 12.*

Casus Reservati explicantur. *Tr. 6.*  
*cap. 2.*

Reservari possunt à Pontifice, cæte-  
risque Prælati quoad suos Subdi-  
tos. *T. 6. c. 3. n. 1.*

Nullum reservat sibi Pontifex, quod  
non habeat annexam censuram. *n. 2.*

Casuum reservatio est localis. *n. 3.*

Quando in una Diocesi alterius Dia-  
cesis reservati absolvi possunt. *ibid.*

Quibus pœnis ligantur absolventes à  
reservatis absque facultate. *n. 9.*

Tempore Jubilæi quomodo absolvi  
queant. *n. 13.*

In dubio reservationis quid est agen-  
dum à Confessario. *n. 14.*

Facultas Generalis absolvendi à casu-  
bus Papæ reservatis an se extendat  
ad casus Bullæ Cœnæ. *cap. 4. n. 10.*

Ad casuum confessorias nequeunt ab  
Episcopo compelli Regulares non  
Curati. *T. 7. c. 3. n. 2.*

## CENSURA.

Provincialis potest sibi reservare  
quascunque Censuras. *T. 3. c. 4. n. 4.*

A reservatis, & à non reservatis de-  
ductis ad Forum contentiosum ne-  
queunt Regulares absolvere Sæcu-  
lares. *T. 6. c. 4. n. 7.*

Censuræ reservatæ, & non annexæ  
casibus absolvi nequeunt ab habenti-  
bus facultatem tantum in casus re-

servatis. *n. 9.*

Quando Regulares absolvere possunt  
ab omnibus censuris occultis etiam  
in Bulla Cœnæ contentis. *n. 12.*

Quomodo in casu se gerere debeant.  
*n. 13.*

## CLAUSULA.

Quid importent Clausulæ in Bullis  
privilegiorum appositæ. *T. 1. cap.*  
*4. num. 13.*

Quid importet Clausula -- ex certa  
Scientia. *ibid. n. 6.*

Quomodo Intelligenda Clausula --  
dummodo non sint revocata. *ibid.*  
*cap. 6. n. 7.*

Per quam Clausulam derogetur Regu-  
larium Privilegiis. *n. 6.*

Quid importet Clausula -- Quomo-  
dolibet -- in communicatione pri-  
vilegiorum. *cap. 2. n. 15.*

## CLAUSURA.

Quando Superior Localis potest Sub-  
dito concedere facultatem ingre-  
diendi Monialium subjectarum.

Clausuram. *T. 4. c. 1. n. 9.*

Quid per Clausuræ violationem in-  
telligitur. *T. 6. c. 4. n. 4.*

Quod Clausuram Monialium omnes  
Episcopis subjectæ sunt. *T. 6. cap.*  
*1. num. 20.*

Clausuræ Monialium visitatio cumu-  
lative competit Episcopis, & Su-  
perioribus Regularibus. *n. 21.*

Quid possint Episcopi invistanda  
Monialium exemptarum Clausu-  
ra. *num. 23.*

## CITATIO.

Quando Episcopi citare possunt Re-  
gu-

culares ad comparandum coram  
sc. *T. 7. c. 4. n. 21.*

CLERICUS.

Qui sunt Clerici qui gaudent privi-  
legio Canonis — Si quis &c. *T. 7.  
c. 4. n. 5.*

COMMUNICATIO.

Privilegiorum quid & quotuplex  
sit. *T. 1. c. 8. n. 2.*

A quibus Pontificibus fuit concessa  
Ordinibus Mendicantibus. *ibid. n.  
3. & seq.*

Quomodo est intelligenda — *ibid.  
n. 17.*

In privilegio personalitatis Religiosi  
non communicant. *ibid. n. 5.*

Neque in Locali. *ibid. n. 16.*

Mendicantes communicant in pri-  
vilegiis Mendicantium. *ibid. n. 6.*

Nisi sint contraria propriis constitu-  
tionibus. *ibid. n. 10.*

Communicatio habetur in Favorabi-  
libus. *ibid. n. 7.*

Etiā illa Soc. Jesu communicantur  
aliis. *ibid. n. 8.*

Et magis favorabiliter. *ibid. n. 9.*

Qui dependent ab aliis communi-  
cant non possunt in illos uti Privi-  
legiis. *n. 12.*

Novitii quo ad Favorabilia commu-  
nicant in privilegiis Professorum.  
*ibid. n. 13.*

Quoniam Moniales communicant in  
privilegiis Ordinum. *ibid. n. 14.*

Quomodo in generali Privilegio-  
rum communicatione communi-  
cantur pariter Indulgentiis. *ibid.  
n. 8.*

CONCIONATOR.

Regularis munus concionandi ne-

queunt nec in suis Ecclesiis exer-  
cere sine pravia approbatione  
& licentia Superiorum. *T. 6. cap.  
7. num. 1.*

Etiā ab Episcopis licentiam petere  
debent. *n. 2. & 4.*

An hæc verificetur de quibuscumque  
Concionibus. *n. 3.*

A Magistratibus Laicis nominati pos-  
sunt ab Episcopo quoad Doctrinam  
examinari. *n. 5.*

Erroris prædicantes possunt ab Epi-  
scopis interdici. *n. 6.*

Nequeunt publicare indulgentias ab  
Ordinariis nam publicatas. *ibid.*

Prædicantes indulgentias falsas gra-  
viter peccant. *ibid.*

Si prædicent falsa miracula Excom-  
municationem incurrunt. *ibid.*

Concionatores esse nequeunt infu-  
mæ. *n. 7.*

Quid si prædicent in statu peccati  
mortalis. *n. 8.*

Actualiter in prædicando occupati  
quando possunt a recitatione offi-  
cij dispensari. *num. 9.*

Eorum privilegium circa jejunium.  
*num. 10.*

Nullum habent dominium circa con-  
cionum stipendium. *n. 11.*

Peculiaris dispositio pro fratribus  
Minoribus de corpore observantiz  
circa elemosinas concionum. *n.  
12. & 13.*

Quomodo requiratur pro Regulari-  
bus ordinarii licentia ad Con-  
cionandum. *Tract. 7. c. 4. n. 2.*

CONFIRMATIO.

Confirmationis Sacramentum pos-  
sunt Regulares a quolibet Episco-  
po accipere. *Tract. 7. c. 4. n. 12.*

CON.

CONFIRMATIO PRIVILE-  
GIORUM.*Vide privilegium.*CONFESSARIUS RE-  
GULARIUM.

Regularis Confessarius quando ab-  
solvere possit à reservatis etiam  
sibi denegata facultate. *Tract. 6.*  
*cap. 1.*

Non potest a Provinciali dispensari  
ad aperiendas litteras S. Pœnitenti-  
ariæ Doctoribus in S. Theolo-  
gia &c. directas? *Tract. 3. cap. 7.*  
*num. 19.*

Non indiget Episcopi approbatione  
ad Regularium Confessiones exci-  
piendas. *Tract. 6. cap. 1. n. 2.*

Institui potest a Legatis D. Papæ. *n. 2.*  
Sic instituti quantam habeant faculta-  
tem. *n. 3. & 4.*

Pœnitentarii ab Episcopis institutis  
quid possint in suos confratres  
*num. 5.*

Possunt excipere Confessiones Reli-  
giosorum aliorum Ordinum. *n. 6.*

In Aliena Provincia quomodo in  
reservatis se gerere debeant. *n. 17.*  
Quos nam Sæculares in Conventu de-  
gentes ad Sacramentalem Con-  
fessionem admittere possunt. *num.*  
*25.*

Quomodo uti potest petita faculta-  
te absolvendi a Reservatis. *num.*  
*26. 27. 28.*

Pœnitentarii in Capitulis deputati  
absolvere possunt a reservatis, &  
censuris annexis. *n. 29.*

Auctoritate ipsis delegata etiam  
passive uti possunt. *n. 30.*

CONFESSARIJ SÆCU-  
LARIUM.

Approbari debent ab Ordinariis Lo-  
corum. *Cap. 2. n. 1. & 2.*

Etiamsi sint Magistri & Doctores in  
Theologia. *n. 3.*

Etiamsi sint Generales Provincia-  
les &c. *n. 4.*

Debent non tantum præsentari Epi-  
scopo sed etiam ab eo approbari.  
*num. 5.*

Non approbati ab Ordinariis ne-  
queunt Venialium & Mortalium  
jam absolutorum Confessiones ex-  
cipere. *n. 6.*

An in una Diœcesi approbati possint  
in altera Confessiones excipere. *n.*  
*7. & 22.*

Generaliter idonei reperti ab Episco-  
pis, absque ulla limitatione appro-  
bari debent. *n. 8.*

An generaliter approbati facultatem  
amittant mortuo Episcopo. *n. 9.*

Approbati ab antecessore possunt a  
successore iterum examinari. *n. 10.*

Ex juxta causa Vicarius Capitularis  
potest confessorum Regularium  
facultatem revocare. *n. 11.*

Quomodo excipere valeant confes-  
siones confratrum tertii Ordinis.  
*n. 12.*

Absque ordinarii approbatione ne-  
queunt Sæculares absolvere in vim  
Bullæ cruciatæ. *n. 13.*

Debent pariter approbari ab Ordini-  
ariis si sint Pœnitentarii D. Papæ  
vel Romæ approbati. *n. 14.*

An debeant necessario examinari.  
*num. 15.*

In Parochorum Ecclesiis absque li-  
centia non debent confessiones  
excipere. *n. 16.* Ap.



- Approbati enim ad fibitum Episcopi, habent facultatem, quæ sine magna causa non potest ab eo revocari. *n. 17.*
- De quo approbati ab Ordinariis debeant. *n. 18.*
- Parochus Regularis ab officio a Superioribus amovetur potest absque alia approbatione Sæcularium confessiones audire. *n. 19.*
- Num deficiente Superiorum licentia sufficiat Ordinarii approbatio. *n. 22.*
- Habens ab Ordinario facultatem in reservata, etiam habet in censuras annexas. *Cap. 3. n. 5. & 6.*
- Regularis privilegiatus non habet facultatem in censuras, & castis contentos in Bulla Cœnz. *n. 7.*
- Si non habeant ab Episcopo facultatem in reservata num possint ea absolvere. *n. 8.*
- Quomodo se gerere debeant in tali casu. *n. 10.*
- Quid si urgeat necessitas celebrandi vel communicandi. *n. 11.*
- Quid circa constitutos in articulo, vel periculo mortis. *n. 12.*
- In dubio reservationis quid agere debeat. *n. 14. & 15.*
- Quid in dubio facultatis. *n. 16.*
- Quid si advertat invalide absolutionem dedisse. *n. 17.*
- Quibus pœnis ligantur absolventes à reservatis absque facultate. *n. 9. & 13.*
- Regulares approbati ab Ordinario a quibus casibus & censuris Sæculares absolvere nequeant. *c. 4. n. 1.*
- Romæ & extra Italiam, quam facultatem habeant. *n. 2.*
- Quam intra Italiam extra Urbem. *num. 6.*
- Quando absolvere possunt a censuris occultis etiam in Bulla Cœnz contentis. *n. 12. & 15.*
- Quomodo id præstare valeant. *n. 13.*
- Quid circa impeditos impediens non perpetuo. *n. 14.*
- A quibus suspensionibus juris communis absolvere possunt Sæculares. *n. 20.*
- Quid de dispensatione ab Irregularitatibus. *n. 22.*
- Quando aperire possunt Litteras S. Pœnitentiariæ. *n. 22.*
- Possunt vota simplicia Sæcularium commutare. *c. 5. n. 4.*
- Quomodo se gerere debeant in votis commutandis. *n. 5.*
- Quid circa commutata ab aliis confessoribus. *n. 6.*
- Quid devotis juratis. *n. 7.*
- Etiam illa dispensare valent. *n. 8.*
- Quoad vota reservata Papæ quid præstare possint. *n. 9.*
- Quæ vota dispensare valent. *n. 10.*
- Vota pœnalia dispensare possunt. *num. 11.*
- Cum conjugibus, qui amiserunt jus ad petendum debitum conjugale quando dispensare valent. *n. 12.*
- Cum conjugibus qui Matrimonium contraxerunt post emissum votum castitatis. *n. 13.*
- Dispensare possunt in voto non petendi dispensationem. *n. 14.*
- Quam praxim servare poterunt in votorum commutatione. *n. 15.*
- Si non habeant curam Animarum nequeunt compelli ab Episcopis ad casuum conferentias. *Tract. 7. c. 2. num. 2.*
- Confessorius Monialium. *Vide Monialis. Tract. 6. cap. 6. n. 1.*

-Tt

CON-

## CONFRATERNITAS.

Quæ Confraternitates Laicorum possunt ab Episcopis in Ecclesiis Regularium visitari. *Tr. 7. c. 1. n. 14.*  
 Confratres Confraternitatum quæ sunt in Ecclesiis Regularium ubi debeant Sepeliri. *Tr. 7. c. 6. n. 21.*

## CONSERVATOR PRIVILEGIORUM.

Quid sit. *Tract. 1. c. 9. n. 1.*  
 Quinam eligi queant in Conservatore. *n. 2. 6.*  
 Regulares debent conveniri coram conservatore, aliosque & quos coram illo trahere. *n. 3. 20. 21.*  
 Quinam sibi eligere possunt Conservatores. *n. 4.*  
 Sunt Iudices Ordinarii & ideo subdelegare possunt. *n. 5.*  
 Ecclesiæ collegiatæ Canonici nequeunt in conservatores eligi. *num. 7.*  
 Quo casu possunt eligi non Iudices Synodales. *num. 9.*  
 Quomodo substituendi in casu mortis. *n. 11.*  
 Infra mensem post electionem debent Ordinarii manifestari. *n. 12.*  
 Nequeunt infra quinquennium amoveri. *ibid.*  
 Nequeunt tale onus recusare. *n. 13.*  
 Tantum de manifestis Injuriis, & violentiis cognoscere possunt. *num. 14.*  
 Et contra omnes procedere. *n. 18.*  
 Quid pro manifesta injuria. *n. 15.*  
 Quid & quodplex sit violentia. *num. 16.*  
 Nequeunt procedere per judicialem inquisitionem. *n. 17.*  
 In quibus nam causis procedere possunt. *n. 19.*

In causis inceptis ante eorum electionem nequeunt procedere. *n. 22.*  
 Nequeunt dare facultatem extrahendi a loco Sacro. *n. 22.*  
 Possunt procedere contra extrahentes ab Ecclesiis Regularium. *ibid.*  
 Quomodo possunt procedere contra Episcopos. *n. 23.*  
 Quomodo contra alios Regulares. *num. 24.*  
 Nequeunt procedere extra Civitatem, & Diocesim in quibus sunt deputari. *n. 25.*  
 Neque scienter excedere terminos suæ Jurisdictionis. *n. 26. & seqq.*  
 In causis dubiis, & gravaminis in notoriis datur appellatio a Conservatore ad Papam. *n. 28.*

## CONSUETUDO.

Immemorabilis, & præscripta censetur privilegium. *Tract. 1. cap. 1. num. 8.*  
 Conditiones Consuetudinis immemorabilis quænam sint. *ibid. n. 8.*

## CONVENTUS.

Ad novos Conventus fundandos quid requiratur. *T. 7. c. 13. num. 1. & 2.*  
 Ut a subjectione Ordinarii sint exempti duodecim Fratres. requiruntur. *n. 3. & 9.*  
 Consensus Regularium præexistens requiritur etiam quoad Clericos Regulares. *n. 4. & 5.*  
 Distantia unius ab altero in locis sterilibus. *n. 6.*  
 Transferre Conventum ejusdem Civitatis de loco ad locum. *n. 7.*  
 Ad deferendos Conventus acceptos quid requiritur. *n. 9.*

DE-

## D

## DECLARATIO.

**D**eclarationes Sac. Congr. quam vim habeant. *Tr. 1. c. 3. n. 3.*

## DECRETUM.

Decreta Romani Pontificis quomodo obligent. *Tract. 1. c. 3. n. 2.*

## DISPENSATIO.

Dispensare in legibus canonicis quisnam possit. *Tr. 1. c. 3. n. 4.*

Quid & quomplex sit potestas dispensativa. *Tr. 2. c. 6. n. 1. Tr. 3. c. 6. num. 1.*

Quenam sint causæ ad legitime dispensandum. *n. 2. & Tr. 3. c. 6. num. 2.*

## E

## ECCLESIA.

**E**cclésiæ Regularium nequeunt ab Ordinariis locorum visitari. *Tr. 7. c. 1. n. 12. & 13.*

Quid requiratur ad extrahendum Reum ab Ecclesia Regularium. *c. 4. n. 23.*

Nemo sepeliri potest in Ecclesiis Regularium ipsis inuitis. *c. 6. n. 20.*

## EPISCOPUS.

Regularis ad Episcopatum assumptus quibus gaudeat privilegiis. *T. 1. c. 2. n. 5.*

Non consecratus gaudet privilegiis, & quibus *n. 12.*  
Quomodo possit procedere in Re-

gularem scandalosè delinquentem. *T. 3. c. 3. n. 3.*

Religiosus Episcopus absolvi potest Sacramentaliter à Superiore Regulari. *T. 3. c. 4. n. 10.*

Promovere potest ad Sacros Ordines Regulares minus Litteratos. *c. 7. n. 9.*

Sirenuat Regularium Ecclesiis Altaria &c. consecrare quid agendum. *T. 5. c. 1. n. 7.*

Peccat graviter non approbando Regulares idoneos ad confessiones excipiendas. *T. 6. c. 2. n. 3.*

Ab Episcoporum jurisdictione quis eximere potest. *T. 7. c. 1. n. 3.*

Ad quæ Episcoporum Decreta teneantur Regulares. *c. 2. n. 4.*

An subiciantur Episcopi jurisdictioni dum incedunt absque licentia in scriptis suorum Superiorum. *c. 3. n. 6.*

Quas functiones in Ecclesiis Regularium exercere possunt. *c. 4. n. 20.*

## EREMITÆ.

Eremitæ an sint Tertiarii. *T. 7. c. 5. n. 7.*

## EUCARISTIA.

Quando Regulares nequeunt Eucharistiam Secularibus ministrare. *T. 7. c. 11. n. 1. & seqq.*

Excepto die Resurrectionis ministrare eam possunt aliis Temporibus. *n. 4. & seqq.*

Quid de Peregrinis. *n. 8.*  
Quomodo Infimis secularibus ministrare queant. *n. 9.*

## EXAMINATOR.

Peccat graviter si habilem, & idoneum Sacerdotem ad confessiones  
T t 2 exci-

excipiendas non admittat . T. 6. c.  
2. n. 24.

## EXCOMMUNICATIO.

### EXCOMMUNICATUS.

Ab excomm. Canonis-*Si quis suaden-*  
*te-quando-* similiter Excommunica-

tum absolvere potest . T. 4. c. 5 n. 9.  
Excommunicatus in una Diocesi, an  
possit in alia absolvi . T. 6. c. 3. n.

4. & c. 4. n. 8.

Propter procuratum abortum efflu-

secuto potest Romæ absolvi a quo-

cunque Confessario Regulari ibi  
approbato . n. 6.

Quinam sint Excommunicationes Pa-

pæ reservatæ extra Bullam Cœnæ  
n. 18. & seqq.

Regularis an ab Episcopo possit de-

clarari excommunicatus . T. 7. c.  
3. n. 8.

Ab Excommunicatione absolvere  
quis valeat . v. *Generales Provin-*

*ciales*.

### EXEMPTIO.

Quid sit . T. 7. c. 1. n. 1.

Quotuplex sit . n. 2.

Quænam sunt causæ exemptionis Re-

gularium ab Ordinariis . n. 5.

Regulares exempti sunt ab Episcopo-

rum jurisdictione . n. 6.

Etiam eorum loca . n. 8. & seqq.

### EXPOSITIO.

SS. Sacramenti expositio quomodo  
fieri possit in Ecclesiis Regularium.  
T. 7. c. 4. n. 17.

## F

### FESTUM.

**R**egulares an teneantur servare  
dies Festos ab Episcopo in Diocesi  
cessi præceptos . T. 7. c. 2. n. 5.

### F R A T R E S.

Minores de corpore observantiæ an  
indigeant consensu S. Congrega-

tionis in alienandis bonis . T. 5. c.  
4. n. 7.

Per quam Bullam eximantur ab Epi-

scoporum jurisdictione . Tr. 7. cap.  
1. n. 7.

## G

### GABELLA.

**R**egulares utriusque sexus à solu-  
tione gabellarum sunt exem-  
pti . T. 7. c. 15. n. 10.

### GENERALIS.

Quoad potestatem Ordinariam , &  
directivam . T. 2. c. 1. 2.

Quoad potestatem coercitivam . T. 3.  
cap. 3.

Quoad potestatem reservandi casus .  
*ibidem* cap. 4.

Quoad potestatem excommunicandi ,  
& absolvendi ab excommunicat.

etiam reservatis . *ibidem* cap. 5.

Quoad potestatem dispensandi in ge-  
nere . *ibidem* cap. 6.

Quoad potestatem dispensandi super  
irregularitatibus . *ibid.* cap. 7.

Quoad irritationem , commutatio-

nem , & dispensationem Votorum ,  
etiam

etiam juramento firmatorum . *ibid.*  
cap. 8.

**GUARDIANI.**

Ordinis Min. nequeunt sibi reservare  
casus T. 4 c. 3. n. 1.

Nec sibi eligere Confessarium intra  
Ordinem infra ætatem triginta an-  
norum . n. 12.

Abolvere possunt a censuris, exceptis  
excipiendis & dispensare à pœnis  
aliquibus c. 5. n. 3. 4. & 5.

Corporalia benedicere possunt. Tr.  
5 c. 1. n. 3.

An possint absolvere ab Excommuni-  
catione Canonis - *Si quis suaden-*  
*t* & c. Tr. 6. c. 1. p. 29.

**H**

**HOSPITUM.**

**A**D Hospitia fundanda servandæ  
sunt Constitutiones pro funda-  
tione Conventuum . Tr. 7. c. 13. n. 7.

**I**

**IMMUNITAS.**

**P**er violationem Immunitatis Ec-  
clesiasticæ quid intelligatur. Tr.  
6. c. 4. n.

**INDULGENTIÆ.**

Quænam Indulgentiæ sunt à Paulo V.  
Regularibus concessæ. Tr. 7. c. 8 n. 1.

Quid sentiendum de revocatis. n. 2.  
Indulgentiæ locales non fuerunt re-  
vocatæ. n. 3.

Neque pro Defunctis concessæ. n. 4.  
Indulgentia Portiunculæ non fuit re-  
vocata. n. 5.

Pro Vivis & Defunctis est applicabi-  
lis . *ibid.*

Indulgentia quotidiana Fratribus Mi-  
noribus concessa. n. 7. & 8.

Indulgentia Coronæ B. M. V. n. 9.

Tertiarii gaudent Indulgentiis præ-  
priorum Ord. n. 10.

Chordigeri Indulgentiis Fratrum.  
Min. gaudent. n. 11.

Indulgentia Viæ Crucis. n. 12. & seq.

Indulgentia plenaria pro Defunctis  
applicanda à FF. Minoribus. n. 15.

Indulgentia pro Fratribus Minoribus  
tertiarii partem Rosarii recitantibus. n. 16.

Quomodo Fratres Infirmi lucrari  
possunt Indulgentias. n. 18.

Indulgentia plenaria pro peragenti-  
bus Spiritualia exercitia. n. 19.

In Ecclesiis Monialium Ordinariis  
subjectarum acquiriti possunt. Indul-  
gentiæ Fratrum Ecclesiis con-  
cessæ. n. 20.

Indulgentia pro vacantibus orationi  
mentali. n. 21. & 22.

Indulgentia pro recitantibus, aut af-  
sistentibus Officio Immaculatæ Con-  
ceptionis. n. 23. & 24.

Indulgentiæ apocryphæ. n. 26.

**INFAMIA.**

Infamiæ pœna nullo pacto potest in-  
fligi à Generali, aut Provinciali. Tr.  
3. c. 2. n. 2.

**INHABILITAS.**

Quid sit. Tract. 4. c. 6. n. 6.

**INTERDICTUM.**

Regularium Ecclesiæ quando possunt  
Interdicto supponi à Locorum Or-  
dinariis. T. 7. c. 3. n. 9.

Quo-

Quomodo Regulares teneantur servare Interdictum . n. 10.

Quod Privilegium habent PP. Minores tempore Interdicti . n. 11.

Regulares tempore Interdicti quos possunt admittere ad Divina celebranda . n. 12.

### INTERSTITIA.

Regulares ab Episcopis super Interstitiis dispensari debent . Tr. 7. c. 4. n. 6.

### IRREGULARITAS.

Quid , & quotuplex sit . Tr. 2. c. 7. n. 1. Tr. 3. c. 6. n. 1. & 2.

Quotuplex sit ex defectu , & quotuplex ex delicto . n. 2.

Dispensare ab Irregularitate quis possit . Vide Generalis, Provincialis, Localis.

### IRRITATIO.

Quznam differentia sit inter Irritationem, commutationem, & dispensationem votorum . Tr. 4. c. 3. n. 2.

### ITINERANTES.

Itinerantes vel extra Conventum manentes, quibus confiteri possint . Tract. 6. cap. 1. n. 10. & 11.

An a reservatis absolvi n. 12.

Nequeunt itinerantes eligere in Confessarium Sacerdotem non approbatum . n. 13.

Si sint duo simplices Sacerdotes itinerantes quid ? n. 14.

Quid respectu Fratrum alterius Provinciae . n. 16.

Si precise ambulent ut extra Ordinem

consecrantur an gaudeant privilegio itinerantium . n. 18.

An gaudeant cum primario intendunt opus onustum . vel uti . n. 19.

Fugitivi, & Apostatae nequeunt itinerantium privilegio uti . n. 20.

Quid si necessitate aliqua cogantur tam fugitivi , quam data opera itinerantes . n. 21.

An possint de licentia Superiorum se subicere Episcopis pro absolutione . num. 22.

Non coguntur eligere Confessarium ab Ordinario approbatum tempore Jubilaei . n. 23.

## L

### LEGATUS.

Legati D. Papae confessarios Regulares pro Regularibus inducere valent . Tr. 6. c. 1. n. 2.

### LEGATUM.

Legatum pro Monachatu relictum quomodo possit Tertiariae conferri . Tr. 7. c. 3. n. 17.

### LEX.

A Lege diocesana Episcoporum Regulares sunt exempti . Tr. 7. cap. 2. num. 1.

### LIBER.

Libros imprimere nequeunt Regulares absque Ordinarii approbatione . Tr. 7. c. 4. n. 1.

MA.

## M

## MARE MAGNUM.

**Q**uid fit. Tr. 1. c. 1. n. 10.

## MENDICATIO.

Ordinarii Locorum nequeunt impedire Regularibus mendicationem. Tr. 7. c. 2. n. 7.

Mendicantes extra districtus Conventuum, tenentur locorum Ordinariis facultatem Superiorum ostendere. *ibid.*

Quid extra Diocesim. *ibid.*

Mendicantium Ordinibus liberum est mendicare. n. 8.

Eisque licita, & meritoria est mendicatio. n. 9.

Mendicatio facta sine necessitate ad quid obliget Regulares. *ibid.*

## MISSA.

Missas celebrare debet subditis ad intentionem Superioris Localis. Tr. 4. c. 1. n. 8.

Missarum onera reducere, & moderari nequeunt Superiores Regulares. Tr. 5. c. 3. n. 1. 3.

Missarum reductio uni Conventui concessa non extenditur ad alios. *num. 2.*

Preceptum audiendi Missam impleri potest in Ecclesia Regularium. Tr. 7. c. 6. n. 1.

Missae privilegiatae pro defunctis Fratribus, & Monialibus Ordinis. *Min. c. 8. n. 17.*

Privilegia Regularium quoad tempus celebrandi Missam. c. 12. n. 1.

Decretum concernens loca celebrandi Missam. n. 2.

Ignoti Sacerdotes Sæculares quando admitti possunt ad celebrandum in Ecclesiis Regular. n. 4.

## MONASTERIUM.

In Monasterii destructione quando amittuntur privilegia. Tr. 1. c. 1. n. 12.

Clerici Sæculares delinquentes in Monasteriis Regularium non incurrunct penas ab Episcopis latas. Tr. 7. c. 3. n. 5.

## MONIALIS.

Subjecta Ordinario non potest Superiore Regul. absolvi absque Ordinarii facultate. Tr. 3. c. 4. n. 10.

Monialium Confessarii quam approbationem habere debeant. Tr. 6. c. 6. n. 1. & 2.

Ad triennium a Superiore deputati nequeunt dumtaxat ad annum ab Episcopo approbari. n. 3.

Monialium Confessarii nequeunt ultra triennium deputari a Superioribus. n. 4.

Quid si antecedenter per menses, aut dies aliquot Monialibus inservierint. n. 5.

Quæ ætas requiratur in Monialium confessoribus. n. 6.

Monialibus extraordinarius quando est concedendus. n. 7. & 9.

Ad Monialium Ecclesias nequit accedere Ordinarius Confessarius eo tempore quo extraordinarius inservit. n. 8.

Quomodo uti possint extraordinario per mensem deputato ut semel in heodmada Confessiones excipere possit. n. 10. Pro.

Pro unica vice deputatus quomodo interrumpere potest. n. 12.

In Monialium negotiis temporalibus se immiscere non debent Confessarii. n. 12.

Monialium Monasteria ingredi non possunt funerum occasione. n. 13.

Moniales an habeant electionem.

Confessarii tempore Jubilæi. n. 14.

Moniales quo ad casum reservationem dependent ab Ordinariis, vel

Prælati Regularibus quibus subsunt. n. 15.

A quibus casibus absolvi possint a Confessariis propriis. n. 16. & 17.

An pro reservatis immediate, vel mediate recurrere debeant ad S. Sedem. n. 18.

Quo ad votorum simplicium commutationem ac dispensationem dependent a Superioribus quibus subsunt. n. 19.

Alloqui cum Monialibus absque licentia Episcopi est prohibitum Regularibus. Tr. 7. c. 4. n. 16.

Moniales 3. Ordinis Episcopis subiecti non gaudent Ordinis privilegiis cap. 5. n. 15.

Superiores Regulares nequeunt subdere Episcopis moniales sibi subiectas. n. 16.

In Monialium Ecclesiis non possunt Sæcularium corpora sepeliri. cap. 6. n. 9.

Non subditur casibus reservatis Episcopo, nec Superioribus Ordinis.

T. 3. c. 4. n. 12.

Possunt sibi eligere sepulturam. Tr. 7. c. 6. n. 18.

Extra Claustra decedentes ad quam Ecclesiam deferri debeant. n. 19.

## O

## OFFICIUM DIVINUM.

Effectus involuntarii in recitando commissi quomodo suppleri possunt à Regularibus. Tr. 7. c. 10. n. 1. & seq.

Ad quid possit Officium recitatur oratio. *Sacr. sancta*. n. 5.

Regularibus quando commutari potest Officii Divini recitatio. n. 6.

Quomodo infirmis. n. 7. & 8.

Quas Indulgentias lucrantur Regulares recitando Divinum Officium. n. 10.

## ORACULUM.

Vivæ vocis oracula Rom. Pont. scriptura non indigent. Tr. 1. c. 7. n. 2. Sunt ejusdem efficaciz quam Bullæ ad perpetuam rei memoriam. n. 3.

Quomodo etiam dicantur majoris efficaciz. *ibid.*

Quomodo, & à quibus Pontificibus revocata fuerunt. n. 4.

Quænam fuerunt revocata. *ibid.* n. 5. & 16.

A quibus Pontificibus fuerunt in privilegia Bullata confirmata. *ibid.* & seq.

Quæ concernunt Indulgentias non fuerunt revocata. n. 9.

Quæ

## N

## NOVITIUS.

Absolutus à Censuris, & dispensatus ab Irregularitatibus Quid agere debet si non profiteatur. T. 2. c. 7. n. 18.



Quæ sunt declarativa non fuerunt revocata . n. 10.

Nec illa quæ sortita fuerunt suum effectum . n. 11.

Nec quæ per Officiales Papæ fuerunt testificata . n. 12.

Quæ extendunt , & communicant privilegia non dicuntur vivæ vocis oracula . n. 14.

Generales , & Provinciales quid possint circa vivæ vocis oracula . n. 15.

### ORATORIUM.

Ad celebrandum ubi possunt illud habere Regulares . Tr. 7. c. 1. n. 10. & 11.

### ORDINARIUS.

Quinam intelligantur nomine Ordinarii . Tr. 7. c. 1. n. 1.

Regulares quæ in personam Ordinariorum delinquant possunt ab ipsis legitime puniri . c. 4. n. 18.

### ORDINATIO.

Sede vacante quomodo Superiores Subditos suos ad ordinationem mittere debent . Tr. 7. c. 4. n. 2. 4.

## P

### PAPA.

Potest eximere Sæculares , & Regulares ab Episcoporum jurisdictione . T. 7. c. 1. n. 3.

### PAROCHUS.

An sit expectandus in associatione cadaveris ad Ecclesias Regularium . T. 7. c. 6. n. 8.

An quid plus exigere possit ab eo qui

sepelitur in Ecclesia Regularium . n. 11.

### PŒNITENTIARIUS.

Pœnitentiarius D. Papæ omnes Regulares confiteri possunt . T. 4. c. 3. n. 7.

### PEREGRINI.

Decedentes in Domibus Regularium ubi sunt sepeliendi . T. 7. c. 6. n. 34.

### PRÆCEDENTIA.

Quid sit . Tr. 7. c. 14. n. 1.

Quomodo servanda inter Regulares . n. 2. & seq.

Plures Conventus in eodem loco unus alteri communicant jus præcedendi . n. 6.

Quæ præcedentia competat Minoribus Reformatis . n. 7.

Laici Ord. Minorum Clericos præcedere nequeunt . n. 8.

Laici ad statum Clericalem transeuntes quomodo Clericos præcedunt.

### PRÆLATUS.

Quinam sint Prælati Regulares . Tr. 2. cap. 1. n. 1.

Quæ eorum auctoritas . n. 2.

Præsidentes independentes sunt vere Prælati . n. 3.

Non sic Vicarii dependentes . n. 4.

Nisi in absentia Superiorum . *ibid.*

Prælatorum Potestas est de jure Divino , & humano . n. 5.

Possunt eam delegare . n. 6.

Majores possunt ex juxta causa Inferiorum potestatem limitare . n. 7.

Quantum se extendat eorum Potestas Benedicendi , & consecrandi . Tr. 7. cap. 2. n. 1.

Pixides benedicere valent. n. 2.  
 In quibus usus Pontificalium requiritur nil potest prælatus Regularis non Abbas. n. 6.  
 Prælati majores Dimissorias subditis concedere valent ad S. Ordines suscipiendos. cap. 2. n. 1.  
 Ad quem dirigere debeant Dimissorias. n. 2. & 3. & 19.  
 Non potest dispensare in Interstitiis. num. 7.  
 Bene vero ut Ordinentur extra Tempora. n. 8.  
 Nequeunt moderari. aut reducere Onera Missarum. cap. 3. n. 1.  
 Alienare nequeunt Monasteriorum bona mobilia; vel immobilia. c. 4. n. 42.  
 Nec transferre bona unius Monasterii ad aliud. n. 3.  
 Alienare possunt mobilia non prætoriosa. n. 4.  
 Alienando cum protestatione pœnas non incurrunt. n. 5.  
 Qua solemnitate uti debeant in alienando. n. 6.  
 Nequeunt constringere subditos ad sibi confisendum Sacramentaliter. Tract. 6. cap. 1. n. 7.  
 Peccant mortaliter si subditos non examinatos, nec idoneos prædicare permittant. Tr. 6. c. 7. n. 1.  
 Protector Ordinis inter officiales Papæ numeratur respectu eorum, quæ bonum Ordinis respiciunt. Tr. 1. cap. 7. n. 13.  
**PRÆSCRIPTIO.**  
 Quid sit, & quid ad eam requiratur. Tr. 1. cap. 5. n. 2.  
**PRIVATIO.**  
 Vocis activæ, & passivæ quid sit. Tr. 4. cap. 6. n. 6.  
 Activum legitimorum quid importet. *ibid.*

**PRIVILEGIUM.**

Quid sit. Tr. 1. c. 1. n. 1.  
 Quotuplex sit. n. 2. & seqq.  
 Regularibus pro utroque foro conceduntur. n. 5.  
 Quid requiratur ad ejus valorem. num. 6.  
 Promulgatio, & acceptatio sunt de ejus substantia. n. 7.  
 Consuetudo immemorabilis, & præscripta censetur privilegium. n. 8.  
 Privilegiorum transumptis quæ fides danda. n. 9.  
 Privilegii scriptura deperdita quid faciendum sit. n. 11.  
 In Monasterii destructione quando amittuntur privilegia. n. 12.  
 Quomodo extendantur. *ibid.* cap. 2. n. 1.  
 In favorabilibus concessa Fratribus extenduntur ad Moniales. n. 2.  
 Ad Novitios. n. 3.  
 Ad Tertiarios. n. 4.  
 Regularis ad Episcopatum assumptus quibus gaudet privilegio. n. 5.  
 Regularium privilegia nequeunt judicialiter interpretari a Prælati Ecclesiasticis. n. 6.  
 Bene vero a Prælati Regularibus. *ibidem.*  
 Doctrinaliter a quibus, & quomodo interpretanda sunt. n. 7.  
 Dubbia, & obscura quomodo interpretanda. n. 8.  
 Motu proprio concessa quomodo interpretanda. n. 9.  
 Ad interpretanda privilegia quid sit attendendum. n. 10.  
 Dubbius de voluntate Privilegiantis quid attendere debet. n. 11.  
 Favorabilia quomodo extendantur. n. 12.  
 Epi-

Episcopus non consecratus gaudet privilegiis. *n. 12.*

Privilegium est Interpretandum ad favorem privilegiati. *n. 13.*

Privilegia quisnam concedere queat. *c. 3. n. 1.*

Judicare de privil. a Pont. concessis an possint Inferiores. *ibid. n. 6.*

Sæculares Principes quænam privilegia concedere queant. *ibid. n. 7.*

Praelati Inferiores Ecclesiastici quomodo concedere possunt privilegia. *n. 8.*

Quid officere possit concessioni privilegiorum. *n. 9.*

Cur Regularibus tot sint concessa privilegia. *cap. 4. n. 1.*

# PRIVILEGIORUM CONFIRMATIO.

Quinam Pontifices privilegia Regularibus confirmarunt. *n. 2.*

Confirmatio privilegiorum quid sit. *n. 3.*

Quotuplex sit. *n. 4.*

Differentia inter duplicem confirmationem. *n. 5.*

Privilegia per non usum amittuntur. *num. 6.*

Quid attendendum sit in Bullis confirmativis privilegiorum. *n. 3.*

Confirmatio privilegiorum quomodo communicatur aliis. *num. 9. & seqq.*

Quid requiratur ad validitatem confirmationis privilegiorum. *n. 11.*

Quid importent clausulæ in Bullis privilegiorum appositæ. *n. 12. & seqq. & 21.*

Quænam sint privilegia per Tridentinum revocata. *n. 15.*

Privilegiis revocatis uti nequeunt Regulares neque in foro interno. *num. 16.*

Ordinarii Locorum tenentur defendere privilegia Regularium. *n. 17.*

Praelati Regulares quomodo possint privilegia subditis limitare. *n. 18.*

Regulares quando teneantur uti privilegiis. *n. 19.*

Ignorantia illius, cui conceditur privilegium non officit Privilegio. *n. 20.*

Privilegium quomodo & quando cessat. *cap. 5. n. 1. & seqq.*

Privilegium absolute concessum non expirat morte concedentis. *n. 5.*

Quandonam privilegiis remunerari possit. *n. 6.*

Quid requiratur ad hoc. *ibid.*

Regularium privilegia quando amittuntur. *n. 7. & seqq.*

Privilegia negativa per contrarium usum amittuntur. *n. 10.*

Quid ad hoc requiratur. *n. 11.*

Privilegia per abusum amittuntur. *num. 12.*

Etiam in extrema necessitate. *n. 13.*

Inter privilegia contraria novum destruit antiquum. *n. 14.*

Quisnam possit privilegia revocare, & quomodo. *ibid. cap. 6. n. 1.*

Damnum possum in revocatione privilegii an sit compensandum. *n. 2.*

Regulares in foundationibus privilegiis renuntiare nequeunt. *n. 3.*

Peccant Locorum Ordinarii cogentes Regulares ad renunciandum privilegiis in foundationibus. *ibid.*

Per generalem privilegiorum revocationem non intelliguntur revocata illa Regularium. *n. 4.*

Quid requiratur ad revocanda Regularium.

larium privilegia . *num. 5.*  
 Perquam Clausulam derogetur Regularium Privilegiis . *n. 6.*  
 Quomodo intelligenda Clausula dummodo nam sint revocata . *n. 7.*  
 Sæculares Principes nequeunt revocare privilegia Ecclesiæ, ejusque Ministris concessa . *n. 8.*  
 Subreptitiæ obteuta, possunt a Principe Sæculari revocari . *n. 9.*  
 Concessum per modum onerosi contractus potest ex juxta causa a Principe revocari . *n. 10.*  
 Remuneratoria nec in casu necessitatis possunt revocari . *n. 11.*  
 Ex benevolentia, & gratitudine concessa possunt ex juxta causa revocari . *n. 12.*  
 Quomodo revocari possunt privilegia Bullæ Cruciatæ . *n. 13.*  
 Illa Ordinum Mendicantium non suspenduntur per Bullam Cruciatæ . *n. 14.*  
 Quæ secundario respiciunt Sæculares non suspenduntur per Bullam Cruciatæ . *n. 15.*  
 Bene vero si eos principaliter respiciant . *ibid.*  
 Quæ & quomodo privilegia Regularium suspendantur Anno Jubilæi . *num. 16.*  
 Quæ respiciunt forum Internum non tolluntur per Bullam Cœnz . *n. 17.*  
 Violantes privilegia Regularium, quasnam pœnas incurrant . *ibidem cap. 10. n. 1. & seq.*  
 In aliquibus casibus violantes puniuntur ab Inquisitoribus Locorum . *n. 7.*

#### PROCESSIO.

Ad quasnam Processiones teneantur Regulares . *T. 7. c. 2. n. 6. & c. 4. n. 13.*

Quomodo Regulares facere possunt Processiones privatas extra Clausura . *n. 14.*  
 Nolentes accedere ad processiones publicas quomodo possint compelli . *n. 15.*

#### PROFESSIO.

In Religiosa professione quid acquiratur . *T. 7. c. 15. n. 1.*  
 Quomodo per professionem religiosam tollitur Irregularitas ex defectu natalium . *n. 2.*  
 Dissolvuntur Sponsalia, & Matrimonium non consummatum . *n. 3.*  
 Quæ maculæ tolluntur . *n. 4.*  
 Quæ vota cessant . *n. 5.*  
 Inducit privilegium Canonis . *n. 6. & seq.*  
 Similiter privilegium fori . *n. 8.*

#### PROVINCIALIS.

Quoad potestatem Ordinariam . *Tr. 3 cap. 1.*  
 Quoad potestatem directivam . *ibidem cap. 2.*  
 Quoad potestatem coercitivam . *ibidem cap. 3.*  
 Quoad potestatem reservandi casus . *ibidem cap. 4.*  
 Quoad potestatem absolvendi à reservatis, & à censuris . *ibidem cap. 5.*  
 Quoad potestatem dispensandi in genere . *ibidem cap. 6.*  
 Quoad potestatem dispensandi super irregularitatibus . *ibidem cap. 7.*  
 Quoad irritationem, commutationem, & dispensationem Votorum, etiam juramento firmatorum . *ibidem cap. 8.*

Q. Quar.

## Q

## QUARTA FUNERALIS.

**Q**uam sit. *Tract. 7. cap. 7. n. 1. & 11.*

*An Regulares ab ea sint exempti. n. 2. & seq.*

Pro Novitiis defunctis non est quarta solvenda. *n. 8.*

Quæ Tertiariæ ab ea eximantur. *n. 9.*  
Quid de Peregrinis, & Viatoribus. *n. 10.*

Cogentes exemptos ad Quartam solvendam. quam poenam incurrunt. *n. 11.*

In solutione servanda est consuetudo. *n. 13.*

Cui nam incumbit probare obligationem solvendi. *n. 14.*

An quid plus exigi possit à tumulandis in Ecclesiis Regularium. *n. 16.*

## R

## REGULARIS.

**R**egulares exempti non tenentur ad Legem Diocesanam Episcoporum. *T. 7. c. 2. n. 1.*

Neque accedere ad Synodum Diocesanam nisi curam Animarum exercent. *n. 2.*

Regulares curam Animarum habentes tenentur ad Synodos Diocesanas, & Concilia Provincialia accedere. *n. 3.*

Quid si curam exercent per Vicarium Sæcularem ab Episcopo approbatum. *ibid.*

Nequeunt conveniri coram Locorum

Ordinariis, nec ab eis puniri. *cap.*

*3. n. 1.*

Contra Regulares delinquentes extra Claustra quid possint Episcopi. *n. 2. & 4.*

Degentes extra Claustra possunt ab Episcopis visitari, & corrigi. *n. 3.*

Regulares ab Ordinariis locorum nequeunt excommunicari, suspendi, aut interdicti. *n. 6.*

Nisi Animarum Curam habeant. *ibid.*  
Regulares quando possunt coram Ordinariis conveniri. *cap. 4. n. 3.*

An possint renunciare privilegio sepeliendi defunctorum cadavera. *c. 6. n. 7.*

Regulares ubi, & quomodo sepeliri queant. *n. 15. & seq.*

Quando pro seipsis sepulturam eligere valent. *n. 17.*

## RESIDENTIA.

Nequeunt Superiores Provinciales & Locales à Residentia dispensari, sine causa. *T. 3. c. 7. n. 8.*

## REVOCATIO.

## PRIVILEGIORUM.

Quænam sint privilegia per Tridentinum revocata. *T. 1. cap. 4. n. 1.*

Privilegiis revocatis uti nequeunt Regulares nec in foro interno. *ibid. n. 16.*

Quisnam possit privilegia revocare, & quomodo. *ibid. cap. 6. n. 1.*

Damnum patum in revocatione privilegii an sit compensandum. *n. 2.*

In foundationibus Regulares privilegiis renunciare nequeunt. *n. 3.*

Peccant Ordinarii Locorum ad id cogentes. *ibid.*

*Res.*

Per generalem privilegiorum revocationem non intelliguntur revocata illa Regularium . *n.* 4.

Quid requiratur ad revocanda privilegia Regularium . *n.* 5.

Quomodo intelligenda Clausula . . .

Quomodo non sint revocata . *n.* 7.

Sæculares Principes nequeunt revocare privilegia Ecclesiæ ejusque Ministris concessa . *n.* 8.

Subreptitiè obtemperare possunt à Principibus Sæcularibus revocari . *n.* 9.

Concessa per modum onerosi contractus potest ex justa causa à Principe revocari . *n.* 10.

Ex benevolentia , & gratitudine concessa possunt ex juxta causa revocari . *n.* 12.

Remuneratoria nec in casu necessitatis possunt . *n.* 11.

Quomodo revocari possunt privilegia Bullæ Cruciatæ . *n.* 13.

Quomodo , & à quibus Pontificibus revocata fuerunt vivæ vocis Oracula . *ibid.* cap. 7. *n.* 4.

Quænam fuerunt revocata . *n.* 5. & 16.

Indulgentiæ non fuerunt revocata generaliter . *n.* 9.

Neque declarativa privilegiorum . . . *num.* 10.

Nec quæ sortita fuerunt effectum suum . *n.* 11.

Nec quæ per Officiales Papæ fuerunt testificata . *n.* 12.

## S

### SCIENTIA CERTA.

Quid importet clausula . Ex certa scientia in Bullis Romanis . Pont. T. 1. c. 4. *n.* 6. & seq.

### SCRIPTURA.

Si scriptura privilegii deperdatur quid faciendum sit . Tr. 1. c. 1. *n.* 11.

### SÆCULARES.

Cogi nequeunt ad confitenda peccata sua Parochis . T. 7 c. 6. *n.* 2.

Nec Clerici , nec Laici tenentur obedire præceptis contra Regularium privilegia impositis . *n.* 3.

Obediendo graviter peccant . *n.* 4.

Eligere possunt sepulturam in Ecclesiis Regularium . *n.* 5. 6. & 8.

### SEPULTURA.

Quantum distare debet ab Altari . Tr. 7 c. 6. *n.* 10.

Inducentes ad electionem Sepulturæ cuiusdam præceptis subiiciantur . *num.* 22. & 24.

Ad construendas Sepulturas in Ecclesiis Regularium quid requiratur . *n.* 27.

Quas Indulgentias licentur eligentes sepeliri cum habito Regulari . *n.* 12. & seq.

### SURDITUS.

Commutare potest votum suum simplex in evidenter melius , non autem in æquale . Tr. 3 c. 8. *n.* 18. & T. 4 c. 6. *n.* 17.

Non potest impediri à Prælato , ne utatur dispensatione à Sede Apostolica impetrata . T. 4 c. 2. *n.* 11.

Missi ad partes Infidelium quando possit Ecclesiis , & Sacra Utenilia benedicere . T. 5 c. 1. *n.* 8.

### SUPERIOR LOCALIS.

Quoad potestatem ordinariam , & directivam . Tract. 4. cap. 1.

Quoad potestatem coercitivam . *ibid.* cap. 2.

Quoad potestatem circa casus reservados . *ibid.* cap. 3.

Quoad

Quoad potestatem absolvendi à re-  
servatis, & ab excommunicationi-  
bus, exceptis excipiendis. *ibid.* c. 4.

Quoad potestatem dispensandi in ge-  
nere. *ibid.* cap. 5.

Quoad potestatem dispensandi super  
aliquibus irregularitatibus. *ibid.* c. 6.

Quoad irritationem, commutatio-  
nem, & dispensationem Votorum.  
suorum subditorum. *ibid.* cap. 7.

## S U S P E N S I O.

Privilegia Ord. Mendicantium non  
suspenduntur per Bullam Crucia-  
tis. *Tr. 1. cap. 6. n. 14.*

Quæ primario respiciunt Sæculares  
suspenduntur, non vero, quæ tan-  
tum secundario. *ibid.* n. 15.

Quæ & quomodo suspenduntur An-  
no Jubilæi. *n. 16.*

Quæ respiciunt forum internum non  
suspenduntur per Bullam Cœne.  
*n. 17.*

## S Y N D I C U S.

Syndici PP. Minorum gaudent privi-  
legio fori. *Tr. 7. c. 9. n. 1.*

Fruantur spiritualibus gratiis, qui-  
bus gaudent Fratres. *n. 3.*

Conveniri debent eorum Judice con-  
servatore. *n. 4. & 5.*

Eorum exemptiones. *n. 6. & seq.*

Unus tantum pro quolibet Conventu  
privilegiis gaudet. *n. 11.*

## T

## T E R T I A R I U S.

Quis fuerit Tertiarius Institutor primus. *Tr. 7. c. 5. n. 1.*

Quot sunt Tertiariorum genera. *n. 2. & seq.*

Tertiariorum Congregatio non po-

test ab Episcopis visitari. *n. 6.*

Quæ Tertiariarum privilegiis gaudeant.  
*n. 8. & 9.*

Quinam à jurisdictione Ordinatio-  
rum sint exempti. *n. 10.*

Tertiariis mere Sæculares quomodo  
Ordinis jurisdictioni subsunt. *n. 11.*

Habitantes in propriis Domibus pos-  
sunt habere Superiores. *n. 12.*

Tertiariarum votum castitatis emittentes  
quibus privilegiis gaudeant. *n. 14.*

Possumt sibi eligere Sepulturam Ter-  
tarii commensales. *c. 6. n. 18.*

Quid agendum de prædictis extra  
Clausula decedentibus. *n. 19.*

## T R A N S U M P T U M.

Privilegiorum Transumptis, quæ si-  
des danda. *Tr. 1. cap. 1. n. 9.*

## V

## V I O L A T I O.

Violantes Regularium privilegia  
quasnam penas incurrant. *Tr. 1. c. 10. n. 1. & seq.*

In aliquibus casibus contra tales vio-  
lantes procedunt Inquisitores lo-  
corum. *n. 7.*

## V I S I T A T I O.

Ad quid se extendat absolutio, & dis-  
pensatio, quæ in visitationibus à  
Prælatiis dantur. *Tr. 2. c. 6. n. 10.*  
Ecclesiæ, & Oratoria Regularium,  
nequeunt ab Ordinariis visitari.  
*Tr. 7. c. 1. n. 12. & 13.*

Quid visitare possunt Episcopi in Ec-  
clesiis Regularium curam Animarum  
habentium. *n. 16.*

An possint visitare sub prætextu ne-  
gli-

gigentia Superiorum Regula-  
rium? n. 17.  
Vistatio Clausuræ Monialium exem-  
ptarum competit Episcopis cumu-  
lative cum Superioribus Regulari-  
bus. n. 21.  
Quid possint Episcopi in vistanda  
Clausura Monialium exemptarum.  
num. 22.

## VOTUM.

Quod modis tollitur. Tr. 2. c. 8. n. 1.  
Tr. 3. c. 8.  
Quænam differentia est inter irrita-  
re, commutare, & dispensare. n. 2.  
Tr. 17.  
Ad irritandum vota nulla requiritur  
causa. n. 3.  
Quæ requiratur ad commutandum &  
Dispensandum. *ibid.*  
Subditorum vota simplicia a Genera-  
li, & Provinciali irritari possunt.  
n. 4 & 9.  
Tam in actu Sacramentalis Confes-  
sionis quam extra. n. 11.  
Eamque aliis delegare. *ibid.*  
Delegatus debet eam exercere in actu  
Sacramentalis confessionis. *ibid.*  
Potest inhibere subdito ne vota sim-

plicia emitat absque licentia. n. 5.  
Emissa cum ejus licentia nequit irri-  
tare. n. 6.  
Emissa Tempore subjectionis potest  
irritare. n. 7. & 8.  
Quid possit circa Novitiorum vota.  
n. 10. & 15.  
Generalis, & Provincialis possunt  
commutare, & dispensare omnia  
vota simplicia etiam juramento fir-  
mata. n. 12. & 16.  
Quid in voto transendi ad actiorem  
*ibid.*  
An in voto peregrinationis Roma-  
næ &c. *ibid.* Tr. 5.  
Quid in votorum commutatione at-  
tendi debet. n. 13.  
Quid si dubitet de juxta causa in dis-  
pensando. n. 14. & 15.  
Subditus per se commutare potest.  
votum in evidenter melius. n. 18.  
Non autem in æquale. *ibid.*  
An possit redire ad primum votum  
post commutationem. n. 19.  
Dubitans de potestate dispensandi  
votum quid agere debeat. n. 20.  
Voti dispensatio, & commutatio fie-  
ri debet verbis Claris. n. 21.

LAUS DEO.









